



LIOTECA NAZ.
ttorio Emanuele III

XV III


A

9


NAPOLI


XXXVIII A 9

~~37 A 37~~











MARCE EUBAEI
IV BOXHORNII
ORATIONES,

Varii Argumenti.

*Series singularum & argumentum statim in
ipso aditu leguntur.*



AMSTELÆDAMI
Ex Officina
JOANNIS JANSONI.

clb lb c. li.



Lectori.



UAs hic videa, Amice lector, uno volumine conjunctas orationes, editasque, non tam nostro judicio dedimus, quā desideriiis aliorum. Neque enim tanti illæ nobis esse videbantur. Et versantur in omnium manibus clarissimorum ætatis nostræ hominum ea in hoc scripturæ genere monumenta, a quorum elegantia ac gravitate hæc nostra, ut ex tempore fere ac prope sine cura scripta, abesse ego scio quam longissime.

sime. Itaque mihi hæc exhibenti nunc tibi ignosce ; qui aliquamdiu aliorum auctoritati obluētatus, tandem eam sequi necesse habui. Errata typographica, quæ & gravia satis & multa esse deprehendi, me ab urbe absente irrepere. Nonnulla eorum notata sunt. Reliqua tu corrige, & V A L E.

Ora-

SERIES
ORATIONUM.
ET
ARGUMENTA.

I. *Ad Henricam Mariam, Magnæ Britannia, Francia, & Hibernia Reginam &c. habita Academia nomine.*

II. *In Nuptias Guilielmi, Principis Arausionensis, & Mariae, Caroli, Magnæ Britannia Regis, filia primogenita.*

III. *De Classe Hispanorum profligatâ A^o. cId Id c xxxix.*

IV. *Ad Belgas, Hispano adhuc parentes, post Sassam Gandavensem a Fæderatis expugnatam.*

V. *De Belgarum Pace.*

VI. *In Obitum Constantini Alexandri, Principis Ostrogia, & Ducis Saslavia, &c.*

VII.

VII. *In Obitum Dominici Molini, Senatoris Veneti, Viri Illustrissimi.*

VIII. *In Obitum Cornelii vander Myle, Viri equestris in Hollandia Ordinis, & Academiae Curatoris.*

IX. *De Historiarum lectione ac usu.*

X. *De Majestate Eloquentiae Romanae.*

XI. *Allocutio Nuptialis ad Guilielmum Goesium, I. C.*

XII. *Allocutio Nuptialis ad Thomam Howardum, Comitem Suffolciae.*

XIII. *De Cornelii Taciti Annalibus.*

XIV. *De Trajano & Panegyrico Plinii.*

XV. *In Obitum Adriani Falco- burgii.*



NOBILISSIMIS

ACADEMIÆ LEIDENSIS BATAVÆ

CURATORIBUS,

AMELIO a BOUCHORST,
WIMMENVMI, ETC. TOPARCHÆ,
ORDINIS EQVESTRIS VIRO, RHE-
NOLANDIÆ, AGGERVMQ. EIVS
PRÆPECTO, GENERALIVM FOED.
BELGII ORDINVM SENATVS AS-
SESSORI:

GERARDO SCHAEF,
AMSTELODAMENSIVM RP. EX-
CONSVLI, FOED. BELGII ORDD.
A CONSILIIS, EXLEGATO;

CORNELIO a BEVEREN,
STREVELSHOECKIÆ, WESTISEL-
MONDÆ, ETC. TOPARCHÆ, REIP.
DORDRECHTANÆ EXCONSVLI,
ET FOED. BELGII ORDINVM EX-
LEGATO.

EORUNDEMQVE COLLEGIS,

VIRIS AMPLISSIMIS,

NICOLAO VANDER MEER,

JOANNI VANDER MAERSCHE,

JACOBO VANDEN BERGH,

CORNELIO VAN BUYTEVEST,

REIP. LEIDENSIS

COSS.

EJUSDEMQUE SYNDICO,

VIRO PRUDENTISSIMO,

JOANNI A WEVELICHOVEN,

JC.

ORATIONES HAS


L. M. Q.

S. F.

MARCUS ZUERIUS BOXHORNIIUS.

MARCI

MARCI ZUERII
BOXHORNII
ORATIONES



MARCI ZVERII BOXHORNII
O R A T I O
P R I M A,

Ad

S E R E N I S S I M A M
H E N R I C A M M A R I A M,

*Magnæ Britanniae, Franciæ, & Hiberniæ
Reginam, Urbem Leidensem, ac in
eâ Academiam subeuntem.*



I quos supremo rerum fastigio divina bonitas imposuit, Augusta, omnium animis, quovis loco, repræsententur, & judicia gentium, sociarum inprimis, haud aliter ac solium domi & ipsam imperii sui sedem, majestate aut beneficiorum memoria semper inhabitent, non jam nuper ad hanc Rempubl. aut hoc primum die ad hanc urbem digressam Te adoramus. qui cum semper alias, ob antiqui nec

A 2 unquam

unquam fracti fœderis necessitudinem, totque ingentia majorum tuorum in nos merita, cum votis rebusque nostris aucta indies & adulta, tum inprimis regalis tui fecunditatem, partim & maximè jam nostram, obstricti Tibi, sceptrata tua eo jampridem cultu prosequimur, quo, tuâ ac imperii tui tot jam annos inconcussâ pace & æternitate cœlo commendatis, nec expectari à nobis major potest, nec à quoquam sanctior offerri. At vero, cum post castrenses meditationes & hujus populi arma ac disciplinam in hostico per hos dies spectata, ad revisendam imperii nostri domesticam pacem, & materna vestigia repetenda, quibus, sicut tuis, nulla unquam hic impressa sunt angustiora, deflectere iterum dignata sis, novis officiis opus est. Augusta. In quorum anxîâ meditatione dum sumus, quibusvis ex veterum aut nostræ ætatis ingenio usive exquisitis, &, ut inferioribus tantâ magnitudine tua, rejectis; ad unum illud tam necessariæ quam

quam simplicis & ingenuæ confessionis
 refugimus ; quod multum sollicitudinis
 aut potius inexplicabilis curæ injiciat
 nobis , vel hoc ipsum modo Majestati
 tuæ debere. Nullam enim prope hanc
 pompam interpretando æstimare , non
 jam in nostrâ , sed clementissimi tui ju-
 dicii potestate est ; cujus iccirco gratiam,
 ne quid jam desit nobis , imploramus.
 Neque interim portæ Tibi hic magis &
 claustra, quam animi, aperiuntur. Et ad
 optatissimi jucundissimique adventus
 tui famam effusa hæc populi multitudo,
 & sedibus suis propemodum urbs emo-
 ta, viæ tuæ forsan sufflamen, nostri tamen
 consensus & in te fidei est argumentum.
 In qua , licet in ipso hic pacis gremio ac
 regno , accincti tot jam cives & armati,
 totidem Majestatis tuæ custodes , agno-
 scunt insuper , & , non aliter ac patriam
 & libertatem , tueri possunt tui magni-
 tudinem beneficii, quæ serenissimam so-
 bolem tuam , illam tot Regum sangui-
 nem, Nassoviorumque domus totiusque

Reipub. supremam nunc spem ac munimentum , donas nobis , & , ut felicissimum sydus , populis ipsa jam ostentas. Equidem cum omnes sic obstrinxeris Tibi, cum in amore in nos tuo, in societate gentis tuæ ac fide , in ipso conspectu tuo , summa omnia reposita esse intelligamus , quid à nobis magis alienum foret , quam si urbes totæ ante ora tua se non offerrent , & exercitu quodam civium Majestatem tuam , velut properè nimis elapsuram , non obsiderent, & regalem curram tuum non paulisper impedirent? Ac , si tua intersit scire , ficut sanè interest plurimum, qui isti sint, quorum officia Majestati tuæ , tuoque sanguini offeruntur , spectas , & , si merentur fidem, qui sentiunt majora, quam loquuntur , agnoscis hic tuos, qui cum Rhenum istum innocentem sanguine Tagus inquinaret , plerisque desperantibus bene sperare ausi de extinctâ propemodum libertate, cum potentissimum hostem mœnibus excluderent , nec interim

terim arcere possent famem inusitatam , ipsa urbis viscera tum depascentem , ætis constantiâ in fugam hostibus, omnis ævi pulcherrimum facinus edidere. Quæ in laudem nostram jam non adferimus , cujusmodi orationem tua sibi soli nunc vendicat Majestas , sed ut constantiæ fidem faciamus. Progredere tamen , sed lento, & subinde impedito gradu, Augusta. Patere, ut eorum oculi latientur, quorum animos implesti ; si modo privatorum ora sustinere queant illum serenissimi vultus tui fulgorem ; aut eorum satietas esse possit , quæ quo inspecta diutius, tanto angustiora offeruntur. Hic tamen, in hac Rhæni nostri ripa , substrata nunc , & , velut sensu aliquo Majestatis tuæ & hujus desiderii nostri tacta , supplice Tibi , paululum detineri Te patieris , Augusta ; in hac æde, si quidem alia spectas, sublimitate tua longe inferiore; sin vero arcana sacra & ipsa penetralia loci, si hospitium Famæ, si Musarum regnum, nunc famulantium Tibi , si do-

A + mici-

micilium æternitatis, si denique soli Majestatis tuæ sanctissimæ venerationi, velut numinis, nunc intentum, Palatiis Regum, & quibusvis templis, quæ & Reges subeunt, non minore. Assurgimus nos quidem ad illos iidem ante tot sæcula Musis habitatos Oxoniæ tuæ & Cantabrigiæ colles; sed & hic docent, ac discunt & hinc etiam ad Te redeunt tui; & majorum tuorum augustissima exempla, antiqua cum Græcis & Romanis, recentia cum antiquis, sed ut majora, contenduntur. Tua etiam, clementiæ & civilitatis cumprimis, quâ tanto altius se Principes extollunt, quanto propius descendunt ad vota privatorum, posthac etiam, quod unum possumus, memoriæ hominum & imitationi hic tradituri sumus. Quod si vero nec petere id vobis liceat, nec sperare, certe pietati nostræ ita fave, ut in ipso transitu conjectis saltem huc oculis, si aut huc convertendi sint quos ipsa habitat Majestàs, aut non animi hic potius usus sit, omnium
ja-

jucundissimo spectaculo Te perfundas. Si enim more majorum receptum sit, rara quæque & invisitata adspectui Principum offerre, & ad Amstelæ, velut divitis cujusdam Tagi, ripam, inter oblectationes tuas alieni orbis spectatæ tot opes fuerint, non minora hic agnosce, Augusta: Parnassum Græciæ & Pindum, tua superbum Majestate, tuisque nunc laudibus resonantem; Hierosolymas non excisas, surgentes Athenas, denique urbium dominam collibus suis prope-modum ejectam, & hic florentem, nisi quod nobis quidem nihil præter Majestatis tuæ præsentiam, se hic jam offerat commendandum. Agnosce obiter tamen istius Rheni nostri, non jam minori, quam olim, gloria fluentis latissimos insultus & stridores; qui à sexaginta retro annis Tiberi ipso, & Oronte, & Euphrate, & ejusmodi dissitis fluminibus auctus, jam multo quam ante obruto ostio acrius irascitur, & tanto aquarum comitatu perrumpere illud, & trajicere

Oceanum non minus tuum, quam Septentrionis, gettit, ut Britanniae tuae rigatorem Tamesim, non ut socium & contubernalem, sed necessarium & maritali sibi vinculo connexum, conveniat, & illa urna sua, non jam arundine aut musco, sed nuptiali corona redimita, reddat & Carolo tuo tradat, ac per tot gentes tuas spargat, hujus diei & duraturam nostram in Te pietatem. Agnoscis enim, quæ hic offerimus Tibi, famæ instrumenta ac æternitatis; quibus, velut clypeo & parma adversus injurias oblivionis & temporum armati, futura sæcula intrabimus, & posteris Te, Augusta, ac tua tradituri sumus; Divorum Henrici, parentis tui, Elisabethæ, & Jacobi, quorum sceptrum tua nunc tenentur manu, ingentes & fulmine quodam volucres animas, ac, quod nobis potissimum dicendum, nostræ asyla libertatis; quæ ut majorum tuorum sunt in nos beneficia, ita sunt etiam tua; serenissimi Caroli tui impotam in nos benignitatem; quidquid

quid Mariæ , tuæ , Augusta, soboli, cœ-
 lum addixit fœcunditatis. quam cum
 Nassoviorum domui eduxeris & nobis;
 cum in celsissimi Sponsi totiusque hujus
 imperii ipsa produxeris amplexus ; cum
 in sublimi illo curru tuo , augustis eam
 ulnis sustentatam, & inspectam populis,
 circumtuleris ; cum inter totius Bataviæ
 applausus eandem imbueris sanctissimi
 clementissimique imperii disciplina , ut
 non minus nos , quam Britannos Tuos,
 imo quam ipsam Te , amaret ; hæc tam
 ingentia bona soli Tibi deberi à nobis
 & nunc grati agnoscimus , & nunquam
 desiturâ prædicatione à posteris nostris
 celebrabuntur. Nobilissima profecto &
 post venturis tradenda materies anna-
 lium ; cui ad adspectum tantæ Majestatis
 tuæ pallidas & prostratas has sedes , ad
 cogitationem vero clementiæ tuæ , ac
 benignitatis , ad vultus tui blandi non
 minus, quam augusti , conspectum cre-
 etas iterum & velut spiritum resumen-
 tes , pro gloria nostra adjecturi sumus.

Et nunc quidem transferre festinantem
Te adorandam aliis eandem Majesta-
tis comitatisque tuæ sublimitatem, nos
non dimittimus, Augusta, in ani-
mis nostris & votis æternum mansu-
ra, quæ ne itinere tuo sint tardiora,
& si audire Tibi nunc licet inter tot
faustas aliorum acclamationes, inter
tot strepitus faventium tibi armatorum,
brevia, sed sincera, & quæcun-
que carissima Tibi sunt complexa,
postremo accipe: Deus Te tueatur,
Deus Te custodiat, Augusta; Deus Ca-
rolo, & serenissimæ soboli, ac huic in-
primis; Deus Britanniae, imperii, poste-
riorum, & pacis æternitatem; ac, si quæ
nostra sunt liceat innectere tuis, hunc
totius Britanniae pro innocentia causæ
nostræ consensum, hunc Caroli, hunc
Tuum in nos animum, hanc constantiam
& fidem, quibus nulla majora hæc Res-
pub. hodie agnoscit aut requirit muni-
menta, perpetua manere nobis posteris-
que nostris patiatur.

P A N E-

PANEGYRICVS
IN N U P T I A S
CELSISSIMI PRINCIPIS
G U I L I E L M I,

Principis Arausionensium,

E T

SERENISSIMÆ PRINCIPIS
M A R I Æ,

*Potentissimi Magnæ Britanniae, Franciæ &
Hiberniæ Regis Caroli,*

FILIÆ PRIMOGENITÆ

O R A T I O II.

SI quanta adolescentis Principis nuptiæ omnem hanc Fœderatorum Rempub. per hos dies lætitia implevere, tanta mihi nunc esset facundia, nec excusandum aliquid admitterem, nec vos frustra ad me audiendum tam frequentes convenissetis. Quamquam autem nostræ mediocritatis non sit, condigna ad-

adferre ad tanti majestatem argumenti, officii & festivitatis publicæ lex est, non tacere. Enimvero sicut in humani generis conservationem, postquam æternitas ejus mortalitate damnata est, matrimonia feruntur; ita illa principum, in confirmandam gentium ac imperiorum securitatem. Adeo ut angusta nimis sint eorum judicia, qui privata esse existimant, quæ illi excelsio supra nos impositi loco, more agunt & exemplo privatorum, cum in iis omnia publica sint; & quod quibusdam privatorum fere pro arbitrio intermittere hic est integrum, illis velut ex necessitate, & ut pars quædam imperii ac curæ, injunctum esse videatur. Quanti enim quamque incomparabilis usus est, ille naturæ ac sanguinis nexus, quo non principes tantum rerum, sed totæ etiam nationes arctissimè conjunguntur? Cui omnem aliorum fœderum, quæcunque tandem ea sint, vim cedere ac religionem, nemo est, qui possit dubitare. Ea enim conditio cæterorum est, ut.

ut cum mutationi obnoxiiis vel rebus vel consiliis insistant, nullo sæpe negotio simul cum his evertantur; illa vero, in quorum legibus ac pactis thalami principum leguntur, observandi nunquam deesse gravissima causa potest, cum nunquam deficiat sive vis sive inclinatio naturæ, &, quæ eam sequitur, affinitatis. Ad quæ, longe majora invicem sibi debent liberi & patres, quam socii tantum & fœderati. Et, cum omnium publicorum fœderum tanto gloria sit major, quanto diutius durant, principum matrimoniiis quandam quasi æternitatem eis conciliari certum est; dum qui ex fœcundo utrimq; sanguine gignendi sunt, utriusque sanguinis causam & Rempub. pariter ac merito creduntur amaturi. Neque enim, hercule, ut in nuptiis inferiorum, Cæus & Cæia manus hic jungunt, sed eodem impetu ac affectu irrunt in mutuos amplexus ipsæ gentes, & omnis gentium fortuna. Cum vero & hodie factum sit, ut Britannia sic &

Res-

Respub. Fœderatorum, quanquam alio pridem pacto sociatæ, coierint, inter optimi Principis prima & vere paternæ, non pro filio tantum, sed pro hoc etiam imperio, consilia, hujus judicium ac magnitudinem læti omnes numeramus. In quo majorum suorum exempla non sequutus modo est, sed superavit: cum illi tantum haud potuerint, quantum posteri, non sua tantum, sed addita majorum gloria, plus semper æstimati. Pater Guilielmus; quem quo amore superstitem complexa sit, quantoque sanctissimam nunc memoriam ejus complecti debeat hæc Respub. vel magnitudo tantum, non jam dicam virtutis, sed hostilis odii clamat; cui vitam & innocentiam, tot petitam insidiis, & inter tot servatam, ut victimam pro libertate, tandem impendit; repetito quater connubio, in Belgio Egmondanæ, in Germania Saxonum, in Gallia Borboniorum & Coligniorum illustrissimis familiis suam illicavit. Ex quibus longa simillimorum
sibi

sibi liberorum progenie auctus, per masculino inferiorem sexum in Gallia iterum Bulioneorum, & Tremoulionum, in Germania Palatinorum Rheni principum, florentissimas gentes suas fecit. Filii, Philippus, cui ab illustrium studiorum complexu adolescenti rapto, & in Hispaniam contra gentium fas avecto, non alia longi carceris causa fuit, quam de paternarum virtutum imitatione certissima spes excitata, Condeano sanguini, vere regio & totius Galliae nobilissimo, junctus, sed improlis; Mauritius celebs, discessere: ita haud dubie, inter tot ingentes curas, quibus ad hoc potentiae nostrae fastigium promoti sumus, hujus consilia dispensantibus fatis, ut iniquum nec pro Repub. videretur liberos tollere, cum Fredericum non modo fratrem, florentem annis, haberet, sed & sua disciplina, ad imperatorias imbutum artes, rem Nassoviorum & Belgarum novis exemplis aucturum, ut quotidie nunc anget, haud
a liter

aliter ac filium & ad instar cujusdam nunquam desituræ multitudinis posterorum æstimaret. Huic autem cœpta est pariter propemodum matrimonii & imperii, necessaria jam utraque, cura; *Æmilia*, è Braunfeldensi Solmensium sanguine, in consortem tori dilectâ. De cujus nou remota minus ab ætate nostra, quam decora antiquitate, nihil nunc aliud dixerim, quam quod in ejus laudatissimis majoribus & ipsâ gentis suæ initia, & deinceps perpetuam laudis materiem inveniant quotquot leguntur Germaniæ annales. Neque illis minus nunc ex *Æmilia* sua gloriæ; cui instar omnis & perpetui trophæi est, fœcunditas tori, & lætissima progenies, & in ea filius, illud felici utero gestatum onus, quod hoc paterni imperii aliquando sustineret. Qui puer admodum, auctoritate eorum, penes quos suprema vis est hujus Reipubl. successor patri destinatus, à patre, ne publicam spem falleret, pro ea educatus est, dum illi nutricum delitiæ & can-

tus

tus sunt exempla majorū , omnium pulcherrima, qua vagientes principes in-
 buantur, disciplina; dum prima lectionis
 ac styli rudimenta sunt , aut vota Belga-
 rum & acclamationes , quibus illorum
 triumphī toties sunt excepti , aut eorun-
 dem lachrymæ , quibus aspersa illorum
 funera, qui à perfidia hostium, aut natura
 ad mortem damnati, olim excessere; dum
 Comitiis Patrum interest , & de Repub.
 agit parvulus Senator; dum denique do-
 mi aut foris, paternis ex rebus, quas ante
 gestas legit , aut nunc spectat ipse, totum
 ediscit , tam bello , quam pace maxi-
 mum Imperatorem. Huic nihil jam ad-
 jici poterat , quanquam primas tantum
 adolescentiæ ingressō metas, præter unum
 illud hujus connubii decus, quo sanguinī
 Regum infereretur. Multa sane patrem
 admonebant ; *Hæredem imperii non suffice-
 re , nisi confirmatum. Opus esse munimentis,
 quibus & Respub. juvaretur ; quæ foris
 nunquam tutius quam in connubiis inveniri.*
*Inter tot commota Europæ principes , vel ex-
 torres*

torres, vel domi exhaustos & alieni auxilii e-
gentes, inter tot dissidia in sacris & partes,
inter plurimos clandestinos hostes & invidos
Belgicæ libertatis, paucos esse, quorum sangui-
ni posset, pauciores quibus vellet suum illiga-
re. Nam torum, præsertim principum, causse
etiam & fortune publicæ utrimque inducere
communione. Esse in proximo Britanniam,
& in ea auctam liberis regalem domum. Esse
regionem, cujus claustra inprimis & portus;
gentem, cujus societatem hætenus ac fidem;
Regem, cujus per terras & maria longe expor-
rectam potentiam; liberos, in quibus cum pa-
terno Borboniorum etiam maternum sangui-
nem, ut securitatis sue magna præsidia, Belgæ
commendarent. Facturum ad sue decus do-
mus, progenie regum in eam inducta, quam
jam & Cæsares majores, & quamcunque vir-
tus conferre potest gloria, primis æquipararent.
Facturum ad Reipub. robur, præsertim hac
tempestate, si Regum potentissimus, junctis
Belgarum Gallorumque armis sua adversus Hi-
spanos sociaret. Quid enim reliquam, nisi ut
illi Belgio & mari omni expulsi, evoluti, ultra
Pyre-

Pyrenaeos montes ad deserta Castellæ, & in solitudines suas reverterentur? Nec deesse illi iustissimas causas; & hoc connubio impelli posse occasiones. Divinæ profecto illæ sunt, & raræ principum curæ, in quibus privatae fortunæ gloria cum publica ab iis conjungitur. Quo autem in hujus consilii destinationem altius inspicio, eo magis in hanc mentem adducor, ut maxima animo amplecti incomparabilis judicii, ita exsequi non minoris industriæ esse & felicitatis, cum sine his sæpe optime consulta ab eventu destituantur. Tanta igitur jam meditatus, non ea stitit aut cohibuit, quod sibi diffidentium est, inter abdita cogitationum, sed exsequendis iis debitas partes impendit, suo consilio usus, ministerio, ut mos est, alieno. Iohannes Kerckhovius ante omnes dilectus est, qui principis sui affectus & amores interpretaretur. vir, cui, præter gentis nobilitatem, inter primos in aula locum virtus fecit, cujusque privata majori facundiæ tanti operis legatio debebatur.

N

Neque alienum vobis censendum est, alieno ore, & nunquam amanti visam hic amari. Frustra enim estis, si ad Nasonis præcepta principum flammæ exigitis. Aliter hi amant, aliter privati, quorum tempora arbitrio dominæ & ineptiis perduntur. Illi puellarum in templis ac theatris spectatores frequenter inspiciunt vultus, quos sæpe cerussa tantum commendat & fucus; hi solam Rempub. intuentur. Sunt illis in amore oculi duces; his consilia, quibus ipsa imperii, quod accipere, salus & æternitas fundatur. Corcula ab aliis & animulæ, & blanda ac delicata nomina; ab his augusta omnia & matres patriæ ambiuntur. Nisi quod cum privatorum amoribus id hic commune agnoscimus, quod auditi etiam sint, sed judicii regii auctoritate mox rejecti, rivales. Stupendum profectò & supra posterorum fidem! Hispaniæ & Arausiæ principes eandem amant, & hic præfertur. Quanta tamen illius majestas est & potentia? qui, cum non sufficeret
hujus

hujus orbis nostri spatium, quod omne imperio aut spe complexus est, Antæcos & Antipodas sceptris suis adjecit; cui sol iste, quem subinde vos non videtis, nunquam occidit; cujus velut patrimonium & avitæ opes jam sunt ditissimæ illius Peruxæ messes; quem denique vexata ab eo tot per annos Europa aut habet dominum aut formidat. Magna illa, fateor, videri possint, nisi alia essent, quæ hic cogitemus. Equidem quærere mihi liceat, quo titulo ista tot regna & quomodo possideat, & quamdiu sit possessurus? qui ad acquirendi rerum domini modos, Romanis & melioribus gentibus laudatos, ferrum ac arma adjecit, quibus qui major est, sæpe non minor est iniquitate; cui in Indiam, Occidentis maxime, avaritia viam fecit, & supplicii regum causa non nisi opes eorum & innocentia fuere; cui tuenda vi sunt, quæ eâdem acquisivit; qui quorum legitimus dominus est, tyrannum agit & ex subditis hostes facit; quem

quem sceptris jam potentissima regna
domi exuere ; qui quam omnium liber-
tatem odit , tam omnes inexplebilem
ejus ambitionem ; cui denique , ut intra
nostra me cohibeam , nostris auspiciis,
& invicta ducum nostrorum manu , in
Belgio quotidie validissimæ civitates, in
mari instructissimæ classes , in alio orbe
totæ ditiones decedunt. Fecit profecto,
Gulielme Nassovi, & avita, & patrui, &
paterna virtus , vi Hispanorum ac frau-
de semper major , ut in serenissimi Re-
gis, soceri nunc tui , judicio potior cen-
sereris. Ad hæc multis experimentis pri-
dem agnitum est , Hispaniæ Austriæque
principum amores non nisi instrumenta
esse evertendæ aliorum dominationis, &
insidias ad Christiani orbis expugnan-
dam libertatem pacemque comparatas.
Austrii certe , è modicis initiis ad hanc
magnitudinem , cui unus orbis non jam
votum est aut limes, matrimoniorum be-
nificio emergere. Illa Philippo I. Hispa-
nias , & ignota olim Indorum regna ;
illa

illa Maximiliano primo Belgii septem
 supra decem provincias, regnis non
 minores, aliisque alia adjecere. Neque
 illa nunc dicam, quæ in sacrario Au-
 gusti pectoris, & ipso penetrali maje-
 statis recondita, nec inspicere, nec in-
 specta intelligere satis aut explicare
 potest vel mens vel facundia privato-
 rum. Tui interim, Rex Auguste, pro
 nobis judicii magnitudinem venera-
 bundi gratique hic & excipimus & in-
 terpretamur. Prætulisti aliis illum,
 quem tot majornm virtus, & spes o-
 mnium maximæ jam excitatæ, primis
 terrarum principibus concedere non
 sinunt. Itaque deligere non poteras di-
 gniozem. Nihil tamen hic nostrum,
 aut in principis nostri meritis agnosci-
 mus, præter adorandam nobis augu-
 stissimæ voluntatis tuæ benignitatē. Re-
 petimus in ea priorum temporum bo-
 na, quibus majores tui & majorum
 nostrorum principes connubiali fæde-
 re haud semel, incomparabili utrius-
 que gentis bono, coiere. Margaret-
 B than,

tham, Florentii V. Hollandiæ Comitis
filiam, Regi Anglorum innuptam, &
filius filium ac successorem Ioannem
primum connubio Elisabethæ, Eduar-
di Regis filiæ, jam ante quatuor, &
quod excurrit, sæcula æstimatum orna-
tumq; fide annalium laudamus. Qua
ratione inprimis factū est, ut in arctiora
fœdera indies vestræ nostræque gentes
consenserint. Non explicabo nunc se-
riem tot illustrium rerum, quarum me-
moriam etiamnum exstat in utriusq; po-
puli monumentis. Nec patrum nostro-
rum aut nostra ætate gesta; in quibus
infinita Britannorum in hanc Rempub.
merita invenire est, si senum, aut nostræ
conscientiæ adolescentiam circūmea-
mus. Quis enim tam domi hospes est ac
peregrinus, qui ignoret quid Elisabethæ,
reginæ omnium ætatum maximæ, pri-
mæ vindici nostræ tunc inprimis affli-
ctæ libertatis & patronæ; quantum Ia-
cobo I. tuo, Carole, patri, principi sa-
pientissimo, quantum tibi, felicitatem
nostram & tuorum merita quotidie au-
genti,

genti, debeamus? Quis nostrum tam ingratus est, qui non existimet, minimam partem officii nostri esse, beneficiorum tuorum commemorationem? Nam & tua sunt quæ majores in nos tui contulere. Et sane si statuendum sit, de quo vel dubitare tantum est nefas, majestatem tuam in rebus arduis, inter quas profecto etiam connubia sunt liberorum, uti non suo tantum, sed etiam consilio alieno, credibile est, præter præsidem intimi Senatus tui Deum, in solio tibi consultanti adsedisse ingentes animas; & imprimis Elisabetham ac Iacobum tuos, & Guilielmum Mauritiumq; nostros, hujus consilii causam ac auctoritatem subjecisse. *Nos tui, Carole, majores, & nos quoque majorum tuorum socii, & quod eorum mansuetudinis judicium fuit, fratres, donati jam cælo ac recepti, adsumus nunc rebus tuis, tanto majoris sanctiorisq; consilii auctores, quanto purioris, quam ceteri mortales, incolæ loci; cujus luce circumfusi nec fallere possunt, nec falluntur. Facunditas regalis tori tui, qua fiet, ut ubi in orbem nostrum fata te ac merita tua receperunt*

vint, minus futurum sit desiderium tui, & post excessum tuum superfuturus sis, ut nos in te nunc super sumus; quanto majus cœli, jam nostri, beneficium est, tanto illustrius erit, si id juvanda Reipub. cujus mandata tibi cura, aut quacum communis causa est, impenderis. Non tantum liberorum tuorum pater, sed princeps es; & ut publicum in iis respicias, te rogamus. Neque tui nobis olim cura alia, quam imperii erat. Ante omnia vero cavendum tibi ab illa gente, cui nemo impune se fœdere, aut suos connubio conjunxit. Si potentiam ejus videas, maxima est; si conatus, merito formidata; si sobolem tuam ambientem non rejeceris, facies majorem. Nemo enim cum serpente securus ludit. Neque illa unquam magis amare se fingit, quam cum maxime odit. Sunt etiam tibi domi, qui quia istam amant, te odere. Tuum igitur est eam odisse, quæ ut undique te circumveniat, se simulat amare. Si odisse se diceret, minus tibi noceret. Aspice vero in proximo, tam suo invitam, quam à nobis & te quoque inito confirmatoque fœderi innixam Belgarum gentem. Quæ cum libertatis suæ & nostræ auspicia seque-

queretur, ad hanc magnitudinem se evexit;
 & beneficium grata agnovit. Dextras jun-
 ximus, & communi hoste exstitimus superio-
 res. Sive ferendi auxilii sive accipiendi ratio
 esset, semper id accepimus, etiam qui fereba-
 mus. Tuam & horum gentem non divisit O-
 ceanus, sed conjunxit. Causa inprimis. Tuam
 illa tot annorum, tantique terroris quanta feli-
 citatis, bello agit; sive sacra videas, & in-
 nocentiam quam colit ejusdem religionis, sive
 imperium, cujus securitas omnis posita est in il-
 lius conservata libertate. Sunt tibi maria &
 portus, tibi beneficia natura, illis tua. Sunt
 & durant à tot retro seculis pacta utrimque
 fœdera, & quod primum exemplum, aut in-
 ter rarissima est, nunquam violata; sive quod
 ea fides gentis sit, sive quod ex usu utriusque
 populi semper illa fuerint aestimata. Quin igitur,
 ut populi, ita principum dextra jungan-
 tur? Est Nassoviorum plena triumphis domus.
 In eâ hæres unicus imperii & fortune. Pro
 quo primogenitam tuam ambiente nunc utraq;
 Repub. cur differas eum aut averseris? Neque
 enim est, quem præponas. Denique instar o-
 mnis consilii tibi sit, nostrum exemplum; cum

non minor sanguinis nexus aut usus esse vel debeat, vel possit, quā cause, quæ nos olim conjunxit. Hæ sunt ad superstites defunctorum principum legationes; quæ sine externo omni apparatu & pompa, aliorum consiliis, quæ humanis plerumq; affectibus obnoxia sunt, exclusis, collectis impetrantiū mentibus, velut in cœlesti quodam secessu, offeruntur; quæ mutæ & elingues supra facundiam sunt disertissimorum; in quibus cœlo demissi adferunt divina mandate; id est, sua & avita exempla non memoriæ modo, sed imitationi posterorum commendant. Parum abest, Rex maxime, quin iis te verbis conveniam, quibus Ausonius consul Gratianum Imperatorem, qui solus de consulibus designandis consilium ad Deum retulerat. O profundæ altitudinē secreti! Valete modo classes populi, & urbanarum tribuum prærogativæ, & centuriæ jure vocatæ. Quæ Comitia pleniora unquam fuerunt, quā quibus præstitit Deus consilium, obsequiū Imperator? Quomodo solus, cui præsto est
tam

tam grande concilium? An plenius cum Senatu, cum Equestri ordine, cum Provinciis omnibus deliberaffes? Consilium tuum ad Deum & majores tuos retulisti, non ut, credo, novum sumeres, sed ut sanctius fieret quod volebas. quò te admissio jam, mox hominum & imprimis tot regni tui procerum augusti Senatus judicia accessere. Cujus tantæ rei cum per Britanniam Bataviamque omnem læta se circumferret fama, exhausta sunt utriusque populi vota & acclamationes. Quæ non interrupta eum maxime diem implevere, quo in sacrario tuo, quod non minus Deus, quam Majestas tua infederat, non duè tantum principum dexteræ, sed quidquid sceptrorum tuorum, quidquid nostri imperii est, coiere. Si quidè mihi nunc liceat ad nuptialis hujus lucis celebritatem ac pompam aliquid conferre; si pulcherriam imaginè, quam animo complexus sum, representare, dixero, inter laquearia illius, in quo peracta ista sunt, loci, præter ethereos illos spiritus, cœli satelites

lites, & hominum, maxime principum, custodes, præter sepulchrorum, sed in hoc connubio reviviscentium, majorum manes, circumvolitasse dextras jungentium capita, velut pronubas, Memoriam priscae societatis, cui plena nodorum vestis, & ex nasturtio corona; veteres tabulas & sigilla principum, quibus confirmatam se jactabat, tenentem manu; & Securitatem patriæ, viridi indutam veste, ac anchoræ innitentem; explicantemq; dextra imaginem, in qua maria nostra, & flumina, & paludes, quæ Britanni Batavique, immoti, invicti, & quibusvis hostibus inaccessi habitamus; Innocentiam, alba indutam stola, & pallentium violarum diademate redimitam, eorum longa serie nomina recitantem, qui libertatis nostræ vindices hostium libidini non aliam ob culpam, quam innocentiam, ut victimæ, cecidere; Et Fidem, ipsam suas vincientem manus, duarumque virginum Britannicæ & Fœderatorum Reipub. dextras suæ eodem vinculo il-
ligan-

ligantem. Neque enim, hercle, eam
 absuisse censendum est, quæ in Brede-
 rodiis, Aerffeniis, Kerckhoviis, Ioa-
 chimiiis, summa nobilitate & virtute
 viris, præsentem se stitit. Nam ejusmo-
 di hominum ministerio sedibus suis se
 movent, navigant & peregrinantur, &
 spectandas se regibus præbent, ac verba
 faciunt, totæ nationes. Annulus ille,
 Maria, princeps illustrissima, quo tuo te
 sponso devinctam agnovisti, vinculum
 est communis causæ & libertatis. Illa
 oscula, tuis impressa genis, illi toris
 tuis impressi amplexus non unius prin-
 cipis, sed totius Reipub. sunt. Non
 uni, sed infinitæ cuidam multitudinē
 te junxisti. Qui oscula non possumus,
 obsequium tibi deferimus, & dextræ
 nostræ, quas tuæ innectere non licet,
 in cælum porriguntur: quibus tot vo-
 tis & precibus nostris armatis, Deum
 ipsum convenimus, & tuum facimus,
 quidquid gratiæ eius impetramus. Do-
 tem aliam præter te, & augustæ do-
 mus tuæ æternitatem, constantiam gen-

tis tuæ ac fidem, & gignendam ex te illustriſſimam progeniem, non poſcimus. Neque in te quidquam præter juſtam ætatem nunc deſideramus. Si enim ad annos reſpicias, Auditores, immatura eſt. Interim vim tuam poſcimus, Natura rerum, & nunc maxime imploramus, ut, ſi quidem unquam ſtiteris curſum ſolis, ſicut ſtitisti, ſi raro aliquo & ſingulari exemplo ſuperaveris humani generis exſpectationem, ſi turbato in hujus univerſi adminiſtratione recepto ordine, hunc tibi, non te illi ſubſeſſe aliquando probaveris, ſi denique vis, quantam dicendo nemo aſſequi poteſt, unquãnaverit eorum votis, qui beneficiis tuis præ ceteris obſtricti, ea grati ſemper agnovere, aut ante annos parem hanc principem facias ſperatæ fæcunditati, aut compendio tráſigantur illi, qui deſunt; quo & deſideriis publicis ſatiſfiat, & illius ſanguinis exſtet citius & adoleſcat propago, cujus virtutem, felicitatem ac fidem, in majoribus abunde experti, in poſteris jam poſcimus, ac haud dubie inven-

venturi sumus. Cæterum quid hic aut quid non optandū nobis sit, propemodum ignoramus; & erunt forsan, quibus hæc nostra siue desideria, siue vota iniqua videbuntur. Si plus solito properent soles, excessum ejus, cujus longævitatem poscimus, imprudentes festinamus; si autem idem sol cœli vias decurrat eadē, qua solet, tarditate, mora injicitur tam necessariæ quam optatæ fœcunditati. At vero frustra heremus hic anxii & dubitamus. Maneat qui fuit naturæ & universi ordo. Sint sui fideribus discursus & itinera consueta, sui annis fines & metæ: nec quidquā detractum cupimus aut naturæ ordini, aut calculis Mathematicorum. Tantum, si liceat hic nobis uti formula antiquorum, de annis nostris supremus ille arbiter hominum & custos demat, quantum ad ætatem eorū augendam accedat, qui nunc dextras conjungere. Quis enim post optimos principes, & hujus eorum sæculi felicitatem, velit superesse? Incumbat etiam domesticis toris nostris, quan-

quam alias invisa, sterilitas, si eâ hujus thalami, in quo spes patriæ & delitiæ decumbunt, sæcunditas possit juvari. Quis enim sua privatim bona cedere nolit publicæ felicitati? Nisi quod eorum etiam intersit, à privatorum osculis & complexu arceri injurias sterilitatis, & ex iis educi longam seriem liberorum; ne desint, qui eorum auspicia domi aut militiæ sequantur; quos pro eorundem & Reipub. incolumitate in acie adversum hostes, & si opus, in exitium offeramus; qui denique eorum clementissimo imperio & mansuetudini devincti tam experiri, quam celebrare possint temporum felicitatem. Nam frustra sæcundi principes sunt, nisi ex privatorum thalamis accipiant, quos regant; & nequicquam boni sunt & magni & felices, nisi tanta multitudo sese offerat obstringendorum, quanta beneficiorum, quorum maximi principes esse possunt, & optimi esse volunt, auctores. Qui conjugalibus vinculis nondum

dum constricti estis, mancipate vos suavissimæ servituti, cujus incomparabilis usus est, ubi principes sunt & nascuntur custodes libertatis. Qui in viduitatem coniecti estis, priores amplexus repetite, cum non tanta rerum fiducia sit sub cælibe principe & optimo, quam sub optimo pariter & patre optimorum. Tollere quisque liberoscupiat, cū quæsitā sterilitas ut sub pessimis solatii pars est, ita sub optimis & optimorum patribus non nisi injuria debeat censerī. Gaudeant fœcunditare sua matres, & bene se merituras de liberis suis non dubitent, quibus hoc fœculū, & hoc principis connubium ostenderint. Qui ad ejus, aut posterorum ejus, adspectū, tanquam ad clarum & beneficū, ut ille loquitur, fidus certatim advolent; objicere se insidiantibus omnibus paratissimi, & substernere corpora sua, si per stragē humanam, intet tot hostes libertatis, iter ad salutem publicam struendum sit; quī somnum eorum nocturnis excubiis muniunt, qui latera objecti circumfusi que
de-

defendant ; quī denique incurrentibus periculis se opponant. Quidnī enim ex hoc toro posteros, & tot principes, quot posteros, expectemus, cum traduces frequentissimæ Stuartiorum & Nassoviorum gentis concurrant ad absolvendam hujus connubii felicitatem? Quorum haud divulsa series & incorrupta, per tot sæcula, quæ singulorum meritis obstricta effluxere, per tot majores, nunc cœlo suo donatos, per tot Regum sceptrā, & Cæsarium etiam titulos, in hanc usque ætatem, velut per gradus quosdam, est devoluta. Nec progeniem tantum principum, sed optimorum certissima spe præcepimus, majorum non posteris tantum, sed &, quod plus est, exemplis quoque propagatis; in quibus Stuartiorum sunt tot invicti & formidati, sed tantum hostibus, reges, tot libertatis suorum, & Belgicæ, vindices, custodes, &, quod omnium maximum, ac totius orbis non jam judicium tantum, sed vox est, **FIDEI DEFENSORES**; in quibus Nassovi-

vi-

viorum tot ingentes animæ, de incolumitate hujus Reipub. optime meritæ, tot quam æquæ semper, tam olim afflictæ caussæ nostræ, ferro armati & consilio patroni, tot fortunæ nostræ in hanc magnitudinem evectæ auctores, & sive numerum videatis, sive spectatis simâ, bello in primis, virtutem, non jam dicam cenruriæ Heroum, sed legiones. Non possunt non tanti majores in iis quos ex se gignunt, superesse, sive propter vim naturæ, quæ eorum semini, qui supra cæteros ut sceptris ita animis etiam excellunt, summa est impressa; sive propter exempla, præcepta totidem & annales, inter quæ, non aliter ac inter nutricum ubera, alumni principum educantur. Lac ab aliis, ab his reges principesque imbibuntur; & inter ipsa crepundia non tam ludere discunt, quam imperare. Amant alii patres, hi etiam imirantur; in quorum cunis, & quod eas circumstat ministerio, quidam velut futuræ majestatis & Reipub. est apparatus. Equidem

dem mortalium vulgus fere posteros tantum habet : in posteris autē principum etiam majores redduntur. De quibus quidnā majora etiam credamus, cū & eorum, qui antecessere, exempla eligere illis liceat, & istis jā imbutis nova insuper conferre? Sed nequicquam intra spem modo cohibemus orationē. Si enim immortalis ille Deus unquam adfuerit Belgarum rebus, si precibus nostris jusserit cœlum ipsum famulari, si ipsa vota nostra toties superaverit & expectationem, si hanc Rempub. ad tantam magnitudinem non provexerit, & tot eximias hactenus mentes ad ejus curam vocarit, ut pupillā nunc relinqueret aut viduam, inter tot Europæ motus, tot dolos insidiantium omnium, & præsertim nostræ, libertati; faciet ille fœcunditatis, in primis principum, auctor, ut ex hoc connubio illustrissimę posteritatis longam seriem, multos patriæ patres, multas matres, & certissima pignora ut conjugalis fidei, ita publicæ felicitatis, accepturi simus.

Tu

Tu Britannia, regina insularum, quod tibi nomen insulæ minores; socia nostra & vicina, quod Oceanus & situs, & ante tot sæcula initæ societates; mater hujus patriæ nostræ, quod tibi hæc connubia inprimis fecere; non jam terrarum limes, aut toto orbe divisa es, quæ te non foederibus, ut olim, sed veris dextris nunc nobis junxisti. Qui, quanquam ipsa pridem sufficias tibi, per vela nostra & puppes & rerum nostrarum famam, quibus orbem totum frequentamus aut implemus, tua in nos meritâ quaquaversum sparsuri sumus. Tu, Carole, cujus augustum caput triplex invictarum gentium diadema cingit; cujus imperium agnoscunt Mona & tot aliæ Romanis formidatæ, & petitæ bello, nec devictæ gentes; cui non minus circumfluentis Oceani, quâ terrarum spatium famulatur; qui, cum majorum tuorum meritis satis agnoscendis impares nos effemus, nova adjecisti, & sanguinem tuum, matrem huic Reipub. & publicis desideriis dedisti,

non

non minus hujus jam pater es , quam tuorum. Extendisti profecto regnorum tuorum pomæria & fines , non ferro , sed affectu. quem cum nunc debeas nobis , qui patrum est , nos tibi illum offerimus , qui est liberorum. Ambiebant hæc beneficia tua , quorum potentia nostrâ major erat , principes aut gentes ; sed tanto meliores sumus , quanto majores illi , quos postposuisti. Olim tuis & majorum tuorum auspiciis ac ope hæc imperia , nunc cum illis principes coïere ; qui cum omnia sua in usum Reipub. conferant , tanto majora exspectamus. Tu , Frederice Henrice , qui tot tuis rebus , tot victoriis res nostras auxisti ; cui se tot invictæ tantique terroris urbes dedidere ; cujus promovendæ felicitati Rhenus , Mosa , & Scaldis , nobilissimi Belgarum amnes , fluxere ; quem in alieno Oceano Bætis metuunt & Tagus ; post tot arces & hostes ferro expugnata , regalis familiæ augustissimum in eo sexu depositum , judicio , quod de te maximum inter
om-

omnes merito tuo conceptum est, obtinuisti. Nam quo major, aut diutius, etiam post excessum tuum (quem nulum, aur serum optamus) audires hujus Reipub. pater, in partem curarum hujus etiam consilii magnitudinē vocasti. Tu, Guilielme Nassovi, qui spes summa jam es & certissima hujus imperii; cujus provehendi anni Reipub. sunt incrementum; quem iam majorum merita, & supra ætatem indoles, ad regundas aliquando habenas: publicas vocavere; quem sponsum Batavia dimisit nuper, Britannia excepit, & maritum nunc, inter tot vota utriusque gentis ac gratulationes, reddit; quem redeuntem tamen, quæ individuum vitæ societatem & fortunæ addixit, haud sequuta est augusta tori conjux; (non quod illa, sed quod natura, & ætas id hætenus negarent) quo fit, ut licet ea superstita, (& ut diu supersit, rogamus) in quadam quasi agas viduitate; qui inter primos hymenæos desertum prius à tua torum, quam infessum vides, sed
ad

ad tempus desertum; qui tibi pactam juratamque deseris nunc ipse, sed invitus, & sine ulla perfidiæ culpa; qui post peracta jam omnia, quæ mos & religio majorum invenit, post acceptum mariti nomen, differre cogeris & maritale munus, & paternum nomen, & spem liberorum; jam tamen certus es decernendi tibi auctoritate publica illustrissimi triumphi, cum adultam jam tuam & tibi parem, è regali gremio tua dextra sed suaviter raptam, excipient ac sequentur Britannæ & Batavæ classes, quas zephyri impellent & totius Oceani æstus, & circumlambent illæ spumæ, quæ olim Venerem edidere. quarum ubi adventum nunciaverint auditæ ac conspectæ Tritonum conchæ ac legiones, velut mota sedibus suis in littore omnis Respub. stabit, & illa, quæ tot sæcula emensa est, adolescentem matrem excipiet, eamque suis ulnis sustentatam vel Augusto curru, quem trahent columbæ & Cupidines & Amores, & tam præcun-

ti-

tium , quam sequentium , etiam eorum , qui abfuturi sunt , vota , in sedibus tuis læta locabit ; tuque ordieris quandam quasi novam & domus tuæ & Reipub. æternitatem. In quo opere , non minus quam hostili, virtus tua & fortuna se commendabunt Vtrumque enim militis & viri , utrumque principis est , & utroque Respub. iuvatur. Erit cum à complexu Reipub. redeunti tibi , & gynæcei aulam ingressa illa suo te excipiet ; erit cum in hostico fatigato tibi , (si in opere suo augustæ illæ mentes , qualis tua est, possint fatigari) illa sudorem tuum, quem jam partim hauserit campus, illa contractum in acie pulverem sua dextra absterget ; erit aliquando, cum velut stipendia tua merens , & militari sacramento tibi obstricta , castris tuis se inferet , & vexilla tua sequetur, virtutis non sufflumen, sed incitamentū ; erit denique , cum quibusdam tuorum natale solum erunt hostili cruore aspersi campi ; cum per signa tua parvuli
rep-

reptabunt, quibus feroces hostium ex-
viæ ludus erunt, tuæ delitiæ ac legio-
num, &, ut sic dixerim, infantes impe-
ratores. Tu quoque, Maria, tot regum
sanguis, quæ paternæ majestatis totius-
que Britannorum regni auctoritatē se-
quuta, quidquid tuum est, & quos ex-
spectas, annos, Guilielmo tuo obstrin-
xisti, nullum jam vitæ momentum exi-
gis, quin utilitate hujus Reipub. & in-
ter summa beneficia æstimetur. Cum e-
nim momentis singulis aliquid detraha-
tur annis, quos nondū habes, quosq; ad-
ditos tibi cupimus, quidnā in momentis
jā singulis tua in nos merita adoremus?
Interim impatienter flagitamus, &, si
quæ communium precationum sancti-
tati vis est, impellimus tempus illud &
urgemus, quo tu non jam patriæ tan-
tum, sed tuorum facta mater, utriusque
sexus principes, dextram tuam aut læ-
vam circumstantes, spectes, in quibus
Respub. inveniat nova munimenta &
novos imperatores; quo illud augusti
uteri tui gratissimū onus liberet patri-
am

am dubia exspectatione, & illæ mobiles cunæ tuorum, stabilem faciant Reipub. securitatem; & iisdem laciniis, quibus tui, quietura hæc involvatur; ac deniq; infantum vagitus diserta recludat virorum ora, & illis superiores sint quævis publicæ acclamationes.

MARCI ZUERII BOXHORNII
P A N E G Y R I C U S,
D E
CLASSE HISPANORUM
Profligata,

A U S P I C I I S
Arausionensium Principis

FREDERICI HENRICI,
DUCTU
MARTINI TROMPII.
Ao. cld lccxxxix.

O R A T I O III.

Q ui inter discrimina summa ac injurias libertatis eluctati primo exspe-

tionem omnium ac nostram, dein magnitudine rerum ipsam famam, nunc fidem & admirationem, & quidquid supra est, quidquid etiam ingeniis veterum ad fabularum & credulitatis pompam adiectum est, captâ partim per hos dies maximi terroris Hispana classe, partim in fugam acta, supergressi sumus, Auditores. Id tantum a præsens ævi & vestra adeo conscientia ego jam petierim, ut, quod post tot sæculorum decursum nondum gestum est, nunc fieri potuisse credatis. Posterorum autem & æternitatis tanti facinoris causa, beneficium naturæ rerum poscimus, imploramus; ut, cum decursu fluviorum maria augeantur, Britanniae Tamesis rigator, & Mosa ac Rhenus nostri, reliquique Septentionis, & quidquid ubique aquarum versant nobilissimi nostri amnes, nunquam destituant eum locum, ne exstitisse postfuturi negent, in quo gestum est, quod nunc laudamus. At mihi tamen venia sit, si rudis tantum artifex dicendi, ad

ea celebranda me contulerim, quæ etiã ora omnium disertissima fatigarent. Nec enim jam pompam artis & ornatum, quibus mediocria tantum extolluntur, sed totius orbis stuporem tantum adferimus & admirationem: donec supra veterum inventa, nova descendendi ingenia fingantur, quibus res novæ ac nostræ, & tantæ, commendentur. Fecerant præcedentium annorum expeditiones, ut post raptas pene totas Provincias, post validissimas civitates terrâ expugnatas, finibus Reipub. quaquaversum promotis, Hispani locum sibi hic prius quam hostem defuturum cogitarent. Et certante quasi cū invidendo rerum successu invictæ gentis nostræ animo ac virtute, bellis illatis capita rerum in Hispanorum Belgio concussa sunt & commota. Inter quæ & consilia hostium mutata sunt; quibus in ipso mari, quod imprimis securitati nostræ ac augendis opibus natura destinavit, belli eventum experiri potius videbatur. Est Cantabrorum (Biscainos

nis tractus & educatus, hostium & Oceani gnarus, & impetu ac consilio pari, etiam dubiam, & ancipitem, & alios omnes territuram proelii fortunam non declinaret. Spem hostium adventus potius quam metum, novem jam mensium lenta expectatio fefellerat; cum, Septembri nuper adulto, nostris, navium vix duodecim manu instructis, cæteris alibi & procul in statione agentibus, classis Hispanorum, navium fere septuaginta, tunc maxime, & quia tanta, præter expectationem, offertur. Erant pleræque omnes molis invisitatae; turres veluti maris & castella, Lusitaniæ & Castellæ, Gallæciæ & Cantabriæ, denique omnia Hispanorum regna & vim ipso etiam nomine testabantur. Imposita illis militum & sociorum millia admodum viginti & quinque. Dux non unus, aut imperator; primi quisque loci, & maximæ domi auctoritatis. Machinarum majorum multitudo tanta, ut vix par unum in proelium pariter

unquam fuerit producta. Qui cladē for-
 san nostrorum aut fugam exspectatis,
 nos audite, qui vestræ ac posterorum
 memoriæ, pleni stuporis ipsi & admi-
 rationis, mandamus; NAVES BA-
 TAVORVM DVODECIM, HISPANORVM
 FERE SEPTVAGINTA NON SVSTINV-
 ISSE MODO IMPETVM, SED ETI-
 AM REPRESSISSE; MILITES BATAVO-
 RVM HAUD MVLTIO PLVRES QVAM MIL-
 LE, HISPANORVM MILLIA VIGINTI
 ET QVINQVE INTVRPISSIMAM FVGAM
 CONIECISSE. Tanta dicendi simpli-
 citate hæc apud aures vestras deponi-
 mus, quæ nulla fama, nulla ingenia
 satis unquam expresserint. Est Cantii
 apertum in Britannia littus, (Downas
 appellamus) ubi stationem fugientes
 fixere; mox a persequentibus nostris
 obsessi sunt & circumventi. Horum
 præsidio, exuendis patrię hostibus, Res-
 publ. hæc & privati omnem navium
 vim certatim, ac raptim, contulere.
 Mox cum bona Magnæ Britannię Re-
 gis Caroli pace, (cujus, ut & majorum
 ejus,

ejus , plurima in nos beneficia libenter prædicamus) in violatores fœderis & non stantes pactis , in abire jussos & non obsequentes , in hostilia per ludibria primum tentantes magno animo invec̃ti , & pugnam pariter ac cladem eorum exorsi sumus. Datum profecto tunc illustre exemplum est, quanquam maxima vi, infelicitè tamè adversus illos pugnari, a quibus non tam viri & arma, quam causæ æquitas , ejusque æstimatione auctus flagransque animus ; adversis opponuntur. Nam si , ut par est , immortalis Dei justissimum semper in hominum rebus imperium agnoscamus , non semper major est , qui adversum meliores maxima impendit ; ut nec melior ipse est, cum vicit. Testamur per tyrannidem adversæ gentis diu toleratam, & tandem depulsam, per felicitatem nostram , tot annorum decursu, tanta cœli indulgentia ; tot regum ac principum, ipsa etiam hostium, confessione exceptam & æstimatam, quidquid

opponant servitutis suæ & rerum ignari, hanc Rempub. non existisse ante causæ suæ & imperii æquitatem. Navium hostilium aliæ in littus impulsæ sunt, & steriles arenas; fractæ mox & incensæ; credentibus se undis, qui tueri debebant; quorum exitio navales Fœderatorum Belgarum socii incredibili contentione & pertinacia imminabat. Quos ne quis postulet crudelitatis, intercedimus. Parentes aliis, aut liberi, aut fratres, & tot pedore carcerum, tot inter vincula fame aut siti extinctorum contubernalium manes, oculis pugnantium oblatis, quasi adhuc laborum socii & juvantes, non jam lachrymas aut muliebria lamenta, sed memoriam sui & ideo ultionis, poscere videbantur. Alii hostium in fugam conjecti, ad eam festinantes, ut eodem passu omnium ducem sequerentur, si ve prælii ignari & maris, inter Hispaniæ ficus & oleas, inter campestres rivostantum educati; si ve fidei obliti; si ve quod classiariorum numerum in-

vi-

vitiaugerent. Per quorum ignaviam ac metum, à modicis navibus, quæ immensæ erant, subjugatæ sunt: & capti multo plures erant, quam capientes. Erant velut vinctæ adhuc & impeditæ eorum manus, qui in ipso Cantabriæ portu intra angustias carcerum aliquamdiu conclusi fuerant, ne navium fugientes declinarent. Omnes, nisi fallimur, acceptæ cladis, ut, superstitione gentium reluctantes hostiæ adversa & dira omnia portendere ac significare credebantur. Atroci dein tempestate exorta, qui hostium superstites, & nostri, divisi subinde sunt, & iterum conjuncti; continuata illorum clade; quæ eadem, quanquam non eodem loco plerique capti, merfi, aut in littus impulsæ periere. Ita modica ac prope nulla, si ingentes illas hostium copias numeretis, manu, Hispanorum classis quantam Septentrio iste nunquam vidit, superata est. Hujus tam magnæ & lætæ rei nuncio omnis hæc Respubl. excitata, ac in hujus triumpho, velut fe-

licitatis suæ spectaculum effusa , su-
 am ac privatorum fortunam non in
 solido tantum aut portu collocatam,
 sed supra spem suam auctam & evectam
 sibi gratulabatur. Ne jam Dei optimi
 maximi pacem ac præsentiam loquar;
 cujus agnoscendæ causâ templa nu-
 per obsedimus & aras; pervigilem &
 indefessum pro salute nostra animu n
 vestrum, Patriæ Patres ac custodes; cu-
 ram tuam , Frederice Henrice , Prin-
 ceptis invictæ , cui supremum apud nos
 terra & mari militare est imperium ; a
 quo tot facinora patrata , quælia , cum
 cuperemus omnia , ne quidem optaba-
 mus ; cujus auspiciis , & , quod quoque
 nullum est majus , consilio ac exemplo
 hæc geruntur , grati agnoscimus & ve-
 neramur. Quis verò ille lætitiæ publi-
 cæ testis ac index dies ? quo Tromp-
 um , quanta ausum , tanta merentem ,
 non currus triumphales , non ex ebore
 sceptrum , sed victricia aplustra & vi-
 ctæ puppes , & vota omnium ac gra-
 tulationes in cælum extulere. Raptis
 enim

enim ex ipso mari, & in eo fixis trophæis, Romanorum ingenia in fingenda triumphorum pompa longissime superamus. Nobis, pro statuis ac aris, satis est extortas hostibus ingentes, & tantum cum nostræ sunt invictas naves, hic partim, plures in Zelandia spectari. Nisi quod triumpho omnimajus fuerit, quod non videbatur. Ex septuaginta fere armatarum navium & instructissima classe, quinquaginta admodum aut mersæ, aut flammis & ipso littorum contactu prostratæ sunt. Ex tot millium manu pauci & nuncii tantum cladis eluctati; aliis mari aut ferro, quibusdam morbo absumtis; haud paucis in aliena littora ejectis. Nos, majoribus necdum satis aestimatis, captos nondum numeramus. Omnes tamē inter suos credimus desiderari; nec, licet annua ex Perua auri & argenti forsitan accepta messe, in hac tam adversa fortuna hostes se solentur. Non enim isti, si viri, si majorum nostrorum posterii sumus, sed milite adversum nos

pugnatur. Quæ vero & quanta sociorū navalium hilaritas tunc & pompa? Captos trahebāt ipsi, aut sequebantur; tam supplice tunc ac demisso Hispanorum vultu, quantā paullo ante ambitione; quorum tunc quoque socii superbo & adstricto cultu induti, novitate spectaculi omnium oculos implebant; lætiores, Hercule, quam cum Macedones victorum à se Persarum habitu suum mutarent. qui adversum hostes se viros, apud suos, hostes tantum ostendunt, eosque victos & debellatos. Veri illi Fratres ac Socii Pop. Romani, æstimatis jam tū eorum ingeniis meritisq; , cum cœnum nostrum ac paludes, cum Oceani brevia ac vada, cum Rhenus ac Mosa in ulteriora ituris obstarent; cum ut sagittæ & tela in usū armorum, ut maximus Scriptorum loquitur, seponerētur. Ex quibus nati tandem, ipsa solis cubilia, orientis aut occidentis, emensi sunt. Sine familia fere omnes ac tribu, nominis majorum suorum obliti, non virtutis. Neq; enim eos jactant, ut vulgo ambiciosi, sed

sed imitantur. Nulla post tot sæculo-
rum intervalla, tot provocatos & de-
pulsos labores, accepta opum hæredi-
tate, præter itinera maris ac vias, præ-
ter contemptum undarum ac tempe-
statum, denique nihil præter id quod
hostis est, & eidem ferro extorquetur.
Animi eorum invicti sunt & inconcus-
si, tori vero indomabiles & compacti
corporis lacerti. In vultu nihil ejus for-
mæ, quam elegantiarum arbitri suspi-
ciunt; mascula omnia viri inveniunt &
admirantur. Nam habitant eorum o-
culos non nisi procellæ & tempestates.
Cutis iis non mollis, non curata, sed
quam adpersam nimbis, ventis iterum
siccatam, subinde à propinquo sole am-
bustam, laboris omnis patientia indura-
vit. Nullis major membrorum alacritas
aut usus. Illi non tam incedere, quam
scandere per transtra & foros, non
transire loca sed transferri; via uti quæ
ipsis pedum vestigiis sit minor; denique
unius digiti articulo totâ corporis mo-
lem suspendere, librare. Et credibile est

lapsuros ipsa pice juvari. qua, velut cerussa & pigmentis aulicæ matronæ, non tegumenta tantum virorum adspersa sunt, sed ora : ut glasto olim infecti Britannorum vultus ; & majorum nostrorum sanguis, Heruli ac Gætæ, præter hastas & vim contorum, coloratas etiam genas in terrorem hostibus inferebant. Cætera remus, bolis, & dolo, & unius cultelli uncus, puerorum crepundia sunt & virorum arma. Nam eisdem artibus etiam parvuli, inter navium, velut cunarum, agitationes, imbuuntur ; dum plerique in ipso mari concepri, editi, non tam patria, quam mari distinguuntur ; &, quia patriam quisque amat, mari delectantur. Procul nutriculis aut amotis, a quibus ad speculi præscriptum & umbram, eorum, quæ viri sunt, obliti, plerique educamur. Et credibile est Oceano, velut regno suo, mille inter discrimina, accendi eos & animari. Ubi se attollunt cœli injuriæ & fluctus decumani, quasi cum natura ipsa ac cœlo viri congregi-
un-

untur; ventos regunt ac tempestates. Nec umbratico certamine, aut in pugilis schola, sed inter diffidia cœli ac terrarum, inter atrocissimos Oceani motus, Heroum virtutibus imbuuntur, in ore, in carinarum modico & unius ulnæ cubili. in quo ingentes illæ animæ agunt, ut in spelæis suis nobilissimæ ferarum. Cum pugnandum, non expectant hostem sed quærunt; cum quo commissi non septemplici clypeo aut parma, quæ sæpe virtutis tantum simulachra sunt inter ignavos, sed nudo pectore & exposito, quod animi ac virtutis robur firmavit, utuntur. Præter enim bipennem unam aut pugionem, æs aliud ac ferrum virtutis credunt impedimenta. Armis omnes feriunt, non teguntur. Hostem victum non credunt, nisi mersum aut mactatum. Hispanum imprimis, quem ut excrementum Oceani ac fæcem, ut scrofam, aliisq; vocabulis, insectantur. Nec enim pugnamus in modestiæ legem, dum ipsam virorum linguam ac facundiam

diam hic usurpamus. Quæ cum in ipso prælio ac acie invicem se accendunt, longe inferiora sunt, quæcunque Græcorum aut Romanorum eloquentiam professi de vi dicendi tradidere. Cæterum nunquam, nisi apud hostem, æstimatores sui sunt aut ambitiosi. cum nempe in adversam transgressi navem, ut suam, dejici anchoras & submitti vela, se, velut rege ac principe, coram, cruore eorum qui ceciderint adpersi, vultu ad animi ac felicitatis magnitudinem composito, jubent. Post quæ se ostendit avaritia viri, sed laudabilis, & virtutis etiam ante prælium inter cordatissimos fax ac incitamentum. Prædam ipsam ac spolia loquor. Ad quæ, tanquam ad erciscundam hæreditatem, concurrunt, & alii dupondii, quidam tripondii, trientis alii aut dodrantis, non ex tabularum, quas cadentes illic aut superstites non consignant, sed industriæ & alacritatis lege, potiuntur. Mox prodigi aut liberales, dum acceptum aurum aut argentum, velut

velut possidentibus nociturum, ut Seianus olim equus & aurum Tolosæ, inter conjugum ac liberorum gratulationes, inter delicias unius mensæ, & vini aliquot cantharos, perire sibi læti patiuntur. Nunquam divites, etiam cum plurima possident. Non sane quod esse non possint, sed quod nolint. Pugnare desinunt, præda accepta; ea absumpta iterum cum hoste congregiuntur; pari semper ac eadem virorum inopia & virtute. Agnoscitis hic vos, Auditores, non quidem priscorum Heroum sanguinem ac genus, sed ausu ac magnitudine virtutis eos já supergressos; qui quos sibi natura maris ac terrarum, & gentium limites posuit non ponunt sibi; qui Asiam ad nos transvehunt, & Africam & Europam, & quidquid in Americano orbe novi æstimamus; à quibus, post jacta libertatis nostræ fundamenta, post tanquam febris purgatum domesticum mare, ipsæ Herculis columnæ concussæ sunt ac Gades; denique Indus ipse visitati & Ganges,

ges, alia longe Batavorum horrea, quam Sicilia olim & Ægyptus populi Romani. Agnoscitis Heemskerkii, & Heini vexilla ac disciplinam sequutos, & posteros eorum aut alumnos. Agnoscitis denique, quorum beneficio jam triumphamus. Enimvero ex præsentibus etiam futura æstimamus. Superavimus extremos & maximi terroris hostium conatus, seu petierint claustra patriæ & portus, beneficia naturæ; seu Amisiam & proxima Frisiorum, ad turbandum Oceani nostri septentrionem, repetitis Romanorum consiliis, quorum Germanicus Imperator, eo ex loco, velut opportuna sede, cognatos majorum nostrorum Cheruscos & Cattsos, reliquasque inter Rhenum & Albim validissimas nationes, felicissime olim debellavit. Superavimus exercitum numero & juventute gentis terrentem ipsam famam, & Hispaniæ, raro aut ab infæcundis habitatæ, auximus sterilitatem. Plerique, non tam sanguis, quam fœx & pus Maurorum, inter sordes

des navium ac pedorem ante pugnam sunt extincti ; undis alii , quidam ferro hausti ; carceres alii, velut examina, implevere , relicto ignaviæ æterno monumento , dum victi fere sunt priusquam pugnarent. Perdita denique classis est, opinione omnium invicta ; jacturâ hostium incomparabili, quibus a materia struendarum navium defectis & arte, plerisque exutis, non Germanicum mare, non Orientem aut Occidentem, partim jam nostrum, adire integrum posthac erit aut fatigare. Agnoscimus enim non modo hujus Reipublicæ, sed & sociorum quoque res per quæcunque maria, quascunque terras, una hac victoria augeri. Et, si quis cladis, si quis felicitatis nostræ ac suæ sensus sit penes maria, penes accolas ac dissitos amnes, & profunda aquarum, credibile est cadavera merforum ejecta in littus Cantabrici, cladem, & superstitum fugam, aut vincula testari ; credibile est lachrymis matrum ac conjugum, ob carissima pignora sublata, acescere

Ibe-

Iberum ipsum & Tagum ; denique Catalauniæ Sichorim ac Teram, comota jam ad Perpinianum Gallorum signis, harum quoque rerum fama terreri. Quin Danubius etiam & Visurgis, quos victricia Suecorum signa ipse jam implevere aut fiducia libertatis, ad regnatricis vim domus, tot tantisque Austriacorum suppetiis profligatis, magis depellendam animantur. Scaldis quoque ipse & Lifa: Belgarum, tanta olim pace majorum navigati amnes, pulsas Hispanis, aut prohibitis, aut attritis, sperant jam ac gestiunt Rhenum nostrum & Vahalim & Mosam, tot Nassoviorum Principum victoriis promovendis fluentes famulantefque, mutuis iterum commerciis & animis undisque confusitandem amplecti. Post quæ restat, ut, indulgentia cœli, pacatis domi rebus, Hispaniam ipsam pariter inventi ac Bætim, caput rerum & totius terrarum orbis calamitatis ac bellorum sedem invadamus. Nec ad doman-

a me eam ducentis nobis annis o-
 ut quondam populo Romano ;
 non per intervalla longi temporis
 iramenta , sed uno ictu , florem
 virtutis Hispanicæ ac nobilitatis ,
 pugnam impellimus ante necessita-
 tem , ad deditionem pene ante certa-
 men ; qui classem , qualem Oceanus
 nunquam vidit , armis virisque far-
 tum , turribus ac tabulatis supra colles
 nostros exstantem , fulmina tantum
 tonitrua machinarum vehentem ,
 spectatam diu , sed oblatam præter
 expectationem , ab aliis frustra domi-
 natam , tot annorum inter hostes
 laborem , tot rerum spem , metum vi-
 cinorum ac terrorem , ipsum superbæ
 gentis spiritum ac ambitionem , impa-
 res longe numero ac pene nulli , modi-
 co nostrorum damno aut nullo , quæ-
 les ante pugnam , tales post victoriam ,
 integri ipsi & illæsi , totam debella-
 mus.

M A R.

MARCI ZUERII BOXHORNII

ORATIO

AD

BELGAS,

Hispano adhuc parentes,

SASSA GANDAVENSI,

auspiciis

FOEDERATI BELGÆ

ORDINUM,

Ductu

FREDERICI HENRICI,

Arausionensium Principis,

expugnata.

FOEDERATI ET LIBERÆ

BELGÆ

LOQUUNTUR.

ORATIO IV.



Elgas vos, sed dubium quo
nobis nomine appellandos,
Belgæ convenimus. Consan-
gui-

guineos nostros & Cognatos, ut iisdem majoribus ortos; Fratres olim & Amicos, cum aut diversos singuli principes, aut eundem omnes, iisdem pro libertate studiis conjunctis, agnovimus; nunc contra hostes, dum septuaginta fere annorum intestino pariter ac externo bello, inaudita inter eos contumacia, quos & natura, & causa, & mutua commoda esse jubebant conjunctissimos, maxime autem vestra, collidimur: & communem patriam quaqua, sed nos inviti, cruentamus: Fratres iterum nostros & Amicos, si, quod nobis idem vobiscum sanguis, necessitas vobis praescribunt, pulcherrima & toti Belgarum imperio haud dubie profutura vota nostra audiuntur. Hostium nomine vos jam adire haud debuimus, quos volumus amicos; illud autem antiquum & dulcissimum, quod Fratrum & Amicorum est, usurpare, patientia, vel, quod potius sperandum est, haesitatio vestra nondum sinunt.

Co-

est, diuturnique hujus belli finis semper fuit, ut multis magnisque tempestatibus afflictos vos, & in ultimam perniciem haud dubie jam vergentes, ad felicitatis nostræ exemplum non modo, sed etiam usum, neque ac spem, sed certissimam salutis fiduciam, pacem societatemque nostram, tristissima servitute à cervicibus vestris depulsa, vocaremus. Vos quidem, si quid in vobis vel exempli superfit vel sanguinis majorum, integram & incorruptam Belgarum indolem hic in nobis agnoscitis; quam non modo ad curam custodiamque libertatis suæ, sed etiam alienæ, Belgarum maxime, ipsa natura restrinxit. In hac autem publica lætitia nostrorum, post amnes vestros, quos præcipua imperii munimenta habebatis, superatos, post captam in Flandria, pollentissima, quas Belgium vestrum habet, ditionum, securitatis vestræ, quam inaccessam & invictam credideratis, arcē ac sedem, capita rerum vestra-

rum

tum reliqua concussa & commota, turbataeque adeo domires vestras, ut vix amplius dubium sit, an domestica vobis vitia, an oppugnantium virtutes opesque, tot vestrarum tantarumque, recentissimarum cumprimis, & quæ majores jam instant, cladium sint auctores. Subiit nos vestri quoque cura & miseratio, quamquam, quo excipiendus esset pompæ ingenio reverrens à felicissima expeditione militiæ nostræ imperator, nunquam alias nobis, tot ejus officiis, laboribus, periculis, proximis maxime, obstrictis & obligatis, sollicitius aut intentius fuerit cogitandum. Sed cum infra rerum ejus fastigium longe posita sint, quæ instruendæ triumphali pompæ vel ipsa principum arrogantia, vel privatorum pietas aut adulatio plurima hætenus invenit; neque ejus modestiæ sit, velle ambitiose coli, sicut ejus prope solius est supra omnes retro duces eminere; & præter agnitam Dei immortalis pacem, præterque testes publi-

caelæ ignes, qui nunquam frequen-
tiores ardere, nihil hic nobis præscripse-
rit innocentia aut parcimonia majorū;
& quod potissimum est, in animis no-
stris, velut templis, dedicatam tot ejus
pulcherrimorū operum imaginem cir-
cumferamus, sic sibi à nobis satis fieri
facile patietur, solitus semper post vi-
ctoriam de ambitione etiam modestiā
triumphare. Erat quoque religio nobis &
cum nulli apud cordatos quoque trium-
phi fuerint civilium bellorum, & ex co-
gnato sanguine hausto voluptatē quæ-
rere aut capere, non sit Belgarum, ex
afflictissimis arctissimisque vestris rebus
novi ac immodesti triūphi quærere no-
luimus occasionem. Sed nos illa magis
cupido exercet, uti quocunque modo,
& quamprimum, res publica vestra ad-
juvetur. Horum enim, quæ nos agitant,
bellorum cum nulla hætenus apud vos
præmia fuerint, omnia mala, & per ea
jam pridem amissa sint, quæ multis la-
boribus & periculis, multaue inno-
centia capta majores vestri nascentibus
D vobis

vobis cum anima simul tradidere : pacem cum vicinis populis , in bellum versa per tot annos duodecennii spatio male dilatū ; libertas cedere miserrimæ servituti jussa ; domus & familia in patriæ clarissima , externis , neque æstimati domi , ad supremos honores , contravitas leges , evectis , bonæ artes & honestæ divitiæ , paupertate , avaritiæ externa , ac tot annorum cladibus absumtæ ; cumque atrocior casus , nisi optimo consilio & necessario ausu antevertitis , jam jam pavendus sit , non profecto flagitium nunc à vobis , neque malum facinus petimus , sed uti libertatem everfam prope jam ab occasu restituatis. Torpere ultra & pollendam pordendamque Rempubl. relinquere , sopor & ignavia videretur , etiamsi vobis quam inhonesta , tam tuta servitus esset , acerrimis adversarum rerum stimulis exploratis. Tot per annos victores , quod egregium nobis putamus , omnia vobis decora publicæ tranquillitatis offerimus. Ipsa illa liber-

bertas nostra , preſſa olim & tantum non eneſtâ atrociffimâ , quæ vobis adhuc fæda manet , ſervitute , agere cauſſam ſuam contra potentiffimum tunc Europæ regem auſa , cum omnium egens & ab omnibus deſerta nihil poſſet ſperare , per varios initio caſus , & infinita rerum discrimina , dein anniverſarios fere triumphos , ad juſtam & , quantam optare poſſumus , magnitudinem eniſa ac proveſta , tot jam lauris redimita , nec armata , ſed , cum ampliffimo ſuæ domi pacis ac omnium ejus bonorum comitatu , placida ad vos venit , & dextera olivam , vetuſtatis pacis inſigne , prætendit , ac , cum in infulis noſtris aliſve ditionibus anguſte habitet , & ad gloriam nihil præter liberrimum Belgarum totum nomen deſideret , apud vos quoque , recepta ſe & agnita , feliciffime geſtit imperare. Nec vobis ſuſpecta ſint , aut adverſa conſilia noſtra videantur , quorum hic alius animus , alius in campo eſt ; alius cum

obstinatos vos & hostes, alius cum affictos & cognatos; alius cum tantum miseros, alius cum etiam pereuntes cogitamus; & qui quos in ipsa pugna odimus, post eam feliciter pugnatam, amamus. vos certe, quos ubi amare non licuit, cum vellemus, aliquamdiu odisse debuimus, ut aliquando amaremus. Natura ipsa pro votorum nostrorum innocentia pronuntiat. Neque difficulter adnuunt, qui ad sui & suorum amorem vocantur. Steterint tot per annos iratae acies; hauserit Belga sanguinem Belgarum, gesta sint, quaecunque hostile odium meditatur, credi sane adversi haud possunt, à quibus, licet post tot mala, praecipua gentium bona, pax & libertas, jam vobis offeruntur. Si in caelum usque laudibus feratur clementia eorum, qui, quos ferro fregerant, subjectis perpercere; qui non, modo haud sint professi odium sui, primo hostes, dein amicos libenter agnoverint, qui, cum expeditionibus imponere possint
ulti-

num diem, jam victos, si ipsi ve-
 , ad rerum felicissimè à se gesta-
 rum usum vocant ac communionem.
 que est quod de fide nostrâ dubi-
 is, cum amandos vos esse nobis
 hic necessitas præscribat, sed a-
 or; quod ipsum infucati ac sanctif-
 icum est argumentum: nec de constan-
 ti, cum hæc Respub. domi septem-
 ace illo ac indissolubili nodo adus-
 ue totius terrarum orbis stuporem
 commendata; foris vero omnium,
 uotquot amant & tuentur suam aut
 liorum libertatem, principum po-
 ulorumve foederibus illigata, nulla
 perfidiæ notâ sit insignis. Nec de
 imma hujus consilii diu vobis labo-
 randum est. Eo necessitatis jam apud
 vos ventum est, ut suadere, quod o-
 porteat, non multi laboris sit. Sim-
 plicissime ergo inter nos hodie, &
 Belgæ, loquemur; blanditiæ, pessim-
 um veri affectus venenum, aberunt;
 & quæcunque assentatione sola sine
 affectu, aut odio, peraguntur. Diu vos

morari non est temporis huius: si bellum modo, auctores ejus, mala, quæ tot jam annis vos pressere, & ultima manent, nullæ ad avertenda opes, certissima pax ejectis ejuratisque ejus auctoribus, quam id utile Reipubl., vobis gloriosum, aut promptum effectu, aut certe non arduum sit, æstimetis, omne consilium impletum est; nisi quæfato manent, quamvis significata, non vitantur. Uni impares, eadem jam tempestate, Gallorum & nostro, implicati estis, iis auctoribus, à quibus, post opes vestras consumptas, aut prope nullas, nullâ auxilii reliquâ spe, discrimen tamen ac pericula bellorum vobis relinquuntur. Nos olim, diversis septem supra decem gentium vocabulis, ut sedibus, non animo aut odiis, divisi, commerciis contra & promiscuis matrimoniis, velut unus idemque populus, conjuncti, & altissimam pacem, & florentissimum, ut ea erant tempora, imperium, inter parata pro libertate
mutua

ia præsidia, domi habebamus. Si principum aut ambitio, aut furor, vel etiam petulantia bella facit, necessitas pacis, & iccirco stultitia, ac Belgarum consensus, statim innoxere. Gesta idem qui cœperat amplectumque finivit. Tum meliorem pace, quam bello, nos habere caussam credidimus. Vestra nos contumacia, diuturno huic & si Hispano- rum apud vos vota valent, æterno, periquissimam eorum dominationem, voluti sumus. Neque enim tant ex vobis caussas dissentendi habuimus, quam illorum imperio. qui, ne jam dicamus singula, ad quæ horror animi subit quoties recordamur, quæ vobis etiam detestata prope unicum & tristissimum annalium nostrorum sunt argumentum; tot innocentissimorum hominum millibus, nunquam auditâ immanitate, trucidatis, cruento passim Belgio & maculato; quæ scelera alii, remedia vocabant; falsis nominibus severitatem pro sevitia, suppli-

cia nostra & contumelias, & quot prope Belgas tot rogos & cruces, disciplinam appellabant, quam dum fortiter nos excutimus, vos sæda inconstantia, mutatis animis, patientius fertis, in diversa hæc studia scissi sumus. Mansit tamen nobis vestri amor; bellum modo adversatum est; pertinaciam vestram oppugnāvimus, non salutem; &, quā fruebamur, florentissima libertas; vosque etiam complecti cupiens, odisse nos servitutem vestram hætenus coëgit. Nec enim de parte finium vobiscum ambigimus; aut vestras injurias, sed Hispanorum querimur, qui ut vobis servitutis ita nobis omnibus intestini hujus belli, vobis autem infelicissimi, soli sunt auctores. Neque profecto aliorum ambitionem, cujus spe omnia Europæ regna jam devorata sunt, Gallicum superioribus annis intulisse vobis credendum est. Quid enim aliud Ludovici Regis indicentis bellum vobis litteræ aperuere? Securitati Gallorum perfida, & versipellis illa,

la, quod de Carthagine olim dictum est, Hispania infidiata est; pacta & conventa sociorum turbavit; Belgæ innocentes, sed quia Hispanorum sunt, plestuntur. Aut fallimur, aut facile agnoscitis bellorum auctores. Utinam non foveretis? Quid vero ipsa? quid per illa in Belgio tot jam annis à vobis profectum? Neque nocere hostibus, neque tueri vos valuistis. Tot expeditionibus, tantis vestris Hispanorum que ihuc pollentium, impensis, quid, ærle, aliud actum est, quam ut conuuo fere victi, post tot maribus novis classes immissas, tot terra exerciseductos, tot classibus fractis ac mer, tot urbibus, tot claustris imperiistri & munimentis, passim captis, omnibus dōmi forisque opibus exhausti, illis fulti alienis, & prope inermes, acta scrutantes aut in hostium, qui jam omnia aperta sunt, lubidine figant, aut in sola miseratione nostra præum rerum vestrarum inveniretis? site privatorum, tot civium, tot a-

greſtium, tot neceſſitudinum veſtrarum, anniverſarias clades, quæ non minus publicæ ſunt, cum florentibus illorum rebus hæc etiam adjuvetur. Ob-
 beuntibus vobis veſtras, aut partim ve-
 ſtras, Belgii regiones, quid præter ur-
 bes & caſtella pluria amiſſa, quam de-
 ſenſa; littora, cum voluimus, obſeſſa;
 terrâ, etiam cum deſtinata oppugnan-
 tibus non procederent, ſemper immen-
 ſis cladibus ditiones afflictaſ; earum
 intima, & bellorum injuriis olim ex-
 cepta, limites imperii; agrorum vaſti-
 tiem; raros, poſt anni ſpem, poſt a-
 greſtium mapaliâ & caſaſ toties everſa,
 cultores; cineres pro florentibus vicis;
 municipia aut oppida, aperto poſita
 loco, deformia, deſerta; clauſa, à metu-
 entium tantâ pallentiumque multitu-
 dine, quantâ civium, habitata; com-
 merciorum jam longum ſilentium; o-
 tiolaſ artificum manus, & interim eſu-
 rientem domi, aut mendicantem;
 aut alias quærentem ſedes matrum ac
 parvulorum gregem; (& immenſa jam
 ſpon-

sponte aut ex desperatione exulantium multitudo sedes nostras læta implevit) calamitatis denique omnis egestatisque tristissima ac frequentissima spectacula, offeretur? Sint porro ante oculos, stipendiis haud solutis, fluxa ducum auctoritas, nulla jam propenitiae disciplina, rupta omnis sacramenti reverentia: quo fit, ut tot fene, quotquot signa vestra sequuntur, mendicos urbes vestrae videant, agriures, & latrones, ac, quod supra omnia mala est, impunitos, & nonum damnata exempla; ut barbarus, uem ex Germania, quam attrivitridem ac evertit, plerumque necessitas vocat, ad Rhenum vestrum, aut losam, aut Liviam, pacatissimos on & tot scelerum nescios amnes, noniter atque Dravum suum Savumvelex agat, & ad prædam cædesqueorum, non opem venisse videatur.que enim illi modo vobis hostesit, qui bellum inferunt, sed quibis merent. Nec ullum ma-

D 6

jus

jus calamitatis indicium est quam ab
 auxiliis oppugnari. quæ præcipua,
 nam id instat, irati & desperantis vul-
 gi sunt turbamenta. Si apud vos, quos
 neque nota mala vestra fallere pos-
 sunt, neq; occulta, nobis, quos eti-
 amnum hostes creditis, non sit fides; in-
 veniet certe ille, qui adhuc vester, &
 præcipuo inter vos loco, (nam nomini
 apud servientes parcendum est) cum
 pacem Belgarum bello anteferret, an
 non, quæsumus vos, jam tum ex vero il-
 „ la? Horreat sermo, si ad tabulam &
 „ memoriam, clades, funera, &
 „ quantum mali invecum est, revo-
 „ cem. Homines & ipsi agri gemunt,
 „ populi & urbes; pacemque preci-
 „ bus & votis flagitant; otio & quie-
 „ te digni, quia tam sævam tempe-
 „ statem patienter tulere. Pietatis mu-
 „ nus est, otii ac quietis causâ suscipe-
 „ re; ut si malis modus non sit, sit sum-
 „ ptibus, qui omne jam belli pretium
 „ & quidquid bello petitur, excedunt.
 „ Ærarium maximum, & quod fundo
 caret;

t, exhaustum est. Thesauri pene
 merabiles profusi: lassæ liberali-
 & adhuc miles eget, hosti simi-
 & urbibus agrisque infestus Re-
 quia arida & sicca stipendiorum
 1. Necessitas legē non habet, ne-
 tamen fœdiori flagitio ad rapi-
 , an dedecore ad mendicitatem,
 ndiarii Regii, Martis alumni, ve-
 t. Ut concedam corrigi hæc pos-
 tid paucis tamen insulis omnium
 orum vectigalia, tributa impen-
 ur? Si recte calculum ponimus,
 anti victoria est: & adhuc pug-
 is? Hæc olim, & gravissima vobis
 ia horum bellorum sunt. Quæ
 nunc, post tot novas incompa-
 :s clades, quæ cum annis singulis
 s & multò grauiiores ac pene
 ltimæ, cum vix alias pati possi-
 ecurrere? quæ post Catalaunię,
 sitanię, & tot in India ditionum
 iones, per quas Regię opes, sem-
 bis iuvandis impares, nunc nul-
 ue Hispani sanguinis miles, vobis
 offer-

runtur? Quæ, post tot domi mala, tot vulnera, quibus ipsa imperii vestri, si id imperium dicendum sit, vitalia jam petuntur? Quæ post Atrebatum (nam recentissimorum hic sufficit meminisse) à Gallis captam, superbam illam & munitissimam non modo Artesiæ, sed totius Gallobelgici tractus, eumque longe nunc lateque infestantem, civitatem? Quæ post cæsam ab iis & deletam, memorabili illo ad Rocroiam prælio, exercitatissimam militiæ vestræ manum? quæ post eam victoriam statim sequutam Theodonis Villæ, quæ urbs Lutzenburgiorum caput est, deditionem? Quæ post Grevelingam, portu & operibus nobilissimam, pari felicitate expugnatam? Quæ post castella tot, tot aggres, limites, amnes rivosque, per quæ inviam hostibus viam credideratis, unius, velut fulminis, impetu superata, denique omnia irrumpentium ferro ac flammis, aut tributa imperantibus, reclusa ac aperta? Quæ post
maxi-

maximi terroris Hispanicam classem, annorum opus, nullo nostrorum damno, ad Cantii littus captam aut dissipatam? post, sola privatorum manu velut febris, purgatum, & piratis vestris clausum domesticum mare? Quæ denique, post invictum vobis habitum Gandensis Cataractæ munimentum, tot castella proxima, sub ditionem nostram nunc redacta; inerrantia signa nostra penitissimis Flandriæ oris; fertilissimos VVasiæ campos, ipsum velut uber fœcunditatis, cum volumus vectigales; denique Antwerpiam Gandamque, florentissimas Belgii vestri & quarum fulturis reliquæ omnes sustinentur, civitates, terrore ac metu undique obsessas & prope jam captas desperatione? Nec enim præter hanc quidquam vobis restat; unumque id ad salutem vobis superest, ut post omnem fiduciam vobis ablatam, post nullas ad securitatem latebras, rebus vestris diffidatis. Non enim est, quod aut malorum remedia,

aut

aut feliciora tempora ex vobis vel Rege vestro expectetis. Qui florentiores uni nostro bello impares semper inventi estis ; quomodo, qui post tot annorum tabem enervati, exsangues, propius ab exitio jam abestis ; ex duobus maximi metus, nostro Gallorumque, instantem tempestatem avertetis ? Hispania autem, ægra ipsa, saucia, & validissimis artubus spoliata quomodo opem feret vobis laborantibus ? Si quidem ferre possit ; cur in tempore, cur afflictissimis jam, & toties supplicibus, idoneam non tulit ? cum tamen sui in Belgio imperii conservationem inter præcipua semper consilia habuisse credatur. Haud unquam terruere nos, neque vos fallant, vana nomipa, complexi totius pene orbis imperium tituli, Indiarum domini, & per Asiam atque Africam late longeque regnantes Philippi, legentium tantum terriculamenta. Cum soli, cum nullis opibus nostris, modicis alienis, &, ut sic dicamus, pene nulli, bellum contra
cos

eos integros, potentissimos, & universæ Europæ formidatos, ac in Belgio totius prope orbis viribus nos oppugnantes, pro libertate nostra gereremus, caput tamen repente extulimus, & plerumque victores novum nobis, & statim apud Principes legationibus mutuisque foederibus agnitum, & quod invidia audiat, longe florentissimum asseruimus principatum. Quid ex illo ergo, domi oppugnato, & vix suam in Hispania tuente dominationem, atque, ut nunc alia prætermittamus, in isto orbe, quem solum habuit semper opulentiae suæ fundum, paucorum annorum spatio, nec publicis, sed privatis nostrorum, qui in Occidentem Indiæ navigant, armis, duobus supra septuaginta auri millionibus exuto, porro vel sperandum vobis, vel nobis metuendum est? Quid ex socia Austriorum domo? quam illæ Rakocii nuperæ in Hungariam irruptiones, & major ex Ibrahimo Ottomanno metus; captus per hos dies à Gallis

Gallis Rhenus; & inhærentes tot jam annis Germaniæ visceribus illæ longe lateque victrices Sueonum legiones, ita distinent ac exercent, ut trepidare tantum & metuere sibi possit, quæ pridem omnes potuit terrere. Neque vos fallant vanæ imagines velut reditura illius fortunæ, quæ, tantum ut calamitates vestras differret; & diutius vexatos facilius opprimeret; inter hos bellorum motus, vel nostris vitiis, vel ne quidem sperata vobis felicitate, subinde conclamatis jam rebus vestris adesse & favere visa est. Nunquam illa nobis Gallisve plus in vos permisit. Ad eam apud vos publicam privatamque egestatem ventum est, ut diutius vinci à vobis aut sisti possimus, quam vos vincere. Nos annis superioribus ad Calloam acti in fugam sumus; vanæ fuerint susceptæ tot in VVasiam expeditiones; alia nunc via ea nobis patefacta est. Neque sane ullis adversæ magis magnæ & ambiciosæ spes sunt, quam his, quorum lapsus,

pſis, quales veſtræ ſunt, rebus ſola de-
 ſperatione conſulitur. At pacem for-
 te vos reſpicitis, ſicut totius tot per an-
 nos ſuorum ſanguine ita madentis, ut
 ſua jam agnoſci facie non poſſit, Euro-
 pæ, ſic veſtra etiam vulnera ſanaturam.
 Sed illa veſtra jam letalia ſunt; & dum
 eam reſpicitis, quæ tantis deſideriis &
 tam diu, cum injuriæ ex injuriis tra-
 hantur, nequicquam optata, quæ ſem-
 per tarda eſt, bello perituri eſtis. Addi-
 te, quos dominos adhuc agnoſcitis, Hi-
 ſpanorum Ingenia. qui cum, immenſa
 illa cupidine invadendi regna aliena,
 neque datæ Leges pacis obſervent, ne-
 que acceptæ, meliores cautioresque
 populi aut principes æterna cum iis
 bella malunt, quam, ſub ſpecie pacis
 ac larva, injurias & damna bellorum.
 Quid ad illius ergo ſpem vos confu-
 gitis; pereuntes jam Belgæ, (quod
 vobis nomen hic non ambitio facit
 aut ira, ſed veſtra fortuna) quæ, ſi
 forte, veniet ſera, incerta, non du-
 ratura. Nihil proſecto jam conſilii
 ſuper-

superest, nisi ut vestrum vobis imperium, Hispanorum, qui nostrum in vos ferrum acuunt, quamprimum exuto, junctisque nobis dextris, pacem vobis domi asseratis. Quod, hercle, ut æquissimum ac facillimum factu, ita vobis ultima necessitate pressis salutare, & apud posteros gentesque omnes gloriosum erit. Nec jam dicendus nobis totius terrarum orbis, qui ipsis non regnatur, consensus. quo omnium hostes judicati haud absurdum foret si vobis etiam viderentur. Sed, cum aliæ cogant & sufficiant rationes, forte invitis vobis aut dissimulantibus hæc gratis dicerentur. Si enim natura ipsa, & populorum omnium judicia ac leges unicuique ut necessariam maxime ac sanctissimam mandaverint curam salutis suæ & suorum; & sub Hispanorum regno, quod jam facile agnoscitis, vos salvi esse haud possitis: si etiam principum sit, subditorum capita & fortunas contra vim omnem idonea operueri, eaque expressa aut tacita lege sub-

subditi omnes consenserint in princi-
 pum dominationes; vobis autem inter
 gravissima hæc bella, aut ex vobis, aut
 Rege vestro non tantum non adsit ul-
 lum auxilium, sed ne quidem amplius
 possit sperari; quis non æquissimum il-
 lud facinus pronuntiaverit? à necessita-
 te inevitabili, & quæ nullas alias nunc
 accipit leges; ab omnium maximo me-
 tu ac terrore, cujus & gravissimæ &
 præsentissimæ sunt rationes; ab ipsis
 illis aris vestris & sacrariis templorum,
 quibus, etiamsi velint, plerumque par-
 cere non possunt victricis & adhuc i-
 ratæ multitudinis clementissimi duces;
 ab ipsa Republ., quæ jam prope nulla
 vobis, brevi, si non auditis hæc (quod
 profecto custos ille Belgici nominis
 Deus haud sinit) hostium erit; à mayo-
 ribus vestris, sanctissimis & fortissimis
 viris, ac eadem olim ausis, quorum
 nunc cineres non quiescunt, & tumu-
 li materies sunt obsidentium vos vallo-
 rum; à conjugibus vestris, quibus ob
 imminencia grave est aut genuisse vo-
 bis,

bis, aut jam ferre uteri onus ; ab i-
 pſis parvulis veſtris, quorum, ante i-
 pſum pedum uſum, patriam vobiſcum
 ac cunas ſuas fugientum, exilia ac va-
 gitus, (ſi vel tormentorum circumſo-
 nantium fragor, vel à tergo inſtantium
 armatorum ſtrepitus ac minæ, audire
 jam ſinant) ad parandum innocentiae
 ſuae unicum hoc praefidium vocant,
 impellunt; ab ipſis manibus tot civium,
 tot contubernalium veſtrorum &
 commilitonum, qui pro patria fortiter
 pugnantes, ſed in nullum rei uſum,
 ambitioſa tantum morte inclaruere;
 voſque ne vana & illicita ſequamini
 per conjugum ſuarum viduitates, per
 orbitates liberorum, rogant ac hor-
 tantur ab illa prope immenſa fertilium
 camporum, ſolo ſuorum ſanguine
 diffluentium, vaſtitate ; ab ipſis illis
 inanimis tot arcibus & tectis, quæ ſu-
 perbe olim ſtructa ut erant amplitudi-
 nis majorum veſtrorum, ita nunc ferro
 ac flammis deformia in exitium euntiũ
 poſteriorum ſunt monumenta ; ab ipſa
 deni-

denique inaudita vestra, & quæ inter maxima exempla admirationi semper erit; tot annorum, tot malorum patientia, post publica omnia & privata certatim impensa à vobis, jam consumpta, imperatū ac commendatum. Eo quippe nostrum Gallorumq; bellū extinctum, & nullum vobis ex Hispano metuendum erit. Neq; enim terra illi ad vos via mari autem, etiam vestrorum publico nunc iudicio, neminē nos ferre possumus superiorem. Et, quid tandem factu vobis promptius faciliusvè? cum modica Hispanorū sit in Belgio manus, gratia prope nulla; audentibus vero vobis paratissima auxilia, &, quamprimū vultis, accinctus pro vobis fortissimus, neque prudentiæ aut sollertiæ artibus minor felicissimusque militiæ nostræ imperator. In cuius laudibus, quanquam id nunc non agentibus nobis, hic velut in transcurso haud silendum est primum illud castrorum silentium, quo recentissimæ expeditionis initium transegit. Nemo unquam ignavia (veremur ne improbe dicamus) tanta gessit;

fit; nemo inertia & quiete plus unquam adversum eos, quibus primus tantum impetus metuitur, tarda, quibus suæ tandem adsunt occasiones, non æstimantur, profecit. quem longæ, ut credideratis, desidiae indormientem, repente velut excitatum obstupuistis. Nempe id negotium illi in otio illo primo, in quiete labor, & in somno, ut sic dixerimus, vigilia fuit, ut vitia vestra foveret; ut, exolescente metu, securos vos & prope negligentes ac non expectantes, & ne expectantes quidem, ac velut desidem illum intemperanter lacerantes, ex improvviso opprimeret, gnarus ad cladem proximos esse, qui metuere adversos dedidiceret. cujus jussu mox natatu transmissi sunt munitissimi Flandriæ vestræ amnes; quo tandē intelligeretis, omnia esse vobis intuta, nihil contra clausum nobis: quorum bella non tantum ambulare ad vos possunt, sed etiam navigare; nec navigare tantum, sed etiam natare. Majorum exemplo, à quibus,

bus, sepositis olim à Romanis in militia usum, haud aliter quam sagittis & telis, præcipuum nandi studium fuit. quo arma equosque regentes, domi integris turmis Rhenum, in Britannia ipsum mare, in Pannonia etiam Danubium, superavere; ita repente, ut obstupefacti hostes, qui classem, qui naves expectaverant, nihil arduum aut invium crediderint sic ad bella euntibus. Soranus Batavus, olim gregarius stipendia merens sub Romanis, non suo sed ipso augusto Adriani Cæsaris ore, quasi de victo natatu Danubio triumphat, posterosque provocat ad imitationem, ac prope de eâ desperat. Huius ac similium nos posteri sumus; quorum neque sanguis hebet in nobis, neque industria defecit. Fuerint olim ulminatrices, aut alio aliquo nomine ierbæ & insignes, sunt nobis & mirant Natatrices legiones; ex quibus lecti nuper pauci ea felicissime ausi sunt, quæ vos metuere non poteratis; im, præter fossæ latitudinem, obstar-

E

rent

rent etiam plurimæ turres, aggeres, stationes. Quæ singula excutere irrupturis mentem poterant, & solo adspectu frangere promptissimorum audaciam, si aliis, quam nobis, opponerentur. Quid editissimo vallo, aliisque vallo adstructis instructisque operibus castra incredibili celeritate & ex arte inclusa dicemus? Nam paucorum adeo dierum ille labor fuit, ut multiplices istos variosque circuitus & anfractus, totque ac editas adeo & conjunctissimas munimentorum moles intuitibus, ipsa terrarum planities velut è gremio suo raptim edidisse colles montesve videretur. Quid iterum ipsum Ducem? quid venerabilem senis canitiem, & indefessam juvenis alacritatem? cum in illo imperatorio suo opere totus, assiduus, dierum noctiumque terminis confusus, neque somno, neque corpori vacaret, quo tamen etiam animus sustineretur. Quid constantiam illam animi ac magnitudinem inauditam? qua contractis undique vestris

vestris copiis, totque ducibus, ipso etiam Octavio Comite Piccolominaeo, tot in Germania expeditionibus clarissimo, evocatis, cum jam è nostrorum tentoriis adspicerentur, eam hæsitacionem eumve terrorem injecit, ut nihil ausi rerum ab eo pulcherrime gestarum testes tantum fuerint & spectatores. Hic nobis miles est, hic militiæ imperator. Horum virtute, post Mosam & Rhenum triumphatum, post validissimas Brabantiae, Gelriae aliasque urbes captas, post coercitum passim intrà arctissimos limites vestrum imperium, in Brabantia Gelriaque prope nullum; Rubiconem Flandriae vestrae nunc superavimus. quæ, ipsa vestrorum confessione, deliciæ horreumque Belgii, è qua bello vires haud ægre aliquando reparatae, quæque commeatum copiis, sumptus Principi, ducibus militem hætenus suggestit. Horum manu in ipso quasi ejus editullio erecta libertatis signa sunt; ut ad ea volitantia non concurritis?

cur metuere mavultis, quam amare? exitium per ea inferri, quam securitatem? Horum enim virtutes ac manus vestrae sunt, si vultis. Horum auxilio vos eximite periculis, & , ejecto milite ac sanguine externo, vos, dum licet, asserite in libertatem. Tantum incepto opus est: quid ergo cum auctoribus servitutis ipsam servitutem in Castellae suae solitudines, velut perpetuum exilium, relegare dubitatis? Ea, hercle, sola ad pacem & certissima via est. Quod si vobiscum patria; quos liberos gignere voluit, nec oppressa potuit, atque parentes, quos fortissimos illa genuit viros in praesidium libertatis, & posterum, quibus detestata erit vestra illa tam longa servilis patientia, possent loqui, non alia dicerent. Quippe si morbo jam aut fato huic imperio vestro secus accidat, cui dubium est, quin per agros urbesque vestras, major, si quidem esse possit major, vastitas, & ultima omnium perniciēs brevi oriantur. Sub alieno victoris imperio cur
&

liberi minus & sic miseri esse vultis,
iam felicissimi, socii & fratres eo-
rum, quibus ad ultimam vobis infe-
ndam cladem deest nihil, si modo ve-
re instare. Nisi aliam mentem vo-
stra salutis vestra cura dederit, ipsa
inanimata tecta, quæ ultrix flam-
ma porro absument; ipsi illi campi, qui
solum tantum jam sanguinis datum est
solumque, & plus haurietur; ipsi illi
ore vestro decolores futuri amnes;
et illæ orbitates, quæ imminet, &
uitates; denique ipsa cruentissimi
vastantis omnia Martis rabies, quam
inacidissima quidem ducum ingenia
umque possunt moderari, omnibus
illis & inter omnes hanc contuma-
cia vestram detestabuntur. Neque
constantia erit, sed pertinax per-
niciosa voluntas. Quod si contra bona
s fuerit libido, patriæ, parentibus,
s, posteris gratificandi, Republ.
uta, supra omnes casus fortuna
a erit. Proinde si quid in vobis co-
sanguinis sit & vestri, si quis amor

non jam dicemus nostri, sed vestri; si perire nolitis; si quæ supersint exempla vobis magnitudinis & innocentiae majorum; si quæ eorum misratio, qui post venturi; si qua his fides, qui amicos quam hostes, pacem, quam bellum malunt; si denique cura aut æstimatio aliqua obviæ, & in amplexus vestros euntis, ac infucatae libertatis, cum coelo & terra duratura pax jubeatur. Qui enim ad hanc usque diem ita desideria nostra discrevimus, ut aliis salutem nostram, aliis ultionem vestram Deo immortali curæ esse vellemus; quo, fractis vestris rebus & sic evictâ contumacia, majorum consensus, & antiqua, id est, felicia & pacata tempora vobis posterisque vestris aliquando redderentur; nunc, post septuaginta fere annorum bellum, jam longe lateque, Hispanorum in Belgio imperii claustris quaqua perfractis & apertis, victores, nullâ necessitate sola Belgici nominis miseratione impulsî, odiis simul armisque depositis, si quidem vos
velitis,

velit, quorum maxime interest, no-
 stram nunc simul ac vestram salutem
 tisdem, & quanta esse possunt, sanctis-
 simis votis coniungimus; ac has pacis,
 omnibus optatæ, vobis etiam necessa-
 riæ, offerimus conditiones, & vetere
 Belgarum, quæ optima est, fide obfi-
 gnamus: CUM COELO ET TER-
 RA DURATURA PAX BELGA-
 RUM ESTO. LIBERTATEM AC
 SUAS LEGES, EOSDEM AMI-
 COS AC INIMICOS OMNES HA-
 BENTO; COMMUNES ARCE-
 TO, BELLO AC PACE INVICEM
 SE JUVANTO, ATQUE UT CO-
 GNATOS OBSERVANTO. INJU-
 RIAM FACTAM NON QUERUN-
 TOR, NEQUE, SI QUID ANTE
 HUNC DIEM FACTUM EST, OE-
 JICIUNTO VINDICANTOVE,
 AUT ULLO ALIO GENERE PER-
 SEQUENDUM CURANTO; In hæc
 verba fœdere composito, arma deponi-
 mus; & ne residua in animis etiam post
 iusjurandum ira remaneat, præterita o-
 sculo abolemus. E 4 MAR-

MARCI ZUBRII BOXHORNII

ORATIO

PANEGYRICA.

D E

BELGARUM

PACE.

ORATIO V.

RES nostræ, quibustotius fere
sæculi bello pari constantia ac
felicitate gestis per cæteras gen-
tes clarissimi sumus, Auditores,
dum aut libertatem nostram adversum
armatos armis tuemur, aut maria ac
flumina & terras, quæ inter nos & ho-
stes erant, investi ac egressi, non hic
tantum, sed in alio etiam ignotoque
quondam orbe, imperium hoc, quod
initio modicum, longe amplissimum
fecimus, si plurimum gaudii huic
Reipub. adtulerint, & disertissimo-
rum.

rum hominum ora identidem hic re-
 cluserint, nunc potissimum magnis
 lætisque animis nos esse necesse est,
 & expressa tandem potentissimo ho-
 sti, qua nulla major est gentium
 gloria, libertatis nostræ confes-
 sione, & quæ in hominum rebus feli-
 citas summa est, pace simul data:
 quæ cum triumphorum omnium fi-
 nis, & potior omnibus ac major sit,
 omnes illos, ac omnia, quæ huma-
 ni generis commoda & bona sunt,
 sibi includit. Scio dicturo nunc mi-
 hi nihil ingenii, nihil facundiæ esse,
 sed fide & judicio pro Repub. nemi-
 ni vestrum concedo. Ego etiam, ve-
 lut in castris, inter classica natus &
 eductus, & per horum bellorum in-
 jurias cum ferro ac fame luctatus ob-
 sessus puer, & ingentium cladum
 calamitarumque, vastationum ac so-
 litudinum, quas hæc bella fecere, &
 ad quarum memoriam etiam nunc per-
 cellitur animus, spectator aut pars ipse,
 & odisse jam pridem bellum didici, &

pacis bona æstimare. Totius ergo
 prope sæculi, dubium Belgarumne il-
 lud Hispanorumque, an Europæ pro-
 pmodum omnis bellum appellandum,
 inde inter maximos formidatosque
 omnibus reges Philippos, altera manu
 orientis, altera occidentis terrarum or-
 bis opes ac imperium complexos, hinc
 inter populum situ modicum; & ma-
 jore pro libertate animo, quam po-
 tentia instructum, varia fortuna, fed-
 plerumque libertati equiore, gestû pa-
 ce & agnita nostra libertate extinctum
 est, Auditores. Quippe, tot gentium aut
 armis, aut pecunia, certe animis & con-
 siliis, administratum, quasi uno in Bel-
 gio de Europæ imperio dimicaretur:
 mirantibus plerisque, etiam sapientibus
 & expertis rerum, unde nova repen-
 te Fœderatorum Respub. tam augu-
 stum extulerit caput; quæ armis in-
 dies prævalida, superiorem pati nec ter-
 ra nec mari potuerit; quæ magnis per
 Oceanum classibus ad remotissimos
terrarum tractus colonias invexe-
rit

vexerit ; quæ statis apud principes legationibus , mutuisque fœderibus , neque minorem se regibus ferens ; novum sibi in Europa asseruerit principatum ; unde eorum inter assiduas bellorum tempestates ac procellas alendo bello non loci minus , quàm hominum pertinacia ; plane ut in alias terras peregrinari Mars , ac circumferre bellum , hic fixisse sedē hactenus videretur Non hæc Belgarum aut nostra jactantia est , Auditores , sed ipsa hostium judicia ac confessio ; quæ tanquam legitimas & testes veritabulas recitamus. Bellum , cujus eedem majoribus nostris causæ fuere , quæ ipsis innocentie & libertatis ; sæva principum jussa , aut eorum , qui , pro re-
 pertis juratisque pro libertate nostra legibus , dominationem quæ sine fine est , & sic suam suadebant ; inde continuæ accusationes , perniciēs innocentium , & læsæ Dei ac Principum majestatis unicum eorum crimen , quibus tot rogos , tot cruces struxit qui crimine vacabant. Bellum , cujus

primo non alia addicentia majoribus
 nostris auspiciis fuere, quā innocentiae;
 neque ductus alius, quam ultimae ne-
 cessitatis; neque opes aliae, quam à
 majoribus acceptus, & iniquitate tem-
 porum magis magisque auctus animus,
 siue vivendi in libertate, siue moriendi
 ante servitutem; non sociæ aliae, non
 auxiliares copiae, nisi posteris, nisi nos
 ipsi, quorum singulorum cogitatio,
 totidem iis fuere velut legiones; cum
 ingentibus eorum animis, quamquam
 inter discrimina infinita, & longe mi-
 nores spes quam metus, immotum sta-
 ret aut posteros omnino non habere,
 aut iisdem tradere vel integram & in-
 tactam, hæreditatem majorum, vel mi-
 sere quidem cruentatam, & jugulo
 confossam prostratamque, sed spiran-
 tem adhuc tamen, & mox feliciter ac
 augustiorem surrecturam; nec posthac
 lædendam, eorum beneficium, liber-
 tatem. Bellum, in quo primo non mer-
 cenarius miles, qui ad vulnera condū-
 ctus & mortem denis, aut paucioribus,

in diem affibus animam & corpus patitur æstimari, sed rudes & inexperti, nisi quæ species legum domi fecerat, bellorum cives, nullo alio quam libertatis pretio vocati ad signa, inusitata & qualia tantum Heroum sunt, facinora edidere: quorum omnium ut memoria, ita hujus inprimis loci cogitatio & adspectus me percellit. in quo, clauso undique & obfesso, cives, cum spes omnis deficeret, cum ablata terra fluminibus viæ cœlo quærerentur, & negato hominum ad socios ministerio, avium uterentur, & inusitata fames, ac macies, & pallor singulorum domos, haud aliter ac urbem hostes, lactantium etiam ubera & parvulorum cunas domi obsiderant, constantiam, quam deditionem, solâ libertatis causa, maluere. Bellum dehinc, aucta nobis domi potentia, & quidquid opum Hispania ac virium habet, certatim ingentibus exercitibus & classibus in Belgium effuso, magni terroris, & continuum; nisi quod

quod duodecim annorum otio semel male dilatum, ut majus & atrocius resurgeret: quo trium ingentium Nassavorum Principum, Guiljelmi, Mauritiï, Frederici, inaudita virtute, constantia pro nobis ac fide, & rara felicitate, imperio hoc longe lateque, & sub alio etiam sole, promotum, quot fere militiæ annos, tot, inter pauca adversa, nobilissimas victorias & triumphos numeramus quorum magnitudinem data tandem à potentissimo Rege, & finem, accepta nobis pax ostendit. Quippe res nostras circumspicientibus nobis, quæqua distracto jam & afflicto hoste, majora quidem bello capere posse incrementa, sed non necessaria nobis, & injusta bella, quia jam non necessaria, damnatis quæ ambitionis tantum sunt consiliis, innocentiae nostræ videbantur. Et sane pacis tantum causa bellum gerebamus. Belgium quoque non nostrum, ad invidiam olim florentissimum, per has bello-

rum

rum tempestates misere afflictum, emaciatum, exhaustum, tot in eo con- sanguineos nostros & propinquos, fortunis suis ac sedibus ejectos, inter tot & cum singulis annis redeuntes suas calamitates non nisi Dei ac hominum, & nostram in primis pacem rogantes, cogitantium modestiæ & pietati grave erat, eosdem nos & vincere & flere. Debeamus quoque, & ut tanto augustior esset hujus belli finis, Europæ, in qua provinciæ omnes, regna, maria, terræque aspera aut fessa bellis jam sunt, primi, quo nullum magis nunc necessarium est, exemplum, posse gravissima etiam & diu tracta gentium odia aut bella pacis, si quidem ejus desiderium sit & amor, dulcedine ac opulentia mutari. Neque bellum tantum, & quæ ex eo majora instabant calamitates ac mala, finiuntur, sed præterita etiam, tanquam nulla, & nulla partium odia fuerint, excisa omni eorum me-
mo-

moria, & æterna oblivione imperata,
 extinguuntur. Quidquid ergo vel o-
 dium, vel amor illustrium ingenio-
 rum monumentis inscripsit, quidquid
 vel accepta clades victo, vel victori
 data expressit, una pacis velut litura
 expungimus nunc & delemus. Mane-
 ant tamen, & ad posteros non nostros
 modo, sed & aliorum, eant ac du-
 rent semper, rerum, quæ proximo
 sæculo maximæ in Belgio gestæ sunt,
 sine ira ac studio conditi annales. Ne-
 que sane alium in finem, quam ut &
 in æternitate famæ suum iis præmium
 supersit, qui virtute sua, constantia
 ac fide, sanguine etiam, felicissima
 hæc nobis tempora dedere; & inspecta
 ac agnita immensa illa imagine ac spe-
 cie malorum, quæ florentissimas Bel-
 gii ditiones per tot jam annos afflixer-
 e, pacem tanto constantius amemus.
 Neque profecto magnarum virtutum
 aut rerum sterilia erunt pacis hæc tem-
 pora; & gratissimum illa quoque da-
 bunt, neque amplum minus quam
 bella,

Bella, annalium argumentum. In quibus humanitatis, constantiae ac fidei alia atque alia, indies autem majora, magis magisque coituris utrimq; animis, certamina ac exempla legemus. Ingentia alii bella, expugnationes urbium, fusos captosq; duces, & madentes aut infectos sanguine campos commemorent quæ legentium animos terrent semper ac percellunt; nos Philippi posthac, maximi Principis, augustum, & quo majus esse non potest, pro libertate nostra iudicium; totius Belgii & Hispaniæ claustra nobis reſerata; maria littoribus, & littora maribus reddita; patriam cuique & majorum opes restituta; totius prope ſeculi terrorem omnem ac metum pace, velut prælio, proſtigatos; ſecuritatem omnium confirmatam; ſenibus antea actæ & præteritæ, viris ſtatæ ſuæ nec movendæ ætatis, infantibus, ſi quidem horum capere jam poſſint, ut frui poſſunt, temporum felicitatem, adoleſcentiæ & juventutis, juvenibus ſenectutis, matribus, quibus deſtata pridem

dem hæc bella sunt, numerosæ sobolis;
sterili fæcunditatis, viduo accælibi
conjugii desiderium pace injectum, in-
ter ipsa statim Annalium nostrorum,
quos ab hac desideratissimæ pacis æra
inchoabimus, initia dicemus. Addite,
affinitates, cognationes, propinquitates
Belgarum, hætenus laceras, divi-
sas, divullas, ac pene ignotas & subla-
tas, nunc conjunctas; commercia eo-
rumdem, qui bello distracti ne quidem
ejusdem sanguinis aut nominis, aut eun-
dem jam orbem habitare videbantur,
restaurata; tot de præcedentium anno-
rum iniquitate, quæ haud adsimiles vi-
dis fecit, triumphos, quot pacatorum,
quæ æterna speramus, temporum mo-
menta erunt; vias, quæ inaccessæ aut
clausæ, itinera, quæ impedita hætenus
& obsessa, tanquam Belgæ ut monstra
Belgas arcerent, aperta & pervia; itine-
ra, non quo horror aut pallor aut me-
tus, sed quo faventes venti & marini æ-
stus, animus quemque suus, & deside-
rium ferent; Villas & pagos ac aperta
cam-

camporum ad instar urbium, urbes, quæ
 natura aut opere validissimæ ne quidē
 munimenta jam erant, potissimum pace
 munita; eādem pro salute omnium, ante
 fores omniū, excubante securos om-
 nium, etiā Tityri & Galatæ, in tugu-
 rio, in ovili, sub pyro aut fago somnos;
 neq; alium eorū finem, quam quem fa-
 cturus est galli cantus; vigilias, nō quas
 formido, sed cura & privata industria
 ac sollicitudo cuiq; indicent; ejectos spe-
 lais sylvarū nostrarū ac excussos, qui in
 perniciem hominū ea haud aliter quam
 belluę insederant; insidias, non quę ho-
 mini, ut hactenus, sed quę lepori aut avi
 struuntur; agris, quos omnium fertilis-
 simos ad sterilitatē bella damnaverant,
 redditam ubertatem, nec illos hominū
 sanguine posthac, sed molli tantum &
 matutino, aut alio imbri rigandos, nec
 alia illorū quā lolium forte aut alia na-
 turę mala; casas & tuguria & prædia in-
 finite agrestiuū multitudinis, quæ quisq;
 corruptā aut nulla militiē disciplinā, nō
 ut sua, sed aliena habitabat aut dese-
 rebat,

rebat , incolentium jam præsidia &
 arces ; messem tantum ejus , qui fecerit
 sementem , nec quantam reliquerit
 prædo aut miles , sed quantam dederit
 campus ; plena & farta & angusta jam
 horrea ; tantum in agro subigendo , in
 ligone , aut vomere ferri usum ; nihil
 auferendum posthac cuiquam , nisi
 quod jus hospitii , quod amor , quod
 liberalitas dederint ; virgines ac conju-
 ges omnibus , nisi maritorum aut spon-
 sorum , osculis intactas ; cunarum de-
 nique & infantium pacem , quos hac-
 tenus lamenta matrum & ejulatus vix ,
 ac ne vix quidem , adversus vim & la-
 trocinia defendere. Addite , muta et-
 iam illa & inanima , pacis ac opulentiae
 majorum nostrorum tot monumenta ,
 velut è pedore ac situ ruderibusque suis
 passim surrectura. Addite , testamenta
 nostra posthac secura ; neque alios ,
 quam nostros hæredes ; nec alios , quam
 quos ipsæ præscribunt leges , acquiren-
 di rerum dominii modos ; fiscum , quem
 avarum & divitem priorum temporum
 odia

odia fecerant, liberalem, & quæ rapuerat aliena dominis reddentem; non alias quam in foro, & raras, & de tigno tantum aut stillicidio lites; nec alios judices, quam leges; nec alias quam urbanorum & rusticorum prædiorum servitutes. Addite, (immensa enim illa pacis bona circumspicientem me par gaudium confundit) decus suum studiis, honorem sapientiæ magistris, omnes bonas artes, velut retractas ab exilio, quod bellorum injuriæ indixerant, brevi reditura. quæ pacis tantum & humanitatis alumnae, ejusdem gremio iterum exceptæ, stylo & calamo, imprimis ad prodendam eorum memoriam, quorum virtuti bona hæc debent, se accingent, ac injurias omnes oblivionis gratæ & alacriores posthac expugnabunt. Addite, remittenda dehinc domi vectigalia & tributa, quibus novis & inauditis ante nominibus in immensum auctis plerumq; Belgarum tantum clades aut mortes, & egestatem civium, id est, mala ipsi nostra, iniquo certe

te pretio, emebamus. Addite, annos deinceps fastosque, non cladibus datis aut acceptis, sed sola pace insignes ac confusos; nisi quod majora indies & aucta, & alia atque alia pacis bona priores à sequentibus distinguunt; nullos nisi siccos, & quos natura aut factum dabunt, vivendi fines; nullas lacrymas, nisi quas exprimet deterri- ma priorum infelicitum temporum comparatio, & gaudii felicitatisque nostræ inusitata, ignota hactenus magnitudo; non alia vota, quam ut bonum, quod accepimus, maneat nobis æternum; non alia quam priorum temporum & bellorum odia; nullos, nisi quos fors humana non declinat, nisi necessarios, & pro æternitate pacis facturos, & sanctissimos ex legibus metus, spes autem omnino nullas, cum haud dubie non tantum infelicitatis quædam pars sit, metuere, sed etiâ sperare, & accepto, quod in hominum rebus præcipuum est, pacis bono, nec plura, nec majora sperare vel possimus vel
etiam

etiam velimus. Addite, reddita & post-
 hac innoxia nobis ac faventia tantum
 ipsa rerum & naturæ elementa; carceri-
 bus, in quibus cū pædore colluctaban-
 tur, reclusis, redditum tot passim captis
 patrii aut domestici aeris usum; aquam,
 maria & flumina, etiam dissipta, naviga-
 turis in Asiam & Africam, & Europam,
 & ignotos, si qui forte restent, orbes o-
 pibus virisque nostris, nisi per procellas
 & tempestates, non infesta; non urbiū,
 non villarū jam incendia aut busta, sed
 innoxios, & foventes, & adversus hy-
 bernos algores tantum datos aut reper-
 tos ignes; neq; alia posthac, quā caden-
 tia cœlo tonitrua & fulmina, taciturnis
 aut non spectandis in posterum, quæ
 naturæ rerum adversa, & ex his emissa
 sedibus, humani generis exscindendi li-
 bido invenit. Addite deniq; , Belgicam
 aut Germaniam hanc nostram, olim sub
 diversis principibus aut pacatam, aut,
 sed brevibus odiis ac bellis, discordem,
 sub Burgundis & Austriacis in unius im-
 perii corpus coalescentem ac conjun-
 ctam, civili aut externo, aut ex utroq;
 mixta

mixto iterum divulsam , unius nunc non domini , sed pacis imperio ac legibus feliciter subiectam , & inter tot aliorum contumacia certamina ac odia , qui satis superque cruentati adhuc tamen se cruentant , quod rarissimum & inexpertum plerisque gentibus , nullos jam nostros hostes. Hæc , & alia pacis ac Belgarum jam bona , & , nisi majorum in nobis sanguis & constantia ac fides hebent , æterna , & omnium qui post nos erunt Belgarum futura sunt. Si , quantum mihi nunc animi , & spei & gaudii est , tantum facundiæ esset , Auditores , pulcherrimam , & quavis triumphorum pompa , quibusvis eorum tabulis & ferculis majorem , quam cogitatione certissimam complexus sum , imaginem hic vobis repræsentarem. Belgas , tanquam alios jam & mutatos , tanquam aliorum , non Belgarum , & in alio orbe gestum esset illud tanti terroris , tot annorum bellum. Eosdem velut ruptis vinculis , quibus tanquam capti hætenus con-

strin-

stringebantur, velut relegatos hactenus, ab insulis aut exilio revocatos, ad patrios lares, sive ut habitent, sive ut spectent tantum, redeuntes; quorum obviam comitatem nulla nunc claustra excludunt; quorum ultro citroque commeantium frequentia velut una in urbe, in eadem familia ac domo, omnes jam conjungit; in itinere ac via lachrymæ salutantium, sed quas gaudium elicit, euntium & redeuntium vestigia turbant aut confundunt; liberales tantum, & longos &, quia per tot annorum intervalla prope illicitos, sine tædio, sermones & jocos, nulla præteritæ fortunæ memoria, tanquam in potestate nostra esset, tam facile oblivisci posse, quam tacere. Rogat quisque multa & quærit, & post commercia, non jam dicam hominum, sed cognatorum, tot per annos impedita, plures fere & utrimque sunt, qui rogant; nec jam sermonem nox abrumpit aut somnus, sed cum exhaustum est, quod roges. O-

F scula

scula eorum et amplexus, quæ non quia gravia aut invisa, sed quia quotidiana, quia multa, quia continua jam sunt, fatigant, & a fatigatis tamen plura expetuntur. Confusa & indistincta hospitiorum jura, dum eodem animo, eadem pace & excipiunt omnes & excipiuntur. quæ, & alia, singulorum oculis promptius & majora, quam auribus, offeruntur. Neque sane alia dicenda mihi nunc restant, quam vota, quorum etiam matrum nostrarum domi desideria, & parvulorum nostrorum vagitus, haud dubiam habent significationem; Vt, cum felicitatem nostram absolvere ac perficere non hominum tantum, sed in primis Dei pacem intelligamus, propitius placatusque res ac vota Belgarum, & hanc eorum pacem respiciat; ut, si qui Sinones, aut machinatores doli sint, in exitium struentibus verat, si quæ insidiæ, si quæ scelera, quæ in obscuro sunt & difficulter evitantur, sanctissimo pacis nomine vententur, pro salute nostra, pro innocentia,

centia, pro rerum nostrarum constan-
tia ac æternitate, fulmine ferroq; ar-
matae, in limite, in gremio hujus im-
perii ac sinu, terra marique, & in cir-
cumfluentibus annibus, excubent il-
lae, quas hæc coram audire & adesse
accinctas, instructas, ordinatas, nunc
intelligo, signorum nostrorum semper
comites, & tot victoriarum sociæ, illæ
hominum, &, quod inprimis hic po-
scimus, rogamus, Belgarum custodes,
velut innocentia nostræ ac fidei pretio
conductæ, merentesq; nobis, non pri-
ma, vel tertia aut vicesima, sed omnes
Angelorum legiones, Vt, cum plerum-
que etiam invictas neque fractas bello
gentes exuat atque enervet sive otii
sive pacis illa dulcedo, maneat nobis,
ac duret, & in posteros nostros nepo-
tesque transeat animus ac judicium ma-
jorum, qui constantia summa, provi-
dentia ac fide, lætissima hæc nobis tem-
pora dedere; Vt hac tempestate, quæ
fecunda religionum est & sterilis
pietatis, qua ad opiniones hominum

& deliria aut commenta, tanquam ad nova signa novasque aquilas certatim, armis etiam, quibus florentissimæ validissimæque jam excinduntur gentes, concurritur; qua causam Dei agere videri volunt, qui agunt immensæ ambitionis & suam; aris nostris & altaribus, quæ pro hoc datæ pacis beneficio grati quotidie obsidebimus, pax sua immota, æterna consistat; Ut, cum plerumque amoto externo bello, aut externi metu, (tanquam vitia facilius aut scelera pax ferat, quam bellum, cum tamen minus ferat) mala omnis libido, avaritia, ambitio, potentiorum de imperio certamina, arbitriū potius hominum & homines quam leges, imperent (feliciū fere mala, quæ turbant in primis domi pacem ac convellunt) quovis bello nocentiorē, & quam ista post se vitia trahunt, civium discordiam arceat; Ut nec alio animo, nec alio libertatis aut pacis studio, bonam quam malam fortunam ferre nos sinat; Ut, tot cæsis, tot pla-

placandæ exuli & redituræ, ut reversæ,
 jam paci velut victimis tot per annos
 mactatis, desideriiis & osculis matrum
 nostrarum faveat, & à toris nostris a-
 verruncet injurias omnes sterilitatis;
 Ut, cum pluribus pacem bellum hacten-
 us negaverit, plures sint ac gaudeant,
 qui pace fruuntur; Ut tot annorum &
 invasitatem majoribus nostris in agris
 solitudinem ac vastitatem, tot furta &
 latrocinia, tot terrore imperata eorum
 otia, tot hominum ac pecudû abactus,
 rara sæcunditate ac frequentia com-
 penset; Vt, cum eo plerique omnes ani-
 mo simus, qui libertatem à licentia, quæ
 otium ac pacem à desidia & ignavia nō
 distinguat, (invitus ego ea tanquā vul-
 nera nunc tango, sed nisi tacta tractata-
 que sanari non possunt) his vitiis bellū,
 & nulla unquam pace finiendum, ipsa
 hæc pax indicat; Ut in nostra domi
 modestia, in ipsa hostium (quanquam
 nec jam hostium) & nostrorum con-
 stantia ac fide (de quibus publice ac
 magnifice pronunciatum Romæ olim,

NULLAM GENTEM FIDE ESSE
 ANTE GERMANOS) miles, tor-
 menta, arma & omnis velut belli ap-
 paratus sint, pro conservanda non
 nobis tantum, sed & tradenda po-
 steris nostris, pacis hujus æternita-
 te; Ut cum, quod grave ac peracer-
 bum per tot annos plurimis fuit, &
 homines non dicam pati; sed audire
 vix possunt, hac lege tueri pauperes
 visus sit miles, ut spoliaret; hac le-
 ge defendere miseros, ut defendendo
 faceret miseros, omnibus ac om-
 nium fortunis deinceps præsidium sit
 in sanctissima & incorrupta pacis di-
 sciplina; Ut, cum hætenus Belgæ sine
 Belgarum clade aut exitio salvi esse
 non potuerint, secundæque aliorum res
 aliis adversæ & velut supplicium fue-
 rint, neque pauciores subinde felices
 sibi visi sint, nisi multo plures essent in-
 felices, ita posthac unicuique sufficiat
 felicitas sua, ut, quo nihil justius, nihil
 humanius, nihil Belgarum ingenio di-
 gnus est, etiam alium velit esse felicem;
 Ut,

Ut, sicut nos pacis causa per tot tempestates & discrimina bellorum tracti, rapti, jactati, usu bona pacis haecenus ignoramus, ita posterum semper ignorent quæ haud dubie infinita, sicut infinita pacis bona sunt, mala bellorum. Quidni enim ut desiderium, ita cura quoque posterorum ac amor vel imprimis nunc nos tangat? in quibus cum reddendi nos ipsi toties ac redituri simus, eorum comoda & bona, ac diversa, haud aliam quam nostra, merito æstimamus. Denique non hominum tantum, quibuscum humanitas nos conjungit, aut Christiani nominis, aut sociorum, fœderatorum, vicinorum, quæ velut propinquitatum cognationumque inter gentes sunt vocabula, sed Belgarum etiam causa, qui neque felices videri sibi possunt, si sint soli, si soli famulantur votis & voluptatibus suis habeant hanc rerum secundarum & pacis tranquillitatem; neque securi, terrentibus è proximo aut longinquo incendiis tot adhuc passim flagrantium bellorum; neque læti, cum tot lugen-

tes, tot fordidas atratasque Europæ
 omnis nationes circumspiciunt; idem
 numen, cujus non improvidentia aut
 neglectu, sed justitia, sed judicio, sed
 æquissima dispensatione hæc immitti
 gentibus mala agnoscimus, ac eodem
 animo, & tanquam pro nobis, nec
 minoribus suppliciis, convenimus, ro-
 gamus, & quasi publica omnium Bel-
 garum voce obtestamur; Ut Regibus
 omnibus, principibus ac populis, Eu-
 ropæ inprimis nostræ, indat mentem
 humani divinique juris, & bonorum
 pacis intelligentem; Ut qui eos con-
 siliis regunt, non offerant aut com-
 mendent nisi illa sanctissimæ & desi-
 deratissimæ pacis; Ut Ferdinandi Cæ-
 saris, inter tot alia Austriacorum Prin-
 cipum decora, ea augusta, & qua ma-
 jor esse non potest, claritudo sit, com-
 pressisse pace tot jam annorum & a-
 trocissimas in Germania bellorum tem-
 pestates, quæ florentissimæ olim gen-
 tis viscera & vitalia per tot prælia, tot
 clades, tot cæsa, tot ejecta, tot at-
 trita

trita hominum millia, ita exedêre, ut
 nisi desinunt brevi ac avertantur, ob-
 stupescit ad fatalem illam obstinatio-
 nem posteri, miraturi sint, homines
 prius in Germania, quam odia, mili-
 tem, quam bella defecisse; Vt Ludo-
 vici decimi quarti, Galliarum Regis
 Christianissimi, quanquam longe late-
 que triumphalem adolescentiam, com-
 mendent tamen præcipue expleta tot
 senum, tot adulatorum pro pace desi-
 deria ac vota, primi omnium ac no-
 bilissimi triumphi; quo, post Henri-
 cum Magnum avum, Ludovicum lu-
 stum patrem, novo & nemini priorum
 Regum tributo nomine, PACATOR
 VTRIUSQUE GERMANIAE ce-
 lebretur. quæ cum medullam, ut ille
 loquitur, omnis Europæ, & uber totius
 fœcunditatis, nec solû fœcunditatis, sed
 quæ præponi interdum fœcunditati
 solent, voluptatis, jocunditatis, pul-
 chritudinis, haberent, omni illo, quo se
 commendabant olim, cultu non tam
 deposito, quam, inter tot jam an-
 norum

norum gravissima bella, exutæ ac spo-
 liatæ, squallidæ & toto corpore per-
 fossæ ac cruentatæ, ad genua ejus sup-
 plices procumbunt, & per vetustissima
 cognationis ac sanctissima semper jura;
 per Francorum, qui è gremio Germa-
 niæ olim progressi in Gallia sedes po-
 suere, per Caroli Magni, ex se orti, &
 conjuncti in Gallia Germanique flo-
 rentissimi quondam ejus imperii, me-
 moriam; per tot tantaque jam mala
 sua, quibus graviora neq; inferri pos-
 sunt, neque tolerari, & quorum hac-
 tenus remedia non alia sunt, quàm
 mala; Per quot homines, à quibus non
 jam habitantur, sed imperata à tam
 longo, à tam atroci bello necessitate,
 premuntur aut deseruntur; tot qui
 quotidie vel miserrimos faciunt, vel
 fiunt; Per latronū ubique excubiis om-
 nes admodum calles, omnes anfractus,
 ac diverticula omnia, septa ac infesta;
 tot laqueos, tot insidias, quot itinera
 sunt & vię; Per tot principes, qui subdi-
 tos, tot subditos; qui principes suos,

exu-

exules, extorres, desertos, egenos, ignorât; inter quos inprimis Palatinorû Principum augusta domus, illa indulgentissima olim exulum Belgarum hospita, sed ipsa, & tot per annos, jam exul ac prope exspes, votorum pietati nunc offertur; Per tot florentissimas frequentissimasque civitates, hominum nuper, ferarum nunc latibula & sedes; Per nudata ipsa jam ossa, & lentam, sed prope exsanguem & letalem maciem ac tabem, per deniq; quidquid superest Germaniæ deficientis, in qua nunc superest nemo, qui non aut perit, aut perditos ac pereuntes suos luget; Ludovici pacem, unicum fessis ac fatiscentibus rebus suis subsidium, implorant; Ut augusta illa Suedorum virgo aut Amazon, quæ majores suas, virgines Scytharum aut Getarum principes, cujus fortissimæ vetustissimæque gentis non virtus modo sed & nomen Suedis mansit, Tamyrim, aliasque cum Cyro olim aliisque potentissimis regibus magnis animis & præliis congressas,

æquavit magnitudine rerum ac imperiis
 aut superavit, tot victoriis suis, tot tri-
 umphis, imponat supremum pace diem,
 ac magni Gustavi sui, quem in Germa-
 nias pax earum & libertas afflicta ac
 prope enecta evocavit, cui rara & ab
 omni retro memoria inaudita felicitate
 aut virtute quot prælia fuere, tot tri-
 umphi, quem mors fato propera, &
 in ipsa acie, pro Germaniæ pæce pu-
 gnantem ac libertate, virtus sua haud
 dubie cælo vendicavit, expleat tandem
 feliciter & absolvat Dei ac hominum
 pacem merituras destinationes; Vt de-
 nique, si quas jam Europæ gentes tra-
 hant intestina, pejora longe externis,
 & quæ nullos triumphos habent, bella
 ac depascent, imprimis proximam &
 reginam insularum Britanniam, illam
 tot jam per annos, & inter ipsa statim
 horum, quæ nunc finiuntur, bellorum
 initia amicam nostram & sociam, domi
 forisque hætenus invictam, sed nunc
 hostem sibi, & suorum tantum sangui-
 ne madentem, reges proceresque ac
sub.

jectos regibus, inprimis Carolum, principem augustissimum, cum suis pace conjungat. Exempli certe, quod in rerum suarum principibus tot jam pridem desiderant bellorum tædio nationes, & nisi obstet rectoris omnium ira in res humanas brevi illi sequentur, gloria penes Belgas erit.


M A R C I

MARCI ZUERII BOXHORNII
O R A T I O,

In excessum

ILLUSTRISSIMI ET
SPLENDIDISSIMI
PRINCIPIS,
CONSTANTINI ALEXANDRI,
*Principis Ostrogia, Ducis
Zaslavia, &c.*

O R A T I O V I.

 Uanquam istæ sedes nostræ,
plurimorum Principum pace
ac præsentia semper estimatæ,
nullum hodierno majus aut illustrius
unquam extulerint funus; & mihi om-
nia sint infra amplitudinē ejus, de quo
dicturus sum argumenti; tamen aut ve-
niam admodum nunc poscere, aut te-
me-

meritatis culpam deprecari, mihi non est necesse. Equidem, quaecumq; hoc & destinatione haud dubiè inferius futurum pietatis nostræ officium petere quidem ille dignatus est, qui poterat jubere; quem præsentem hic spectatis, mœstum, atratum, & in tanta frequentia vestra, nihil præter unum illum germanum suum desiderantem; ac illustrissimis & conjunctissimis manibus aliquo saltem pacto satisfieri hic maluit quam à nobis, quæ exsequi non possumus, magna exspectare. Qui solâ obsequii gloria superbi nunc & contenti, non tā magnitudine casus, cum & principes sint mortales, quam exempli, quo vix ullum majus est, animos vestros intramus. Est id CONSTANTINI ALEXANDRI, Ostrogiorum & Zaslaviæ Principis; in cujus splendidissimæ gentis nomine, quanquam hic loci peregrino, inusitatæ virtutis ac gloriæ exempla domesticis majora omnes inventuri estis. Nam si origines eorum inspicere liceat quorum finem, & vitam, quo-

quorum excessum memoramus, in utroque profecto est, cui succumbere hic debeat facundia etiam disertissimorum. Neque, Hercule, erit aut præter hanc pompam principalium exequiarum, aut instituti nostri sanctitatem, majorum ejus, non jam ex sepulchris cineres & ossa, sed fidissimorum annalium memoria heroica & prodigiosa facinora repræsentari. Quippe, siue paternam ejus, siue maternam gentem inspiciamus, per tot Ostrogie & Zaslavie florentissimos Principes, ex omnium antiquissimo potentissimorum Russiæ Ducum sanguine, non interrupta unquam serie, raro nunc inter Europæos Principes exemplo, ortum hunc trahere inveniemus. Quorum res jam ab octingentis retro sæculis, dum imperium Poloni, & Russi utrimque agitant, summo peregrinorum domesticorumque annalium consensu passim celebrantur. Et cum in eorum singulis rarissimæ quædam, bello aut pace, illu-

xerint

xerint virtutes, est id quidem commu-
ne omnium beneficium, id decus, ea-
claritudo, quod illam longè lateque
se porrigentem & vastissimam deser-
tissimamque olim totius Russiæ ditio-
nem, tot pagis, vicis, civitatibus, hac
quoque clarissimis tempestate, auctam,
optimis etiam legibus ac institutis, & e-
gregia quadem imperii ac obsequii di-
ciplina, rudibus ante populi ingenüs,
continud reddiderint, & supra pro-
ximarum gentium gloriam evexerint
cultiorem. Cæterum eorum potentissi-
mus anno sexagesimo supra sæculum
Christiani nominis octavum Curicus
laudatur. Ejus filius Georgius, cum per
tot gentes solus amplissimi imperii po-
tiretur, omnium augustissimo Monar-
chæ titulo est salutatus. Ex eo natus
Suentossaus, post compressos domi re-
belles, & compositas res imperii intesti-
nis discordiis turbatas, cum Græcorum
Imperatoribus sæpius ferro decrevit, &
supra septuaginta ad Danubiũ validis-
simis arcibus expugnatis veterum illo-
rum

rum ducum gloriam longè excessit, quorum res in miraculum corruptas Græci aut Romani majori eloquentia, quam fide celebravere. Hæredem ille imperii Volodimirum habuit, qui post Premisliam & Cervenam Polonorum Regi Miecislao, post Corsonam Græcis bello aversam, Constantini & Basilii, Græcorum Imperatorum, sorore in matrimonium acceptâ, eâ quidem lege ut perdita gentium ac majorum sacra ejuraret, sanctissimam, Christianorum disciplinam amplexus eâdem domi imperata aut persuasa, omnium maximo ac verè immortali beneficio suos sibi obstrinxit. Sed præter templa, ac cultum Græcorum exornata, ab eo primo Græcæ in Russiam litteræ ac disciplinæ inductæ; evocata ad hæc eadem ex gente omnis generis artificum manu, majorum suorum exempla ac merita longissime superavit. Erant huic filii duodecim, iisdemque universam Russiam, in totidem divisam ditiones, assignavit. Sed fratres ambi-

ambitione discordes, suisque haud contenti, aliena invadere; adeo ut Davidi, Volodimiri abnepoti, Volodimiri & Volinia exuto, præter Ostrogiam, arcesque aliquot & urbes, nihil relinqueretur. Hic primus Ostrogiae nomen feliciter usurpatum ad posteros splendidissimum transmisit. Pronepos ejus Daniel, cum Romano fratre, Volodimirum & Voliniam, paterna bona, ferro iterum invasit, suoque insuper imperio Belsensem, Kioviensem, Haliciensem Ducatus adjecit; cumque vastissimi Heros esset animi, rem ausus supra titulos & modestiam majorum, Regem se Russiæ annuente Pontificis legato, renunciandum curavit. Tandem Basilius, Theodoreti filius, in duos, quos genuerat, cum in unum omnia conferri noller, in Ivamum quidem Ostrogiam, in Georgium Zaslaviam dividendas decrevit. Tum ex una stirpe duæ Ostrogiorum & Zaslaviorum enatae, ducentis prope annis, omnis ævi maximos Heroes edidit.

edidère. Quomodo autem silentio hic prætermittam illum omnium sæculorum memoria dignissimum Constantinum, Palatinum Trocensem, eundemque fortissimum belli ducem? qui tres ingentes Tartarorum exercitus totidem præliis ad Sluckum fudit; & ad Canoviam viginti sex millia eorum ad internecionem delevit; qui de Moscis toties triumphavit; & ab iis aliquando captus, ut sunt bellorum vices, constantis fidei, æque manibus eorum tandem feliciter elapsus, collectis copiis, nihil spirans præter vindictam & ultionem, in ipso hostili solo, octoginta Moscorum millia uno certamine delevit, aut in turpissimam fugam coniecit; qui denique, virtute inaudita, quinquagies prælio cum hostibus congressus; toties illustrissimas victorias reportavit. Quomodo nepotem ejus Ianussum, Castellatum Cracoviensem, avum maternum Principis hic defuncti? Is longè major Horatii Romanorum, adolescentulus octo supra decem

annorum, velut prætextatus quidam Imperator, Tartarorum immanem exercitum, Dubnam tum oppugnantem, solo adventu suo terruit & fugavit; Kosacorum quindecim millia cecidit; & ut æternum civibus adversum Turcam & Tartaros provideret, suis ex bonis amplissimis stipendiis oblatis, rara in publicum munificentia, hastatorum militum sexcentos perpetuo in armis habendos imperavit. Hæc & alia Ostrogii tam pro majorum gloria, quam in exemplum posterorum. Neque inferiora Zaslavii patravere. Et sponte sua hæc dicenti mihi se offert illud sæculum, quo Turca, implacabilis ille hostis Christianorum, translato in Europam maximi terroris bello, jam Bulgariam, Bosniam, Hungariam invadebat; quo ipso Poloniam quasi obsederant immensa agmina Tartarorum. Tum se Georgius & Constantinus Zaslavii, cum Ostrogiiis, non aliter ac fulmina & muros, irrumpentibus opposuere, tantorum hostium viribus non susten-

sustentatis modo, sed fractis etiā passim
 & debellatis. Est in iis, defuncti avus,
 Michael (ut de fratre ejus lanussio, sū-
 mo Duce, nihil nunc dicā) qui adversus
 Tartaros, non jam annis, sed mensibus
 singulis Russiam infestis armis incur-
 rentes, totum aliquando triennium sub
 pellibus exegit, non minus contra ri-
 gorem inclementis cæli, ac tempesta-
 tes, quam hostes immotus, infractus, in-
 domitus, & , quoties excurreret ipse,
 cæde hostium madens & superbus Im-
 perator. Huic, præter Constantinum,
 inter plucherrimarum rerum rudimen-
 ta extinctum, ac Georgium, tot bel-
 lis, quot Polonici imperii hostes un-
 quam fuerunt, Turcico, Moldavico,
 Tartarico, Moscovico, Suetico, insi-
 gnē, filius fuit Alexander, defuncti pa-
 ter: cui adolescenti belli amor, similitu-
 dine quadā morum in iis, qui ex iisdem
 gignuntur; & sanguine ac cædibus
 hostium imbuta sæpius manus, quam
 fatigata. Qui, ut militiæ etiam nostræ
 insuesceret, in Belgium divertit ea tem-
 pestate

pestate, qua arctissimo obsidio, nunquam sine Batavici nominis gloria memorando, Ostenda premebatur. Sed & summa in illo Heroe vis ingenii, quævis togæ artes, Quibus factum est, ut sapientissimi Regis sui judicio ad Rempubl. vocatus, Braslaviensis primò, deinde Kioviensis Palatini dignitate ornaretur; & agnatus, Ianusius Ostrogus Castellanus Cracoviensis, potentissimus & longè ditissimus Princeps, cum melioris sexus liberos nullos haberet, unicâ filiam Euphrosynam, defuncti matrem, incomparabilis animi Principem, huic in matrimonium daret: ita hæc dispensantibus fati, ut sanguis ille, qui per duo sæcula velut aliò diverterat, ad originem quasi suam, & primos fontes reverteretur. Iis parentibus, hisque tot & tantis Heroibus ortus CONSTANTINUS ALEXANDER, five natura & illo sanguine impellente, five educationis sanctitate, ita breve illud vivendi spatium transegit, ut spes de se longas & expectationem

nem summam domi ac foris concitarit;
 & quisque ex adolescente Principe jam
 virum, in illo excelsæ fortunæ suæ ope-
 re, in re gundis suis, in comitatu accin-
 cti Regis, in acie, in mactandis hostibus,
 indefessum, invictum, & senem jam
 triumphalem, multaque rerum gloria
 copiosū, inter plurima, sed nunc irrita,
 pro longævitate ejus vota, sibi repræ-
 sentarit. Vos, qui in laudationibus ali-
 orum Principum, quorum cum annis
 imperium & res late exporriguntur, tot
 rebus pace pulcherrimè ab iis constitu-
 tis; tot bello præliis & triumphis dicen-
 dis, parem vim Oratorum ubertatem-
 que sæpè mirati estis; forsitan hæc nunc
 subit cogitatio, mihi in arcto magis esse
 laborem, ut ejus aggresso commenda-
 tionem, cujus in ipso vitæ apparatu, an-
 te usum rerum extincti non tam in me-
 dium adferri illustria facinora possunt,
 quam pulcherrimæ destinationes; qui-
 que gloriam erectæ de se summæ exspe-
 ctationis non excessit. At, sane, contra
 mihi omnia eveniunt, Auditores, & co-
 piam

argumenti deesse mihi hic intelligo. Neque tamen nunc dicam, illa tanta non modo spe, sed ipsa ejus fiducia, exspectata, & fatali hac clade moestissimæ Ostrogiorum domus in defuncto jam amissa; quanquam similia ad ornandas immaturas optimorum Principum exsequias à summis ingenii collata inveniam, & mihi haud arduum, nec supra fidem esset, ex prima ætate, sicut matutini istius solis rubente exortu totius diei splendorem, omnem futuræ gloriam metiri. At vero, qua via quibusque potissimum virtutibus, in tam excelsa & libidini plerumque obnoxia fortuna, ad tanta suorum exterorumque judicia de se excitanda grassatus sit, ad vos adferre potius duxi; cum in iis & plus futurum sit fidei; & fortiora solatia inde ad te reditura sint, J A N U S S I I S I D O R E, Princeps illustrissime, fratris tui excessu jampridem, & nunc iterum exequiis consternato; sicut & majora ad impellendam

vestram, Nobilissimi juvenes, contentionem, quæ ad summa omnia adspirat, & ex hoc domicilio sapientiæ non tantum præclara præcepta, sed etiam exempla, qualia ista sunt, debet referre. Accipite igitur adolescentiam Principis, non aliorum annorum superventu, sed morte hic finitam; in qua quidquid in quavis ætate laudatum est, & plurimorum fera non invenitur, cum primis illuxit. Accipite annos vitæ duos supra viginti, sed ita domi ac foris per Germaniam utramque, Galliam, Italiam actæ, ut quantam ubique magnitudinem suam (quam non arrogantia aut contemptu aliorum, sed iusta gravitate exhibebat.) tantam virtutum circumferret. In quibus popolare illud, civile; obvium maxime exstabat; adeo ut visu comis ac auditu, utroque autem venerabilis, non amorem modo omnium, sed & cum eo quemvis cultum promereretur. Ac sane, in principibus rerum raram quan-

quandam ingenii judiciiue maturitatem, quam assequi privati non possunt, etiamsi maxime velint, sæpe agnoscere cogor & admirari. Quod qui soli educationi tribuunt, non omnia dicere, qui vero domesticis etiam majorum exemplis, quæ omnium fortissima sunt, rectius mihi sentire videntur, quorum imagines cum posterius adspiciant simul ut vitalem hanc lucem; cum inter vagitus & ante litteras parvuli ediscant horum exempla; & ex angustiis ac umbra cunarum elapsi, prodeant statim in domesticam quandam lucem, & venerationis, cultus comitatisque amplissimum quasi quoddam & suum regnum; ac ea paternæ aulæ disciplina se oblectent, sicut arundine longa & pupis liberi privatorum, jam desino admirationis. Nisi quod, si respicimus depravatos sæculi mores; corruptas, & non tam maiestate quam ambitione infestas plexorumque;

Principum aulas ; si tot degeneres posteros illustrium majorum ; qui in contemptu aliorum magnitudinem fastigii sui fundant, ac veluti solium reponunt, & quanquam divinæ providentiæ lege augendis hominum commodis dati, velut numero hominum exempti, vix admittere sustinent ora, quæstus, vota, gratulationes, etiam, privatorum ; novo jam, & omnibus tuæ fortunæ tradendo elogio dicendus nobis hic venias, CONSTANTINE ALEXANDER, qui, cum tot tibi relicta essent majorum tuorum, & in paterna aula humanitatis civilitatisque per Russiam & Poloniam omnem spectatissima exempla, cuivis faciens copiam tui, non tam imputari tibi, quod ambitiosorum est, quam in te, quod Heroum est, ea agnoscere voluisti. Merueras quidē ista virtute tuā ; quæ cum tantā fortunā excellentem te dimitteret ad complexus privatorum, in ipsis illis majorem te fecit ; hominum cœtibus diutius interesse, & illā sublimitate prodigi tui in omnes af-

affectus ejusque gloria diutius uti,
 nisi quod hoc velut trophæum famæ
 tuæ ac æternitatis, in omnium me-
 moria penitus defixum, in eorundem
 perpetua admiratione sit futurum.
 Cæterum, cum persuasum plerisque
 sit, illis Principum ingeniis, quæ civi-
 li congressu & comitate se commen-
 dant, non inesse illum acrem vigo-
 rem, illos motus qui ut fulmina, &
 quidam cœlo delapsi ignes, heroibus
 tribuuntur: quibus sit, ut non tam
 ambitione, quam multiplicatis au-
 ctisque majorum ac suis etiam fa-
 ctis, nihil ad culmen summæ glo-
 riæ sibi patiantur restare, & velut
 ad palmam indefesso quodam cursu,
 cum æqualibus primo, dein majo-
 ribus, secum etiam contendentes,
 tanquam æmuli sui, se libenter post
 terga sua videant, & majori in-
 dies destinatione parta jam decora
 relinquant: novo & hujus exem-
 plo intercedimus. In quem cum de-
 rivatus esset iste invictus, iste cædibus

tot hostium totque campis cruentatis
 nobilissimus, & vere triumphalis, ac
 nullius suorum ignavia unquam pol-
 lutus tot Russorum Principum san-
 guis, ille jam tum inter prima illustrium
 studiorum rudimenta nihil potius
 quam excidia urbium, commissas acies
 & perruptas, ac triumphos suorum au-
 dire; ad ea adsurgere & animo com-
 moveri, ut ad indomabilis matris ad-
 spectum catuli leonum; idem odium
 jam tum imbibere, in excidium Tur-
 carum; eundemque animum induere
 pro imperii Polonici Principe ac li-
 bertate. Inde in delitiis ipsi, & noctur-
 na ac diurna manu, primo suorum, de-
 hinc exterarum gentium antiqui aut
 recentes annales; ut quidquid usquam
 egregium seponeret patriæ ac sibi; &
 ad castrenses curas aliquando vocatus
 unus ævi omnis ac gentis laudatum
 militem conferret, in primis, ne de
 patria militia, in qua summa omnia,
 aliorumque, quibus suæ singulis ar-
 tes laudesque sunt, nihil hic dicam;

Ro-

Romanum acie invictum ; Macedonem phalange sua Asia omni , à Polonici imperii & Christianorum omnium hostibus nunc habitata , superiorem ; Parthum concessis dolis armatum ; & , ne eum prætermittam , quem in hoc quidem opere supra antiquos omnes extollebat , sub Nasserorum auspiciis militantem Belgam , non magis gladio tutum & terrentem quam pala , hostili humo excossa munitionissimas arces sine multo vulnere subeuntem. Quam diversa autem sunt , quorem lectione adolescentes Principes alibi imbuuntur ? Gesta Heroum , qui nunquam exstiterè ; quæ quia à nullo hominum geri possunt , ridere licet non imitari , otioso scribentium ingenio tantum aucta , è quibus stylo plura , quam ab aliis dextra patrantur , & proinde non nisi oblectationes otiosorum ; ad ista amantium aut furentium tot hac ætate conditi annales , inanes fabulæ , & ne quid minus quam res est dicam , vera deliria au-

larum. At ille alia omnia non tantum legere, sed, cum memoria, fidissimâ rerum, quas semel acceperat, custode uteretur, iis etiam implere quotidianos sermones, eâ oris gratia, ut non tam referre bella, quam gerere, quam iis interesse, & se ac suos jam animare ad proelium videretur. Neque diversa aut minus generosa exerciti corporis rudimenta; gradus, saltus, gladius, & umbraticæ armorum inter amicos, quasi inter hostes, meditationes. quibus, laudato etiam inter Romanos more, quibusvis laboribus, & veræ pugnae se parabat. Equus in primis, quem domare, habenis regere, in gyrum contorquere, oculis ac manu explorare, quotidie solebat, non ne nihil ageret, aut quia usum pedum amiserat, ut plerique arrogantes, sed ut se simul cum illo fatigaret, tori, lacerti indurefcerent; quos Baccho ac Venere in ipso adolescentiæ flore ita plerique ejus loci frangunt & exhauriunt, ut in virili ætate non nisi elumbem senectam, aut

aut potius tam animi quam corporis infantiam quandam experiantur. Cæterum ita imbuto domi ac confirmato, aliunde quoque petere visum est tantæ præsidia fortunæ, & invisere quidquid cultarum est in Europâ nationum; non, Hercule, quo, aliorum vano exemplo, disceret quid inter domesticum Vistulam & Borysthenem, ac aliorum Tiberim, aut Rhenum, discriminis esset, vel ut Septentrionis sui frigus cum Campaniæ solibus & tepentibus Baiis commutaret, quæ spectacula tantum sunt oculorum; neque ut peregrinæ acus ingenium inspiceret ac sequeretur, quæ jam nudat potius corpora, quam tegit, & plura eorum dedecora fingit, quam ornamenta; sed ut necessarias principi linguas, & artes præclaras, & imperantium arcana, & indolem aularum, & quidquid usquam egregii moris domum, & ad Kempubl. referret. Facilius ad ea plerique adspirant, quam assequuntur. Quantum igitur illud hujus judicium?

qui ad explendas tam illustres, & adeo principi profuturas destinationes, duo præcipua instrumenta, ut necessariam, nec gravem, peregrinantium suppellectilem, dilegit, prudentiam & humanitatem; quarum hac facile, illa tuto & uberrimo cum fructu secreta gentium inspiciuntur. Neque enim ad ea aditum faciunt tam fortuna & opes, quam mores; illi blandi, comes, & ad demerenda omnium, quorum usus esse nobis potest, ingenia facti, faciles potius, quam leves & inconstantes. Horum vi aulas exterorum mox invasit, & incredibili omnium gratia est usus. Quem attulit amorem ipse ac cultum, recepit; & quidquid non nisi talibus apertum est statim sibi patefecit. Neque enim exteris inter peregrinos, sed horum aliquis & inter eos natus credebatur. Si defunctorum gloriam attollat inprimis, ad eorum imitationem superstites vocari, dabunt mihi illustrissimi manes; & si nulla majora, quam principum, exempla privatorum iudiciis possint offerri,

ferri, dabit mihi, qui ex dissitis locis
huc plurimi confluxistis, & quam meam
in vos fidem, tam in dicendo liber-
tatem tot jampridem officii aestima-
tis, si ad laudatissimos Principis mo-
res nunc provocem, eosque exprimi-
mentos invitem illos, qui fortunæ
multo minores ad externos accedunt,
tanquam ad hostes; qui quantam arro-
gantiam suam, tantum horum con-
temptum profitentur, & odisse eos
malunt, ex quibus, conspirantibus
animis, haud vanum peregrinatio-
nis suæ fructum reportarent. Quæ
flagitia, utinam magnitudine hujus
exempli profligata, hæc sedes, qui-
bus jam olim detestata sunt, ignora-
rent! in quibus, nescio quibus factio-
num vocalibus repertis, cum domi-
ciliū esse deberet mutuae humanita-
tis ac consensus, non nisi rixarum
est; & civilium, ut sic dixerim, bel-
lorum. Cæterum non talis tantum
ipse, sed aula quoque, facta ad Prin-
cipis, quod omnium validissimum

est, ingenium ac exemplum. Comitatus in ea neque nimius, neque infra splendorem adstrictus, decus itineris non impedimentum, nemini autem gravis, &, ad Domini instar, gratus omnibus & acceptus. Quam multi vero ejus fastigii dum ad exteros non adducunt, aut suos non faciunt similes sibi, suæ etiam famæ ac debitæ sibi gloriæ jacturam ipsi patiuntur? Tantum de optimi Principis humanitate, quæ cum veluti coagulum quoddam sit totius terrarum orbis, cum conjungat quantumvis moribus, situ, linguis dissitas ac diversas nationes, denique hospita quædam sit omnibus amata, quid vero mirum ea factum, ut nihil in hoc, quamvis extero, peregrinum aut alienum videretur? Neque ex prudentia, qua hic summa opus est, minus præsidii accepit. Cujus cum in illa rerum & gentium varietate velut infinitæ quædam sint partes, licebit mihi per splendidissimos manes, per vos etiam, qui arrecti pluri-

ma

ma expectatis, si omnes neque referam
 neque pretermittam. Equidem linguas,
 mores, imperium, quas adibat, natio-
 num invadere, & ut pretiosissimam
 mercem, referre domum constituerat.
 Linguas, ne diversa domi aliquando
 inspecturus recturusve ora, quod pri-
 vato cuique molestum est, principi
 vero dedecorum, egeret facundiæ a-
 lienæ. Iccirco tantisper quasi oblitus
 est suæ, & quam cum materno lacte
 imbiberat, nescire videri voluit, ne eas,
 quæ virum absolverent, ignoraret. Ne-
 que se indignum existimavit, suo diser-
 tissimus ore, inter exteros loqui ite-
 rum discere & balbutire, ut diversæ il-
 lius, & principalis, quæ in aulishodiæ
 non una est, eloquentiæ totam invade-
 ret possessionem. Mores autem cum
 pro ingeniorum diversitate ubique a-
 lios, vitio vero senescentis sæculi & i-
 deo delirantis plerumque ridiculos, cor-
 ruptos, raro integros inveniret, non ad
 ea, quæ fierent, attendit, sed quæ dece-
 rent & exempla non tam accepit, ut ple-
 rique,

rique, quam interposito, quod paucorum est, iudicio selegit. Et cum maxime blandiantur eoq; facilius noceant contagia ea vitia, quæ virtutibus proxima earum speciem mentiuntur, neq; aliorum abjecta levitate decentem facilitatem, neque ambitione justam gravitatem suam passus est inquinari. Proficere inter externos potius voluit, quam mutari; neque iis se submittere, propter quæ suos, ut meliores, adiri debere, recte observabat. Quod qui alterius iudicii esse putant, quam rari & excelsi, næ illi circumstant tot eorum hodie exempla, qui domo integri demissi, foris animo, cultu, corpore etiam, quantum licet, in deterius mutati, fracti, inter suos ut peregrinia dispiciuntur. Prudentia autem quam exacta, quam admiranda? Non licet cuiquam curioso esse in Repub. aliena; & tamen id peregrinantium est institutum; quantum igitur est, tale esse, & non videri? Hic cum inquireret in Rempub. exterorū, de suâ differebat; & plura semper didicit cum responderet,

ret, quam cum rogaret. Iudicia aliorum cum acciperet, tam illa quam suum sibi servabat; ne aut periculum in eos concitaret, per quorum oris libertatem proficiebat; aut ab omnibus amandus se odio ipse exponeret in Repub. aliena. Omnes foris amicos habuit, & suspectos; non quod duplex in eo animus, sed quod, in tantis hominum insidiis, inter tot dolos & artes, undique ejectâ veteri illa simplicitate, id merito tutissimum videretur. Ministerio oculorum frequenter, sæpius iudicii utebatur; nec cum illis, sed cum isto, quid probandum, quid improbandum, decernebat. Neq; arrogantia aut contumacia unquâ despexit consilium alienum; non tam quod eo admodum indigeret, quam quod suum ipse passim circumferret, cauti, scilicet, esse, non ista aliena credere, sed sua, quæ aliorum melior ratio suppeditaret. Talis præcipuâ Europæ partem vidit; & obstrinxit sibi; talis, post Germaniam, Italiam, Galliam feliciter perlustratam, in Bataviâ

viam venit; amor omnium & delitiæ;
 desiderium eorum quos relinque-
 bat, quos adibat; perfecta jam pro-
 pemodum spes & expectatio suorum.
 Sed, cum qui supra homines erecti sunt
 obnoxii etiam sint casibus humanis,
 & ineluctabile quoddam imperium illi
 agnoscant supra suum, & ad cujusvis
 privati conditionem, in fatali illa me-
 ta, principibus rerum sit descenden-
 dum, dum hic quasi in hybernis, &
 otio Musarum, & umbratica quadam
 militiæ arena agit; dum æstiva exspe-
 ctat, & educendas in hostem acies Fœ-
 deratorum Belgarum; & armandas il-
 las Auriaci manus, non jam indomabi-
 les tantum, sed semper victrices; dum
 tuum, JANUSSI RADZIVILI,
 Princeps illustrissime, exemplum me-
 ditatur; qui quantam vim tuam pro
 hoc imperio; pro hac libertate nostra
 nuper exseruisti; tantum ad ornandas
 has sedes splendorem, tantam pacem
 tuam & pietatem ad splendidissimi hu-
 jus funeris pompam hodie contulisti;
 fa-

fatali morbo correptus, inter magnas tandem & mox irritas spes medicorum, inusitatâ quadam animi constantia, vivendi, &, quanquam à patriâ abesset procul, peregrinandi finem hic fecit. Videte breves amores, & omnium maximas spes accisas; eque illo nihil, si divinam mentem istam excipiat, reliquum præter id, quod mox elaturi estis, unctum & deforme cadaver, & in cineres suos, ex quibus conflatum est, mox reversurum. Neque enim hic quidquam interest inter principes & privatos, præter majorem pompam exsequiarum, &, si in exemplum vixerit, celebriorem memoriam virtutum. Quarum quidem istem ab alijs adornatam, vos mox spectaturi estis; hanc vero nos tibi CONSTANTINE ALEXANDER, non tuorum nunc tantum sed nostrum etiam desiderium, quantum potest tanto fastigio tuo minor pietas & facundia oris privati, deferimus, inscribimus, dedicamus. Agnosçimus sane Polonici
im.

imperii insignem hanc jacturam, illo hic ei erepto, qui præter libertatem, propriam huic genti, & cum invidia aliarum, eam jactantium potius, quam possidentium, cognatam, nihil spirabat, nihil loquebatur. Agnoscit etiam Uladislaus IV. regum omnium potentissimus, serenissimus, quovis amore suo in superstitem, & cura, quovis imperio superiores fatales illos casus: qui in ultimis Christiani orbis excubiis adversus immanissimum hostem positus pervigil, invictus, post victum Osmanum, territum Amurathem, solutos obsidio Smolensciæ muros, post non tam exercitus Moscorum fusos, quam inter totas & immensas eorum nationes, & inter Europæ totius communem stragē ac incendia, partam domi pacem & confirmatam, non levem, sed nec avertendam cladē in socia, in amica gente, hoc extincto, accepit. Neque minus atrata est tota Ostrogiorum & Zaslavorum illustrissima domus, tanto gloriæ & æternitatis

nitatis suæ munimento viduata. Nisi quod in vobis, splendidissimi Principes, ULADISLAE DOMINICE, qui doloris tui testem patriam tuam fecisti, & JANUSSI ISIDONE, qui hæc coram nunc spectas & audis, fratre vestro orbatis, tanto majorem fiduciam reponat, quanto sanctioribus votis nostris illa vestrorum adjuvantur, quibus si supremi numinis pax sese interponat, jam annis vestris tantum additum est, quantum germano vestro accisum, & de eo tot tantæque spes conceptæ in vobis implentur. At tu, CONSTANTINE ALEXANDER, militiæ gloriam, quæ summis mortaliū & ideo tuis tantum agnoscitur, animo semper complexe, ultimas votorum metastandem emensus, quidquid ejus est jam absolvisti, explesti. Vix quidem illud adolescentiæ lubricum feliciter superaveras, cum in ipso veræ, masculæ, & qualis Heroū est vitæ aditu, fatali ictu percussus cecidisti. Sed experiendo jam pridem

dem tu didiceras, in quovis proelio; quale in hoc mortalis, infestæ sibi, seque ipsam finientis vitæ cursu, velut campo, cuius est decertandum, plures semper tyrones cadere, quam superesse veteranos. Quanquam etiam supremum hunc & omnium maximum conflictum haud subire licuerit domi in Uladislai tui aspectu, ante ora tuorum, nihil tamen in novissimis oculi tui desideravere. qui ex militiæ disciplina & lege acceperas, nunquam deserendum esse vocantem imperatorem; & invicto animo occupandam esse quamvis assignatam sive vitæ, sive mortis stationem, denique pectora generosa, quale tuum quovis loco, quovis sub cœlo fortiter mori. Optaveras tu quidem in acie, in hostili solo, sive immanis Turca, sive rapax Tartarus, sive evagator Moscus libertatem gentis vestræ & virtutem tuam lacefferet, pro majorum tuorum exemplo, profuso sanguine tuo ac hostili immixto, & ipsa morte Rempub. juvare, & ingentes

res victorias, amplissimosque triumphos promereri. At, Hercle, nullius votis æque ac tuis nunc satisfactum est, CONSTANTINE ALEXANDER. qui in postremo illo vitæ tuæ actu, in ipso confinio mortis, spe longe majorum intrepidus, arrectus, ipso illo principali tuo fastigio, quod est splendidissimum, toto isto orbe, quem inhabitamus, omni hominum gloria, qua nequidquam assurgunt principes rerum, velut te inferioribus, magnitudine ac constantia judicii tui despectis, victis, triumphatis, quo nullum augustius est victoriæ genus, nulli tituli aut triumphi superbiores, cælum ipsum invasisti & expugnasti.

MARCI

MARCI ZUERII BOXHORNII

ORATIO

FVNEBRIS

IN OBITUM

ILLVSTRISSIMI HEROIS,
DOMINICI MOLINI,
PATRITII ET SENATORIS
VENETI.

ORATIO VII.

SERENISSIMÆ. VE-
NETORUM. REI-
PVB. AD. FOEDE-
RATI BELGII. OR-
DINES. SPLENDIDISSI-
MO. LEGATO. QUI SVM-
MA. QVÆQVE. ET. INVSITATA. VIRTUTIS. AC
GLORIÆ. EXEMPLA. A.
TOT.

TOT. DOMI. MILITIAEQ.
 PISSIMIS. INVICTISSI-
 MIS. LAUDATISSIMIS.
 MAIORIBVS SVIS. PRÆ-
 SERTIM. DVOBVS. VITA-
 LIBVS. ET. DOMINICO.
 MICHAELIIS. AVGVSTIS-
 SIMÆ. REIPVB. DVCIBVS
 PATRIBVS. OPTIMIS. MA-
 XIMIS. HEREDITARIO.
 QVASI. IVRE. ET. RARA.
 QVADAM. DIVINÆ. IN-
 DOLIS. SIMILITVDINE.
 ACCEPIT. SVSPEXIT. OM-
 NI. DENIQUE. VITA. SVA.
 EXHIBVIT. EXHIBET. EX-
 HIBEbit. A. QVO. SIMI-
 LIA. AVT. MAIORA. AC-
 CEPTA. MONVMENTISQ.
 ILLVSTRIVM. INGENIO-
 RVM. ALBO. ÆTERNITA-
 TIS. INSERTA. POSTERI
 OMNES. LEGENT. SE-
 QVENTVR. VENERA-
 BYNTVR. DOMINICVM.
 MO-

MOLINVM. INVICTI SAN-
 GVINIS. PROPAGINEM
 SENATOREM. INTEGR-
 RIMVM. ERVDITORVM
 OMNIVM. PATRONVM.
 INCOMPARABILEM. PRÆ-
 STITEM. MVSARVM. O-
 PTIMI. MORIS RESTITV-
 TOREM. VNICVM. DENIQ.
 OMNIVM. HEROICARVM.
 VIRTVTVM. CONSVMMATA-
 TAM. IMAGINEM. NON
 QVALEM. DEBVI. SED.
 QVALEM. POTVI. REFER-
 RE. INFINITO. LVCTV.
 EX. MORTE. EJVS. INSO-
 LABILITER. TURBATVS.
 AFFLICTVS. ET. TAN-
 TVM. NON. ENECTVS. AC.
 SIMVL. VOTA. PRO. SA-
 LVTE. MAXIMI. PRINCI-
 PIS. FRANCISCI. ERISSI.
 UT. QVAM. DIVTISSIME.
 INTERSIT. MORTALIVM
 CETIBVS. DIEMQ. ISTVM
 RENATUM. SÆPIVS. VI-
 DEAT. QVO. EVM. SECV-
 LI. FELICITAS. SERENIS-
 SIMÆ. REIPVB. DVCEM.
 DEDIT. EVEXIT. PROBA-
 VIT.

VIT. PRO. SALUTE. IL-
 LVSTRISSIMORVM. PA-
 TRVM. QVORVM. COELE-
 STES. INVIDENDAS. IN-
 COMPARABILES. VIR-
 TVTES. MAGNANIMITA-
 TEM. PRVDENTIAM. FE-
 LICITATEM. TERRA-
 RV. ORBIS. QVACVNQ.
 PATET. INTELLIGIT.
 SVSPICIT. AD. STVPO-
 REM. VSQ. ADMIRATIO-
 NIS. VENERATVR. PO-
 STREMO. DENIQVE. PRO.
 VENETI. NOMINIS. SA-
 CRI. LIBERI. INVIOLATI
 SVIS. LEGIBVS. VIVEN-
 TIS. ÆTERNITATE. DOQ.
 DEDICOQ. QVI. ME. IL-
 LVSTRISSIMO. NOMINI.
 EIVS. IN PERPETVVM.
 COLENDO. L. M. Q. AD-
 STRINXI. DEVOVI. OBLI-
 GAVI. MARCVS. ZVE-
 RIVS. BOXHORNIVS.

P Romisi quidem vobis hunc diem, AUDITORES, sed quo plerique omnes, qui aut fortune, aut ingenii magnitudine etate nostra excellunt, non suspiriis tantum & lachrymis, quorum necessitatem vulgo etiam suis imponit cujusvis privati funus, sed ipso sanguine suo ac spiritu vitam ejus redemptam vellent, de quo est dicendum. Adeo ut inter quotidiana exempla non sit, propter quod & exserenda mihi luctuosa nunc vox est; & vos tam frequentes convenistis. Extulit, extulit nuper Italia D. Molini cadaver. Uno spiritu magnitudinem cladis in aures vestras libenter effunderem, nisi infinito luctu depressus meus animus vocem non parum cohiberet. Extulit Italia ejus cadaver, qui cum aliquando moriturum se agnosceret, vitam, quod paucis mortalium contingit, vivendo post mortem extendit; qui non debuerat mori, nisi etiam illi morerentur, qui nihil in vita nisi laudandum admisere; qui

qui tot virorum principum tradux,
 serenissimæ Venetorum Reipub. non
 domesticus tantum, sed pater, u-
 nicum Italiæ suæ ornamentum, sed
 quod Italiæ invidebat orbis terrarum,
 delitium generis humani, amor Musa-
 rum, eruditorum omnium Mæcenas,
 quidquid magnarum rerum geri po-
 terat exsequutus, quidquid sciri
 poterat complexus, ipse domi, fo-
 ris, ubique, clam, palam, apud
 omnes, si quisquam, æstimatus. Ita-
 quæ mihi dicturo venia est opus. No-
 vum est natum in Italia & defunctum,
 in Batavia laudari. At vero sic effertur
 illum, qui in ore singulorum est, & pu-
 blica eruditorum omnium fama, cujus
 cœlestem humanitatem & merita ne-
 mo non expertus est, nisi qui ipsum non
 novit; qui omnes suæ fortunæ cultu il-
 lustrissimarum artium post se reliquit;
 qui omnes primi nominis in Batavia
 devinctos sibi habet, quis merito culpa-
 verit? Et fas etiam mihi sit privatam
 pietatem hic profiteri, qui inter ea

quæ mihi accepta evenêre, antiquissimum illud habeo, quod ille non nisi magnorum hominum æstimator, me, qui nihil præter ignorantiam quotidie prodere soleo, inter suos se habere non semel fuerit testatus. Si quis tamen eum satis à me laudari posse existimat, næ ille tenuitatem ingenii mei nondum exploratam habet; & qui à quoquam, etiam disertissimo, qualis fuit exhiberi posse arbitratur, næ ille etiam magnitudinem virtutum ejus ignorat. Quæcunque enim in ipso, & extra ipsum ejus tamen sunt; tanta profecto offeruntur, ut subsidere sub onere heic cogamur. Dedit Molinum illustrissima familia orbi terrarum, quæ nisi fuisset talis, sola hujus virtute prima jã inter omnes exstaret. At vero illa & temporis antiquitate, & magnitudine meritorum se præ ceteris nunc commendat. Quippe ex illâ longè validissima Nortmannorû gente derivata, quæ in Neustria, Britannia, Apulia, Sicilia,

cilia rerū potita, in posteris non fefellit. ut raro in suis desiderantur, qui suis in exemplum vivere. Anni jam fere trecenti sunt & sexaginta, cum Iacobus Molinus, vir ingentis & majorum animi, admotus imperio Adriatici maris, quod præsidio serenissimæ gentis, augendæque ejus magnitudini natura destinaverat, Anconitanis omnia turbantibus, cum fortitudine conjuncta felicitate, pulsis hostibus, optime de Venetorum Repub. est meritus. Quem ut sequutus Aloysius Molinus fuit, ita magnitudinem ejus vicit. Uno eodemque tempore ad subvertendam serenissimæ Reipub. securitatem potentissimi hostes conjurabant; Julius Pontifex, Galliarum Rex Ludovicus, & Hispaniæ Ferdinandus, & qui ut impero, ita viribus major Maximilianus Imperator. Quidquid tunc gloriæ conferre virtus, quidquid denique difficillimo tempore expectare Respub. poterat, invidendo om-

omnibus sæculis exemplo , Aloysius confecit. Actum pene erat de principe Italiæ gentium populo, nisi extremos hostium insultus stitissent invictæ ejus manus. Quacunque arma tunc circumtulit , circumtulit terrorem. Urbem Patavinam, occupatam jam, virtute recepit , cæterisque Taurisium usque captis vel agris vel civitatibus Veneti imperii libertatem, præter spem omnium, quam celerrime redonavit. Ita se quidē in illa familia decus militiæ habuit , quod tantum summis mortaliū adnascitur , & à Diis æstimatur. Nec minus gloriæ nobilissimæ genti suæ Marcus Molinus domi addidit. qui litterarum curam apud suos suscepit. Adeo ut , præter cæteros, ipsius patrocínio totum se Baptista Egnatius deberet ; vir , ut illa sæcula erant , inter primos eruditorum. qui accepti hujus beneficii memor , tres patricii sanguinis nobilissimas familias, Molinam , Lauretanam , & Bragadenam delegit , quas ultimi voti tabulis ho-

honoraret. Nihil ex tantis majoribus mediocre nasci potuit; nihil quod non amorem in Rempub. & affectum in eruditos spiraret. Quorum utriusque non defuit in Dominico Molino splendidissimum, & majus quam à majoribus acceperat, exemplum. cui rei jam à prima adolescentia se impendit. Nec enim illam aut lascivia, aut indulgentia parentum, qua etiam bonæ indolis semina, quæ natura ipsa imposuit, extinguuntur; sed in amplexu præstantium quorumvis studiorum transeat. quibus diligenter adeo incubuit, ut cum docendi essent alii, & fructus studiorum ad Rempub. referendus, nihil omnino discendum haberet. contra quam illi faciunt, qui cum juventutem inertem luxu corrumpere, discere inter Reipub. negotia volunt, ante quorum usum omnia didicisse oportet, quia alias discendo peccatur. Navem subvertet nata tempestas, qui ante eam exortam non

accepit, quomodo vis ejus vel infringi possit, velevitari. Erat autem in Molino ingenium, ut majus non optares; memoria, quæ quidquid magnum seponeret, & cum res posceret, promptissime suppeditaret. Inprimis autem judicio valebat, quod cæterorum omnium sal est & condimentum. Sic factum, ut nihil memoria ejus amplecteretur, nihil ingenium sibi fingeret, quod non ratio judicii approbaret. Sic juvenis didicit, quibus virum indueret, & privatus, quibus senatoriam dignitatem paullo post adornaret. In cujus spem eorum præcipue opera & præceptis utebatur, qui civilis sapientiæ scientia, & usu publicarum rerum pollebant. Sic enim fit, ut ea audire contingat, quibus non interfuimus, & videre, quæ quia ante nos, aut remotis nobis facta non spectavimus. Præsertim si ad ejus ingenium, ex quo audimus, nostri dexteritas, & promptitudo accedat, quod in Molino stupendum

dum fuit. Erant tunc temporis in Venerorum urbe, qui usu rerum & magnitudine consiliorum proferenissima Repub. florebant: quæ, licet alibi magnarum virtutum sterilis sit ignava hæc ætas, cœlestium ingeniorum fœcunda semper est mater. Horum alloquio & familiaritate continuo Molinus utebatur, & profuturis consiliis, in magnum rei post usum, ingentem animum suum explebat. Cum his quotidiani ejus de Repub. sermones. Ex iis optime intelligebat, quid corrigendum, quid & quare laudarent; quomodo obviam eundem hostibus libertatis. Non poterat non Molinus sub his præceptoribus proficere. Hi enim nihil nisi quod magnum dictabant, ille autem ad discendū conferebat alacritatem animi, quam oportunitatem non sine causa Pythagoras nominabat. Frustra quippe docetur, qui animo discendi non accedit. Sic adhuc privatus major privato fuit, & illustrissimæ dignitatis capax, priusquam

quam obtineret. Ad quam non uno saltu, non ambitione, non favore amicorum pervenit. Volebat primum Reipub. dare sui experimentum. quippe tunc demum tempestive magnis admoveamur, postquam minora feliciter sumus exsequuti. Nemo repente factus est summus Imperator. Ætates suas requirit illustrium dignitatum fortuna, & summam rerum evertunt, qui eam in inexpertos transfundunt. Nullus etiam hic ambitioni erat locus, ubi tantum ardor bene de Repub. merendi obtinebat principatum. Male ad summas dignitates tendit, qui in iis non tam de publici egregii, quam de suo bono constituit mereri. Nec quoque præsidio amicorum opus habebat magnus hic animus, qui amorem in patriam & pretium sui ubique circumgestabat. Nec deceptos se experti sunt, qui credidere. Ex quo enim in excelsa illo gradu dignitatis positus fuit, iniiit primum inter se solum, mox inter se & Rempub, pulcherrimum

cer-

certamen. Secum de progressu virtutis suæ pugnabat, instituta contentione inter personam quam sustinuerat, & illam, quam nunc tueri tenebatur; inter virtutes, quibus hætenus omnibus satisfecerat, & illas, quas ad sustinendam tantarum rerum molem, & conservandum decus illustrissimi imperii requiri intelligebat. Cum Repub. autem, cui totum se devoverat, de ejus incremento, & promovendo bono, ardore animi indefesso & ingentibus curis quotidie contendebat. Aderat enim constans quædam & excitata vis mentis, qua quidvis superabat; qua contra pericula omnia & difficultates audentior semper invehiebatur; qua constanter ab aliis dissentiebat, cum ita Respub. suaderet. Non hercule, dissidendi quadam libidine, sed quia pronis auribus excipendum id omne credidit, quo libertatem patriæ propugnabat. Male tacuit, qui odia aliorum metuit, ubi erat loquendum; male etiam loquutus est, qui

alios offendit, ubi sine periculo potuisset tacere. Quoties vero in augustissimo confesso apud Patres verba Molinus faceret, erat visu juxta atque auditu venerabilis; habebatque movendi omnes auctoritatem. Quoties suadendum erat, modestiam; quoties dissentiendum, concordem pro Repub. animum; quoties probandum, quod alii bene suaferant, candorem exprimebat. Adeo ut optimi oratoris imaginem in seipso omnibus exhibuerit: non qualem vulgo in umbra discimus, ubi specie inutilium verborum decipimur, sed quam insita naturæ bonitate sublimis ille animus ex usu rerum sibi finxerat. Non nisi ratione æquitatis adversus cætera immotum ejuspectus poterat expugnari. Observabat acriter & legum patriæ, & instituti sui severitatem, falsumque in se ostendit, quod apud Romanos verum olim erat, & credebatur, pecuniosum hominem non posse

se damnari. Pauci ita in Reipub. administratione versantur. Multi quidem adferunt ad eam incorruptum animum, quia hactenus corrumpi non potuere; pauci servant, quia jam possunt corrumpi. Et tanto quidem magis per has virtutes profecit, quia vigilantiam adhibebat, qua factum, ut occasionem non prætermitteret, qua uti debebat; & nihil eorum optare cogeretur, quorum tempus effugerat. Cum vulgo ita fieri soleat, ut præpostere non tam utamur præsentibus, quam uti velimus, postquam effluxere. Quid dicam auctoritatem ejus, cum publicam personam indueret, quid humanitatem, cum deponeret? Quanquam & in publico privatorum commoda, & apud privatos bona Reipub. promoveret. Rara profecto morum & ingenii mixtura, ita privatū esse, ut publici cura, ita publicum, ut desideria privatorum non negligantur. Domus ejus tanquam sacrarium quotidie frequen-

quen-

quentabatur, ipse autem instar oraculi erat. Confluebant ad illum, qui in ea Repub. primi sanguinis, & quos magnis rebus fortuna destinabat. Docerat eos, quæ experientia multorum annorum ipse didicerat, & didicisse se credebatur, ut alios doceret. Hæc propria ejus insita virtus fecerat. Cætera cum aliis exsequebatur, ita tamen ut plurimum ipsi serenissima Respub. deberet. Ex quo enim ad motus ad curam Reipub. fuit, facta multa & constituta sunt, quibus æternitas illius imperii & libertatis aut conservata aut promota fuit; in quorum pulcherrimorum facinorum partem & gloriam ipse animo tam quorumvis periculorum contemptu, quam saluberrimis consiliis instructo venit. Quidquid ab omnibus factum, uni etiam acceptum referri debet. Quicquid omnes recte, & ex majestate Reipub. decernebant, ipse sequebatur, nescius detrectandi, ubi melius non erat quod suade-

suaderet. Quicquid unus ille censebat, subinde omnes amplectebantur. Stolidæ quippe ambitionis est, aut unum ab omnibus, aut omnes ab uno dissentire, ubi vel unus vel omnes pro Repub. dixere. Quod sub Johanne Bembo, serenissimo Principe, provocantibus Viscognorum injuriis, bello inter Austriæ Duces, & augustissimam Rempub. exorto, in Foro Julio oppida aliquot mira felicitate expugnata, quod Moscanisa capta, quod Gradiscæ obsidio soluta, quod gravia in Istria Dalmatiaque bella induciis primum, mox pace sopita, ut cæterorum Patrum, ita etiam socia Molini prudentia effecit. Quomodo autem hoc loco & tempore silentio involvendum initum, sub Antonio Priulo, serenissimo Principe, arctissimum fœdus? quo & invicta Respub. & populus Belgii fœderatus coiere, ringentibus hostibus utriusque libertatis, qui socios non volebant; volebant
autem

autem ut servirent, ne sui servitutum detrectarent. Nemo abnuebat utilissimum foedus, nemo tamen constantius quam Molinus promovebat. Suasit id ejus & in suos & in nos propensissimus amor. Jungenda utraque Respub. videbatur, quia utramque amabat. Nec amasset nostram, nisi amor in suam dictasset, ut nostram amaret. Et cur non coalescerent nobilissimæ gentes? quarum utriusque oceanus metator, utriusq; idem hostis fere & amicus, utriusque eadem libertatis cura, idem amor. Ita continuis pro Respub. laboribus animum suum Molinus fatigabat; si fatigari dicendus sit, qui innata quadam ingenii facilitate, & experientia difficillimorum operum publica jam, tanquam domestica, & intricatissima, tanquam quibus impar esse non posset, exsequebatur. qui otium etiam suum liberaliter occupabat. Non in ineptiis, aut frivolis sæculi, quæ à plerisque ejus fortunæ solent æstimari, sed

sed in cultu optimarum artium, amplexuque illorum, qui eas profitebantur. Quæ laus priorum temporum, cum decus suum adhuc virtuti præclarisque studiis constaret, cum instructissimum animum quisque ad Reipub. conferret, ætate nostra in plerisque eviluit; qui sordida tantum & bonorum omnium contemptum amplectuntur. Quidquid otii cura Reipub. suppeditabat (suppeditabat autem parum) liberalibus studiis addicebat. In iis se exercuit divinus animus, inspectis diligenter veterum monumentis, ex quibus sapientiam omnem, & bene imperandi artes hauriri posse merito existimabat. Et tanto quidem magis, quia quotidie usum eorum experiebatur. Proinde & bibliothecam instruxerat, non ad inanem pompam, aut ostentationem, sed quia ita expedire videbat. Quidquid aut Græcia disciplinarum omnium mater, aut Roma, gentium caput, ereptum injuriæ temporū, ingeniis suorum ad posteritatem trans-

transmittendam curaverant, non erat tantum in ea, sed legebatur. Legebatur autem ab eo, qui non sequebatur quidvis temere, sed, quod paucis datum est, iudicium interponebat. quo factum, ut tempora, quibus non vixerat, cum suis contenderet, ut quæ pridem abolita in usum revocaret, postremo denique, ut nihil eorum, quæ sciri deberent, ipse ignoraret. Tenuit enim, ut magnus olim Agricola, ex sapientia modum, & non necessaria nescire voluit, ut necessariis se pararet. Ita factum, ut illustri ejus exemplo, ad parem animi contentionem cæteri fuerint provocati. quos fortunæ multo minores pudebat hic post illum esse, qui sine literis satis à fortuna ad magna instructus erat, si corruptos sæculi mores voluisset imitari. Ita factum, ut ad curam studiorum in celeberrima Patavinorum Academia solennibus Patrum suffragiis, & summo eruditorum omnium desiderio, fuerit evocatus. In quo splendidissimo munere ita sese habuit,

buit, ut Musarum pater, oraculum sapientiae, doctorum omnium delitiae & amor, passim jam apud suos celebraretur. Quisquis ingenio excellebat, & doctrina Mœcenatem eum & patronum suum experiebatur. Nemo eruditorum magis benevolentiam ejus, quam ipse eorum captabat. Vix quisquam erat, qui non æternitati tanti nominis inscriberet ingenii sui monumenta. Sic, cum favorem suum quaquaversum Molinus circumferret, ubique jam legebatur. Sunt in omnium jam manibus eruditissimorum hominum scripta prope infinita, quorum vestibula illustrissimo hoc nomine exornata auctores voluere. Tales Pignorii, Cremonini, Sandellii, Bonifacii, Crassi, aliique illustres viri, quorum cum alii reliquias Romanæ antiquitatis, alii jus, alii medicinam, alii historiam aut suorum aut præcedentium temporum, pro virili quisque suscepissent illustranda, ex Molini luce splendoré, ex judicio famam & existimationem sibi suis-

fuisque scriptis voluerunt conciliare. Quibuscumque abest, ut ad ambitionem uteretur, ut benevolentiam, quam tamen majorem esse posse nemo existimabat, majorem impenderet, & bonarum litterarum studia, earumque Professores, magis magisque complecteretur. Multa ejus generis apud antiquos exempla sunt, sed hinc simile non exstat. Nec poterant excelsæ illæ virtutes intra Italiæ angustias aut Alpes, diutius jam contineri. Quidquid enim alibi magnum est, ubique æstimatur. Quisque illud aut apud se esse vult, aut suum facit. Sic eum Gallia, sic Germania, sic Batavia hæc nostra, tanquam aliquod numen, & Apollinem Musarum certatim cœperunt venerari. Præsertim autem Batavia, in cujus Academiam, & illustria ingenia ut ipse se totum, ita illa in ejus æstimationem & cultum tota se effudere. Testes mihi sunt, quorum ora hic intuemur. Agnoscis profecto id tu, Adolfe Vorsti, qui
 prin-

principem nunc clarissimi ordinis nostri tueris locum, cui præ cæteris id contigit felicitatis, quod cum Italiam aliquando perlustrares, tanti herois oscula & verba præsentī tibi excipere licuerit. Magnum sane propius admitti ad tantarum virtutum contemplationem. Ille te impense amabat, quia nihil in te erat, quod non amaret; tu autem colebas eum, cum inusitata ejus humanitas, ad stuporem usque admirationis te detineret. Nec tu dissentis, illustris Heinſi, cujus cum infinita esset eruditio, & ad æternitatem temporum facta cœlestis ingenii monumenta ubique legerentur, non potuit sublime illud Molinipectus te orbis universi delitium, stupendum in omnibus & incomparabilem, non amplecti, non exosculari. Laus autem tua hic propria & singularis, quod cum amore doctorum hominum ipse jam teneretur, animum hunc suum tibi primū crediderit, ut sic ad cæteros pene-

penetraret. qui & equestrem in serenissima Repub. dignitatem merito tibi deferendam curavit. Ad quam non pretium, non ambitio, non inanis fama aditum tibi fecit, sed quia tu eras & merebaris, & quia censebat ille, qui non nisi magnos & supra communem sortem positos aestimabat. Tu quoque, clarissime Graf-winkeli, qui tot privatorum fortunas & salutem rara tua facundia defendisti, & nuper vindices exseruisti manus in hostes Venetæ libertatis, tu tibi documento ex affectu, quo te tantus heros complexus est, quanto animo tui similes, id est doctrinæ & ingenii præclaros prosequeretur. Quid hic dicam tot myriades litterarum, quibus initam cum eruditis ubique gentium amicitiam perpetuo fovebat. quæ solæ incredibile ejus dexteritatem, & promptitudinem ingenii, in tantis Reipub. negotiis, quibus continuo vacandum ei erat, satis superque omnibus possunt testari. Non illæ
fuo

fuco & fallaciis, quæ vitia olim, nunc
 mores esse cœperunt, sed heroico &
 plus quam humano affectu se commen-
 dabant. Adeo ut ipsum, qualis erat,
 & legeres simul & videres. Legeres sic-
 ut vivebat, videres sicut scribebat.
 Nimirum eundem & stylum & ani-
 mum præstabat. Abeant nunc igitur,
 abeant illi fortunæ pusiones, qui opi-
 bus suis ad ineptias, otio ad voluptates,
 dignitatibus ad arrogantiam, & gen-
 tis suæ splendore ad contemptum lit-
 terarum, & odium eruditorum abu-
 tuntur. quos non minori animo nos
 contemnimus, dum pretium nostri ex
 conscientia, & usu præstantissimarum
 artium metimur. Discant hic, ex cul-
 tu illustrium studiorum, & qui eorum
 professores sunt, splendorem Reipub.
 & æternitatem nominis comparari.
 Talis Molinus vixit, & utinam mihi
 hic desinere diceret, atque alii nunc in-
 cumberent partes dicendi! Lachrymas
 offero, ubi verba expectatis, nisi la-
 chrymis majus sit acerbissimum hoc
 funus,

funus. Obiit nuper ille , obiit qui nemini viventium exosus , qui non sibi , sed serenissimæ Reipub. sed omnibus vivebat ; ante quem mori quisque desiderabat , & de suis annos additos , ut ætatem ejus augeret. Obiit annos tres & sexaginta natus , quem climactericum filii medicorum , virorum autem mactatorem Græci solent appellare. Obiit die fatalis illius anni sui extremo. Spatium est , si quidem communem naturæ ordinem videatis , non inter brevissima ; si facta ejus & merita , tam angustum non credimus ; si spem omnium & expectationem , multo longius , & , si natura pateretur , sine termino optassemus. Sed parendum necessitati , qua omnes constricti sumus. Fata hic leges præscribunt , quæ non puniunt refractarium , sed non patiuntur. Vixit igitur Dominicus Molinus , ita tamen ut adhuc super sit , & superfuturus sit , quamdiu decus suum magnis mentibus constabit. Intelligis , Serenissime Princeps , Franciscæ E-

rissi,

rissi, quantum in unius morte amiserit augustissima Respub. quæ in invidendas tuas virtutes speciem majestatis suæ voluit derivari. Agnoscitis jacturam vestram, illustrissimi Patres. Equidem veneror magna illa inter vos nomina, confessum vestrum non tam hominum quam Deorum, & in eo non jam de virtute, sed de magnitudine ejus certamen, optimas leges, earum vindices acerrimos, constantissimos, animos invictos, terra marique indomabiles. quibus pacem suam æternitatemque debet serenissima Respub., quæ olim ex nobilissimo totius Italiae sanguine coalitam inrumpentibus in eam Barbaris, inadito hætenus exemplo, non immanitas Turcarum, non perfidia sociorum, non arma potentissimorum Principum, infidantium libertati, non denique ferrum omne, haud dicam expugnare potuit, sed ne quidem potuit commovere. Molinum tamen, vestrum sublatum certis

nitis & doletis. Cujus maximarum
 virtutum memoria apud vos, quam diu
 Respub. vestra, exstabit. Tu Divi Mar-
 ci splendidissime Procurator, Francisce
 Moline, qui pro Rege Cretam tenuisti,
 germano tuo jam orbatus vivis, quem
 cum solum habere te existimares, plu-
 res ipse & sibi & tibi fecit, dum infra
 magnitudinem gentis suæ non existi-
 mavit, fraterno eos affectu excipere,
 quos amabat. Adite etiam, illustrissime
 Francisce Michaeli, qui aliquot Ducum
 soboles, cujus facundo ore & quali pro
 libertate vestra excelsæ illæ animæ, ma-
 jores tui, utebantur, in Belgio serenis-
 sima Respub. jam loquitur, ad te, in-
 quam, dolor hic etiam pertingit. Fe-
 cerat non tam ille excelsæ dignitatis
 locus, in quo erat, non tam agnatus
 ejus sanguis, quam infinita virtus, ut
 eum amares; nisi pro affectu tuo melius
 dixero, coleres, æstimares. Scio et-
 iam vehementer animum tuum com-
 moveri, qui hæc nunc audis illustrissi-
 me Singlitice, Rocassii Comes, cui ut
 in-

inter summa ornamenta est & propria & majorum virtus, quorum duo, ut de cæteris, de quibus annales vestri loquuntur, nunc non dicam, in Cypri expugnatione invicto sanguine suo, & qui amore Reipub. calebat, perfudere scelestissimas Turcarum manus; ita inter præcipua numerandum, quod ut sanguine, ita & magnitudine animi, & heroicarum omnium virtutum cultu magnum illud Molinum tuum proxime contingas. Qui ereptus jam rebus humanis, despicit ludibria instabilis fortunæ, & fruitur cœlestissimo præmio, cui comparando se hic impendit, & in complexu Aloyfii sui vivit aliasque eximias sanctasque mentes, suæ similes, præsens intuetur. Beatus ille & vitæ & mortis claritate. Vixit enim ut adhuc sit, postquam fuit, ut videre eum contingat, postquam ex oculis abiit; ut in-

terfuturus sit ultimæ memoriæ nepotum ; ut denique reliquerit virtutis & gloriæ , quale nemo dedit , nemo daturus est , quisque autem sequi debet , incomparabile exemplum.

DEO. OPT. MAX. SACRUM

E T

ILLVSTRISSIMO. HEROI
IDOMINICO. MOLINO
PRVDENTIÆ. ANTISTITI.
SAPIENTISS. FACVNDISS.
INTEGERRIMO
INCORRVPTISS. LITERARUM.
ANIMÆ. AC. VITÆ. STIRPIS.
ANTIQVISSIMÆ. GENEROSISSIMÆ.
QVE. TRADVCI. CVINOBILITATEM. QVAM
ACCEPIT REDDIDIT. ÆTER.

TERNITATEM. CONTV-
 LIT. ADIECIT. QVEM. RE-
 GINA. RERVM. ITALIA.
 LIBERTATIS. ASYLVM
 ET. TROPÆVM. VENE-
 TIA. VINDICANDÆ. LI-
 BERTATI. FOVENDIS-
 QVE. PER. UNIVERSVM
 ORBEM. ERVDITIS. PRO-
 TVLIT. EDIDIT. EDVXIT.
 SENSIMQVE. AD DIGNI-
 TATES. PRIMAS. EXTV-
 LIT. PROMOVIT. EVE-
 XIT. QVEM. PARNASSVS
 ITALIÆ. PATAVIVM. IN-
 SPECTOREM. STUDIO-
 RVM. AC. APOLLINEM.
 SENSIT. SVSPEXIT. CO-
 LVIT. QVEM. HÆC. ÆTAS
 LOQVETVR. OMNIS.
 QVAM DIV. IPSE. ORBIS
 ET. ERVDITI. ERVNT.
 CVIVS. HVMANITATEM.
 CANDOREM. LIBERALI-
 TATEM. QVA. NOMEN

FAMAMQVE. IMMORTA-
 LEM. SIBI. SVISQVE. PE-
 PERIT. NE. IPSA. QVI-
 DEM. FAMA. SATIS. EX-
 PRESSERIT. IN. QVO.
 COMMENDANDO. OMNES.
 MVSÆ. DEFICIUNT. QVAS.
 SIBI. FAMILIÆQVE. SVÆ.
 CLIENTAS. DOMESTI-
 CASQVE. FECIT. DEME-
 RVIT. HABVIT. ORDINIS
 LITERATI. NOMINE.
 QVEM. ATRATVM. SOR-
 DIDATVM. AC. PVPILLVM
 DESERVIT. RELIQVIT.
 RAPTVS. FATO. AC. SIN-
 GVLIS. EREPTVS. INPRI-
 MIS AVTEM. SVO. M.M.Q.
 HEIC. F. D. P. DANIEL
 HEINSIVS.

SALVE. O. PATRONE. SAL-
VE. ET. ÆTERNVM.
VALE

TE. MYLI. MENS. ALTA.
MIRATRIX. TVÆ.

GRASVVINCKELIQVE.
PROXIMVS. COELO.
CALOR

ET. OS. DISERTVM. TE
PARENTATOR. TVVS.
NVNQVAM. INCLVTÆ.
VIRTVTIS. OBLITI.
TVÆ

QVO. DESTINANTVR.
SVBSEQUENTVR. OR-
DINE.

A M I C O R U M
A L I Q V O T
E P I C E D I A.

Balthasari Bonifacio Ar-
chidiacono Tarvisiensi.

Re salutatum properat dum
nostra Molinum
Hospite fraudata est li-
tera morte suo. (aule

An lateat, pulsetne fores, ô arbiter
Balthasar illustris, consuluisse
velis.

Sed refer ut pulset. quamvis bonus
occidit hospes,

Parte tamen vivit nobiliore sui.
Ulla, sideribus pulcro cū lumine solis
In cineres versis, iste superstes
erit.

Officio faveat sero. præpostera musa
Sic probat ad manes hunc vo-
luisse sequi.

IN

I N O B I T V M
I L L V S T R I S S I M I
DOMINICI MOLINI,
Senatoris Veneti.

Quid juvat, ò proceres, terris cecidisse
cruentis,

Securosque tuba jam maris esse deos?

Vos quoque sentitis misera contagia terra:

Nec juvat immunes cadis habere manus.

Non minus aeterna moriuntur sidera gentis,

Et procul à telis, & sine Marte, cadunt.

Occidit illa etiam divum certissima proles,

Illà Antenorea vita salusque domus.

Credite non unum vobis periisse Molinum,

Sed Venetos omnes, si periisse queant.

A L I V D.

IA M satis indoluit privato quisque dolori:
Publicus hic luctum mittite quisque suū.
Omnibus à populis unus lugendus: in uno,
Tempore quod toto lugeat, orbis habet.
Adria flet, mœstique novem flent ora Timavi,
Nec Padus in lacrymas sufficit ipse suas.
Sed Liger his Rhenusque suas cum Tybride
iungunt:
Vertit & in lacrymas Mosa Batavus a-
quas.
Pars sua cuique uno est in funere. quaque pa-
trono
Orba suo regio est, hospite quaque suo.
Sors tamen hac, gravior, totique domestica
mundo,
Quod cum patrono, Pax, moritura tuo es.
Unius arbitrio patuit ferus arma Molini
Ponere Mars, unquam si positurus erat.

IOHANNES FORESTIVS,

Præpot. Northollandiæ Ordinibus
à Secretis.

CLARIS S.

MARCO ZVER. BOXHORNIO,

C V M

Illustrissimo Heroi

DOMINICO MOLINO

publice parentaſſet.

Quid eſt diſerte nec tacende
Boxhorni
Poſthac diſertis emulisque
ſummorum;

At tujus ore ſeriata Lugduntum
Niſper pependit; fauciata, percuffa
Oratione flebili, nec ignava,
Sed expedita maſculaque, ſed gnara
Vim queſtibus miſcere; lachrymis pon-
dus; (magni;

Quid eſt, quod Heiſi, præco funeris
Ciſe leſſum lachrymasque viſ Muſam,
Et præficarum manus ex ſequi luctum;
Quem fama terris poſterisque venturis,
Pado Batavus Adriæque tramittat?

Amice neſcis; inclytus licet fandi
Et luctuoſus prædicator erepti; (ſcis;
In morte tanta quod miſerrimum ne-

Et penet tanta luctuosius morte,
Nec expiandum februisque luctuque:
Fuere Musæ. vixit Heinsius vester,
Amice, vixit. Ille sedulus quondam
Lætusque cultor dulcium Camœnarû,
Idemque laudis impotens Molineæ
Et æstimator & superbus interpret.
Ardoris ipse vix sui capax quondam,
Nunc derelictus omnibus miser Musis,
Percussus oppressusq;, mutus, elinguis,
Non verba voci sed silentium præstat
Inominato nec domabili letho.

Si quid relictum est ultimę tamen voci,
Quod lingua victa tinniat, manus si-
gnet,

Qualis supremæ conditur voluntatis,
Vrgente letho summa cum dies vergit,
Lex non amœna, quam tabellio firmat
Suique testes & domesticum nomen;
Hanc dictionem, ceu novissimam, tolle:
SIBI ET MOLINO QUI SVPERSTES EX-
STINCTO EST,

SIBI ET CAMOENIS HEIC PARENTAT
EXTINCTIS.

DANIEL HEINSIVS.

IN

IN OBITV M
IELVSTRISSIMI
DOMINICI MOLINI,

Ad excellentissimum
FRANCISCVM MOLINVM,
DOM. FR.

D. Marci Procuratorem, &c.

QUID SOLVM ADRI-
ACIS NEPTVNVM
QVÆRITIS VN-
DIS?

CERTVM, HIC CER-
TANTES TRES COIIS-
SE DEOS.

CREDITE DIVISVM, VI-
CTIS TITANIBVS, OR-
BEM.

HIC DATA GERMANIS
CREDITE REGNA TRI-
BVS.

NEPTVNO MARIS IMPE-
RIVM; TIBI CESSIT
OLYMPVS.

IVP

IUPPITER; INFERNAS
SVSTVLIT ORCVS A-
QVAS.

NVNC GRAVE DISSI-
DIVM, TERRIS CE-
DENTE MOLINO;
ET PVTAT HIC SOR-
TEM QVIS QVE VALE-
RE SVAM.

ATNE DIRIPIANT FRA-
TRES, ET NOBILIS
VMBRA
ELYSIVM REPETAT
DILACERATA NE-
MVS.

PROTINVS ADMISSIS A-
STRÆA SUPERVE-
NIT ALIS,

ATQVE AIT, HÆC NO-
STRO LIS AGITAN-
DA FORO,

CVM VENETVM SINE
LABE DECVS, SINE
SORDIBVS VLLIS
VIXERITERIZZI MAXI-
MA CVRA SVI.

IAM RVDE DONATVS,
JAM VITA CÆLIBE
CALES

RES SIBI SVMMA-
NUM IVS SITHABERE
SVAŞ.

FA:

FAMAQVE CVM VOLI-
TET TOTOCLEBER-
RIMA PONTO,
SIT SATIS ÆQVO-
REO GLORIA TANTA
DEO.
GAUDEAT HAC ANIMA
COELI REGIONE RE-
CEPTA.
IUPPITER. HAVD FRA-
TER LVDFICANDVS
ERIT:
HIC, TIBI CVM VITÆ
PERNERINT FILA SO-
RORES,
INVENIAS FRATREM;
MAGNE MOLINE;
TVVM.

DOMIN. MOLIN.

REIPVBLICAE. VENE-
TAE. ACADEMIAE. PATA-
VINAE. OMNIVMQ. PER
ORBEM. VNIVERSVM
ERVDITORVM BONONA-
TVS. ET. EORVMDem
DAMNO. DENATVS

A. MDCC. XXXV. NOVEMB.

DIE. XVII

QVI.

QVI. ERAT. EIVS.
VITAE. ANNI
CLIMACTERICI.
EXIII. VLTIMVS.
MERITIS. INNOCENTIS-
SIMAE. ANIMAE.
PROVOCATVS. RO-
GATVSQVE
AB. AMPLISSIMO.
VIRO.

ADOLFO. VORSTIO
ACADEMIAE. LVGDVN. BAT.
M. RECTORE
LVBENS. LVGENSQUE. SCRIPSIT
PETRUS. SCRIVERIUS
LVGDVNI. BATAVORVM.
c l o l o c xxxvi.

IN

IN OBITVM

Illustrissimi Herois

DOMINICI MOLINI,

Patritij & Senatoris Veneti,

Ad Clarissimum Virum

THEOD. GRASVVINCKELIVM,

in Curia Hollandiæ caussarum

Patronum disertissimum.



E quoque, me Divi suadebant fatâ
Molini

Flebilibus lessum concelebrare
modis.

Antenor turbatus adest, cohibetque volentem,

Et mea mox ventis verba recussa volant.

Scilicet illo suo qui numina numine vicit,

Heroiūque sacro sanguine natus erat,

Debuit aut nunquam tristi succumbere leto,

Vatibus aut saltē mors reticenda venit.

Oppida qui centum, felicia regna, tætur,

Nil quod suspiciat busta Tonantis habet.

Illius

*Illius heu frater (pietas quæ dedecet orbem?)
Euganea major nunc tumulatur humo.
Tu Grasvinckeli ciliis applaude gementis:
Tristitia lacrymas maxima caussa negat.
Liberaque Hadriaci populi qui secula monstras,
Indiges ostro dum micere Patres,
Zueriaco credas motum sermone poetam
Nec tacuisse satis, nec potuisse loqui.*

IAANVS BODECHERVS BANNINGIVS,

MARCI

MARCI ZUERII BOXHORNII

ORATIO

In excessum

ILLUSTRIS ET NOBILIS-

SIMI VIRI

CORN. vander MYLE,
Equitis, Domini in Myle,

Alblas, Dubbeldam, Baccum, &c,

Equestris Hollandiæ Ordinis,

& Academiæ Leydenfis

Curatoris.

ORATIO VII

SI in ea quidem gente, quã
nulla & magnitudine virtu-
tũ illustrior, & in earumdem
æstimatione sanctior fuit,
receptum olim laudatumque sit, ipso
illo campo, in quo, rebus strenue ac
feliciter exactis, publicam expectatio-
nem

dem fortunæ sunt agnoscere tanta exempla possint & imitari, haud tacere de iis virtutibus, quæ profecto si in alios, ut omnium pulcherrima hæreditas, sic queant transferri, & Reipubl. huic & Academiæ quandam rerum splendorisque æternitatem audemus polliceri. Erat hic quidem tuæ, Illustris Hein- si, incomparabili facundiæ locus, nisi privatum velut tuum & domesticum hoc vulnus, eam nunc maxime cohiberet. Dabis interim tu, dabis, Nobilissimi Auditores, ut, quem pro dignitate reddere vobis non possum aut repræsentare, saltem non prætermittam: qui jam pridem intelligo in magnis exemplis plura esse, quam præceptis; cum hæc fieri tantum præclara debere, illa etiam posse, quod longe potius est, ostendant; & ea cujusvis ætatis tanto majori inspicio veneratione, quanto illa antiqua, ut origini & integritati suæ proxima, multo frequentiora;

tiora ; nostrâ vero , velut sterili ac effetâ , rarius tanta offeruntur. Veritas autem istis inerit , ac optima fides ; neque nostrâ in dicendo mediocritate tantarum virtutum magnitudini quidquam decedet. Non enim , ut forsâ alii , aucupandæ superstitem gratiæ defunctos celebramus ; & apud eos dicturi nunc sumus , quorum gravitati ac conscientiæ , cum in plerorumque oculis publicè aut privatim hic vixerit , non licet illudere ; & excelsæ illæ mentes , non ex laudantium ingenio , sed suis meritis , & veris pretiis æstimantur. Neque expectationem vestram diutius trahere convenit , cum per tot annos ac laudes nobis decurrendum , & à tanti viri primo vagitu ac cunis , quibus risisse tum hujus quoque infantiam imperiî crediderim , & adsedisse Musas ipsas , ut tanti patroni sui alumnas , adscendendum sit , per tot gradus optime adædolescentiæ , tot domi summa gloria & incredibili innocentia gestas digni-

gnitates, tot foris obitas splendidissimas legationes, per tot prospera, tot adversa, ad ultimos singultus ejus & excessum, quibuscum publicæ jam lachrymæ, & hoc Academiæ nostræ iustitium conjunguntur. Ex clarissima proinde ac undiquaque nobilissima, è qua prognatus est, gente, totque ornatissimis majoribus, latis erit solius patris meminisse; quo sub illustri exemplo constet, neque falsum semper esse, simul cum sanguine in posteros transfundi vim, mentem, spiritus majorum; neque semper verum esse, profapiam Heroum decrescere indies, & in liberis fieri deteriorem. Est is Adrianus Mylius, in quem supremæ Hollandorum Curiae Assessorem primo, dein Principem, omnia summi sanctissimi-que hominis decora confluxere; quæ maxime dubiis temporibus & afflictis aut nutantibus hujus Reipubl. rebus, tot per annos, in tot difficilissimis negotiis probata, si pro dignitate referrem, funus veteris, & ipsa
cuna-

cunabula ac incrementa novi hujus nostri imperii, ad Annalium instar & amplitudinem hic venirent explicanda. Ad quos, jam vulgatos, eundum est illis, quibus inspicere curæ est, haud facile petendum aliunde hominis exemplum, in quo uno, animus non fractus adversis, par semper illis aut major, in tot curarum mole nunquam fatigatus; semper commodi publici studiosus, & ideo plerumque negligens privati; æquitas, fides, consiliorum promptitudo, constantia, & quidquid publicarum est virtutum, summa denique eruditio simul concurrere. Neque enim tantus quis esse in Republ. potest, nisi simul sit eruditus; sicut nec quisquam eruditus est, qui non cum pulcherrimarum rerum scientia, earum doctores amore suo, complexu, & patrocinio dignos arbitretur. Itaque illum colere, velut Apollinem quendam Musarum, sicut ab illo colebantur, ut necessaria & præcipua rerum publ. instrumenta, quotquot eâ ætate in Belgio

gio aut alibi eruditionis gloria erant
 insignes; Leonini, Hutteni, Albadae,
 Feugueræi, Hopperii, Foresti, Giphanii,
 Rosini, Marnixii, Vulcanii, alique;
 quorum ad eum de rebus gravissimis
 litteræ, Heinſiano beneficio, jam
 pridem publice leguntur. Hunc pa-
 trem Cornelius Mylius, ut filius non
 eſſet tantum, ſed etiam agnoſceretur,
 exprimendum ſibi exiſtimavit; non,
 Hercle, Apellis alicujus aut Phidiæ
 manu, vel, ad Romanorum inſtar,
 expreſſo cerâ vultu; ſed eâ, tamque
 rara ſimilitudine morum, ut uter in
 Reipub. adminiſtratione ſanctius, &
 in litterarum ac eruditorum æſtima-
 tione diligentius verſatus ſit, cum u-
 terque excelluerit, non facile poſſit
 dijudicari. Quanto minus eſt, quod
 plerique in liberis ſuis inveniunt ac ad-
 mirantur, paterni vultus in fronte, o-
 culis, aut genis imaginem, ſpolium ſæ-
 pe morbillorum, caducam, perituram;
 cum haud alia ratione patres in liberis
 ſuperſint, ac poſt exceſſum etiâ ipſi lau-
 K den-

dentur, & agnoscantur, quam si eadem indoles, quasi extremis tabulis simul cum fortunæ bonis transcripta, ut omnium pulcherrima, & longe cæteris potior, existare deprehendatur. Ad hanc excitatam à natura inclinationem, quam opportunitatem illi vocabant, accessit sanctitas & severitas educationis; qua in paterna domo, velut temperantiæ, modestiæ, pietatis, & cujusvis moris optimi, splendoris etiam, officina, factum est, ut aliis mox traditus in disciplinam, non corrumpi jam posset; quod in adolescentiâ, nullis egregiis domi exemplis confirmatâ, admodum est proclive; & cum eandem gloriam honestissima ambitione concupisceret, nec sine earundem artium præsidio eo perveniri posse intelligeret, non nisi in maximis quibusque & aliquando ad Rempubl. admovendo profuturis se occuparet. Extulerat tunc primum, simul cum libertate ipsa, in hac urbe, incredibili fide tum defensâ, hæc Academia caput; & quot
aliæ

aliæ sæcula , tot illa viros , undique evocatos , ingenio & doctrina in quovis disciplinarum genere maximos, numerabat. Justum Lipsium in primis; cuius ut hodieque exstant & leguntur pulcherrima ingenii monumenta , (in quibus suo quodam scribendi modo, quem minime exprimunt , qui se sequi posse arbitrantur , neque sequi forsan deberent , est disertus) ita in ejus viri viva voce , quæ non nisi luculentissima quæque veteris sapientiæ præcepta , & antiquitatis abdita , præsertim Romanæ, quotidie dictabat, erat quod juventutis aures atque animos , velut suavi quadam , utilitamen , incantatione pelliceret , excitaret , detineret. Hunc docentem Mylius audiebat; tanta diligentia , ut eum plerumque , cum aliis , quos commoverat magnitudo & meritum viri , domo in Academiam , & mox iterum domum comitaretur. Enim vero id debere se agnoscebant , & deferebant Lipsio generosi adolescentes, ut prodeuntem, ac verba in publico

facturum, tanquam militiæ quendam imperatorem, & velut sacramento ac signo ad pugnam aut expeditionem vocati, in Floro suo vel Paterculo cum Veientibus, aut aliis, prælio committendum; nonnunquam obsessurum muros Carthagini; subinde in Tacito, cum Arminio aut Civili pro libertate adversum Romanos pugnaturum, plurimi, & idonea manu, sequerentur. Nam Ius Romanum aliasque severiores disciplinas mox inspecturus, illo optimarum artium comitatu, exemplis illis & facundia antiquorum, adversus salebras omnes, quæ in cæteris scientiis alias difficiliores offeruntur, sese munendum, & quo plus splendoris his conciliaret, istis etiam se ornandum censebat. Cujus tum judicii & diligentiae adeo non poenituit senem, ut illa non modo jucundissima adolescentiæ suæ tempora, sed & optime transacta apud amicos identidem commendaret. Quod quidem, Nobilissimi Juvenes, (ad vos enim

ne-

necessario mea hic se convertit oratio) fatali secordiæ eorum opponimus; qui domi inter matrum indulgentiam, & in sinu nutricum corrupti, inferiorum Scholarum desertores potius, quam eas ordine emensi, ad Academias nihil conferunt præter inscitiam, & quod longe deterius est, contemptum omnis ejusmodi necessariae disciplinæ; ad titulos & inania prius adspirant, quam eruditionem; denique sine omni veteris & variæ illius sapien-
tiæ comitatu, altioribus studiis immer-
si statim & illigati, quidquid in anti-
quitate reliqua egregium est, multo-
que usu, tantorumque hominum ex-
emplo commendatum, fugiunt po-
tius quam sequuntur; semper tyrones,
dum, ut præposterè mortales incipiunt,
ubi desinere debebant; & cum
jam sibi videntur eruditi, plerumque
loqui nondum possunt, tantum ab-
est ut sapiant ex judicio, quos nun-
quã lectos damnant, sapientũ antiquo-
rum. Qui morbus, qualis per hos annos

contagione quadam etiam has sedes
 infecit, in tanto atrocius Reipub. exiti-
 um aliquando exhibit, quô prima &
 falsa specie magis blanditur, & diverso
 ordine studiorum tot illustres animæ
 qualis ista, decora plura & ornamen-
 ta, ac vim majorem ad hujus imperiî
 administrationem ac curam contule-
 re. Cæterum, cum jam exhaustum
 ab eo esset, quidquid Academia hæc
 poterat conferre, de lustrando Eu-
 ropæo orbetandem cogitavit; & in
 Germaniam, Galliam, Italiam sese
 contulit, longe aliâ, quam plerique,
 destinatione ac successu. Iam enim ob-
 firmatus animus erat adversum vitia
 externa; & ea judicii maturitas ac re-
 stitudo, ut seligere foris posset, quod
 domi sibi ac Patriæ aliquando esset pro-
 futurum. In ea omni peregrinatione au-
 las quasvis & cum iis Academiis in-
 spexit, ac quotquot ubique erant ce-
 lebriores homines, eruditos in primis,
 convenit, & quamdiu licuit studiose
 observavit; non equidem illos, qui
 nihil

nihil præter pulverem sapiunt & umbram scholarum, veros vespertilio-
nes, sed qui in summis dignitatibus po-
siti, aut extra eas, inter antiquitatis
amplexus ac æstimationem suorum in-
ter temporum recentiorumque non
erant incuriosi. Inter quos, ut de in-
finitis aliis nunc non dicam, Iacobum
Augustum Thuanum, Marcum Vel-
seum, Isaacum Casaubonum & tum
celebat maxime, & post loquebatur.
In quorum illo totius orbis gentium
exactam cognitionem; in istius ore
utramque veterem ac recentem Ger-
maniam, cum origine omni, anti-
quitate, casibus, principibus, velut
tabula explicatam; in hoc autem om-
nis eruditionis locupletissimum thesau-
rum, inter alia, æstimabat, & cum
summa ac interiori tantorum homi-
num familiaritate uteretur, in suos ip-
se usus se ponebat. Iosephum Scalige-
rum, quem in Gallia adire desidera-
verat, in Bataviam evocatum à peregri-
natione redux hic demum salutavit;

Academiae interim huic gratulatus ac sibi, quod tanti viri adventu non modo magna accessio facta esset ad ejus recentem adhuc splendorem, sed quod simul cum eo huc migrasset quidquid ipsis Græcis & Romanis veteribus ignotæ, inauditæ esset doctrinæ; sed &, quod in patriam reversus in uno illo omnium omnino gentium ac ingeniorum eruditionem esset inventurus. Enimvero Heros iste, quanquam amplissimo imperio majorum exutus; nec Mastini ac Canis, summorum Principum ut sanguinem, & magnitudinem animi, ac spiritus quavis hominum & fortunæ injuria superiores, ita sceptræ & pompam jam posset referre; ne tamen in illo exilio suorum, in illo naufragio rerum olim splendidissimarum, nullum vestigium superesset pristinae istius & toti Adriæ quondam metuendæ majestatis, paterno exemplo monitus & tot Principum majorum, aliud regnum, quod non Benaco, aut angustis Veronensium camporum, sed

vix

vix toto hoc universo clauderetur, ingenii, doctrinae, & sic æternitatis, invictâ animi contentione affectavit, & ejus statim sceptrâ totius orbis, ipsius quoque invidentiæ, judicio accepit; neque, ut Regum alii, cum vita id deposuit; sed post excessum etiam regnat, &, aut nullum aliquando pretium erit eruditioni, aut in omnium memoria posterorum ac admiratione semper est regnaturus. Hunc, ut debebat, maximi semper fecit, coluit; & illam scientiarum prope omnium ac linguarum officinam frequenter convenit, cum ex unius hominis colloquio ac congressu tantum, etiam quod faceret ad disciplinam civilem, edisceret, quantum plerique omnes Reipubl. impositi ignorarent. Et illi exactissimo ingeniorum severissimoque æstimatori ita vicissim se probavit, ut post officia primæ admissiois, apud Paulum Busenvalium, Christianissimi Regis tum legatum, virum prudentissimum, jam summa omnia de Mylio judicaret. Ac vos

fane, Auditores, si quidem adtentivam vestram meriti hactenus sumus, jam animo præsumitis quæ sequuta sunt, & ea omnia offertis hic vobis, quæ dehinc dicturi sumus. Cui enim ex illa adolescentiæ sanctitate, ex conquisitis undique præfidiis omnium illustrium studiorum, ex illo ad ubera & complexus tam prono, quam libenter admissio tot tantorumque sapientiæ doctorum, non jam colligere in proclivi sit, optimum virum, & Senatorem prudentissimum, & Musarum ac eruditorum hominum incomparabilem patronum; ut evectum ad summas dignitates, ita adversa omnia, velut in ipsa palæstrâ earum virtutum, quæ non cadunt nisi in generosas & sic pastas animas, constanter ac innocenter tolerantem? Mauritius Nassovius, ad cuius tanti Principis memoriam orbis iste universus etiam nunc adsurgit, cujusque cœlo suo pridem illatos triumphales manes, tanquam accinctos & pugnaturos, adhuc timent libere

bertatis nostræ hostes; ac hæc Respubl. gratâ tot rerum felicissime gestarum recordatione semper veneratur, statim hunc inter eos delegit, quorum in illustrissimæ curâ domus, aliisque imperii rebus, consilia, industriam, ac fidem exercebat. In quo opere, & primis honorum rudimentis, quam magno ac incorrupto animo versatus sit, vel unius Principis gravissimum iudicium hic fecerit fidem; qui quam hunc præ aliis dilexit tum ac æstimavit, tam in facta omnium & consilia intentus, cum in aliis alia atque alia requireret, à paucissimis admodum omnino sibi satisfieri patiebatur. Nam ut rerum dominis, qui forte sæpe gratiam ac amores suos in alios partiuntur, placuisse, non virtutis plerumque est, sed felicitatis; ita optimos, in quibus tanta iudicii est, quanta summæ fortunæ magnitudo, nemo invadit aut possidet, nisi in quo contentus sunt atque excellentia omnium magnarum virtutum, & clarissima rerum in-

dies pulchriorum experimenta. Neque in eâ dignitate ille eruditorum æstimator animus defecit, sed tanto magis illuxit, & locum iis in aula ac pretium auctoritate & exemplo fecit; gnarus, nimirum, ut præsentia sibi sæcula optimi Principes potissimum obstringunt, ita ab istis solis egregia horum exempla memoriæ & imitationi posterorum commendari. Cæterum tot virtutibus major campus, quorumvis voto, debebatur; in quo non Principi modo, sed universæ etiam Reipubl. suam illam ad tuendam libertatem nostram indolem, cui tot majorum, & paterna inprimis, exempla præluxerant, pariter approbaret. Equestri igitur Hollandiæ Ordini est insertus, qui in hujus Reipub. Procerum supremo confessu omnium est primus. Ad quem florem Bataviæ nobilitatis ornandum non jam dicam contulisse eum, præter Myliorum veterem ac nobilissimam, & summis domi dignitatibus functam pro-
sapiam,

sapiam , tot illustrium propinquo-
rum splendidissimas imagines, Albla-
fiorum, Quekeliorum, Lindanorum,
Doefiorum, Cemiorum, Egmontio-
rum, qui & Nieburgii dicuntur, alio-
rumque; sed, quod supra istas est, &
maximi faciebat ipse, animum mayo-
rum; adversus ea, quæ pervertunt alios
aut mutant, immotum, invictum; me-
liores curandæ Reipublicæ artes edo-
ctum, & solas istas admittentem;
quem non adulatio, aut studia flecte-
rent, sed cum ipsa ratione sentientem;
denique spirantem nihil præter tamdiu
& graviter adeo afflictam, atrocissimis
insidiis petitam & exemptam, tot opti-
morum civium sanguine, suorum etiã,
restitutam ac confirmatam, & in ejus-
modi tantum hominum innocentia,
constantia, ac fide, adultam, crescentem
& tot jam annos triumphantem hujus
imperii libertatem. Adeo ut pro eâ fa-
cturus verba, non alium se gereret,
quam gravissimum ejus interpretem
aut legatum; ejusdemque majestate
ac

ac caussa, velut parma, tectus, neque cederet aliis, alios expugnaret, omnium autem animos admiratione sui impleret. Mox in eum Senatum adlectus, cujus consilia cum illo supremo omnium Fœderatorum Ordinum conjunguntur, haud alium se ostendit, & major indies atque illustrior, & par majoribus, est inventus; non aliter ac Solem istum, è cubilibus emergentem, quo ad meridiem suum altius adscendit, continuo splendidiorē spectamus. Atque hic quidem mihi venia erit, si, quanquam in muniis obeundis harum dignitatum istius hominis excelluerint semper virtutes, plurima tunc optime consulta, & pro hoc imperio pulcherrime constituta uni haud tribuam, pluribus detracta, quorum laudata consilia, velut in quodam contubernio publicarum virtutum, & laudis gloriæque concentu, hic conjunguntur. Sicut enim in prælio, in quo multorum manus pariter committuntur, quanquam

quam inter illos sit, qui subinde fortius feliciusque rem gerit, cæsis tamen aut fugatis hostibus, omnium id decus est, non singulorum; at in singulari vel paucorum certamine magis in aperto est uniuscujusque animus ac vis; ita multo mihi vobisque promptius erit, ex iis, quas solus, aut cum paucis admodum, gessit exsequutusque est, publicis curis, ipsam indolem viri ac magnitudinem pro meritis adorare. Harum vero, non ordine tantum temporis, sed nostræ etiam pietatis præscripto est prima, quam Academiæ huic, & celebrioribus in ea viris, tot per annos, felicissime impendit; quo maxime nomine nunc atratæ sunt istæ sedes; & silent tot disertissima ora, & mihi, qui semper imparem huc adfero facundiam, nunc etiam perculsam & multo singultu impeditam, gratitudinis pietatisque nostræ officia in illos de nobis supra fidem meritos manes, explicanda imponuntur. Enimvero eo tam illustri munere orna-
tus,

rus, non accessionem reliqui honoris, sed hunc ut primum omnium & maximum, quoque excelsior non poterat conferri, & habuit, & judicavit. Quod, aut nullum, aut vere generosi, & ad juvandas litteras nati animi est argumentum. Nam sane, majus longè est, quam, in abjectum, imperitum, incertum vulgus imperium exserere, ad clavum sedere Reipubl. eruditæ; & præesse sapientiæ doctoribus aut alumnis; & in una Academia non unum aliquod imperium, sed spes etiam universæ Europæ sibi demereri; deîq; cum obsequio referre certissimū præmiū æternitatis. Neque jam dicam ejus, & nobilissimi viri, Adriani Matenesii, auspiciis, quorum sanctissimi in hoc opere collegii pacem tot per annos nulla simultas turbavit, hanc ædem fortuito incendio, ruina & cineribus suis sepultam, in meliorem augustioremque hanc formam olim excitatam. Id enim in primo ejus aditu ipsa inanima saxa (ne in hujus viri laudes tantum homi-

nes

nes disertos existimetis) palam loquuntur; meliore profecto jure, quam olim apud Romanos eorum nomina, qui aut pontem Milvium refecerant, aut vetustate temporum porticus collapsas, marmoreis tabulis inscribebantur. Quippe, cum non tam parietes istos, & ambones, & subsellia, quæ tam frequentes nunc implestis, Academiam esse censeret; sed in omni artium ac disciplinarum genere excellentes viros, qui ad quamvis sapientiam hinc viva voce juventuti, & in hoc litterarum otio identidem conditis ac editis ingenii monumentis, orbi universo præirent, & cum antiquis paria facerent, aut majora, huc potissimum sese vertit; & undique eos evocandos, ac evocatos jam continuo ornandos, provehendos curavit; per quos ea sane huic loco per omnem Europam conciliata est existimatio ac fama, ut majorem votis concupiscere non possimus; & in omnium judiciis amplissimum ac prope unicum domicilium dicam, an

re-

regnum, Musarum jam agnoscatur. Ac
 ut de pluribus quidem ille meritus est
 quam optime, (ex quibus, si memi-
 nisse jam omnium liceret, & loco, &
 venerabili canitie, ac sacrarum littera-
 rum scientia primum se offerret nobi-
 lissimus Johannes Polyander Kerck-
 hovius, quem à Dordrechtanis, hac de
 caussa ad eos ipse profectus, huic Aca-
 demiae, ad restituendam turbatam ejus
 pacem, tandem, feliciter impetravit)
 ita singulari inclinatione in liberalium
 artium Professores, & utriusq; promos-
 condos ac interpretes antiquitatis sem-
 per ferebatur. Quidni autem Domini-
 cum Baudium, ut publicum testem,
 huc vocem; cujus tot litterae, coagu-
 lum certe & myrothecium omnium
 venustatum, ipsos Mylii amores, & in-
 comparabilem in admittendis ejus vo-
 tis facilitatem, in explendis summa stu-
 stia testantur: qui quam locupletis fuit
 ingenio, & in dicendo scribendoque
 possedisse se ostendit omnem illam
 pretiosam supellectilem elegantiae
 an-

antiquorum , tam adversus novercantem fortunam, & judicia hominum severiorum , in Mylii sui confugiens sinum , paratum semper in eo præsidium & afflictæ solatia mentis invenit. Grotii autem , cui nomini non nisi maxima omnia debentur ac tribuuntur, Vossii, Meursii. Cunæi, Merulæ, Cluveri, Scriverii, Barlæi, hujus Academiæ & eruditi orbis singularia ornamenta , quorum alii superstites Mylium ereptum sibi nobiscum nunc dolent, alii ad beatorum sedes jam pridem translati, eundem nunc iterum agnoscunt, & eo loco, in quo demum sunt æterna præmia illustrium , grati amplectuntur , haud ægre patientur sub unius illustri exemplo patescere: quantum illud sit , quod hæc Academia illi prope soli referre debet acceptum. Est is Daniel Heinsius , de quo si summa omnia dicam , nihil auribus ejus à me dari existimetis ; qui tam præcul ab omni adulatione absit. (neque , Hercle , ea
for-

fortuna nostra est, aut eo loco sumus,
 ut cuiquam necesse sit adsentari) quam
 excellens ejus ingenium & eruditio in-
 finita, omnia, eaque disertissima, lau-
 dantium ingenia jam pridem exhaufe-
 re. Neque interim modestia ejus nunc
 intercedet, quo minus non tam ipsi,
 quam Mylio sua hic deferamus. Qui
 cum Heinsum jam tum à prima adole-
 scentia ad maxima omnia generoso im-
 petu contendentem, & gravissimo
 Scaligeri sui judicio, ejusdemque sum-
 mo amore, (cui paternus omnis cedit,
 & acerrimum illud judicium suum ille
 eruditæ gentis Princeps semper præ-
 mittebat) ipsisque studiorum crepun-
 diis, quibus impar aliorum senectus u-
 bique adsurgebat, expositum famæ si-
 mul ac probatum, haud aliter ac filium
 dilexerit, & in eum omnia, quæ eru-
 ditis tribui hic possunt, quæ Academia
 hæc habet, contulerit ornamenta &
 spectatissimas dignitates, Mylii pro-
 fecto est, quidquid est Heinssii, sic ex-
 citati magis indies meritorum. Quæ In-
 gen-

gentia esse qui ignorat, nã ille nescit, ad unius fere viri longe florentissimum ingenium ac incomparabilem doctrinam quasi emotam sedibus suis totam olim pacatam Germaniam, has, tot per annos, tanta frequentia impleffe ac ornasse; in Gallia atque Britannia, inter principes viros, hoc potissimum nomine, summam de iis, quæ hic coluntur, studiis famam excitatam; denique Italiam ipsam Transalpinis, & inter eos huic præsertim, constantibus & adhuc iisdem judiciis detulisse ac deferre litterarum principatum. Neque enim ille Academiæ nostræ, ille tot clarissimorum hominum pater (haud enim aliud majus aut sanctius, ejusque meritis vel nostris debitis exprimendis magis adæquatum hic referri potest nomen) amorem tantum, sed summum etiam judicium in his ostendit: quo interposito, ut omnia, quæ fere innumera sunt, semel dicam, publice quavis eruditionis, ac eruditorum, pro cujusque magnitudine, quod
sanè

fane iustissimum est, vota, eâ, qua plurimum pollebat, auctoritate, explevit privatim vero, non accurate præscriptas ab aliis comitatis, ac benevolentiae omnis leges tanto exemplo absolvit, sed etiam alias, earum virtutum, quæ adeo gratæ sunt, doctoribus ignotas, aut certe non traditas, profecto ab aliis vix unquam expressas, libertate iudicii sui adjecit. Quidquid in tantorum hominum scriptis, ea editis tempestate; est illorum velut cælo lapsorum & vere perpetuorum ignium; quidquid spiritus generosi & antiquorum, quidquid antiquitatem in iis superat subinde, plerumque cum ea contendit, quidquid est quod adorant & suspiciunt tot nationes, quidquid in iis posteritas cum veneratione quadam semper intuebitur, Mylii est; Mylius, cum ista ex merito æstimaret, & extolleret auctores, spiritus illos dedit, illas faces summis ingeniis subiecit. De quo si quis debitet, inspiciat pleraque eorum & pulcherrima quæ
ex-

exstant, & haud dubie futura sæcula
 intrabunt, monumenta: quæ non in
 Principum aut Regum, qui sæpe ista in-
 viti emunt, sed unius Mylii, Regibus
 certe aut Principibus hic non ceden-
 tis, eruditis autem suspiciendo, ac vere
 augusto nomine aperiuntur. Non pa-
 tiuntur alia adtexi, quos ego, in quo
 tamen nihil est, præter animum ad eru-
 ditionū pro virili contendentū, quiq;
 quantarum rerum jacturam privatim
 fecerim, hic intelligo, suboriri sentio
 singultus; qui in abdiro conclavi ac se-
 cessu opportunius erumpent, quam
 hoc loco, in quo attentio vestra cætera
 dicendi mihi imponit necessitatem.
 Musæ interim ipsæ semper ea, in qui-
 bus nos defecimus, gratæ agnoscent,
 & illustriora ingenia luculentius ali-
 quando commendabunt, Nam, cum
 infinitus iste & tam prolixus amor
 in eruditos, ac in juvandis eorum
 commodis, & cognoscendis, ut
 fatisfaceret, votis perpetua solici-
 tudo, non intra Academiæ hu-
 jus

ne agnitam confirmatamque istius Reipubl. libertatem representare aliis, earumque fœdera ambire & societatem, pro robore simul & gloria videbatur. Erat autem ex iis dignatione præcipua Serenissima Respub. Venetorum; si antiquitatem ejus cum recente nostra contenderent, plane dispar, ut quæ Adria & invictis suorum animis tuta hæctenus & fortiter defensa, ejusdem imperii, velut ætatis suæ, annos supra mille ferme trecentos numerabat; at si idem studium libertatis; si eorumdem hostium insidias; si situm, commercia, navigationes; si tot in Europa Principes, & paucas numero Respub. propter libertatem obsequentium exosas illis, qui principatuum cum libertate non conjungunt; si in Otomannici imperii aula & alibi, coeuntes jam aut coituros utriusque populi legatos, nemo non cum nostrâ fœdere conjungendam judicabat. Cornelius Mylius delectus est, qui primus ea legatione fungeretur, & animos

tentaret, & officia hujus Reipubl. offerret. Quod tanto magis arduum fuit, quanto de Venetorum in nos studiis minus hætenus constabat, & Hispanorum ac Romani Pontificis insidiis, totius legationis ac simul hujus imperii, quod jam contemni non debebat, gloria atque institutum turbanda metuerentur. Quod vel ideo hic dicendum erat, ut ex eo quoque magnitudinem viri colligeretis, qui felicissime, & pro laude ac expectatione publicâ, omnia confecit. In Galliam profectus, Henricum Magnum, ut jussum erat, salutavit; & super ea legatione prudentissimi Regis consiliis quesitis, in equestrem S. Michaëlis ordinem est cooptatus. Apud Venetos autem maximâ pompâ, summisque studiis exceptus, mox cum Hispanorum Legato, & Pontificis Romani Nuntio est commissus; cum hunc tamquam rebellis populi causam acturum & adversæ deditum religioni, quæ illi maxima præ se ferunt nomina odiorum, neque

neque audiendum, neque eo honore, qui aliarum gentium Oratoribus defertur, porro ornandum, clam, palam, diversis artibus urgerent. Namque iste injecto ex Philippi sui per Italiam late exporrecto imperio & potentia metu; hic sacra prætexens, & remittendas decimas, quæ Ecclesiasticorum ut vocant, bonorum nomine Romanæ Sedi hætenus oblatae, & alia magnifice pollicitus, constantiam sanctissimi Senatus, sed sic nunquam victam, aggrediebantur. Quibus cum Lernis fortiter prudenterque colluctatus, ac statim superior, eo se splendore circumfusus continuo vidit, quo paullo ante extra ordinem missus Hispanorum Legatus, apud Patres, clauso serenissimi Ducis latere, verba ea constantia, gravitate, sapientia fecit, ut causa hujus Reipubl. strenue actâ, eidem summa de eâ, & Mauritiæ Nassovii, Imperatoris invicti, rebus, ac de se etiam judicia extorqueret; ejusque tum fœderis jecit fundamenta, quod

post percussum, summa fide à serenissima gente & Fœderatorum populo observatur. Equidem agnosco, plurimum ejusmodi homines posse per eam, quam repræsentant, publicam majestatem, & æquitate ac magnitudine causæ, quam agunt; interim haud minus in confesso est, tanti Principes & Imperia omnia fieri, quanti fiunt illi, per quos aliis Regibus vel Nationibus sistuntur; & optimis causis plurimum sæpe decedere impari eorum ministerio, quibus creduntur. Referrem, ad eundem Christianissimum Regem cum Brederodiis, & Maldereis, nobilissimis ac summis viris, iterum susceptas; atque mox, eo paullo post parricidali manu interempto, à solo Mylio, nostro etiam cum graviter adeo tum sauciata Gallia conjuncturo luctus apud Reginam Matrem, & Ludovicum decimum tertium, nunc longe lateque victricia circumferentem arma, tunc minorem, summâ fide & ex voto peractas
le-

legationes, nisi id omne non tam orationis unius, quam Annalium esset argumentum; in quibus alii, aut fortean ipsi, si in plures curas vitam producamus, omnem ejus incomparabilem prudentiam & facundiam, Regem omnium maximum moventem; minorenni instillantem eos amores, qui in hoc imperio nunc quoque durant; denique detinentem totam serenissimam Rempubl. ac in nos inclinantem, nullis adversariorum artibus victum, omnibus majorem, velut in aperto magis campo, aliquando sunt representaturi. Neque intra ista tantum conspecta & admiratione fuit adeo excellens & decora jam virtus. Nam cum plerumque non ejusdem sit, in prosperis & adversis eandem animi magnitudinem, innocentiam, constantiam retinere; in his quoque cum atrocissimis tempestatibus fortiter luctantem, & sic brevi emergentem, tantum virum videamus. Non est nostrum nunc multis tangere Reipub. vulnera, &

aperire obductas pridem cicatrices. Quod mihi facile dabitis, Cives, quibus nec ista sunt ignota, ac non sine mœrore summo repetuntur; &, qui ex dissitis huc confluxistis locis, haud ægre ignoscetis, si in hujus adeo illæ-
 tæ rei commemoratione tam prolixus esse nec possim, nec velim, quam vos quidem estis curiosi. Unum id suffecerit hic mihi, & optimorum omnium ac Rempub. cæteris præferentium imitatione semper exprimendum est, Cives; quod, temporibus omnium difficillimis, domestica pace interstinis discordiis turbata, & convulsa prope tota loceri, Iohannis Oldenbarneveldii, multæ auctoritatis ac dignationis viri, paullo ante florentissimâ domo, cum sollicitudo publica nihil relinqueret inexcussum, intentatum, hunc semper agnoverit innocentem, qui quod ita tum ferret Reipub. ratio, quæ quo securior esset integerrimos quosdam, utili prudentia, tunc habuit suspectos, ad
 tem-

tempus sepositus, cum consilia non posset, pro nostrarum rerum pace ac æternitate cum optimis sanctissima vota conjunxit, eâdem in Deum semper & Patriam & Principem fide. Iccirco ad gestas olim dignitates tandem iterum vocatus, & plane idem est reversus; non aliter ac Sol iste, Auditores, fœdas nubes, & obductam caliginem, vi suâ disjectas, perruptas, idem redit, nullum pristinae lucis splendorisve sui passus decrementum. Nisi quod, sicut iste, post aliquot dierum nubila, gratior nobis exoritur, ita desideratissimæ hujus virtutes, post adversa omnia fortiter, & Heroum animo excepta ac tolerata, celsissimo Principi, Frederico Henrico; in quem velut quodam totius humani generis Senatus consulto Invisi jam collatum est cognomentum, & cujus amor semper hic fuit; ac optimis quibusque inter Procures ac cives magis gratæ acciderint, visæque sint illustriores. Ac jam pristinis in Repub. honorib.

bus receptis, haud multo post novo insuper, in filio, Adriano Mylio, Bleskensgraviæ toparcha, auctum se ornatumque senex vidit, qui in spem ac præsidium Reipubl. educus, cum ad avitas paternasq; artes militiae etiam laudem feliciter conferret, optimi Principis judicio dignus habitus est, qui VVilhelmstadt, oppido quod inter munitissima ac præcipua hujus imperii claustra est, præficeretur. Neque jam quidquam illi vel nobis restabat, nisi ut eruditishic quoque, ac Musis nostris, redderetur, ne eadem, quæ olim, & si augeri potuerint, majores jam virtutes non iisdem præmiis ornarentur. Ad cujus certe lætissimæ rei famam excitata Academia omnis, mox in amplexum ejus se effundere; & licet senio jam, macie ac venerabili canitie alium ac mutatum, eundem tamen, & eodem in se animo, denique velut redivivum & postliminio reversum parentem agnoscere; quævis nostra desideria iterum admittentem,

tem, quævis expleturum. Nam ad veteres curas, (amores suos & omnium suavissimas occupationes senex vocabat,) gnaviter reversus, ante omnia de restituenda Academiæ pace, nescio quibus dissensionibus nuper convulsa, & revocando decore atque usu omnium illustrium studiorum, adversus fatalem quamdam eorum hic tabem, & inordinatos, præposteros, ac vagos illos in discendo impetus juventutis, serio cogitavit. Equidem meminerat meliorum istorum temporum, quibus utriusque antiquitatis & litterarum studiis vera æstimatio ac pretium suum hic erat, imo, ut merito sic dixerim, studiorum istorum quasi solium quoddam & regnum; quæ magno multoque ex usu gravioribus disciplinis, Jurisprudentiæ inprimis, præmittebant ad Rempubl. admoventi, eamque post aucturi, adolescentes. At ex aliis jam moribus, & Academia hac maxime parte ægra, faucibus, non nisi perniciem publicam providebat.

videbat. Dabit is mihi, Juvenes nobilissimi, inprimis Cives, spes patriæ, & si ista imitatione exprimitis, inter ea laudandi olim exempla, qualia nunc extollimus, commendamus, ut tanti viri postrema vel desideria, vel mandata hic exponam; quæ quidem tanto sanctiora vobis debent videri, quia ejus sunt, qui sui auctoritate exempli, domi, foris, in Republ. & Academia maximus, ea confirmavit. Quid enim omnis illa juris Romani scientia, nisi alia etiam præmittatur, aut accedat? Quid jus illud privatum, nisi ad illud publici quoque majestatem conferamus? Quid Titii & Sempronii controversias de fundo, de adeunda hæreditate, de finibus, aliisque ejusmodi minoribus rebus ex æquo dirimere, & interim quomodo finiendæ gentium lites, ut imperii decora conservanda ac majestatis, denique quomodo tenenda omnis Respub. sit, ignorare? Quid tandem, quæso, profuerit urbanorum & rusticorum prædiorum,
de

de quibus juris vestri loquuntur auctores, examissim didicisse servitutes, si ad curam imperii aliquando vocati, impares rebus, nec animo complexi fitis illa tam utilia, quam necessaria præcepta, quibus, inter tot dissidia Europæi orbis, inque tanta potentissimorum Principum, aliorum rebus insidiantium, ambitione & accepta à majoribus libertas integra conservari, & imminens aut imposita jam servitus depelli possit & averti? Quid denique scientia & usu illustrius existimatis, in causa stillicidii tueri desideria hominis privati, an vero repetitis antiquorum sive monitis, sive exemplis, in tot jam bellorum, præsertim civilium, causas recto judicio posse inspicere, iisque excussis ac sublatiis, sistere magnitudine optimi consilii illud profluvium sanguinis humani, quo ita foedati sunt Europæ ubique campi, ita flumina & maria infecta, ut florentissimarum pridem gentium, non jam dicam exsequias, sed, post illas, vix ossa

ac cineres videamus? Non quod cætera illa negligenda, Auditores, sed, quod vir maximus, utrumque illud, & quod privatorum & quod Reipubl. est, ab illis conjungi admodum vellet, qui ad communis patriæ commoda destinati, in arduorum operum tractatione, siue domi, siue foris, apud fœderatos Principes populosve, nisi minores esse velint, hæc nec possunt nec debent ignorare. Ego sane quotiens ad res nostras converto oculos, ita invenio, non tantum prodigio quodam inusitatæ felicitatis, & rara quadam cœli indulgentia eas ad hanc magnitudinem esse provectas, sed etiam incomparabili quadam sapientia eorum hominum, qui in his ipsis sedibus pulcherrimarum omnium artium disciplina instructi, gerendis mox publicis rebus impositi, non patriæ tantum universæ, sed totius terrarum orbis, etiam hostium, judiciis suarum vitutum admirationem extorsero. Quorum excessum, cum pauci ho-
die

die tales supersint, nisi excipiat par ardor & contentio posterorum, præsertim vestra, Cives, in magno metu sum fore, ut simul cum illis ipsam Rempubl. amittamus. Quæ si cui prolixius dicta videantur, næ iste quidem ignorat, cum contumacia morbi hic nobis esse pugnandum; & qui deflexisse ab instituto existimat, non iste quidem intelligit, ultima summorum hominum desideria, cum omnium sanctissima, hæc etiam necessaria sint, nunquam satis commendari; & ad præcipuam laudem defunctorum pertinere, eorum pulcherrima sive præcepta sive vota, imitationi superstitem proponi, & quod longe amplius, ac vestrum nunc est, eâdem repræsentari. Cæterum inter has curas ac cogitationes, ne de aliis nunc dicam, in quibus priores, cum excedere jam non posset, eâdem similitudine expressit, inter pallentia & consternata subsellia hujus loci, tandem prope defecit. Illo enim die, quo Fredericus Spanhemius, ejus etiam consilio

filio à Lemano usque lacu huc evocatus, ut Rheni nostri gloriam augeret, sicut nunc auget, quot petitis votis nostris, tot jam major inter sanctissime professionis auspicia, majestate non argumenti modo, sed dicendi quoque, ut omnium, ita hujus etiam attentionem explebat, divinis & cœlestibus tantum tunc inhærens ejus animus à corpore divortium facere, & , Academicas res, pariter cum humanis omnibus, deferere velle videbatur. Profecto neque extra gloriam, neque solatium ei fuisset, hic mori, ubi, quaquam se converteret, non nisi illustris curæ suæ monumenta, non nisi suæ sedem ac arcem æternitatis, tot devotos sibi tot obstrictos, tunc etiam commotos, perculsos, videbat; ut, inter oscula proximorum & amplexus haud illubenter illi moriuntur, qui inter omnes laudes vitam transigere. Sed ut parentibus inter extrema haud ingrata adciunt liberorum officia & adspectus, interim liberorum oculis nullū vel atro-

atrocius, vel tristius spectaculum offertur; ita etiam tanti excessum viri oculi nostri haud potuissent sustinere. Igitur, post vires corporis, quantum licuit, instauratas, Adolphi Vorsti, qui cum Medicæ artis scientia liberalem omnem eruditionem conjungit, proximo Academiæ hospitio exceptus, Hagâ reversus cum ex ejusmodi præsagiis ultima jam sibi intelligeret instare, contemptu rerum humanarum, neque interim iis neglectis, quibus, curas suas debebat, ac cœlestium meditatione totus distentus, constantissime fatum explevit. Qui casus ut Reipublicæ huic & Academiæ accidit acerbissimus, ita si ipsum virum admodum lugendum nobis putatis, sanctitatem ejus & innocentiam, & tot merita, & debitum iis ac nunc factum locum, nondum satis estimatis; si autem nostrâ causâ, profecto longe rectius atque æquius censetis. Equidem ubi hanc Rempub. inspicio, rarè quidem in ea felicitatis exemplum agnosco; at vero illa num, quam re-
cen-

cens est, tam futura sit diuturna, animus mihi incipit dubitare. Quippe, ut de prosperis nunc non dicam, quibus factum est, ut amissa & propemodum ignota nobis sit omnis majorum virtus, qua illi hoc imperium pepere, non tam Scaldi isto aut Vahali, aut Mosa, aut ipso Oceani ambitu, vel tot munitissimis urbibus, quam optimorum maximorumque hominum præsidio consiliisque hæc Respubl. conservatur. Qui ut innocentiam ac fidem & integras mentes pariter ac manus, adeo jam ubique inquinatas, & magna ac profutura consilia conferunt ad communium negotiorum tractationem; ita ea nunc in paucis inveniuntur; & hi humanis exempti rebus continuo ad plures, haud dubie ira quadam immortalis Dei in perversos mores nostros, evocantur. Quid enim per hos dies, nisi publica funera, & cum iis ipsam patriam velut tumulo inferri, spectamus? Profecto foeminarum est, vanis lamentis priva-
tos

tos luctus augere, sed virorum, in
 quorum sinum ista, ut in libertatis re-
 gno, mœsti effundimus, publicos istos
 non tam questu & lachrymis, quam
 veris judiciis excitare. Quæso vos, in-
 primis Cives, quam felices hætenus
 inter omnia Europæ imperia, adeo
 commota & turbata, tam securi non
 sumus. Foris victores, aut non victi,
 domi debellamur. Alibi adversa sub-
 inde prælia sunt, & ad interne-
 cionem delentur, robur gentium,
 legiones; sed quibus eæ suppleri, aut
 ex quibus novæ constitui possint,
 quotidie nascuntur: nobis autem, qui
 domi hostem ignoramus, & quam
 alii injurias & incommoda sentiunt
 etiam felicium bellorum, tam ex iis
 uberrimum fructum reportamus; non
 dato pugnae signo, extra prælium, tot
 maximis sanctissimisque viris per hos
 dies ereptis, & atrocissimæ & frequen-
 tissimæ jam clades inferuntur. In qui-
 bus velim non unius hominis, quod
 pluribus plerūq; privatis, quam publi-
 cis

cis lachrymis componitur, funus, sed totius patriæ, quæ in singulis exstinctis sic perit, & ad instar viduæ aut pupillæ sensim exiit omni patrocinio suorum, aut tristissimas exsequias, aut velut morientis singultus, aut, tanquam in summa necessitate similia exempla implorantis quas etiam hic audire mihi videor, voces æstimetis. Habuit illa tot annos & gravissimis rebus impendit, & quibusvis impositum probavit, ac jam desiderat Franciscum Aerffenium Somelsdicium. qui rara quadam & divina indole; quam & naturæ bonitas, & illustrium cultus studiorum, & paterna ac virorum Principum disciplina ita in omnibus perfecerat, ut cum summis negotiis gerendis imponeretur, ob magnitudinem ingenii, judicii, ac industriæ omnes, etiam hostes, primum hujus sæculi virum eum judicarent; qui in quovis publico hujus imperii Senatu præ cæteris conspicuus, auditus, laudatus; per tot ardua, quæ domi aut foris confecit,

fecit, negotia exercitus; ad tot Reges, tot Respub. legatus, tot maximorum Regum amor; hujus etiam Academiæ, & eruditorum in eâ hominum incomparabilis patronus, in omnium judiciis stupendus, consecratus, id sui desiderium reliquit ac exemplum, infra quod succumbet omnis imitatio posterorum. Cur enim a Mylio cum hic divellam? Quippe, quanquam privatis, ut sit inter homines, & temporibus turbatis, dissidiis aliquando divisi, quæ pacata tandem penitus obliteravere, ob eandem tamen in Rempubl. fidem, ob eandem innocentiam; eodem cœlo & mutuis amplexibus haud dubie jam conjunguntur. Iacobus Brouchovius, qui in hac urbe summa fide toties gessit consulatum, immortalis nuper est iis curis, quas in supremo hujus Imperii Ordine cum cæteris sociabat. In quo effulsit ea in observanda disciplina publica, tot pulcherrimarum rerum nostrarum unica matre olim & alumna, severitatis & casti-

castigati omnis incorruptique moris imago, ut diversi sibi conscii, aut aliter animati, ne quidem ad spectum ejus tolerarent. Erant adhuc recentia ista patriæ vulnera, & nondum coierant cicatrices, cum novo & atroci ictu iterum sauciatur, erepto optimorum omnium votis, & ad alias sedes Mylio jam translato; in quo uno tanta amissa sunt, quanta & jam laudavimus, & difficillimis istis temporibus nequidquam querula Respub. requirit. quorum quantumvis sancta, & in animis nostris, ut templis, dedicanda sit immortalis memoria, ut recte regundæ Reipubl. absolutissimum exemplar, sicut apud Romanos olim pignora imperii ancilia & inextincti Vestæ ignes; tamen eo major miseratio patriæ hic me subit, quanto difficilius, rarius, & vix singulis sæculis invenire est tantis virtutibus ac meritis ad æquatam imitationem. Sit sane apud alios Tiberio Cæsari fides, qui, cum ob excessum optimi Principis Germanici,

me-

melior & futuri providens pars Romanorum , velut mentis impos & compulsa ad ultimam desperationem, recens natos liberos in publico exponeret , desereret , velut jam pœniteret fœcunditatis , neque ullum questibus poneret modum pro solatio adtulit ; Principes mortales esse, Rempubl. æternam ; mihi , sane, non est dubium , quin ejuscemodi illustrium hominum excessu ipsa contabescant & deficient Imperia, ac tandem tota effe-
 rantur. Sed quid interim Musis nostris fiet ? (Te in primis hic convenio, Iacobe Goli, Magnifice Rector, cujus non tantum raræ eruditioni, qua fit, ut totus hic Oriens referetur, sed etiam singulari curæ, ac prudentiæ publicum hujus Academiæ egregium jam plurimum debet, vosque, Viri Collegæ, quorum ipsa nunc ora mœstos sollicitosque animos vestros testantur) quid eruditioni ? quid nobis qui hactenus alacres contendimus ad ejus invadendam possessionem ? quid ipsis eruditis ?
 Qui

Qui sine ejusmodi Apollinum auspicijs patrocínio, exemplo, auctoritate, neque provehere, neque retinere possunt vim ac gloriam illustrium studiorum. quibus imbutus Mylius ac confirmatus, tantum semper tribuit, quantum debebat; pulcherrimum eorundem usum, ac cultum, ejusdem fortunæ aliis & commendavit semper, & plerumque persuasit; eorundem publicos doctores, aut in iisdem privatim excellentes, vel vulgatis ingenii operibus insertos famæ, domi, foris coluit. qui primæ apud illum admissio- nis; quorum sermones, litteras, vota, quanquam tot aliis ipse tractus curis, inter seria habuit, non, ut plerique alii, tantum inter remissiones: quorum denique monumenta, quibus solis quantum possint ostendere, & in tantorum beneficiorum autores gratitudinem profiteri licet eruditis, ut pretiosissimam mercem, non ab usque Indo petitam, ubi vulgi judicio maxima possident Barbaræ & humanitatis ple-

plerumque expertes nationes , sed
 victricibus illis Tiberis undis ,
 quibus tum se submittebat & Da-
 nabius & Orontes , subinde illis
 veteris Græciæ Athenis , sæpius ejus-
 dem Parnasso vel Pindo , Iordane
 nonnunquam , & libentius admit-
 tebant , & sæpius tractabant in-
 noxiæ ejus manus , quam auri pro-
 ximi metalli lateres dextræ eo-
 rum , qui corrupti in Republ. &
 corruptores , fidem , & quidquid
 patriæ debent , everti sic sinunt
 & expugnari ; qui denique hanc
 sapientiæ & æternitatis sedem , i-
 pse , ob tot ingentia merita , in ea
 factus immortalis , suis cum aliorum
 studiis ac consiliis conjunctis , in
 id usque fastigium extulit , ut inter
 exules & extorres alibi Musas , in-
 ter ejectos undique eruditos , &
 Scholas publicas , vel injuria tem-
 porum everfas , vel eruditorum
 hominum inopia desertas veluti ac si-
 lentes , vel , paucis admodum exceptis ,
 cali-

caliginem tantum infelicissimi sæculi,
 & Sophismata amplexas, ac meliori-
 bus, in hac litterarum luce, præferen-
 tes, nihil profecto jam desideret, præ-
 terquam in tanto Heroe datum nobis,
 & vix reddendum, amoris in nos om-
 nes, & innocentes illas quas colimus,
 neque, quidquid tandem evenerit, un-
 quam deserturi sumus, Musas, ampliissi-
 mum exemplum. Quod haud minus
 rarum esse, præsertim in aulis, licet aliis
 quoque rationibus haud difficile col-
 ligere sit, tamen ex te, Constantine Hu-
 geni, quem & maxime coluit, & fere
 unum, simillimum sibi, Mylius nobis re-
 liquit, facillime cognosci posse judi-
 carim; qui cum tantis honoribus om-
 nis illustris doctrinæ scientia ac elegan-
 tia conjunctis, & non uno immortalis
 opere, inter tot curas, expressis, hoc
 insuper propemodum solus nunc fa-
 cis, ut in Optimi Principis judicio et-
 iam valeant eruditi, & probentur fe-
 licium ingeniorum monumenta, de-
 nique ad venerandam supplice osculo
 victri-

victtricem dextram, cum præcipuis,
 admittantur. Erant vero jam nimis
 gravia alibi accepta vulnera, ereptis no-
 bis, in Italia, Dominico Molino,
 Veneto Senatore, cujus excessum eodem
 hic in loco veris aliquando lachrymis
 deflevimus; in Gallia, Nicolao Fa-
 bricio Peireschio, Senatus Aquensis As-
 sessore, cujus laudatissimam memo-
 riam universus Purpuratorum ordo, in
 alma Urbe, hac de causa mœstissimus
 nuper celebravit; ac per hos quoque
 dies, in Suecia, Gabriele Oxen-
 stiernio; in Dania, Christiano Fri-
 sio, & Oligero Roscrantsio, qui
 præcipuis domi dignitatibus impositi,
 inter Septentrionis sui rigorem ac ni-
 ves, inusitato quodam amore in eru-
 ditos semper ardere. Myliani enim isti
 manes, supra omnem invidentiam po-
 siti, tam illustres & sibi similes mentes,
 quarum consortio jam gaudent, in hu-
 jus quoque gloriæ societatem hic ad-
 mitti haud agre patiuntur. Nisi in vo-
 bis, qui eodem cum tanto Heroë Trium-

M

viratus

viratu gesto huic Academiae summa auctoritate haecenus praestis, Optimi Curatores; te, Iacobe Catfi, qui tot gravissimis pro Repub. illigatus curis, res quoque nostras, incredibili studio à te semper promotas, ad eas pertinere arbitraris, non tam ob alia, qui tot nunquam interituris incomparabilis ingenii tui monumentis te ipse jam posteris tradidisti, quam quia, quantus earum in Republ. usus sit, non tantum didicisti sed probasti; te, Gerard de Scapi, qui cum Amstelae tui aucta gloria conjungis attollisque eruditi, sed nihil praeter lachrymas nunc vehentis Rheni nostri splendorem: Nisi in vobis, invictae hujus urbis Consules, ac, qui cum iis consilia hic conjungis, amplissime VVevelichovi, qui quanta constantia libertatis hostem à mœnibus vestris olim arcuistis, & quanto judicio hanc Academiam, ut rei omnium pulcherrimae aeternum praemium, intra ea admisistis, ita eos tuemini, qui cum barbarie, cum insci-

tia

tia quotidie hic committuntur; Nisi, medius fidius, in vobis præsidium nobis nunc ac solatium esset, ea tam eorrupta & vesana tempestate, ut, cum præcipue in hoc nostro litterarum regno valeant instrumenta æternitatis, iisque solis, sicut & magnitudine animi, non ex judiciis aliorum eruditionem, sed ex ipsa æstimantis, ulcisci injurias possimus, nihil propè præter odium ac contemptum optimarum artium, & illorum qui eas profitentur, tradendum posteris habeamus, nequaquam justissimi isti questus nostri finem hic invenirent. Tu interim, illustris Myli, qui, post pro-
pemodum ambustas inter incendia hujus imperii infantiae tuæ cunas, tot adversa excepisti olim & tolerasti, eam tandem consequutus es quietis tuæ sedem, è qua nulla improspera propin-
quæ domus, simultates nullæ, nullæ suspensiones posthac dejicient te, aut deturbabunt; qui ad maximas productus in hac Repub. dignitates, omnium pri-

ma & verè æterna ac tot votis tuis petita jam ornaris; qui post tot Principum contactas dextras, tot inspecta ora, in istius omnium maximi Imperatoris amplexus ac æstimationem nunc totum te effundis, qui denique post Musas nostras tot per annos adversus injurias omnes & contemptum fortiter defensas, post tot promotos à te hic & ornatos, tot alibi cultos, ubique cæteris omnibus antepositos eruditos, illa cœlestissima luce nunc circumfusus tandem intelligis, summa ingenia esse, quæ, in istis sedibus demum perficienda, ad ignorantiae confessionem hic proficere; accipe tamen, cum, quam tu quidem de his officiis nostris securus jam es, tam nobis non liceat esse ingratis, hanc publicam lætus & summæ in te pietatis nostræ significationem; donec Heinſii tui manus, qua ad procurandam tantis Heroibus æternitatem, & oblivionis omnes injurias profligandas nullam nunc ipsa eruditio vel digniorem habet

ber validiorem, tradat te posteris, & inscribat semper victuris monumentis. Saltem, quidquid evenerit, Reipubl. huic & Academiae, si ingratae esse nolint, (quod profecto nunquam firmiter Deus immortalis) duratura haec ex te supersunt, quorum alterum inter fortissima solatia semper erit, alterum hos dolores & luctus nostros faciet eternos, perpetuum & desiderium tui & exemplum.

M 3

MAR

E P I C E D I A

In excessum

Illustris & Nobilissimi Viri

CORNELII vander M Y L E,
 Domini in Myle, Alblas, Dubbel-
 dam, &c. Equestris H^o diae
 Ordinis, & Academiae Lei-
 densis Curatoris.

JOANNIS FORESTI,

Ad Nobilissimum, ac strenuissimum Vi-
 rum, **ADRIANVM MYLIVM,**
 Dominum Myliae, Bleskens-
 graviae, &c. Praefectum
 V Villemstadii, super
 vultu patris ejus,
 in capulo positi.

PArce, precor, lacrymis, ô Myli, parce
 querelis:

Hoc te sic positum crede monere patrem.
 Aspice quam vivo, seque ipso pulcrior, ore
 Dissi-

*Disimulet mortem, seque obuisse neget!
Luminibus, quamvis clausis, spectare gemen-
tes,*

*Et, clauso quamvis, dixeris ore loqui.
Illa quies vultus, tranquilla mentis imago,
Non unquam dispar dissimilisque sibi,
Inconcussa manet, tota compage soluta.*

*Et superest aliqua sic quoque parte sui.
Hæc blandi facies epulantes inter amicos
Hospitis: inque ipso est funere triste nihil.
Talis ab Oeteo virtus Tirynthia busto
Accubuit dapibus concilioque Deum.*

*Sic nos ille docet secum contemnere mortem;
Seque probat vita jam meliore frui.*

Aliud ejusdem.

MYlius hoc vultu secum suprema
peregīt :

Sic prēiit morti, dum trahit ipse mo-
ras.

Dum sibi præmotiens cœlo spatatur
aperto,

Et procul à terra corporea; lue est;
Sic animo veræ præcepit gaudia vitæ,

Vt moriens non se senserit ipse mori.
Jamque ita subductus morti est, non
occidit, ille.

Vita prior vita continuatâ nova est.
Quam sibi non vana spondebat mente
superstes,

Illa fronte probat mortuus, esse da-
tam.

Nulla vides toto lethi vestigia vultu:
Inque hilari remanet plurimus ore
vigor.

Quam nihil in sanctum potuit mors in-
vida pectus!

Carpere vix potuit corpus inane viri.
Ejus-

Ejusdem in effigiem defuncti.

MYlius hic ille est, spirans pietatis imago,
 Virtutis vivum conspicuumq; decus.

Nomina quot felix Latium, quot Græcia ja-
 etat,

Tot simul hoc uno Mylius ore refert.

Hoc populis, letum ceu fidus, fulsit; & orbi

Publicus Orator, publicus hospes erat.

Hoc Antenoridas, hoc Regem, Gallia, ve-
 strum

Flexit, & Hispani fœdere fregit opes.

Hoc patria clavo, curis insomnis, adhesit,

Tempore tam longo conspiciendus Eques.

Res quoque Pieridum studio curavit eodem,

Officiis docti verus Apollo chori.

Et sua pars ipsis nunc est in funere Divis;

Nec solos homines perculit iste dolor.

CONSTANTINI HUGENII.

MYlius, incoctum veteri vir-
tute Batava
Pectus, amor Patriæ lin-
gua decusque meæ,

Mylius, Aonidum sacer à lanugine sa-
cris

Quas ad canitiem credidit esse suas,
Iure suo sæcli saturum caput insitus a-
stris

Ivit ad Heroas, quos superavit, avos.
Indulge lachrymis, Academia; sive
Maritum,

Sive sit hoc Natum perdere, sive
Patrem.

Quin triplici luctu quantum pia Ma-
ter Alumno,

Crede Viro viduam solvere, crede
Patri.

Si lachrymis implexa via est, quibus
obruta cladi

Frustra coneris congrua verbat uæ;
Accipe sublimis de maiestate Zuëri

Qua flêdo saltem voce diserta fleas.
Est

Est aliquid, quod mole sua se prodere
tardus

Inveniat quo non hæsitet ore do-
lor.

Define nos verò sociis animata quere-
lis

Poscere præclaro debita iusta seni.
Facundam solis hodiè singultibus Ha-
gam

In tanto pudeat funere, posse lo-
qui.

M 6

DANIE.

DANIELIS HEINSII

Tot pulchras qui quondam animas, Heliconis alumnas,

Fovit, & asseripsit, Leida beata, tibi,
Musarum fatalis honor, virtutis imago,
Purius intacta cui nive pectus erat,
Victuri patris soboles castaque parentis,
Cui vix vel pietas vel tulit aula parem,
Fortuna privignus, amor sed publicus orbis,
Qui non privato sueverat ore loqui,
Publica vox Patriæ toties, vix Regibus impar,
Quos junxit Patriæ, demeruitque sibi,
Qui Patriæ lachrymas Henrico missus ad-
empto

In gremium effudit, Gallia mœsta, tuum,
Qui libertatis Reginam accedere gentem
Cœpit, & ad Venetos publica iussa tulit,
Mylius hic situs est. Docto Boxhornius ore
Europam ad cineres sacraque busta vocat :
Venturosque petat post se nescire nepotes

Inge-

Ingenium tanti iudiciumque viri.

Heinsius infelix, sibi jam vitæque superstes

Funeris & tantipars, sua fata gemit.

Heinsius infelix lachrymas pro vocibus addit,

Mutus, inops animi, nec memor ipse sui.

*Nec minus attonitæ squallent, mia cura, Ca-
mæna,*

Effuse in lachrymas, sed sine voce, Deæ.

Amisit toties natos Academia. Patrem

Quem dederat Musis nunc gemit illa suum.

CAS-

CASPARIS BARLÆI.



Q U i Patriæ flos nuper eras, tu-
tela Minervæ,
Et fulgens Batavæ Nobi-
litis honor;

Auriaco dilecte Duci, dilecte Poë-
tis,

Omniбус erecta simplicitate pla-
cens;

Infantis mensura boni, mons nescia
frangi,

Et conjuratis succubuisse malis:

Has terras, ubi fastus habet sua regna,
relinquis,

Invidiæque senex pallida tecta fu-
gis.

Non Reges legatus adis, donaris O-
lymbo. (loqui.

Post Venetos, Superis fas tibi posse
Borbonii tactus radiis; jam tangeris
astris (tes.

Altior, & vultu splendidior ni-
Inter sceptrâ Deum graderis, turref-
que potentum

De-

Despicias & nostros, verba remissa,
Joves.

Non hic rura atavum numeras, sed
præmia recti.

Atque aliquid majus Principis ore
vides.

Differt Fama decus. partem capit A-
dria, partem

Sequana. plus tanto Præsidente Rhe-
nus ovat.

Unius sic terra viri est. quiascriberis
omni.

Excitat hæc vates laudis arena tuos.
Obruimur rerum cumulo. facundia
Phœbo

Deficit, & grandes conticuere tube.
Jungitur Heroû privato caussa dolori.

Et gravis est Celso tanta ruina Duci.
Nobilium marcent apices. feralis Ly-
ceum est.

Palladis extinctæ stât sine luce faces
Mœret equus læsique memor, nunc
Ordinis, exit

Tristior, & guttis grandibus ora ri-
gat.

Quin

Quin procul hinc lachrymis Alpina
cacumina stillant,

Purpuraque Euganeis Patribus atra
rigit.

Quæ Mylii chartasque meas vectare
solebant,

Funeris ad famam disperiere, nives.
Me luctus jubet esse brevem. suspiria
fontes

Et latices siccant publica damna
meos.

Adstringor, velut acré gelu. neque fu-
sa vagantur

Carmina, per laxas præcipitata vias.
In cumulum dolor unus agit Phœ-
bumque Deasque.

Et tuus in punctum truditur amplius
honos.

At vos, qui cineres, etiam me tollite
vatem. (meæ.

Nunc animæ possim prodigus esse
Dum squallent Schola, civis, ager,
cum Principe Patres,

Omne solum tumulus creditur esse
mihi,

NICOLAI HEINSII, DAN. FIL.

Q Vis mihi Pierios meditan-
 tia pectora lusus
 Invasit nec opina dolor?
 quis tantus ab alto
 Corde tremor, subitque injusso lu-
 mine fletus?
 Cur digitis excussa chelys? cur pul-
 sa sonare.
 Plectrâ negant, dextrâque sequi?
 quænam invida pestis
 Non expectato commutat gaudia
 luctu?
 Ecce dies, ecce atra dies; cælumque
 repente
 Nubila contexunt, tenebrisque in-
 volvitur æther.
 Nescio quod mihi grande malum
 præsaga minantur
 Pectora, quicquid id est, nec enim
 sine numine Phæbi (tumultus?
 Omina venturos præeant tam certa
 Quid

Quid tandem hæc sibi monstra vo-
lunt? rursusne profano

Contudit afflatu Cyrrhae cacumina
Python,

Et Clarias temeravit aquas, gravi-
daque sub alvo.

Aonius considit apex; patiturque
fugari (pharetra;

Phæbus, & exhausta defecit dextra
Fulminibus ne iterum dejectus, ut

ante, paternis

Amphryso lympham Permessida
mutat Apollo,

Terque juga Hæmoniae rurisque in
valla Pherai (feracis

Regales observat equos; Pagasæque
Mirantur taciti lugubria carmina

montes?

An Pindum Titanes habent? rur-
sumne nefandus

Pollucere hospitii meditatur sacra
Pyreneus,

Et

*Et nostras violare Deas ? damna,
horrida damna*

*Aonides Phœbumque manent. Fata-
le malorum*

*Augurium est, & certa fides; inimi-
caque raro*

*Omina turbatas elidunt irrita
mentes.*

*Hæc quoque, ne sint vera precor. sed
Fama quid aures*

*Perculit attonitas rumoribus impia
diris;*

*De Mylio superesse nihil, damnata-
que nocti*

*Pectora perpetuas numerare merē-
tia lucēs?*

*Hoc erat, hoc quod mutæ chelys, quod
turbidus æther,*

*Quod mærore animus prædivinante
canebat?*

*Heu dirum Stygiumque nefas ! heu
sidera tantis*

Im-

*Importuna bonis, inimicaque laudi-
bus astra;*

*Hoc vobis licuisse queror ! plus sim-
plici noxa*

*Tantum funus habet. nimium, qua
parte nocerent,*

*Tartara viderunt facilesque in cri-
mina Parca.*

*Nam quid ego invita mediter testu-
dine laudes*

*Exaquare viri, & meriti præconia
tanti?*

*Primus ut Hadriaco dominantem
in gurgite molem*

*Euganeumque sinum & Venetas ac-
cesserit oras,*

*Liberaque ad magnum tulerit man-
data Senatum,*

*Cumque Antenorea sociarit fœdera
gente.*

*Fœdera, queis tumidi vel nunc quoq;
victor Iberi*

Me-

*Medoaco se Mosa probat: Mauroque
fremente*

*Continuatur adhuc alti concordia
cæpti.*

*Quidquod ad invictum Henricum
docta ora moventi*

*Gallia supplausit, magnoque à Rege
probat*

*Eloquium venerata viri est. quin
ipsa fatetur*

*Belgica non alio se dignius ore locu-
tam.*

*Ille patris dotesque sui meritumque
Batavis*

*Reddidit orbatis (quo patria Præsi-
de quondam*

*Dicta fuit felix:)exemplaque tanta
secutus*

*Vix habitura fidem, & laudati san-
guinis hæres,*

*Alter ab aeterno genitore domestica
Musas*

Nomina cum Phæbo Cyrrhamque
 Heliconidaque undam
 Hellade proscripam Batavas revo-
 cavit in oras :

Palladaque Aetæa fugientem jussit
 ab urbe

In nostris cessare locis; cultuque bea-
 vit

Neglectam potiore Deam. sic laudi-
 bus orbem

Implevit famamque suis. gnatusque
 paterque

Extulerunt aquis collapsas viribus
 artes.

Nunc mihi, si quando, placidus
 Thymbræe, dolenti,

Nunc totus nosterque veni; mecum-
 que severis

Invidiam facito Parcîs. tibi sumitur
 ille

Qualiscunque labor. nec enim ja-
 ctura Deorum

Hæc

*Hac propius quenquam miseranda-
que funera tangunt.*

*Nunc pater ô, nunc, sancte, adsis, non
vota modestas*

*Nostra preces superant, tantum me-
ritura repelli.*

*Nec mihi deponco lymphas Helicone
fluentes,*

*Aut latices haurire tuos. hac mune-
ra latis*

*Vatibus eveniant faustoque calenti-
bus igni.*

*Ipsè dolor lacrymaque tua fletusque
verendi*

*Perculso viresque dabunt animum-
que poëta.*

*Hac vati Permessus erunt. hoc fon-
te rigabo*

*Pectora, Pegaseos jam non sitientia
ductus.*

*Tempus io lugere, pater! quin fronte
coronam*

Ex-

*Excutis, & Tyrios tandem indigna-
ris amictus.*

*Agnoscant populi, totusque intelligat
orbis*

*Funera non unquã spectata prioribus
annis*

*Flebiliora tibi. nec cum (miserabile
visu)*

*Squallidus extinctum Pataræis cau-
tibus olim*

*Voce Linum cytharaque Linum plo-
rante sonares.*

*Nec cum Bistonis laniatum matri-
bus Orphea*

*Responsaret Athos, Rhodopesque ni-
valia sacra*

*Non interruptos iterarent culmina
fletus.*

*Ille decus Pimples, incorruptusque
tuarum.*

*Arbiter Aonidum, quo nemo san-
ctius alter*

Bel-

*Bellerophonteï gemino de vertice
montis*

*Castalias defendit aquas, quæ præside
Cyrreæ*

*Natalem poteras securus visere De-
lon,*

*Delphicaque æternis committere sor-
tibus æra,*

*Et tripodes versare tuos, nunc vile
cadaver*

*Nunc corpus sine mente jacet: so-
lumque relictum est,*

*Quod vix exiguo dignetur terra re-
cessu.*

*Quis tibi nunc, miserande Deus,
quis debita posthac*

*Thura feret, Musisque sacros cumu-
labit odores?*

*Cui sua cantabunt æterni carmina
vates?*

*Quis iudex, quis censor erit? quis
tempora nobis*

N

Or:

*Ornabit, frontesque intexet virgine
lauro?*

*Heu dolor! heu facinus! sic nos, mi-
serande, relictos?*

*Crudeles sic nulla tui reverentia
Divos,*

*Pensaque sevarum potuit revocare
sororum,*

*Et magnum differre nefas? Morti-
ne profana*

*Tam sanctum licuit niveumque in-
vadere pectus?*

*Phocis Hyantæa jam non exuberat
unda:*

*Nec Cyrrhæ latices, nec Pegaseæ A-
ganippes*

*Luxuriat per prata liquor: sed fron-
te negato*

*Deficit assuetos decrescens ripa mea-
tus,*

*Et turpi sensim limo vitata resi-
dit.*

Par-

Parnassi defecit honos : totque incluta quondam

Germina nunc lolio tribulisque palustribus horrent ,

Et teneris steriles increscant floribus herbae .

Nonne vides , sacri quæ surgit ad ostia templi ,

Debilitata comas ut marceat , utque virentes

Frondebis obnubat ramos arentibus , arbor ?

Quæque prius pharetramque Dei cytharamque ferebat

Et laxos arcus , nunc indignata recusat

Depositum servare suum , penitusque reflexo

Pignora decussit sibi credita vertice laurus .

Nulla adytis responsa sonant , cortinaque sacros

*egligit afflatus, tandem intermissa
moveri.*

*Aspice, ut incumbant feretro, mutæ-
que dolore*

*Oscula dispensent frigentibus ultima
labris*

*Aônides, tumulumque rigent; pas-
sæque capillos*

*Pectora concutiant rigidis discincta
lacertis.*

*Ipsæ Deus, Deus ipsæ chelyn discussit
eburnam*

*Horridus, allisitque solo; pallaque
superba*

*Exuviis constravit humum, vitta-
taque mæsto*

*Vellera detraxit capiti; viduamque
maritis*

*Grinibus excutiens Daphnæa è fron-
de coronam,*

*Taxeæ ferali sociavitserta cu-
presso.*

Nec

*Nec tantum Phæbo ; nec tantum
vulnera Musis*

*Ista dolent, solæve in partem funeris
adsunt.*

*Stat Virtus, stat Relligio, cessuraque
terris*

*Iam Mylio moriente Fides, dextra-
que trementi*

*Non satis equatam retinens Astræa
bilancem :*

*Stat pellucenti velatus Candor a-
mictu,*

*Dejectoque in humum pudibunda
Modestia vultu,*

*Et nostris invicta comes Sapientia
Musis.*

*Omnes attonitæ luctu, singultibus o-
mnes :*

*Perculsæque molis suspiria pectore
ab imo*

*Invidiosa trahunt, & fletibus ahe-
ra pulsant.*

Ipsa quoque ad magnos non dedignata venire

Libertas cineres, dilecti in funere nati

Stat conclamat & similis mortemque minanti;

Aureaque avulsit funesta pilca fronti.

Tu quoque nunc, Pietas, (si pars tamen ulla relicta est

Inte, Diva, tui) dignos accingere questus

Tristibus inferiis tantaque paratibus umbra;

Vtque facis, lacrymis resperge fidelibus urnam.

Damna movent sua quamque: tibi miserabilis ille

Occidit ante alias. te primum hortante paternas

Ausus inire vias, altaque incumbere laudi,

Ar-

*Arduus indomitusque animi. tibi,
 magna Dearum,
 Acceptum ferimus, quidquid vene-
 ratur in illo
 Orbis, & augustæ celebrant præco-
 nia fame.*

*Mærori sed enim quis erit modus?
 undique vastus
 Prorumpit sonus, & lamenta caren-
 tia voce.*

*Nos quoque, nos ad busta viri pom-
 pæque cruenta
 Exequias muti hæremus. dolor ille
 querelis*

*Altior est, lacrymasque animosus
 ferre recusat.*

*Ipsa mali mensura stupet: totamque
 ruinam*

*Non nisi venturos dabitur sentire
 nepotes.*

CASPARIS KINSCHOTII. L. F.

Solus qui poterat fugientes
 sistere Musas,
 Et Phœbum in Batavis de-
 tinuisse suis,

Slous barbariem nostris avertere terris,
 Ne penitus victo figat in orbe pe-
 dem,

Myliades fatis rapientibus omnia ces-
 sit,

Luminaque ingentem destituere
 diem.

Myliadæ vatum decoris nostrique Ly-
 cei

Stamina crudeles dissolūere Deæ.

Aonides Divæ, si fas lugere Deabus,
 Si lacrymis vestras fas maduisse ge-
 nas,

Myliadæ vestro lacrymas date. pulla
 dolori

Conveniens circum pectora vestis
 eat.

Aonides, tutela chori certissima ve-
 stri, (abit,

Crimine proh! fati nil miserantis,
 My-

Myliades, nomē quo non illustrius un-
quam,

Nec quoque nunc tellus Itala majus
habet.

Quamlibet ostendet Medicææ lumina
gentis,

Et tumidos fluctus altior Arnus a-
gat.

Magna per immensum diffundat no-
mina mundum

Adria Molinos Medoacusque pa-
ter.

At tu , qui Batavos inter notissimus
amnes

Musarum riguis mœnia tingis aquis,

Myliaden cunctis oppone Heroibus
unum,

Rhene pater ; majus hoc duce no-
men habes,

Nec se Medoacus, nec se tibi conferat
Arnus, (quæ,

Euganeæque ingens Adria rector a-

Itala nec tellus se victam hac parte ne-
gabit, (suos

Nec tibi jam vates conferat illa

N 5. HADRI-

HADRIANI vander VVALL,
Delpho-Baravi
VENUS LUGENS.
Elegia.



*U*ctifono vatum cœtu stipata suo-
rum
Ibat, defuncto iusta ferens.
Myllo,
Qua vaga cum toto, Cytherea, migrans comi-
tatu,
Deciduas frondes liquerat Idalii;
Dilectâque volens Cypro caruisse, Cnidoque,
Æquoribus patriis exul, apud Geticum
Venerat in Batavos hibernatura maritum:
Durus qui nusquam mollius excipitur.
Ipse deam vidi: Phrygia non sicut in Ida
Vidit Amyclæi proditor hospitii.
Sidereum puila vesti caput obnubebat.
Vberiorque genas lacrumâ turgidulas
Sulcabat: quarum, veluti tornata cadebat,
Qualibet in gelido est unio facta sinu.
Taliter assuevit risumque exuta jocumque
Erratum fines ire per Assyrios,
Vique suum proprio ritu depleret Adonim,

Tri-

Tristis odoriferi sistitur ad Libani
 Marentes cedros : nostris quo tempore terris
 Diffugiunt volucrum examina Dauliadum.
 Atrox innocuum plangebat dextera pectus,
 Quisque cutem roseam laeserat unguis erat.
 Parcite, clamavi, dextera, & crudelior unguis ;
 Vosque vel insanus verbera dedoceat
 Marspiter : innumera quamvis à cede reversus,
 Hic tamen immites non habet ille manus.
 Parcite, clamavi. clamavi, parcite, frustra.
 Non exauditi desperiere soni.
 Lamenta hoc faciunt maturo expressa dolori,
 Diva quibus tractus occupat aërios.
 Et quotiens altis singulibus intercepta
 Lamenta in summo gutture deficiunt,
 Lamentis domina queruli auxiliantur olores ;
 Turtureive negant inducias gemitus.
 Quinetiam in socios commoverat omnia luctus :
 Moverat, aut certè visa movere fuit.
 Flebilibus guttis nam forte pependerit aether :
 Dissolunt guttis aethera flebilibus.
 Intermissa diu renovant suspiria venti,
 Quotquot erant Austri, quotquot erant
 Zephyri.
 Et quota serotini custos stetit arbor honoris,

Abjecit tremulis omne decus foliis.
Præcipue vatum gens externata piorum
Questibus, in speciem Menadis Ogygia,
Emota indulget menti. trahit Heinſius agmen:
Vix trepidis voci concinit articulis
Heinſius, (invidiâ dicam frendente) Lycei
Primus honor Batavi, triſta non aliter
Scaligeri Douſæque ad funera conclamavit:
Cum genitor Rhenus Thræcios numeros
Inſonuiſſe putans, admiratricibus undis
Mæſtus vicinis ſtaret in aggeribus.
Suſcipit hinc alter; cui ſe debere fatetur
Grata novam lucem purpura Richelii,
Auriaci fuerant ſola illi cura triumphi,
At Cytherea ſuis vatibus inferuit,
Deſcribi teneris poſtquam formoſa Poëta
*Cepit amatoris Theſſela * carminibus (cantus*
Theſſela quam Batavo fundentem in littore
Sæpe omnis Phorci exercitus obſtupuit.
Sæpe cui aſtoniti poſuerunt murmura fluctus,
Raucaque Tritonis buccina conticuit.
Noluit & Batavæ Tempes cantator abeſſe:
Vnica

* Eorum aliquot vidimus apud elegantiffimam fœminarum. de editione ſpes nobis facta adhuc feſellit. matura, o vates, & tuis cothurnis ſuffulta Theſſela, ſublimes feriat ſidera vertice.

Unica nostratis gloria Pieridis.

Ille percussa graviter testudine flevit:

Qualis ad extrema fleverat † Albionis

Cretosas rupes; Græcique Amphionis arte

Amplius extrema molliit Albionis

Cretosas rupes: qua tempestate jubenti

Oceanus famulis paruit equoribus,

Ille regens vocum septem discrimina docto

Pollice, fleturas pertrahere huc nemoris

Non nemoris tiliæ potuit modulæne, Foreest,

Illius exitum te quoque crediderim?

Inde pari lessio facunda resolvitur ora

Zuerius eloquio maximus: & lateri

Heinsiades fido perturbatissimus hæret.

Heinsiades spirans patris imago sui.

Quem juxta sparsis ululabat Lisa capillis.

Ah! nimis (ah!) justo Lisa dolore furens,

Impia crudeli fecit convicia cælo.

Sicne Myli, dixit, sicne Myli raperis

Ante diem? quamvis gravibus jam debilis an-

nis.

Dii! male Parcarum fusa trium pereant.

Heinsiades nostros Mylio inscripisset amores;

In-

† Vide, vide qui Musas amas, nobilissimi viri
vernaculum carmen *den uytlandigen berder*, ad in-
comparabilem Heinsum.

Innocuo quantas delicias senit!

Tunc ego, per populos Fama subvecta quadrigis,

Cynthia te poteram, te poteram Nemesis,

Te (neque qui praesens praeo tuus ipse negabit)

Rossa meis poteram laudibus antegredi.

Vindicis orba sui tutamine, nominis (eheu!)

Cura mei Heinsiaë d'ffluit ex anima.

Ergone damnabor tenebris? & sordida tan-
dem

Oscula mî blatta, mî tulerint tineæ?

O! prohibere regina Paphi: si dixerat, & vox

Languida perpetuis fletibus immoritur.

Interea lentis hac ad lugubria choridis

Flexerat Haganas Kinschotius Dryades.

Kinschotii [† quare Mars novii) verba Dio-
ne

Quinta parte sui nectaris imbuerat.

Vi vero arrata accessit cum funere pom-
pa,

Exanimi similis concidit Idalie.

Vixque reluctantes iterum patefecit ocellos,

Quamquam aversa, novis immaduit la-
crumis.

* Tenerrimis versibus, viderunt amici, nuper
utrumque numen demeruit.

Tum

*Tum demum laniatque genas, flavaſque co-
marum*

Aurato ſpoliat vertice divitias.

Nec gremio parcit. furati ex ordine vates

Omnes inverſis collachrymant citharis.

Squallidus exemplum pater ipſe præbat Apollo

Tale; triumphali Daphnide qui vidua

Tempora ſerali circumcinctus Cypariſſo, (dum,

Plorantum hic aderat Dux Heliconia-

Vi Phæton teas illum duxiſſe ſorores

Flammata Hædriaci ripa ſcit Eridani. (tas

Omnes compoſitas, pretioſa volumina, char-

Exſtructo portant inferias tumulo.

Tergemina, quæ tunc optarunt veſtibus uti,

Inferiis Charites ſe voluere regi. (euntis

Namque ubi turba frequens vallabat præter-

Exequias, Domina Cyprigenæ comites

Inſpicienda darent oculis ſua membra profanis?

Sicut Acidalius nuda lavantur aquis?

Dii melius. ſacris tantum ſpectare Poëtis

Hæc, pro continuo dat Venus officio.

Nunc iterum in ſocios conjurent omnia lætus,

Omnia per gemitus, omnia per lacrimas,

Omnia tabifico diſſolvantur cruciatu.

Pro rabiem fatorum illachrymabilem!

Infe-

*Inferias Mylio, Charitum velamina, chartas
Quæ capiet, Charites contumulabit humus.*

DE EPICEDIIS

*Illustrium Virorum, JOANNIS FORE-
STI, Supremæ Curie Assessoris, & CON-
STANTINI HUGENII, Zuy-
lichemæ Domini, & Celsiss. Arau-
sionensi Principi à Consiliis &
Secretis.*

Ad

CONSTANTINUM HUGENIUM.

DUM vocat extincti lachrymosa
ad funera Myli

Leida Forestiadas Hugeniadasq; Deas;
Facundam solis, memoras, singultibus
Hagam, (loqui.

Quam pudet in tanto funere posse
Ut tamen agnovit tua perculsique Fo-
resti (serta suas,

Usque adeo in lachrymas verba di-
Haga, ait, (& Catsi notos simul invo-
cat ignes).

Debuit in tanto funere sola loqui.

M A R C I

305

MARCI ZUERII BOXHORNII

ORATIO

INAUGURALIS,

DICTA

IN


Illustri Batavorum Academia,

CVM,

Ex auctoritate publica,

HISTORIAR. PROFESSIONEM
aggrederetur.

ORATIO IX.

VI sæpius ex hoc loco verba feci, Auditores, nunquam alias commotum me magis & perculsum intelligo. Non jam tanquam rudis & expers dicendi, quanquam facundiæ nihil mihi tribuam,

buam, aut quod benivolentiae vestrae, cuius jam pridem cognita mihi eaque amplissima sunt exempla, diffidam; sed quod & mediocritatem ingenii mei ipse agnoscam, & vastissimi, ad quod accingor, operis difficultatem. Accedunt quoque incomparabilis tot maximorum clarissimorumque hominum eruditio, ingenium, ac industria; quibus, etiam facillima aggressis, difficilimum est succedere. Ingredi tamen nunc ego demandatam auctoritate publica stationem audeo; non alia profecto quam voluntatis de vobis, Iuvenes ornatissimi, vestrorumque desideriiis, bene merendi fiducia.

De Historia vero omni, multoque ac sapientibus laudatissimo rerum ante gestarum usu, toties occupato ab aliis, & exhausto jam argumento nihil hic dicā. Neq; sane dicendum est, quod nemo vestrum, eorum certē nemo, quorum de recte instituentis studiis vestris gravissimas quodidie auditis rationes, ignorat. Id nobis nūc
ego

prædixerim; quod , cum sepultæ & quasi deperditæ aliæ omnes artes ac disciplinæ , sequentium ingeniorum industria ac sapientia semper reddi vobis posterisque possint ac repræsentari, amissa semel rerum jam gestarum memoria nullius ingenio , solertia , aut alia humana ope , queat redonari. Quare & in maximo , apud me certe, pretio semper sunt illa illustrium omnis ævi hominum, quotquot supersunt, monumenta, quæ rerum præteritarum origines, ordinem, ac eventa multum diversa, quæ optima ac incorrupta est fide explicata, & tradita posteris, ac præcipua gentium omnium antiquitatisque omnis, quibuscunque profutura & necessaria sæculis ac gentibus, exempla cōplectuntur. Multa sane pro instituto magnaue sese hic exhibent dicenda; at circumeunti mihi omnia, & imprimis vestra ac vestrorum vota honestissima ac destinationes, inspicienti, ex vobis, Egregii juvenes, potissimum amplissimumq; mihi nunc offer-

offertur argumentum. Equidem, si eos tantum ego hic videam, quibus animarum cura, onus gravissimum sanctissimumque, demandanda est, ad hos inprimis imperatas mihi nunc curas attingere sentio. Cum enim, ipso immortalis Dei judicio, inter prima & antiquissima tradita etiam nobis sint rerum, inter recentissima earum exordia gestarum, monumenta, ut ex iis augusta, & major humana omni, providentiæ ejus ac curæ magnitudo agnosceretur: cum tot doctores gentium, tot sanctissimos viros, & eorum facta, quorum incomparabili industria, labore ac fide, Christianorum hoc regnum longe lateque & feliciter olim exportectum est; tot pro eâdem fide, inter hostes ejus prope infinitos, martyria; atrocissimas contra eam professos persecutiones; tot pro eâ ubique terrarum celebrata concilia, & auctoritates; tot passim hæreses, tot fraudes hæreticorum & machinas, ac optima iis & prudentissima opposita consilia (quæ &
nos

nos quoque tradituri sumus) mecum cogito , dubitare profecto me non finitis vos , quos rectores aliquando suos Ecclesiæ habituræ sunt , quin hoc maxime tempore , quo Christianis passim redeunt eædem aut imminent graviores aliæque forte tempestates , rebus istis omnibus cognoscendis serio vobis incumbendum esse ipsi judicetis.

Vos quoque ego cum video , qui patriæ & curandis hominum in ea rebus estis devoti ; cum majorum vestrorum posterorumque , omnisque adeo Reipublicæ , summam de vobis expectationem ; statim offertur animo , quæ non aliunde haberi potest quam ex nationum omnium omnisque ævi Annalium monumentis , tota illa juris gentium , quod omnes passim populos in una velut communi quadam omnium ubique hominum Republ. constituit , iisdemque subjicit legibus , vastissima & longe pulcherrima amplitudo. Quid , quod cum in Repub. non incidant de tigno tantum aut stillicidio. lites,

lites, sed identidem etiam, & hercle gravissimæ de imperio, bello, pace, fœderum religione, aliisque, in quibus salus gentium & opes versantur, de his quidem nihil rite recte, nihil sancte, statuatur, nisi totius, ut sic dixerim, humani generis judicia, exempla, consensus, quæ sola Annalium memoria fides conservat atque amplissima exhibet, serio & cum cura inspiciantur? In quibus sane quot ac quoties concurrunt ac conspirant facta egregia aut exempla, totidem sunt veluti leges, & judicatarum ab omni ævo rerum habent auctoritatem. Quippe quemadmodum nulla usquam gentium lata lex est, quæ non prius ex singulari negotio, atq; è re nata & transacta originem atque occasionem duxerit; ita illæ gentium, Edicta velut omnium & Senatus-consulta, ex Annalium tantum gremio ac sinu hauriuntur. Quid (& hoc profecto ad omnes attinet) quod in solis illis præcipua humanæ omnis providentiæ præcepta inven-

veniantur? Nam quid, quæso vos, aliud omnia aliorum exempla nobis sunt, quam præcepta? Quid aliud quam specula, in quibus nos & nostra, nec præte te tantum ac præsentia; sed &, quod prope divinum est, eventuræ etiam intuemur? Auspices enim quasi quidam nobis auguresque, neq; vani certe aut obscuri, ut isti olim inter gentes, mihi quidem esse videntur, qui ante gestarum tot rerum momenta ac ordinem posteritati omni tradidere. Quippe cū nihil providenter aggrediantur homines, nisi in futura introspexerint; & agnosci aut æstimari satis futura nisi ex præteritis non possint, haud dubie ad jam facta circumferendi nobis sunt oculi, in quibus obvia humanorum casuum, consiliorum, eventorumque similitudo passim offertur. Tot enim majores illi in exemplum nobis vixere, quemadmodum & nos futuris; quorum bona malaq; eligit semper judicii rectitudo aut declinat. Ex quo enim ingenia hominum ad fœdam hanc,
&

& pròpe omnium ac pene indomabilem, five infirmitatem, five inscitiam, damnata sunt, ut nunquam satis sua circumspiciant, & plerumque adulentur ac sic insidias struant sibi, necessario recurrendum est ad egregia omnia aut praecepta aut exempla: quorum illa quid fieri debeat, hæc etiam quid fieri possit, quia quod factum est, ostendunt; illa, ut in Repub. leges, invitos etiam & colentes trahunt accogunt, hæc autem comiter & blande quæ agenda nobis, quæ ex adverso fugienda sint, persuadent. Neque quidquam facilius est, quam consulere ea & adire. Publica enim, five omnium, atque adeo singulorum sunt: à quorum tot oraculis & responsis neminem vel momenta ulla, vel ullius indignatio aut fastidium, quæcunque tandem ejus fortunæ ac res sint, arcent aut excludunt. Addite enim, quod, cum vix obvia sit principum comitas, vix prompti ad eos aditus, & difficillimæ admissiones, quæ nunc pene omnium superbia aularum

rum est, cujus caussa janitores etiam, & sæpe frustra, coluntur, soli Annales facilem & regiam, ac cuius, & ad quidvis, viam sternant; quo fit, ut ad ipsa sacraria, ad interiores deliberationum consiliorumque recessus, ipsaque adeo arcana imperii ac domus, sine fastidio, sine ulla animi querela, sine periculo ullo aut discrimine, cui plerumque obnoxii sunt affectu aularum, & quoties, ac quomodo lubet, privatorum quisque admittatur. Abeant nunc, & res suas habeant sibi, qui interioris apud rerum principes admissionis, ac in palatiis adsidui, sed trepidi semper aut nutantes ac incerti, nil nisi molestissimum illum splendorem suum possunt jactare. Nobis, in omni ævi res maximas, consilia & destinationes vobiscum deinceps ingressuris, non modo Xerxes & Alexandri & Augusti, sed & pestes illæ suorum temporum ac terrores, Pharaones Neronesque, & alii, quorum ingratissima est memoria, sed intrepidis, ac impavidis, & plane in-

O

noxii,

noxii, offerentur. Neque, hercle, innoxii tantum, sed & profuturi; quia illos vita, imperio, exitu fœdos ac infames, cum omni illo flagitiorum & scelerum ministerio ac comitatu, serio inspecturis vobis non possunt non injici probarique honestissimæ, & semper laudandæ posteris, destinationes. Multum enim ego rerum humanarum posterorumque omnium interfuisse sentio, ut, haud aliter quam optima & sanctissima; mala etiam & detestanda omnibus exempla proderentur; cum ita fiat, ut tyranni principes, qui, occulta, sed æquissima semper, immortalis Dei dispensatione, fastigio rerum impositi, mala libidine & Dei, & naturæ & hominum everunt leges, ac tantum puniunt innocentes, nullo metu pœnæ aut sensu: (nisi per abditos forte torquentis sese tortique animi laniatus, & illas tanto majores, quanto occultiores esse coguntur, diras devotionesque subjectorû) gravissimo & semper duraturo supplicio

cio afficiantur. Quorum exempla circumire tanto magis, præsertim rerum principibus, necesse est, quanto magis malæ libidini obnoxix sunt dominationes. Neque sane corrigendis ac purgandis animis, aut in officio continendis, ne exorbitent, minus necessaria sunt repetita in Annalibus atque damnata, & identidem promenda posthac nobis, mala exempla, quam in Repub. illæ leges, in quibus cum flagitiis poenæ etiã conjunguntur. Neque vos hic terreant tradendæ nunc mihi, ac cognoscendæ vobis, tam illustris rei magnitudo; tot sæculorum, tot passim rerum ambitus; tot Reges Principesque; tot excidia, tot migrationes gentium & mutationes, quæ prope infinita, & quibusvis temporibus alia atque alia, offeruntur. Quid enim, rogo vos, jucundius, & gravi rectoque de hominũ rebus judicio magis necessarium, illa tam vastâ, tam profutura vobis, tot rerum varietate? quam interesse temporibus, quibus non vixistis, ut vestris,

stris, suæ quisque domi, tanto prom-
 tius consulatis; quam nunc castra cum
 principibus rerum ingredi, nunc Sena-
 tum; consulere cum iis, deliberare de
 Repub. ac decernere: distribuere iden-
 tidem præmia & pœnas; augusto ali-
 cui operi semper intendi; deniq; quod
 nulla aliorum, qui hæc negligunt for-
 te aut contemnunt, impetrare ambi-
 tio potest, excipere regum principum-
 que, & gentium adeo omnium, splen-
 didissimas ad vos legationes? Quippe
 qui rerum ante gestarum memoriam,
 quibus & ipsi Cæsares sunt permixti,
 pari & cura & fide tradidere, non nisi
 totidem amplissimarum gentium, ma-
 ximorumque principum legati ad po-
 steros & oratores mihi quidem esse
 videntur. Quare & ad eorum mo-
 numenta, tanquam ad solium & pur-
 puram, venerabundus semper ego
 accedō. Vobis, lectissima & nobi-
 lissima utriusque Germaniæ juventus,
 qui, juxta cum aliis, tam pacati & fre-
 quentes me sive ducem vestrum, sive
 com-

commilitonem, laboris certe & curæ
 socium, neque tantum publica, sed
 etiam privatâ animi destinatione de-
 votum debentemque vobis, circumse-
 distis, tanto pulchrius & jucundius erit
 vastissimum illum terrarum orbem, &
 tot in eo populos non per Europam
 modo hanc nostram, sed & Asiam, &
 Africam, & ipsum Indorum Gangem
 circumire, quanto passim plura majorû
 vestrorum, quæ & vestra sunt, certe in-
 gentia decora, & vastissima ac splendi-
 dissima imperia, Francorum in Gallia,
 Saxonum in Britannia, Longobardo-
 rum in Italia, Gothorum Alanorumq;
 in Hispania, Vandalorum in Africa,
 Galatarum olim aut Celtarum, nunc
 Tatarorum in Asia, Temurorû, quos ex
 Scythia eduxit terror ille gentium ac
 belli fulmê Tamerlanes, & magni Mo-
 golis sceptrâ jam moderantur, nostra-
 rum, aut cognatarum nobis, gentium
 imperia; domitæ ac infessæ ab iis, &
 territæ prope omnes terrarum oræ;
 (ut de amplissimo vetustissimoque Per-
 sarum

farum regno, & Arface, & omni Arsacidarum, quæ vestra etiam sunt nomina, folio nihil nunc dicam) nobis offeruntur. Iactent magnitudinem rerum suarum Græcia & Roma, illæ quidem ingentibus factis inclytæ, sed superbæ & mendaces, quantum, & quandiu lubet; arctius ab iis, quam Germaniæ aut Europæ nostræ Septentrione, vagina illa, ut iste loquitur, gentium & officina nationum, neque tantæ rerum constantia, imperatum est. Quorum ego temporum quoties **re-**
cordor (recordor autem sæpissime) **to-**
tior horum nunc pudet pigetq; quibus invictæ olim, & longe lateque victricis, & sub quovis sole habitantis gentis studia ita per civiles & tot jam annorum foedas omnibusque sæculis detestandas factiones corrupta, & divulsa ac discerpta sunt, ut priscae illius majestatis ac gloriæ nihil pene nunc reliquum, præter solam ejus memoriam, habeamus. Quare & nunc quoq; sanctissimis mihi juvanda est votis; ut illa
 tot

tot quondam nobilissimarum gentium
domina ex cineribus suis, ex pedore &
situ ac busto, ad majorum suorum ma-
gnitudinem ac gloriam feliciter post-
hac assurgat, futura documento, non
se alibi quam domi, & per civilium bel-
lorum totiusque prope jam sæculi a-
trocissimas tempestates, atteri atque
exui, à majorum illâ incomparabili &
virtute & fortuna destitutam, poruif-
se? In quo quidem ego si forte quibus-
dam instituti ordinem egressus videar,
facile me erroris damnari patiar, sed
qui summę in florentissimam olim gen-
tem, & semper mansuræ mihi pietatis
habet significationem. Ego vero, non
publico hoc tantum de me, sed & meo
etiam judicio admodum excitatus, ea-
dem in vos constantia ac fide, qua per
viginti jam prope annorum hæc sti-
pendia; commodis vestris ita deinceps
inserviam, ut nihil pronæ in vos proli-
xæque voluntatis defuisse mihi intelli-
gatis. Equidem, quoties cogito, &
cum animo meo serio ac graviter

expendo , quanta patriæ de vobis sit
 exspectatio , & quantum ei debeatis
 vos ipsi ; quid à vobis etiam exigant
 laudatissima majorum tot exempla ;
 quid hæc , in quæ incidimus , quæ om-
 nium difficillima sunt , tempora , qui-
 bus inter pacis pariter ac belli artes,
 tanquam intuta omnia sint , tantis vel
 insidiis quæ in obscuro fere sunt & dif-
 ficulter evitantur , vel varietate desti-
 nationum nunc ambigitur ; quam nunc
 maxime , in tanta hominum ac morum
 corruptela , & fatali hac temporum
 labe , humanis divinisque rebus omni-
 busturbatis , necessaria sint optima me-
 liorum , sive felicia illa , sive infelicia ,
 exempla ; quid quantumq; posteris
 vestris nepotibusque , majorum factis
 non modo serio inspectis ac excussis ,
 sed imitatione etiam , quod potissimum
 est , expressis , à vobis debeat ; quid
 denique ipsi omnium auctori & impe-
 ratori Deo , cujus sanctissimæ , & in-
 accessæ omnibus , providentiæ consi-
 lia ac opera sunt tot rerum humana-
 rum

rum omnium casus, vicissitudines ac varietates; magnæ mihi ego pro vobis curæ & diligentiae impono necessitatem. Neque tamen magna sunt, quæ promittere vobis ego possum, aut, quod amplius est, præstare, qui mei reuitatem ingenii non ignoro; sed industria & cura ita ego vobiscum contendam, ut nihil voluntatis in vos meæ, nihil pro vobis sollicitudinis in conquirendis undique diligenter tradendisque, quæ in ipso rerum usu profutura sunt, in hac statione defuisse mihi intelligatis. Neque in illa tot rerum, tot casuum, tot hominum prope infinita varietate per privata, quamquam laudatissima, vos circumducam exempla, quæ sæpe voluptatis plus habent & subinde admirationis, quam utilitatis; sed, quod in primis necesse & ipsa Historiæ anima est, rerum maximarum præcipua momenta; per illos tot plerisque ignotas, aut oscitanter neglectas vias & gradus, quibus ad hanc rerum humanarum faciem, à ve-

tutissima illa longe diversissimam, tandem deventum est. Nam quemadmodum qui calculos ponunt, non tam illorum, quam ejus quod ex illis conficitur potissimam habent rationem, ita indaganti res gentium ac tradenti iis potissimum, & serio ac diligenter, inhærendum est, ex quibus, instituta nostrorum cum vetustis illis temporum comparatione, migrationum mutationumque adeo omnium, quæ multiplices & plerisque, plerarumque saltem & nobilissimarum passim gentium, hætenus non observatæ sunt, veræ causæ, origines, atque incrementa, etiam occasus, statim possint agnoscij. Utinam vero, utinam tradita posteris essent durassentque, vel omnium, quæ ubique gestæ sunt, rerum memoria, vel condita saltem monumenta! Quorum alterum vetustissimorum hominum, qui res præclarissimas gerere, quam describere maluerunt, simplicitas nobis negavit; alterum injuria temporum intercepit. Origines certe
 omnium

omnium passim, etiam nobilissimarum, gentium quam obscuræ? quam in mendacium fœde corruptæ? Quod nescire non possunt, qui modo, ut de aliis nunc non dicam, vel unius Germaniæ nostræ Annales inspexere; in quorum, sed sero scriptorum, exordiis non nisi Dii, aut Semidei, quemadmodum & apud Græcos ac Romanos, leguntur. Nempe majores & nostri, & aliarum quoque nationum, (plerisq; enim omnibus id evenit) tradere posteris curæ virtutisque suæ alia omnia egregia monumenta, quam opereose describi maluerê. Solum quippe Annalium genus composita in memoriam eximiae virtutis carmina; quæ & saxis, sive Runis, ut vocabant ipsi, inscripta brevi elogio legebantur. Et Græci ac Romani, ut maximus auctorum, ubi de excessu Arminii, invicti quondam Germanorum ducis, magnifice loquitur, sua tantum admirabantur. Cæterum & eadem injuria alias quoque, nec non nobilissimas, affli-

xit nationes. Quod majus aut celebrius olim illo Ægyptiorum regno ? quod & populum Dei captivum aliquando habuit, & gravissimæ domus fuit servitutis. Ejus gentis imperium per Asiam olim omnem, & magnam Europæ partem exporrectum pene ignoratur. At tamen, quod in stuporem admirationis defixus apud gravissimum Historicorum omnium lego, constat Germanicum, imperante apud Romanos Tiberio, vidisse veterum Thebarum magna vestigia ; & mansisse structis molibus litteras Ægyptias, priorem opulentiam complexas ; jussuque è senioribus sacerdotum patrium sermonem interpretari. Referebat habitasse quondam septingenta millia ætate militari ; atque eo cum exercitu Regem Rhamsen Lybia, Æthiopia, Medisque & Persis, & Bactriano ac Scythia positum, quasque terras Syri, Armenique & contigui Cappadoces colunt, inde Bithynum, hinc Lycium ad mare, imperio tenuisse. Legebantur & in-

indicta gentibus tributa, pondus argenti & auri, numerus armorum equorumque, & dona templis ebur atque odores, quasque copias frumenti, & omnium utensilium quæque natio penderet, haud minus magnifica, ut idem auctor judicat, quam tunc vi Parthorum, aut Romana potentia jubebantur. Qui hætenus, ut plerique, solas quatuor monarchias, Assyriorum illas & Persarum, & Græcorum sive Macedonum, atque Romanorum commenti, intra futilis & pædagogicæ sive observationis, sive meditationis aut, quod potius credendum est, imitationis terminos ac angustias summæ rei amplitudinem continere, quod inobservatum admirentur in Ægyptiis invenient. Quod ego quidem veritatis, sed longe lateque hic diffusæ, studiosus, tanto ægrius fero quanto pluris hætenus fiunt illi, à quibus obviantantum, & repetita sæpius, & ignorata nemini plerumque offerun-

runtur. Neque tantum veteris illius Historiæ, sed & recentioris ingentem profecto & incomparabilem jacturam passi sumus, siue pulcherrimæ & necessariæ adeo rei, quod excusaverit nemo, contemptu; siue illustrium ingeniorum defectu; siue denique tradita ab iis gestarum rerum monumenta temporum injuria, aut hominum socordia, sint intercepta. Quoties ego illud longi temporis spatium cogito (cogito autem sæpissime) quod inter sextum æræ Christianæ sæculum & decimum intercedit, omni prope modum rerum tunc gestarum memoria viduatum, aut solis fabulis corruptum, totum illud pene periisse nobis intelligo. Quæ jactura tanto major est, Auditores, quia illa hæc sunt tempora, quibus jacta constat plerorumque regnorum ac Rerum-pub. quæ per Europam nunc omnem præcipua & florentissima celebrantur, prima quasi fundamenta. Neque tamen animum ego hic despondeo;

deo, facturus quod illi solent, qui ex modico & partim collecto ære tandem ingentem summam conficiunt. Et ex reliquiis gestarum rerum passim sparsis, conjunctisque & excussis diligenter, non nihil vobis lucis in tam densa eorum temporum caligine audeo polliceri. In quam ego curam tanto alacrior incumbam, quia vestra maxime interest non minus nostrarum vobis rerum, quam Romanarum Græcarumque memoriam repræsentari. Utinam quoque (nam & plura sunt quæ desidero) Asiæ ac Orientis rerum res, post Romani imperii occasum, mutationes propius cognoscerentur? Qua de re cogitanti nunc mihi, tu potissimum hic te offers, Iacobe Goli; cum quo habitos toties privatos ea de re sermones, publicos nunc, sed pace tua, facio. quem totius Orientis non linguarum modo, sed & rerum ingressum possessionem, ac opibus ejus omnibus, quæ huic faciunt, instructum, ex publici

lici desiderii lege, ut eidem, cui jam pridem favet, satisfaciat etiam, quantis possum precibus jam rogo.

Vobis autem, nobilissimi Academiae Curatores, & hujus urbis Consules amplissimi, quos nunquam absentes ab his sedibus cura pro iis ac fides esse finit, pro illius vestri de me judicii beneficio, quo hoc mihi onus imponendum nuper admodum decrevistis, gratias immortales habeo. Onus enim vestrum hoc de me judicium, quod eximium habeo, nunc appellandum est. Neque hercle, id ingrati, neque inertis aut ignavi animi, sed laboris, sed curae, sed industriæ & fidei, quam imperavi jam mihi auctoritati vestræ obsequutus, summam habet significationem. Ego imperiis vestris, ac, quæ his majora sunt, votis ac desideriis ita inserviam, ut, quemadmodum hactenus, mihi potius, quam justissimæ expectationi vestræ me defuisse agnoscatis. Neque, præter id, alia offerre nunc vobis possum aut promittere, quam duratura mecum
sem-

semper, quæ sanctissima sunt, vota; ut gratissima Pæcis hæc tempora, vestrarum etiam virtutum, quæ non alias quam totius Reipub. salutem habent destinationes, immortalis memoria, auctisque rebus vestris, sint celebriora; Ut ad posteros nostros nepotesque, ad socias & vicinas remotasque etiam nationes non transeant nisi egregia & imitanda ac optanda omnibus virtutis vestræ felicitatisque & pacis hujus imperii, cujus vos quoque clavum tenetis, exempla; Ut denique, sub auspiciis illis vestris, uberrimus ex his sedibus sit illustrium ingeniorum proventus, quæ ab omni humanarum divinarumque rerum cognitione instructa, & per omnium tracta ambitum sæculorum, omniumque adeo casuum varietatem, & vestram domi & suorum foris pacem, qua nihil augustius offertur gentibus, tueri possint ac conservare.

Vobis etiam, Professores clarissimi & Collegæ, plurimum debere me nunc
in-

intelligo, qui tanta adtentione vestra ac pace differentem me ista audivistis. Quare neque mihi, qui hujus vestri judicii, quod gravissimum esse ego intelligo, ac consensus hanc publicam habeo significationem, multis nunc exorandi non estis, ut auctoritate vestrâ ac fide & consilio, in hac statione, quam industria & constantia omni implebo, gnaviter me juvetis. Id præcipuum curæ ejus vestræ pretium erit, quod florentissimæ hujus Academiæ tot decora passim & ornamenta, quod ex his emissa sedibus patriæ quisque suæ, futura sint. In cujus gloriæ communionem ego quoque, saltim industria & diligentiae laude, veniam; dum iisdem virtutibus, licet cætera longe inferior, continuo vobiscum & præclarissimis exemplis vestris ego contendam. Inter quæ tuum, DANIEL HEINSI, Vir nobilissime, (in clarissimo enim nomine tuo desinendû est) in primis nunc mihi, sed trepido, offertur. qui ex auctori-

Auctoritate publica honestissimo otio
 nunc donatus, excellentissimis profe-
 cto, & quæ supra omnia præmia supra-
 que omnes laudes sunt, meritis fecisti,
 ut mihi quidem difficillimum sit tibi
 succedere. Tibi, qui admodum adoles-
 cens, ac pene puer, sed jam supra viros,
 maximorumque tuæ ætatis hominum
 (inter quos inprimis nobilissima illa
 Scaligerorum & Casaubonorum, cum
 instar omnium sint, nomina hic mi-
 hi veniunt memoranda) non amor
 tantum, sed stupor, nec juventuti
 hic modo, sed orbi universo, omni-
 busque passim eruditis præluxisti; cu-
 jus sunt, cuique debent, & debere
 se etiam agnoscunt, quotquot, ut
 de aliis passim per Europam sparsis,
 qui cujusvis ordinis ac loci, sola tui
 nominis celebritate evocati, ad per-
 ciendum ingenii cultum plurimi
 huc confluxere, nihil nunc dicam,
 hæc Respub. in eâ Ecclesiæ, curiæ;
 urbes habent, aut habuere nuper,
 decora ac ornamenta: qui editis gra-
 vissi-

vissimis pulcherrimisque, & duraturis semper, inque perpetua hominum admiratione futuris ingenii tui tot monumentis, in omni prope scientiarum genere nihil inausum, intentatum nihil, & non ingenio, judicio, eruditioni tuæ incomparabili devinctum reliquisti; fecistisque adeo, ut non modo difficillimum mihi sit in hac statione tibi succedere, sed etiam, post consumpta in celebranda virtutum tuarum ac ingentium meritorum memoria, ac exhausta clarissima ætatis nostræ ingenia, te laudare. Pro qua illa tam vasta tot beneficiorum tuorum amplitudine, quæ non per hanc modo clarissimam, quod & tibi debet, Musarum sedem, sed per universum eruditum orbem longe lateque illustrissima jam pridem se diffundunt, quibus non superstitibus modo & post futuros devinxisti tibi, sed & antiquorum ingenia, quorum tot monumentis incredibili industria tua & eruditione incomparabili lucem ac vitam reddidisti;

disti; pro hac, inquam, tam vasta beneficiorum tuorum multitudine, quasi publica & omnium voce gratias dico tibi ego atque habeo immortales. Quarum, cum neque suppetant mihi nunc alia, neque vero alia tua à me modestia expectet, patere ut hæc, quæ sanctissima sunt, vota pro te nostra amplissimam in animo tuo habeant significationem. Deum autem immortalem supplex pro te posco; Ut longa tibi & vegeta senectus, nec fessa tamen unquam ætas, obtingat; Ut quam raram cœlo debes mentem, divinæ humanæque rei intelligentem tibi conservet; Ut, de quo vel ideo nunc non ambigendum est tibi, qui superstes jam pulcherrima frueris fama tui, & immortalibus ingenii monumentis æternitatem tibi temporum demeruisti, omnibus posthac sæculis, omnium pro celebritate nominis tui consensus conspiret; Ut, cum nihil ex te nasci possit mediocre, & in illustrium hominum stirpe frequentia
fere

fere fit , ut ille loquitur , electo-
rum , sæpe actantus, & cum repetita
toties meritorum tuorum magnitudi-
ne , in nepotibus tuis redeas, sicut in
filio, juvene clarissimo, in quo Gallia ac
Italia agnovit te nuper admodum ac
suscepit, feliciter jam rediisti.

TE autem , omnium regnator,
æterne Deus, Deus Sebaoth,
Deus exercituum & legionum; cu-
jus bella , aliæque ubique nationum
res sunt , geruntur ; in cujus ma-
nu sunt corda regum , qui ea fle-
ctis ut torrentes aquarum ; ad cu-
jus classica , evehendis ad solium
aut deturbandis gentibus , plerum-
que etiam venti veniunt & tem-
pestates & alia , quæ nullo homi-
num stipendio conducuntur nullo et-
iam avertuntur ; qui cum imperas
Orienti ut in Occidentem , & Occi-
denti ut in Orientem se effundant,
mox

*mox accincti se effundunt; omnesque
 adeo pro arcanâ, sed æquissimâ, dis-
 pensatione tua spargis, misces ac con-
 fundis & committis nationes; cujus æ-
 ternum, & in omnes etiam reges, &
 justissimum semper est regnum :
 qui pro imperscrutabili altitudine
 tuorum, quæ attoniti omnes & ve-
 nerabûdi suspicimus, consiliorû, sce-
 ptra distribuis gentibus, & tamen tuâ
 unius omnium regnatoris gloriam
 nemini concedis; cujus manuum ope-
 ra sunt & cæli & maria, & terra,
 & qui regunt & qui reguntur; sup-
 plex nunc ego, & ad augustissimum
 illud solium tuum prostratus, posco
 ac rogo, ut, cum nihil providenter
 homines sine Dei immortalis ope, ho-
 nore, atq; consilio auspicientur, meo,
 & trepidi nunc ac in stuporem ad-
 mirationis rapti, sed tamen quæ
 prope infinita sunt cœlestissi-
 ma.*

*mæ Majestatis ac providentiæ tuæ
 spatia tam vasta circumituri addas
 ingenio acumen, memoriæ robur, ju-
 dicio autem gravitatem. Res tuæ, ca-
 strata sunt, Domine, & expeditio-
 nes, & consilia, quæ dicemus. Patere,
 ut sanctissimi Regum verbis hic te
 conveniam, Domine. Exaltabo te,
 Deus meus, Rex, & benedicam no-
 mini tuo in sæculum, & in sæculum
 sæculi. Per singulos dies benedicam
 tibi, & laudabo nomen tuum in sæ-
 culum in sæculi. Magnus es, Domine,
 & laudabilis valde, & magnitudi-
 nis tuæ non est investigatio. Genera-
 tio generationis laudabit opera tua,
 & potentiam annuntiabunt. Ma-
 gnificentiam gloriæ laudis tuæ, &
 verba mirabiliū tuorum narrabo. Et
 virtutem terribilium tuorum dicam,
 & magnitudinem tuam narrabo.
 Memoriam bonitatis tuæ edisseram,
 &*

& in iustitia tua exultabo. Misericors & misericors Dominus, tardus ad iram, & multum misericors. Bonus Dominus universis, & miserationes ejus super omnia opera ejus. Confiteantur tibi, Domine, omnia opera tua, & sancti tui benedicant tibi, gloriam regni tui dicant, & potentiam tuam loquantur; ut notam faciant filiis hominum potentiam tuam, & gloriam magnificentiae regni tui.

O R A T I O

INAVGVRALIS

D E

MAIESTATE ELOQVENTIÆ

R O M A N Æ.

Habita in Academia Batavorum, cum Collegij Oratorii publici Præses creatus Oratorum ex Historicis collectarum interpretationem aggrediretur.

O R A T I O. X.



ANNI jam sexaginta sunt, Auditores, cum post vexatam aliquamdiu domesticis calamitatibus hanc Rempubl. & non revocatam tantum, sed stabilitam libertatem, de fovendis disciplinarum omnium
nium

nium, & literarum studiis feliciter hic
 cœptum est cogitari. Factum id ex au-
 ctoritate Patriæ Patrum, qui raro pru-
 dentia exemplo temporum calamita-
 tem in bonum suum & gloriam conver-
 tere. Intererat hujus imperii, ut effe-
 ctis quæ nostra, & insidiis hostium tri-
 umfatis, terrarum orbis etiam felicita-
 ti nostræ deberet. Et debet sane tot mag-
 nis & excitatis mentibus, quæ ex hoc
 loco, tanquam edita quadam turri,
 lucem tenebris & ignorantia sæculi af-
 fundere. Sic factum est, ut ex remotis-
 simis quibusque Europæ oris ad hoc
 bonæ mentis forum magnus semper
 fuerit juventutis undique confluxus. Nec
 pænuit mercatus quemquam, nisi de-
 fidem & ignavum. At vero nuper admo-
 dum gloriæ huic frequentiaque magnus
 Deus ultimum diem videbatur medi-
 tari. Quippe, ut adversa ex secundis
 nascuntur, grassantis pestilentia tabes
 tantū effecerat, ut Palladis nostræ quod-
 dam quasi justitium, ut vacua hæc subsel-
 lia, paullo ante confertissima, videre-

mus. At tandem celesti benignitate factum est, ut elapsi anni solitudinem hæc exoptata quidem, sed quam expectaverat nemo, frequentia vestra recrearet. Renati sunt Academiæ nostræ soles, & ipsam voti fiduciam supergressi sumus. Itaque vobis omnibus exoptatissimum hunc adventum vestrum gratulamur. Vobis, Illustrissimi Principes, qui quemadmodum prima florentis Academiæ ornamenta fuistis, ita laboranti ac prope desertæ decus & exemplum addidistis. Nostrum erit agnoscere illustre meritum, ac quæcunque expectare potestis gloriæ vestræ & æternitati apprecari. Vobis, Amplissimi hujus Urbis Proceres, tot adhuc civium reliquias servatas; vobis, Clarissimi Academiæ patres, splendorem ejus & incrementum; vobis, nobilissimi ornatissimique Juvenes, adventum vestrum iterum gratulamur. Qui Vejos, ut ita dicam, abieratis, Romam reversi estis, Quirites. Parum abest, quin ita vos compellem, ut olim Furius Camillus Po-

pu-

pulum Romanum; Hic locum auspicato inauguratoque habemus conditum, hic Vestæ ignes, hic imperii pignus, quod passim videtis, Palladis simulachrum. Nec suffecerit hunc confluxum vestrum vobis nobisq; gratulari, nisi sit quod & studiis vestris & expectacioni possit respondere. Non hic vobis desunt illi, quorum curæ commissum est, ne quid Academia, ne quid studia vestra accipiant detrimenti. Non illi, quorum verba quotidie hauritis, & vultus præsentēs hic spectatis. Nec ego vobis dcero, si deesse vobis possit, qui forsā parum prodest. Nemo certe mea bene de vobis merendi vota & desideria superabit. Desit mihi, quod par est, ingenium, desint illa doctrinæ præsidia, quæ requiruntur, meus pro vobis vestrisque adeo commodis animus aut par omnibus est, aut major. Proinde & publica auctoritate, & bonarum amore litterarum, & præfentiâ vestra ac benevolentia excitatus, audeo vos hodie provocare ad

pulcherrimum certamen. quod si vobis
 persuaderi non poterit, non meæ erit,
 sed vestrę infelicitatis. Sin vero haud ab-
 nuetis, non tam laudanti mihi, quam
 vobis credentibus debebitis gratulari. I-
 taque iterum vos provoco ad pulcherri-
 mum certamen: illud veræ & masculæ
 Eloquentiæ Romanæ, cujus nomen
 affectant plurimi, pauci gloriam asse-
 quuntur. Ad cujus robur & decus qui-
 dam artem conferunt, sed non naturam:
 quidam ab arte defecti, à natura non de-
 stituuntur. Natura tanquam principium
 artis est, ars tanquam consummatio na-
 turæ. Nam quod natura suppledat, ars
 amplectitur, & quod naturæ deest, sed
 à natura non deserta, facillime potest
 suppeditare. Quemadmodum solus
 hostem devincere non potest dux
 belli, nisi sit miles, qui bellum gerat;
 nec sufficit miles, nisi sit, qui militi
 præsit Imperator. Nemo itaque arti
 se credat, qui faventem naturam non
 habet; nemo naturæ, qui artem ig-
 norat. A natura omnibus datum est
 non

non tantum loqui, sed cum ratione. Nisi qui ex Trogloditarum forte gente sint, quos mutos natura edit; aut fatui, qui à ratione destituuntur. Nec tamen id sufficit, si quis bene loqui velit. Caja & Oppia sic loquuntur. Nemo loquutus est, nisi qui res dixit; nemo has dixit, nisi usus ratione; nemo ratione usus est, nisi qui eam rebus adæquavit. Quod nullus adsequi potest, nisi eâ arte instructus, quam in præsens commendamus. quam cum animo & Deo totum universum non constituere tantum, sed continere, magnus Plato existimabat. Cujus ego gravitati puerilem, quæ nunc est in multis, loquacitatem non annuero, plenam vanitatis & anilium prope deliramentorum. Multi enim, cum non caperent proprium excitatæ mentis, sublime illud dicendi genus, ad literarum notulas tantum, phrasas & periodos se contulere. Non secus atque pueri, qui cum magnarum quarumvis rerum pretia nesciant, pictos littoris

riodos se contulere. Non secus atque pueri, qui cum magnarum quarumvis rerum pretia nesciant, pictos littoris calculos legunt, iisque unice delectantur. Quid divinius, & proinde magis difficile, quam omnia nosse, ut non nesciatur illud, quod in oratione non debet ignorari? Vnde nascitur illa vis dicendi, quam persuasionem nominamus. Quid autem illa aliud, quam animum suum in alium transfundere, eumque gratissimâ omnium servitute sibi mancipare? Ita & nos alijs servimus, & alijs nobis. Nos alijs, dum nostros facimus; alijs nobis, dum nostri fiunt. Nam illa demum persuasio est, cum fit idem & qui loquitur, & qui audit; vera conjunctio animorum. Quid autem non efficit illa inter eos qui audiunt & loquuntur? Inflammandi sunt animi; in ignem accenduntur. Pungendi; in stimulos acuuntur. Hæc est illa mascula & cordata Eloquentia; cujus vim & robur, majestatem appellamus. Quemadmodum enim Principes terrarum.

tum hoc nomine ante alios excellunt, & majores subditis sunt, quibus sine illo essent pares; ita qui illam cum iudicio orationi commodavit, in aliorum animos regnum tenet, & in affectus principatum. Tollit quidquid infitum sinistræ opinionis, & quidquid vult, facillime persuadet. Quam dicendi virtutem petere debetis nō ex hodiernis aut heri natis; non ex coætaneis Euandri matris, sed ea temporum antiquitate, quā, expulsis verborum salebris, emendata est structura sermonis Romani; quā simul cum cæteris disciplinis Eloquentia floruit; quā tot præclaræ ingenia omnem dicendi vim exseruere; quā condita tot illustria monumenta, quorum ut quædam iniquitas temporum intercepit, ita plurima in exemplum posterorum duravere. Quod optimi sæculi instar quemadmodum sub Augusto consummatum, ita post optimum Principem Trajanum defecit. Cum sicut virtutis, ita ingenij intermisso certamine, simul cum Urbis

næ imperio disciplinæ cecidere ; cum denique pariter & sermonis & imperij majestas exuerentur. Ad priores illos eundum est, si & sapere & bene loqui vultis, Auditores. Ut de aliis nunc non dicam, inspicite modo qui tunc temporis conditi Annales. Aut in iis Eloquentia regnat, aut quid ea sit, penitus ignoro. Quomodo enim in iis se non exfereret, ubi in procinctu prælij stans miles non clypeo magis aut hasta, quam Imperatoris sui voce animatur? Ubi Dux belli primo suos, mox hostem vincit. Suos, dum suos facit; dum expellit, si quis intraverit, metum; dum tollit si quæ exortæ seditiones; dum damnata inertiae dulcedine ad laborem omnes indurat. Proinde si ad Historicorum etiam Orationes & Eloquentiam studium vestrum conferre volueritis, operæ pretium facturi estis. Nunquam me dati, nunquam vos accepti hujus consilij penitebit. Non quod scriptorum cæteros negligi velim, sed quod in his mascula illa ac nervosa vis dicendi vel imprimis dominetur.

Cri-

Crispum Sallustium quis nescit? Quem non afficerent illa perditissimi Catilinæ verba, quibus suos adversus Rempubl. concitavit? Si illo sæculo vixissetis, Auditores, si in abdita ædium parte Catilinam verba sua audivissetis tonantem, forte adegisset vos quoque ad scelus, & cum cæteris conjurassetis in Rempubl. Romanam. Non quod vobis præceptum sit in flagitium animus, sed verba scelus etiam nolenti & optimo cuique nonnunquam persuadent. Ut non minus noxia est Eloquentia, cum ad res malas confertur. Quid dicam illud robur in dicendo Porcij Catōnis, quid verba & vim Marij, quid denique claram illam polentemque Menmij facundiam? Nec minus Titi illius Patavini in fingenda oratione masculinum & sublime est ingenium. Cui quemadmodum cunas & utramque Fortunam æternæ urbis, ita debemus facundiam Romanam. Quam pauca dixit Romulus pater, cum Iovi Statori ædem voveret, quam tamen movet omnia, concutit, percellit? Diceres

mutam faciem rerum ; diceret non hominem, sed Deum loqui ; diceret jam cælo in auxiliū descendisse Iovem quem compellabat ; diceret non fugisse milites Romanos, & pulsos Sabinos, qui urbis visceribus adhuc imminebant. Nec illa silentio operienda, quæ apud quendam Quintum Rufum loquuntur Alexander & Scytharum legati? Cornelius Tacitus, ut solus arcana & artes Principum altissimè indagavit, ita huic etiam gloriæ adeo industriam omnem ingenij impendit, ut non tantum priorum facundiam, sed posterorum omnium supergressus sit imitationem. Hos præceptores, hæc exempla apud vos laudo, Auditores. Itaque in hanc scholam omnis & sapientiæ & eloquentiæ meum posthac ite. Ad aliam si vos confertis, itis quo non eundum ; imo, unde necessitatio sit redeundum. Frustra autem negligimus quæ discenda, & discimus quæ dediscenda, nec nisi sero quid discendum sit exploramus. Quæ discenda mihi imperat inveterata jam sæculi nostri labes. Ineptiæ quædam sunt, quæ

quæ altas jam radices in multorum animis egere; quæ si ulterius grassentur: quid aliud quam extrema litterarum proxime expectamus? De ijs loquor, quibus jam fordet ac vilis est in struenda oratione imitatio antiquorum. Negligentes majorum posterum, qui aut contemnunt dicendi artem, aut, quam sibi fingunt, tantum æmulantur. Homines novi, qui cum disertos se putant, inania tantum cymbala sunt, muti & elingues. Nec aliter sentiendum de illis, qui nimii antiquitatis æstimatores, antiquitatem ex judicio antiquitatis non distinguunt. Qui vocabula abrogata, obsoleta, corrupta, ne quidem sibi ipsis satis perspecta, sibi tantum placet & sui admiratores, non oblata tantum, sed studiose conquisita solent usurpare. Profecto vetulae nostrorum temporum, quæ rugas & os distortum malunt, quam plenum vigoris ac succi vultum. Muti simul & loquentes, dum loquuntur quemadmodum non est loquendum. Si meliora ignorent, admodum sunt infelices; si noverint, nec uti velint, misere ambitiosi; si

no-

norint, nec uti possint, fatui & inepti. Quis glandibus uti velit, postquam segetes inventæ? Quis aquæ haustum dulcis vini cantharo præponat? Abeant igitur præposterii illi mortales, qui tanquam Romana effundunt, quæ damnata tandē à Romanis; quibus ne quidem uti jam vellent, quos sequuntur. Indigni qui hoc sæculo nascerentur; digni qui sub Evandro producti essent & defuncti. Nec minus inepti sunt ac nocent, qui in dicendo ætates confundunt. Vt nihil dicam de Asiatico quorundam tumore, qui non rerum, sed verborum causa loqui videntur; cum tamen verba inventa sint in gratiam rerum, non res in gratiam verborum. Quod vitium fuit cadentis & linguæ & imperij Romani, cum in frivola & inani vocum affectatione petulantia ingenij se exerceret. Stolidum est phaleris & calamistris orationis aures quidem, sed non animos intrare. Vis ejus potissimum in id exferere se debet, quod rationem appellamus. Nihil autem rationem movet, nisi quod ratio-

tio-

tionis est, & ad quod ratio adtendit. Quin potius ita dicendum est ut plus intelligant qui audiunt, quam dicant qui loquuntur. Non temere omnia effundenda, quod fuitiles solent, sed aliquid relinquendū animo adtendentis est. Nec intra hanc metam consistit infania nostræ ætatis. Sunt qui inter dicendum projiciunt ampullas Poetarum, sine quorum operoso comitatu nihil se dixisse arbitrantur. Sed cum omnia dixisse se putant, nihil dixere. Digni qui non loquantur unquam, sed cānant. Ita subinde carmen audias, cum exspectas orationem. Alii non conjungunt partes orationis, sed divellunt. Haud dubie & incipere se & concludere illi nescirent, nisi ad oram & exordium & conclusionem, tanquam pulcherrimum facinus, annotarent. Ridiculi mortales, qui cum usum nobilissimæ artis exhibere deberent, in ejus rudimentis adhuc versantur. Artis est ita componere structuram orationis, ut non interrupta serie omnia quasi ex se mutuo nasci videantur. Vt architectus
non

non tantum lapidem lapidi addit , sed
 conglutinat & conjungit. Sed quomodo
 artem tegerent , qui eam vel ignorant,
 vel contemunt ? qui tanquam pueri apud
 viros loquuntur ; & pueri sunt , cum viri
 esse deberent. Pestis sæculi est , quam
 damnamus. quæ si unum tantum aut
 alterum afflasset , facile esset morbo
 mederi. Sed enim contagio hæc plu-
 res affecit. Illos potissimum , qui futi-
 lium dictatores , incautæ juventutis ad
 ineptias sunt pædagogi. Fungi meri ,
 qui omnia contemnuunt , quæ non di-
 dicere. Ex quorum arbitrio si res ge-
 reretur , actum esset de majestate littera-
 rum. Quod nec inscitia eorum effece-
 rit , nec siverint illi , quos & ingenii , &
 judicii , & doctrinæ magnitudo , quam-
 quam admodum paucos , nostrâ æta-
 te adhuc commendat. Veniam pe-
 to , Auditores , & ignosci hoc ipsum ,
 quod queror. Tenet me illorum modi-
 um , qui docere non possunt , quæ non
 dedicere , & tamen didicisse debe-
 bant ; qui quæ nesciunt , & tamen
 ig-

ignorari non debent, suos etiam nescire pro gloria sua arbitrantur. Non sum in hac bonę mentis Republ. Dictator, nec tanquam Prętor accepit juris dicundi potestatem; sed si mea hic suffragia valerent, inficetis istis mortalibus non aqua aut igni, sed usu litterarum interdiceretur. Videtis, Nobilissimi juvenes, quantum sit didicisse, quod dedisci non debet. De imitatione antiquorum iterum loquor. quorum genium tam pauci habent exploratum. Qui illis se dedit, ceteros contemnet. In solis illis invenire est & vim, & decus, & genium, & machinas omnes Eloquentię Romanę. Quibus quidvis expugnatur; inditur affectus aut extorquetur. Quibus tot contumaces animę, tot regna, tot principes cessere. Quibus quis se sibi & aliis submittit. Quibus ipsa rerum natura cederet, si posset moveri. Ad hujus divinę & cęlestis Eloquentię privatum

tum ac publicum cultum vos nunc invito. Agite igitur, nobilissimi juvenes, ite quo vos vocat vestri amor; quo vos vocant parentum vota; quo vos Deus vester, cujus nonnulli aliquando futuri estis legati; quo vos patria, Principes, clientes vocant, qui vestra voce aliquando pro se dicturi sunt. Aut admodum fallor, aut jam videor mihi videre vestram ardorem; videor videre, quale olim apud Ararem & Rhodanum, Romanæ Eloquentiæ pulcherrimum certamē. Cui ex publica auctoritate signum nunc erigo; & concurrite quotquot vultis. Nec inglorium vobis sit hunc ducem sequi. qui infantiam suam hodie dissimulare non potuit, ut Romanæ Eloquentiæ majestatem commendaret; qui quod vobis dixit, ipse ante omnia sequi & exprimere laborabit; qui si non magni ingenii, certe ignaviæ non dabit exemplum; qui denique hoc corpusculum, quod perire indies sentit, hunc spiritum, labores omnes suos & vigilias, sive sequi eum sive prævenire vultis, vestra facit.

M A R-

MARCI ZUERILB OXHORNII

ALLOCVTIO

NUPTIALIS,

A D

Amplissimum & eruditissimum Virum,

GUILIELMUM

GOESIVM, I. C.

& Reipub. Leidenfis Senatorem,

S P O N S U M,

Cum domum duceret

*Nobilissimam & elegantissimam**Virginem,*

ELISABETHAM HEINSIAM,

Danielis Heinsii, Viri summi, filiam.

O R A T I O XI.

QVandoquidem, Guilielme Goesi,
 hodie in eorum castra & sacra-
 mentum transgressus es, quorum indu-
 stria,

movenda ejus commoda merito te nu-
 per admodum vocavit. Equidem e-
 jus interest, ne (quod haud siverit Deus)
 solitudinem in ea familia facias, quam
 ad gloriam temporum, & fastigium lit-
 terarum genitam, sui sanguinis poste-
 ros, & ad eadem exempla eductos,
 haud fas est desiderare. quæ quantum
 ad immortalem gloriam, & supra om-
 nium invidiam pridem profecit, ad tan-
 tam paucitatem redacta est, sive fato
 quodam rerum humanarum, sive quia
 rarissima sunt quæ præ cæteris excel-
 lunt, ut quam abunde habet in publi-
 ca omnium fama & tot meritorum
 magnitudine, virtuti etiam tuæ debe-
 re velit auctam æternitatem. Vides
 ergo, ut te excitent utrimque majores
 tui, neu suum in te exemplum de-
 siderari patiaris; & suam disciplinam,
 suaque instituta sequi velint. Spiri-
 tus jam tui ac vitæ unus hic fructus
 est, non tueri tantum eorum nomen,
 sed propagare. Quæ cum tanta tibi
 incumbant, aude profecto, & fac
 pe-

non statim adfunt eventus. Nec enim dubios & ancipites bellorum casus ignorare potes. Neque eodem tempore semper vincunt, à quibus eodem pugnatur. Sunt prælia, quæ dies una aut nox, sæpe horæ momentum, absolvunt; sunt in quibus dubitat fortuna, & quæ in longum trahuntur. Macedo ille, terror universi, qui non imperator tantum in castris esse voluit, sed maritus etiam & pater, & vix quidquam in felicitate jam summa desideravit, nisi quod gravidam potius reliquerit Rhoxanen, quam tanti imperii filium hæredem, sæpe nulla magnis impensis exsequutus est; & per clades aliquando ad victoriam profecit. Neque uno impetu Granicum amnem, aut Ciliciam cruore Persarum mox inundatam, aut Arbellam, cujus campi devictorum ossibus strati sunt, superavit. Idem tamen ex Asia in Europæ terminos momento unius horæ transivit. Qui exitus ut hanc quoq; expeditionem tuam maneat, gloriæ tuæ interesse puta. Interim vocaris
ad

ad singulare certamen. In quo si hostem videas, vix quidquam tibi metuendum est. Nec enim cum peltata Amazone congredieris; quæ Herculem olim & potentissimos principes ferro provocare ausa, quo arcum promptius expediret & tela, eam sibi ussit secuitque corporis mollissimam partem, à qua si destituta esset, quam tu invadis, etiam post felicem pugnam, nullum victoriæ pretium putares. Neque alia jam dicam, quæ prisca ætate adversum viros prodigiosa gessere. Equidem cum virgine tibi res est, cujus quam generosus animus, tam invalidum corpus est. Et, quod victoriæ fiduciam vel maxime tibi faciat, ex iis genita, quæ cum viris commissæ in his præliis semper succubuerunt. Explica omnem annalium fidem, & haud aliter rem gestam invenies. Neque id admodum mirari te velim. In ipso quippe æstu certaminis imprudentes cogitant de pace, & oscula oppugnantibus injiciunt ac amplexus. Consilium ipsæ vocant; saltim quia sic pugnant, vincunt.

cuntur. Nequē tu tamen ideo habebis hostem ut imbellem; aut incaute ages, gnarus fortiores sæpe esse, qui contem-
nuntur. Quæ in hac militia concurrunt cum viris, locum non mutant; aut cogi-
tant de fuga; vulnera excipiunt intrepidæ, & non nisi adverso corpore, quia ea honestissima sunt; &, post acceptam cladem, quotidie acriores insurgunt. Quæ, aut ego fallor, ingentis, &, si pateris masculi animi sunt argumenta. Neque tuam, mediusfidius, cui adsunt magnæ omnes, deficient eædem virtutes. quæ ne incautum te fallat, etiam atque etiam vide. In obscuro sunt ars & dolus; tantoq; magis est providendum. Quam hodie-
no die deditam tibi putas, mox se tibi opponet. Ducis nunc aut trahis ut captivam & in vincula conjectam, sed interim priorem fortunam respicit & libertatem. Militiæ ignara est, & armorum rudis, sed tamen pugnabit. Quo successu, tu videris. Et tyrones sæpe hæud inferiores exstiterē veteranis. Quæ, Hercule, hæud prædico, quo tibi subsidat animus; sed ut ante

Q

con-

conflictum idoneo provisu adversum
 imminencia te componas. Armatus ita-
 que intentusque sis, neque occasione
 tu desis. Equidem, velis, nolis, jam tibi
 pugnandum, & si quod magnum inter
 viros nomen queris, vincendum est. At
 vero quę hunc diem promissit, detre-
 ctabit mox certamen. Quæret latebras,
 ut ignava, & trepidantem jam, tuas-
 que pallentem manus, incingent co-
 mites, ut mos sexus est, armatę. Et ma-
 gno animo insurgent, nescię & liber-
 tatis tuę, & quantum virtutibus tuis
 debeatur. Hac ipsa luce adversum te
 plures, si nescis, conjurationem fecere.
 Tu interim, ubi feminarum imbelles a-
 gmen obsepierit, aditum tamen in-
 venies. Inter quas quantum clamoris &
 strepitus, quę vana sunt & non terrent
 viros, tam haud satis intentę excubię
 sunt, & nihil disciplinę. Earum tu vitia in
 gloriam tuam convertes, & per has,
 quę incomposite & inordinate obside-
 bunt portas, fortiter erumpes; & cum
 qua congregiendum est, trahes ad pro-
 mis-

missum certamen aut compelles. Enim vero vi iter faciendum est. Quod licet audax videri possit consilium, in rebus asperis tamen fortissima quæque consilia, tutissima sunt. Neque auxilium manu, quorum tibi cognita fides, heic uti, inconsultum putaverim. Post quæ, in ipso pugnae loco, aut prohibitis illis aut dimissis, solus rem geres. Non labores hic, aut discrimina, aut gloria cum quoquam communicanda sunt. Ipse tibi futurus & miles & imperator, signum pugnae dabis, & ubi videbitur, receptui canes. Nec interim de gloria despera. Quamquam obscurum prælium, non erit ignobilis pugna. Facies rerum tuarum testes ipse, & tandem dabis, quos non adduxeris. Nec eorum vagitus minus fidei, quam mox verba merebuntur. Quamvis solus discrimini te offeras, omnia pro te sunt, si recte putas. Locust & causa in primis. Equidem si majores nostri, (ad quorum exempla identidem te voco) cum principe gentium

populo acrius feliciusque congressi sint, insistentes iis campis, in quis Varus olim cæsus & tres legiones, quid non tibi animi futurum credam, super vestigia virilis gloriæ stanti? Sub eodem conopeo, & in stragulis, quales tuæ, virtutis tuæ nunc area & campus, & eadem in posterum tibi æstiva ac hyberna, ab omni retro ævo, profligata fere est omnis pertinacia fæminarum. Causa vero, ut mihi spei ipsius fiduciam, ita sanè animos tibi addat. Æquam æstimat numen & tuetur. Si in acie adversus confertum hostem stantes accenderit unquam liberorum & conjugum, quæ cuivis bono carissima sunt, si ve memoria, si ve aspectus, quomodo non ad certamine inflamment, & de ejus eventu optimam spem absolvant, tori tui ac pugnæ jam eadem consors, & tot suavissima pignora, quorum sola causa in præsens discrimen res tuas adduxisti? Magnus me profecto animus habet, futurum, ut hic dies, nisi nonstem tumalis, magnæ rei & pulcherri-
mæ

mæ tibi gloriæ initium sit. Tu modo ut cœperis, instandnm puta, & animum confirma constantibus exemplis. Nec te moveant lachrymæ aut gemitus prostratæ. quæ ut fæminarum propria sunt, ita viros non percellunt. Enimvero ubi pugnandum, misericordia melior aliis est, quam militi affectus. Plura hic sæpe peccamus cum demeremur, quam cum offendimus. Sed & demereberis tibi, quam hic offendes, & vinces. Est tibi enim, nisi me fallat animus, in hostilibus castris favor, sed in oeculto. Pro quo tamen, prima coitione, quæ acerrima est, odium tui, & indignatio, & dolor erumpent. Sed bono animo te esse & optima spe velim. Nullæ jactantius merent, quam quæ maxime lætantur. Intret gloriæ animus tuum, & tantæ prædæ cogitatio. In quâ non aurum & argentum aut margarita, quæ alibi & inter avaros pretia victoriæ sunt, æstima bis. Exuet hæc illa & seponet, ut virtutis & pugnæ impedimenta. Videsne interim opimum spoliū? In-

Q. 3.

vade

vade sedem gloriæ ejus & occupa ; ar-
 cem tanta hætenus fide & cura custo-
 ditæ , ac invictæ virginitatis. Non plus
 amittunt principes aut tradunt , cum
 caput rerum & majestatem aliis inviti
 transcribunt. Nam in hoc bello , si nes-
 cis , quidvis licet ; etiam quod jus gen-
 tium & disciplina in alia expeditione
 haud concedit ; avellere , nimirum , vir-
 ginem ab osculis parentum , & propin-
 quarum complexu , ac vim inferre. Non
 ignoro laudibus in cælum attolli mode-
 stiam P. Scipionis , qui captam virgi-
 nem , specie eximiam , eadem habuit ,
 qua apud parentes , verecundia , & Lu-
 ceio , adolescenti Celtiberorum princi-
 pi , reddidit inviolatam. Sed hanc tuam
 publicus consensus , & , quod majus
 est , ipsa ejus confessio jam fecit. Ita-
 que cave , ne temere magnum exem-
 plum imiteris. Nam , si quid mihi cre-
 dis , nullam ab his , quorum nunc
 excitatæ spes sunt , inibis gratiam , nec
 pro veteri gloria erit , si ad proximæ lucis
 exortum restituas aut commendes in-
 tactam.

tactam. Interea virtutem Scipionis in
 ipso certamine sequite velim. Neque an-
 gustiæ loci terreant, in quas includeris.
 Nequidquam desideras æquiores, ubi
 uno tantum saltu opus, neque à tergo
 circumvenire hostem necesse est. Neque
 alias pugnandi leges aut ego tibi di-
 ctam, aut tu sequaris, quam quas à ma-
 joribus tuis, fortissimis sanctissimis-
 que viris, accepisti. Non morabor im-
 petum tuum. Iam enim accinctus es,
 & classicum vocat ad certamen. Inte-
 rius discinctus, si quid judico, melius rem-
 geres. Pugnabis autem prostratus,
 & vices, cum jacebis. Vt enim nova
 pugnandi hic ratio est, ita vincendi,
 & similior victo est, qui vicit. Non eo
 inficias arcana hæc tibi videri; sed id
 tamen scito, has leges primos illos au-
 ctiores conservatoresque generis huma-
 ni posteris tradidisse. Quorum ope,
 labore, providentia factum est, quod au-
 ctum hoc gentis humanæ imperium, &
 multitudo hominum tam frequentem
 hanc Rempubl. hodie videamus. Ca-

tera inter honestos arcana sunt. Si vero quod ne fiat pro sapientia tua providebis, in primo vel altero congressu, dubitet aut iniqua tibi sit fortuna, scias defensionem esse locum, quæ non difficillima est apud haud ignaros humanarum necessitatum. Neque, medius fidius, id animum tuum dejiciat, aut ab instituto dimoveat. Populus Romanus cœptum pro Campania cum Samnitibus bellum, per centum annos, variante eventum fortuna, constanter tulit. Neque ideo minus reportata post victoria & virtus gentis celebrata est. Noctem hanc dies noctesque aliæ sequuntur. Tuum erit, semper stare in procinctu; aliquando ictum repetere; quævis captare tempora, sive meridies sit, sive ortus, sive occasus; non redimere vacationem muneris, quod proprium hic est & tantum tuum; denique, post annos sexdecim, ut veterani, non expectare missionem. Illam hæc pugna non concedit aut agnoscit. Tu autem, inter quosvis casus, hanc ætatem, hunc vigorem

rem tuum cogita. Quibus nisi jam utare, quantum annorum accedit, tantum roboris & virium perit. Nosti illam quiritantium Macedonum, & senio fatiscientium vocem; I A M T E L A H E R E T I A S V N T, I A M D E F I C I V N T A R M A. Ac proinde tu circuitu gloriam non petes, quæ ad manum posita est. Sed quid ego ardentem jam, & tanta meditantem, teneo potius quam compello? Procurre igitur in prælium, & totum te effunde. Deus tuus, cujus auspicio hæc geris, & virtus tua, de qua nihil expectatur mediocre, aut inferius gloria majorum, euntem te sequuntur. Castra partim aperta sunt. Si quid adhuc clausum est, reclude. Quid in te virium sit, hæc nox ostendet. Posteris modo cogita & majores. Tuos, in primis, & gentem totam Heinſiorum. cui in eruditi orbis regno, optimorum consensu, sceptrum jam & principatus deferuntur. Hi tuas intuentur manus; tuum ardorem, rerum, quas gesturus es, vadem prædemque habent. Et jam, Hercule, specta-
tare

Etare mihi videor, quæ nondum gessisti.
 Iam prostrata est, quam invadis. Iam
 rebellionis pertæsa, cum tuam in pu-
 gna, & post victoriam, comitatem &
 mansuetudinem sit experta, gaudet se
 esse debellatam. Dexteram iterum
 tibi dat ac fidem, & oscula & ample-
 xus repetuntur. Non jam hostem ap-
 pellat aut credit, sed amicum. Iam post
 rem strenue gestam securus, somnum
 in iisdem castris capis, in quibus pugna-
 sti. Quanquam non pax ista sit, sed
 armistitium. In quo cum utilitatis plus,
 ac momenti sit, nec pacem hic acci-
 pis, nec quæris. Nam multo tibi plus
 ex eo gloriæ, post deposita paulum
 arma, sæpius iterum pugnare & vin-
 cere, quam semel vincere, nec post pu-
 gnare. Nos vero, quanquam de civi-
 li aut domestico bello, amplissimum
 triumphum tibi decernemus. In quo tu,
 pompæ tuæ auctor ipse & caput, omni
 civitatis populo in spectaculum effuso
 captam nunc & oppugnatam & victam,
 ut vitæ ac omnis fortunæ sociam, & tuo,

rum

ruin matrem, atq; ex eâ imagines tui,
 præmittes aut post te trahes. Cum inter
 vota & lætissimas acclamationes, pro
 tuæ & Heinsianæ domus æternitate, ad
 orbitatem damnati à natura, cum steri-
 les, & infæcundæ matres, tuam tibi,
 quod felicitatis proprium est, invide-
 bunt fortunam. Denique ipsi etiam, quo-
 rum nondum reclusa ora, balbutientes
 parvuli, omni tamen exceptione & quo-
 vis publico monumento majores, testa-
 buntur virtutem tuam & commenda-
 bunt.

Q 6

MAR-

A L L O C U T I O

A D

Illustrissimum ac Generosissimum
D O M I N U M,

T H O M A M H O W A R D U M,

Comitum Suffolciæ Filium ac Fra-
trem, Ducisque Norfolciæ Pronepo-
tem, &c.

S P O N S V M;

Cum domum duceret

Nobilissimam eximiamque Virginem,

W A L B U R G I N à K E R C K H O V E,

Illustris Viri, I O H A N N I S à
K E R C K H O V E, Domini in Heen-
vliet, &c. Filiam;

S P O N S A M.

INter tot civilia ac funesta Europæ
prope omnis, Britanniaque etiam ve-
stræ

stræ bella, novum jam ac domesticum quoq; meditantem te, Thoma Houwarde, Heros illustrissime, ego etiam, quanquam gregariorum unus, convenire nunc audeo. Non, Hercule, eo animo ut accinctum jam te ab egregio incepto avocem; qui, post septem fere stipendia, in his castris, sive æstivis illis, sive hybernis, (nam ne in hybernis quidem militanti hic est otium) neque ignave, neque omnino infeliciter exacta, quamvis intestinum hoc bellum quovis externo pulchrius duco: sed ne audenti jam tibi, inter tot aliorum, qui magnitudini rerum, quas mox gesturus es, ac felicitati tuæ jam proludent, acclamationes, aut æquissimæ causæ tuæ, solus ego videar defuisse. Quid enim, quæso te, in eâ iniquum? Nulam tu quidem ejus, cum qua jam committendus es, innocentia habes rationem; at ipsa hostium integritas sanctitasque prima ac justissima ejusmodi præliorum causa semper fuit. Amoris nullam, quem debes, & ad quem solem-

ni

ni sacramento jam te obstrinxisti; sed amare hic ita ut non lædas, nihil aliud est, quam odisse. Nullam inferioris sexus; ceterum qui non ut alias ad expeditiones, ita etiam istas, in quibus vix manu res geritur, impar aut imbecillis est. Nullam denique tot hodie bellorum, quibus tot passim inducuntur orbitates; sed hoc tuo illorum mala avertuntur: Alio forte in campo, atque alia, cum videbitur, sed detestata matribus, sequutus signa, & innocentibus, & imbecilli sexu ac ætate, subjectis etiam ac prostratis, tu parces. Nullus quippe, si quid harum rerum ego intelligo, clementiæ sive tuæ, sive aliorum, hic usus est. Ceterum præter verba ac vota nihil ego ad te nunc adfero; non sane quod in militia eos probem, qui, quod tantum ignavorum est, dies rerum verbis terunt, sed quod alia nec tu desideres, nec ego offerre hic tibi vel possim vel debeam. Neque aut tua aut majorum tuorum virtus ac animi magnitudo, quæ etiam est tua, externa hic expectat,

etat, sive auxilia, cum in hoc maxime
 campo flagitiosa sint vestigia viri alieni;
 sive arma, cum præter acceptam à ma-
 joribus hastam, alia omnia, in primis quæ
 contra vim tegunt, ut clypeum vel
 parmam, vetustissima militiæ hujus ac
 sanctissima disciplina. pugnanti non
 concedat. Idem tu nunc & dux tibi e-
 ris & miles, & unus, ut sic dixerim,
 ac solus, pro multarum copiis legio-
 num. Quid enim aliud, quæso te, socii,
 vel auxilia, aut, si id mavis, commilito-
 nes hic sunt, quam hostes? De causæ
 autem tuæ æquitate multa apud te disse-
 rere, haud necesse est: qui, quod in pri-
 mis laudandum constat, ac tuum est, pro
 humani generis, & utriusque splendi-
 dissimæ domus, tuæ, ac Kerckhovio-
 rum, æternitate: vel de pugnæ modo;
 qui non cæsum, sed punctum rem hic ge-
 ri; & generosissimum quemque latebras
 in primis quærere; vel de loco; qui ap-
 tum huic prælio quemvis campum,
 stragula etiam & toros, esse didici-
 sti. Sed neque per majorum tuorum,
 quos

quos aut hæc ipsa Martis area cum regio Anglorum sanguine; aut & alia ac cruenta illa, cum maximi terroris copiis feliciter, nec semel, commissos olim vidit, facinora ac manes, cum inusitata virtutis eorum ac constantiæ ipse tibi monumentum sis, nunc compellandum te puto. Multo autem minus per tua, qui harum rerum licet rudis, nisi fallor, ac inexpertus, &, si pateris, adhuc tyro, tanto nunc fortius ac felicius, & ut integer, rem geres. Hostem vero, cui tu immines, contemnere, quod plerique solent, qui animos pugnaturo addunt, quid attinet? & quomodo aut curego te fallam? cum per tot sæcula, ac cruentatis tot campis, nobilissimis majoribus, & Belgis quidem, haud aliter ac Britanni olim, Romano formidatis, orta, prima hujus militiæ rudimenta apud te, nec tuæ tuorumve virtutis aut magnitudinis ignara, non degener, non invita, &, quod masculi ac majorum animi argumentum est, sola, & jam quidem Deus hominibusque coram, depo-

deponenda susceperit. Neque expugnatu facilis hæc arx est, hæctenus inaccessible; neque blandienti in ipso aditu hosti tu credas. Sic enim, nisi cautus es, te fallit. Restant tamen mihi auxiliatrices, si qua, ut sapientibus placet, horum sanctitati vis est, pro te votorum legiones; non quotidianorum & vulgi, & inter quæ, pacem tantum, & illæsa conjugia, & basiationes, & si quæ alia amantium sunt, complexa, Cajus ac Caja, multa proximorum acclamatione, committuntur; quæ à palæstra hac & pugna, quam nunc ingrederis, aliena sunt; sed illa inascula & Heroibus tantum intellecta ac probata, & in hujus prælii aditu, si quid audire jam vacat, audienda tibi; Vt, si quidem per res humanas id licet, cum cælo ac terra bellum hoc vobis duret; Vt inter totius, tot jam per annos, ac ubique gentium, concussi commotique orbis, maxime autem tot præliis cruentatæ, & jam fatifcentis Europæ, tot pro pace vota, tot consilia, tot legationes; nullum vobis armistitium sit, nullæ induciæ,

ducia, pax nulla, ut nullus denique horum, ad quæ accincti nunc estis, certaminum sit finis: Ut bellum ex bello, ac majus indies & pulchrius vobis nascatur: Ut in societatem ejus nemo alius conveniat; ut iidem vobis semper hostes sint & amici; Ut nihil oppugnantem, nihil, ne dispar conditio sit, oppugnatam in hoc conflictu tegat: Ut, si quidem per rerum humanarum ordinem id precari fas est, (& Hercle hic fas est,) utrique semper victoria, ac ejusdem usus maneat, & premium victoriæ ac decus, ovatio, non triumphus: Ut prælio uterque, nunquam bello, superiores sitis: Ut nulla interim dubia aut ambigua sit pugna: denique, ut post quodvis certamen multa vobis virtutis vestræ ac fidei, multa constantiæ, vulnerum etiam multa ac cladis supersint monumenta.

M A R C I

MARCI ZUERII BOXHORNII

ORATIO,

CUM

CORNELII TACITI

Interpretationem aggredetur.

O R A T I O. XIII.

Qui mandatae jam mihi Professionis initium à Cornelii Taciti interpretatione capio, Auditores, haudquaquam verendam mihi opinor, ne vel meae pro vobis sollicitudinis, vel etiam vestrae de me expectationis rationem satis vedear habuisse. Inspicienti enim mihi serio, quid in hac positus statione primum potissimumque, in tanta rerum olim gestarum non multitudine tantum, sed

populo acrius feliciusque congressi sint, insistentes iis campis, in quibus Varus olim cæsus & tres legiones, quid non tibi animi futurum credam, super vestigia virilis gloriæ stanti? Sub eodem conopeo, & in stragulis, quales tuæ, virtutis tuæ nunc area & campus, & eadem in posterum tibi æstiva ac hyberna, ab omni retro ævo, profligata fere est omnis pertinacia fæminarum. Causa vero, ut mihi spei ipsius fiduciam, ita sane animos tibi addat. Æquam æstimat numen & tuetur. Si in acie adversus confertum hostem stantes accenderit unquam liberorum & conjugum, quæ cuivis bono carissima sunt, si ve memoria, si ve aspectus, quomodo non ad certamine inflamment, & de ejus eventu optimam spem absolvant, tori tui ac pugnæ jam eadem consors, & tot suavissima pignora, quorum sola causa in præsens discrimen res tuas adduxisti? Magnus me profecto animus habet, futurum, ut hic dies, nisi notem tumalis, magnæ rei & pulcherri-
mæ

mæ tibi gloriæ initium sit. Tu modo ut cœperis, instandnm puta, & animum confirma constantibus exemplis. Nec te moveant lachrymæ aut gemitus prostratæ, quæ ut fæminarum propria sunt, ita viros non percellunt. Enimvero ubi pugnandum, misericordia melior aliis est, quam militi affectus. Plura hic sæpe peccamus cum demeremur, quam cum offendimus. Sed & demereberis tibi, quam hic offendes, & vinces. Est tibi enim, nisi me fallat animus, in hostilibus castris favor, sed in oeculto. Pro quo tamen, prima coitione, quæ acerrima est, odium tui, & indignatio, & dolor erumpent. Sed bono animo te esse & optima spe velim. Nullæ jactantius merent, quam quæ maxime lætantur. Intret gloriæ animus tuum, & tantæ prædæ cogitatio. In quâ non aurum & argentum aut margarita, quæ alibi & inter avaros pretia victoriæ sunt, æstima bis. Exuet hæc illa & seponet, ut virtutis & pugnæ impedimenta. Videsne interim opimum spoliū? In-

Q 3

vade

vade sedem gloriæ ejus & occupa; ar-
 cem tanta hætenus fide & cura custo-
 ditæ, ac invictæ virginitatis. Non plus
 amittunt principes aut tradunt, cum
 caput rerum & majestatem aliis inviti
 transcribunt. Nam in hoc bello, si nes-
 cis, quidvis licet; etiam quod jus gen-
 tium & disciplina in alia expeditione
 haud concedit; avellere, nimirum, vir-
 ginem ab osculis parentum, & propin-
 quarum complexu, ac vim inferre. Non
 ignoro laudibus in cælum attolli mode-
 stiam P. Scipionis, qui captam virgi-
 nem, specie eximiam, eadem habuit,
 qua apud parentes, verecundia, & Lu-
 ceio, adolescenti Celtiberorum princi-
 pi, reddidit inviolatam. Sed hanc tuam
 publicus consensus, &, quod majus
 est, ipsa ejus confessio jam fecit. Ita-
 que cave, ne temere magnū exem-
 plum imiteris. Nam, si quid mihi cre-
 dis, nullam ab his, quorum nunc
 excitatæ spes sunt, inibis gratiam, nec
 pro veteri gloria erit, si ad proximæ lucis
 exortum restituas aut commendes in-
 tactam.

tactam. Interea virtutem Scipionis in ipso certamine sequite velim. Neque angustiae loci terreant, in quas includeris. Nequidquam desideras æquiores, ubi uno tantum saltu opus, neque à tergo circumvenire hostem necesse est. Neque alias pugnandi leges aut ego tibi dictem, aut tu sequaris, quam quas à maioribus tuis, fortissimis sanctissimisque viris, accepisti. Non morabor impetum tuum. Iam enim accinctus es, & clasticum vocat ad certamen. Intermittis discinctus, si quid iudico, melius remiges. Pugnabis autem prostratus, & vinces, cum jacebis. Vt enim nova pugnandi hic ratio est, ita vincendi, & similior victo est, qui vicit. Non eo inficias arcana hæc tibi videri; sed id tamen scito, has leges primos illos auctores conservatoresque generis humani posteris tradidisse. Quorum ope, labore, providentia factum est, quod auctum hoc gentis humanæ imperium, & multitudine hominum tam frequentem hanc Rempubl. hodie videamus. Ca-

tera inter honestos arcana sunt. Si vero quod ne fiat pro sapientia tua providebis, in primo vel altero congressu, dubitet aut iniqua tibi sit fortuna, scias defensionem esse locum, quæ non difficillima est apud haud ignaros humanarum necessitatum. Neque, medius fidius, id animum tuum dejiciat, aut ab instituto dimoveat. Populus Romanus cœptum pro Campania cum Samnitibus bellum, per centum annos, variante eventum fortuna, constanter tulit. Neque ideo minus reportata post victoria & virtus gentis celebrata est. Noctem hanc dies noctesque aliæ sequuntur. Tuum erit, semper stare in procinctu; aliquando ictum repetere; quævis captare tempora, sive meridies sit, sive ortus, sive occasus; non redimere vacationem muneris, quod proprium hic est & tantum tuum; denique, post annos sexdecim, ut veterani, non expectare missionem. Illam hæc pugna non concedit aut agnoscit. Tu autem, inter quosvis casus, hanc ætatem, hunc vigorem

rem tuum cogita. Quibus nisi jam utare, quantum annorum accedit, tantum roboris & virium perit. Nosti illam quiritantium Macedonum, & senio fatifcentium vocem; I A M T E L A H E R E T I A S V N T, I A M D E F I C I V N T A R M A. Ac proinde tu circuitu gloriam non petes, quæ ad manum posita est. Sed quid ego ardentem jam, & tanta meditantem, teneo potius quam compello? Procurre igitur in prælium, & totum te effunde. Deus tuus, cujus auspicio hæc geris, & virtus tua, de qua nihil expectatur mediocre, aut inferius gloria majorum, euntem te sequuntur. Castra partim aperta sunt. Si quid adhuc clausum est, reclude. Quid in te virium sit, hæc nox ostendet. Posteris modo cogita & majores. Tuos, in primis, & gentem totam Heinſiorum. cui in eruditi orbis regno, optimorum consensu, sceptrum jam & principatus deferuntur. Hi tuas intuentur manus; tuum ardorem, rerum, quas gesturus es, vadem prædemque habent. Et jam, Hercule, spectare

Etare mihi videor, quæ nondum gessisti.
 Iam prostrata est, quam invadis. Iam
 rebellionis pertæsa, cum tuam in pu-
 gna, & post victoriam, comitatem &
 mansuetudinem sit experta, gaudet se
 esse debellatam. Dexteram iterum
 tibi dat ac fidem, & oscula & ample-
 xus repetuntur. Non jam hostem ap-
 pellat aut credit, sed amicum. Iam post
 rem strenue gestam securus, forum
 in iisdem castris capis, in quibus pugna-
 sti. Quanquam non pax ista sit, sed
 armistitium. In quo cum utilitatis plus,
 ac momenti sit, nec pacem hic acci-
 pis, nec quæris. Nam multo tibi plus
 ex eo gloriæ, post deposita paullum
 arma, sæpius iterum pugnare & vin-
 cere, quam semel vincere, nec post pu-
 gnare. Nos vero, quanquam de civi-
 li aut domestico bello, amplissimum
 triumphum tibi decernemus. In quo tu,
 pompæ tuæ auctor ipse & caput, omni
 civitatis populo in spectaculum effuso
 captam nunc & oppugnatam & victam,
 ut vitæ ac omnis fortunæ sociam, & tuo,

rum

ruin matrem, atq; ex eâ imagines tui,
 præmittes aut post te trahes. Cum inter
 vota & lætissimas acclamationes, pro
 tuæ & Heinsianæ domus æternitate, ad
 orbitatem damnati à natura, cum steri-
 les, & infæcundæ matres, tuam tibi,
 quod felicitatis proprium est, invide-
 bunt fortunam. Denique ipsi etiam, quo-
 rum nondum reclusa ora, balbutientes
 parvuli, omni tamen exceptione & quo-
 vis publico monumento majores, testa-
 buntur virtutem tuam & commenda-
 bunt.

Q 6

MAR-

stræ bella, novum jam ac domesticum quoq; meditantem te, Thoma Houwarde, Heros illustrissime, ego etiam, quanquam gregariorum unus, convenire nunc audeo. Non, Hercule, eo animo ut accinctum jam te ab egregio incepto avocem; qui, post septem fere stipendia, in his castris, sive æstivis illis, sive hybernis, (nam ne in hybernis quidem militanti hic est otium) neque ignave, neque omnino infeliciter exacta, quamvis intestinum hoc bellum quovis externo pulchrius duco: sed ne audenti jam tibi, inter tot aliorum, qui magnitudini rerum, quas mox gesturus es, ac felicitati tuæ jam proludent, acclamationes, aut æquissimæ causæ tuæ, solus ego videar defuisse. Quid enim, quæso te, in eâ iniquum? Nulam tu quidem ejus, cum qua jam committendus es, innocentiam habes rationem; at ipsa hostium integritas sanctitasque prima ac justissima ejusmodi præliorum causa semper fuit. Amoris nullam, quem debes, & ad quem solem-

ni

ni sacramento jam te obstrinxisti; sed amare hic ita ut non lædas, nihil aliud est, quam odisse. Nullam inferioris sexus; ceterum qui non ut alias ad expeditiones, ita etiam istas, in quibus vix manu res geritur, impar aut imbecillis est. Nullam denique tot hodie bellorum, quibus tot passim inducuntur orbitates; sed hoc tuo illorum mala avertuntur. Alio forte in campo, atque alia, cum videbitur, sed detestata matribus, sequutus signa, & innocentibus, & imbecilli sexu ac ætate, subjectis etiam ac prostratis, tu parces. Nullus quippe, si quid harum rerum ego intelligo, clementiæ sive tuæ, sive aliorum, hic usus est. Ceterum præter verba ac vota nihil ego ad te nunc adfero; non sane quod in militia eos probem, qui, quod tantum ignavorum est, dies rerum verbis terunt, sed quod alia nec tu desideres, nec ego offerre hic tibi vel possim vel debeam. Neque aut tua aut majorum tuorum virtus ac animi magnitudo, quæ etiam est tua, externa hic exspectat,

ctat, sive auxilia, cum in hoc maxime
 campo flagitiosa sint vestigia viri alieni;
 sive arma, cum præter acceptam à ma-
 joribus hastam, alia omnia, in primis quæ
 contra vim tegunt, ut clypeum vel
 parmam, vetustissima militiæ hujus ac
 sanctissima disciplina, pugnanti non
 concedat. Idem tu nunc & dux tibi e-
 ris & miles, & unus, ut sic dixerim,
 ac solus, pro multarum copiis legio-
 num. Quid enim aliud, quæso te, socii,
 vel auxilia, aut, si id mavis, commilito-
 nes hic sunt, quam hostes? De causæ
 autem tuæ æquitate multa apud te disse-
 rere, haud necesse est: qui, quod in pri-
 mis laudandum constat, ac tuum est, pro
 humani generis, & utriusque splendi-
 dissimæ domus, tuæ, ac Kerckhovio-
 rum, æternitate: vel de pugnæ modo;
 qui non cæsum, sed punctum rem hic ge-
 ri; & generosissimum quemque latebras
 in primis quærere; vel de loco; qui ap-
 tum huic prælio quemvis campum,
 stragula etiam & toros, esse didici-
 sti. Sed neque per majorum tuorum,
 quos

quos aut hæc ipsa Martis area cum regio Anglorum sanguine; aut & alia ac cruenta illa, cum maximi terroris copiis feliciter, nec semel, commissos olim vidit, facinora ac manes, cum inusitata virtutis eorum ac constantiæ ipse tibi monumentum sis, nunc compellandum te puto. Multo autem minus per tua, qui harum rerum licet rudis, nisi fallor, ac inexpertus, & si pateris, adhuc tyro, tanto nunc fortius ac felicius, & ut integer, rem geres. Hostem vero, cui tu immines, contemnere, quod plerique solent, qui animos pugnaturo addunt, quid attinet? & quomodo aut cur ego te fallam? cum per tot sæcula, ac cruentatis tot campis, nobilissimis majoribus, & Belgis quidem, haud aliter ac Britanni olim, Romano formidatis, orta, prima hujus militiæ rudimenta apud te, nec tuæ tuorumve virtutis aut magnitudinis ignara, non degener, non invita, & quod masculi ac majorum animi argumentum est, sola, & jam quidem Diis hominibusque coram,

depo-

deponenda suscepit. Neque expug-
 natu facilis hæc arx est, hæcenus inac-
 cessa; neque blandienti in ipso aditu ho-
 sti tu credas. Sic enim, nisi cautus es, te
 fallit. Restant tamen mihi auxiliatrices,
 si qua, ut sapientibus placet, horum san-
 ctitati vis est, pro te votorum legiones;
 non quotidianorum & vulgi, & inter
 quæ, pacem tantum, & illæsa conjugia,
 & basiationes, & si quæ alia amantium
 sunt, complexa, Cæsar ac Cæsar, multa
 proximorum acclamatione, commit-
 tuntur; quæ à palæstra hac & pugna,
 quam nunc ingrederis, aliena sunt; sed
 illa mascula & Heroibus tantum intelle-
 cta ac probata, & in hujus prælii aditu, si
 quid audire jam vacat, audienda tibi; Vt,
 si quidem per res humanas id licet, cu n
 cælo ac terra bellum hoc vobis duret;
 Vt inter totius, tot jam per annos, ac
 ubique gentium, concussi commotique
 orbis, maxime autem tot præliis cruen-
 tatæ, & jam fatifcentis Europæ, tot pro
 pace vota, tot consilia, tot legationes;
 nullum vobis armistitium sit, nullæ in-
 duciæ,

ducia, pax nulla, ut nullus denique horum, ad quæ accincti nunc estis, certaminum sit finis: Ut bellum ex bello, ac majus indies & pulchrius vobis nascatur: Ut in societatem ejus nemo alius conveniat; ut iidem vobis semper hostes sint & amici; Ut nihil oppugnantem, nihil, ne dispar conditio sit, oppugnatam in hoc conflictu tegat: Ut, si quidem per rerum humanarum ordinem id precari fas est, (& Hercle hic fas est,) utrique semper victoria, ac ejusdem usus maneat, & premium victoriæ ac decus, ovatio, non triumphus: Ut prælio uterque, nunquam bello, superiores sitis: Ut nulla interim dubia aut ambigua sit pugna: denique, ut post quodvis certamen multa vobis virtutis vestræ ac fidei, multa constantiæ, vulnerum etiam multa ac cladis supersint monumenta.

M A R C I

MARCI ZUERII BOXHORNII

ORATIO,

CUM

CORNELII TACITI

Interpretationem aggredietur.

O R A T I O. XIII.

Qui mandatae jam mihi Professionis initium à Cornelii Taciti interpretatione capio, Auditores, haudquaquam verendam mihi opinor, ne vel meae pro vobis sollicitudinis, vel etiam vestrae de me expectationis rationem satis vedear habuisse. Inspicienti enim mihi serio, quid in hac positus statione primum potissimumque, in tanta rerum olim gestarum non multitudine tantum, sed

hoc iudicio velim; sed quod, cum omnes laudanda fecerint, in singulis necessaria multa, & quæ huc faciunt omnia, præcipua certe, rerum gestarū olim quasi capita, non deprehenderim. Alii quippe res sacras tantum, profanas alii, sacris ignoratis aut neglectis; alii & has pariter & illas, quod profitentur, tradituri aut intra breves nimis gyros tot rerum & sæculorum ambitum circumscribunt, plerisque, & quorum desideratissima merito est memoria, exclusis; aut in iis toti, ac non cum tædio modo legentium, sed & damno, maiora sibi omnia pollicentium, prolixi sunt ac diffusi, quæ ad singulorum potius hominum, quod plerumque fit, aut singularum gentium, quam totius humani generis res, mutationes, casus ac exempla, attinere videntur. Equidem ita invenio, clades potius populorum singulares, ut illas Romanorum ad Cannas, Grecorum alibi celebratissimas, quam ea, ex quibus insignes natæ sunt imperiorum mutationes, & nonnuncquam
magis

magis privatam Socratis constantiam, quam Bruti in expellendis Romanorum regibus, quod tota ejus populi Rempub. mutavit, facinus passim facunde & ambitiose memorari. In singularum forte rebus nationum memoriæ posterorum offerendis excusandum id fuerit; at in præcipuis omnium, quæ causas everfusionum mutationumque celeberrimorum etiam imperiorum haud dubie complectuntur, narrandis, locum id nequaquam apud recto instructos judicio, & sic majora expectantes hic merito desiderantesque, habuerit. Nullum igitur idoneum, & justo omni apparatu instructum ducem, qui mihi vobisque in longo hoc & vastissimo opere, & tot sæculorum tractu, usui esse possit, hætenus ego non invenio. Quod non temere aut superbe ea quæ hætenus annalibus gentium libris prodita sunt, fastidientis, est judicium, sed seduli, si quidem id mihi per vestra de me, meisque.

que in vos studiis, judicia dicere nunc licet, ac diligentis in iis exquirendis, quæ & publicam & privatam vestram implere hic possint expectationem. In quo quidem dum sum ego, & in diversa anceps, ut fit, trahor; plane interim silendum non fuit, & saltem promendum aliquid, quod paratum cuivis ac obvium huc pertineret. Circumspicienti vero id, & Romanorum florentissimæ ac per tot passum totius terrarum orbis nationes, ac plurimæ sparsæ sæcula diffusæque res, earumque gravissimus & accuratissimus auctor CORNELIUS TACITUS, imprimis mihi offeruntur. Neque enim gens ulla suum latius olim exporrexit imperium, quam Romana, neque res ejus amplissimas, ut profecto sub primis illis Cæsaribus longe fuere amplissimæ, diligentius quisquam, aut majore iudicio ac fide, persequitur, quam ille: cujus Annalium & Historiarum

Historiarum libri talia tantaque, & eâ
 five gravitate scribendi, five majestate
 complectuntur, quæ summorum & in
 humanarum rerum usu subactorum ho-
 minum judiciis jam pridem persuadent,
 incomparabilem jacturam factam esse in
 iis, quæ ab eo cura fideque pari tradita,
 magnâ temporum injuriâ, periere. Ejus
 quippe ille Romanas res tempestatis
 memoravit, qua sub Augusto totus ter-
 rarum orbis, tanquam subditus victori
 & obnoxius, describebatur; qua Roma-
 num totus ille & in Oriente & in Occi-
 dente imperium dicebatur. Adeo ut
 qui ejus populi tunc facta legeret, quasi
 humani omnis generis, ut florentissimus
 auctor judicat, res pariter inspicere, ac
 circumire, & ediscere a veluti videretur.
 Quare & nihil excusandum hic mihi in-
 telligo, qui celebriorum omnium gen-
 tium facta traditurus vobis, unius qui-
 dem populi, sed illorum ejus temporum
 gesta reddo vobis ac repræfento, quibus
 terrarum Dea ac nationum omnium ca-
 put & princeps Roma, maria ubique om-
 nia,

nia & flumina, & gentes adeo omnes, vel victa armis & subdita, ac in Provinciarum formam redacta, vel amica & socia, vel religionē, reverentia, ac incusso metu possessa, id est, pene omnia unius populi Romani esse videbantur; quibus, post Galliam & Britanniam domitas, &, ut ipsi loquebantur, possessos prope ultimos naturæ rerum fines, Rhenum inter & Albim, nobilissimos Germanorum, & nostros adeo amnes, quanquam Germania superbe tunc potius à Romanis triumphatâ quam victâ, fasces, secures, & alia eorum dominationis insignia, ab iratis quidem ac invitis, & necdum fractis, sed perculsis tamen & reverenter à nonnullis spectabantur; quibus denique & Syria & Ægyptus, & totus pene fuctus regibus Oriens, servire Romanis, & Romanorum artibus corruptos, iisque obnoxios, petere supplices Româ Reges ac Principes dicebantur.

R Ni-

rumque tunc ab iis rerum memorię nunc
 superest, solis Romanorum, quę man-
 ferunt manebuntque, monumentis de-
 beatur. Quis, ut de aliis nunc non di-
 cam, neve extra Europę nostrę orbem
 hic excurram, Gallorum Britannorum-
 que sermonem, sacra, imperii formam
 ac leges, Druidas, disciplinam eorum,
 vim ac potestatem, Cenae, Soldurios,
 Gefatas, & publicorum privatorum-
 que morum alia prope infinita, nunc
 nosceret, nisi Romanorum commen-
 tariis diligenter inscripta hodieq; lege-
 rentur? Quis, nullam olim gentem
 fide fuisse ante Germanos? quis indo-
 lem ejus ac acre studium pro libertate,
 reges ejus ac principes, sed in quantum
 regnabantur, mores vetustissimos eorū,
 ritus ac vitam? quis indicta & quomodo
 publicis de rebus concilia, quis tot popu-
 lorum nomina, quę celebratissima olim,
 nunc vel obscura supersunt & pene igno-
 ta, vel plane intercidere? quis quę dome-
 stica eorum dissidia & bella, quę causę
 eorum & occasiones? quis Batavos, non

ignobilem neque despectam olim, hodieque florentissimam gentem, socios & amicos Populi Romani, & Augustorum corporum custodes, & in usum armorum, ut sagittas & tela, sepositos; quomodo Rhenus noster, & Vahalis & Mosa, & alii olim amnes fluxerint; situs tot, quæ prope infinitæ sunt, vetustissimarum nationum; quis posterorum, inquam, ea omnia, & alia, quæ alias ubique spectant gentes, hodie agnosceret, nisi in Augustæ sive Romanæ Historiæ tabulis notata passim hæc offerrentur? Constat jam, nisi ego quidem admodum fallar, & in Romanorum Historia, præsertim florentissimas & latissime sparsas diffusasque eorum res Cæsaribus imperantibus complexâ, celebratissimarum ubique gentium facta, licet non omnia, omnia tamen, quæ ex vetustissimorum nunc temporum memoria repetita cognosci hodie possunt, velut breviario quodam contineri, & idoneas

neas mihi magnasque, à CORNELIANIS illis amplissimis gravissimisque Annalibus imperatam Historiarum professionem nunc ordiendi, rationes non defuisse. Inspicienti enim mihi, & diligenter profecto inspicienti, tot nomina eorum ac monumenta, qui Romanas, ac cum iis aliarum etiam nationum, res pari & fide & cura olim prodidere, desiderandi plurimi, pauci, ex quibus eligerem, fuisse. Quippe, siue id factum negligentia posterorum sit, siue immensa prope eorum copia, qui cadentis extinctive, & in alios non in Oriente modo sed & Occidente translati Romanorum imperii res composuere; siue, vacillante Romana potentia & collapsa, odio in celebratissimam olim, sed gravem magnitudine sua & plerisque invisam, gentem; siue fatali invec̃ta à Gothis rebus omnibus ac studiis injuria; ex pluribus paucissimi hodie supersunt Romanarum rerum Scriptores. Quæ

de incomparabili adeo jactura identidem cogitantem me non dolere ratum, sed admodum mirari subjicit, quare perire sibi ea ac posteris suis homines siverint, quæ nulla deinceps reddenda ope vel industria, perpetua sequentium sæculorum, & justissima, sed jam vana, desideria erant futura. Cæterum defleri hæc mala jam apud vos à nobis possunt, non corrigi. Quæ vero ex incendio velut rapta hujus generis monumenta & sic conservata sunt, partim lacera, in quibus, ut de aliis nunc non dicam, quanquam dicenda restent etiamnum plurima, Sallustii illa & Livii, maximorum auctorum, præcipue numeramus; partim integra quidem, sed compendio à brevitatis potius quam rei ipsius, quæ amplissima tradi debuit, studiosis corrupta, jam nobis offeruntur. Itaque ad Tacitum flectenda nobis judicii ratio nunc fuit; in cujus monumentis, licet multum quoque iis iniquitas temporum detraxerit, quanquam ut immortalia omnia essent ac æterna meritis, res

Ro-

Romanorum amplissimæ, & per totum diffusæ terrarum orbem, inter ipsa Monarchiæ Cæsarum initia, leguntur. Neque prætermittendus ille nunc nobis vel ideo maxime videbatur, quia Historicorum solus ipsa rerum narratione quis eorum, quæ olim gesta sunt inter homines, usus sit, ostendit. Quod ego quidem tanto pluris faciendum censeo quanto plures inveniuntur, qui facta olim legunt diligentius aut tradunt, quam expendunt; narrant potius, quam judicant, deniq; ex scriptura Annalium plus voluptatis hauriunt, quam utilitatis. Haud aliter profecto quam anus, quibus ad colum sedentibus ante facta, & comperta sibi, narrare nihil aliud est, quam tempus fallere & otiosi. Hic & narrat pariter & judicat, nihilq; majoris rei promit sine interioris aut Principis, aut Senatus, aut populi, aut sapientum; id est, suæ, ejusque severæ & gravissimæ sententiæ comitatu. Alios plerosque præterita tradentes qui legunt, in foro quasi tantum, & compitis aut trivio, & apud vulgus, quod eventa

feret tantum notat & intelligit; qui vero hunc, in ipso Senatu, in Sacrario ipsorum Cæsarum, inter consilia ipsa, quantumvis abdita aut abstrusa, versari, atque adeo ipsa regnatricis domus, & principis, & imperii, & dominationis, ut passim ipse loquitur, arcana penitus introspicere sibi videntur. Neque hæc ejus judicia temeritatis quicquam arguerit, (ut alia pædagogorum & umbraticorum hominum pleraque, qui ad ea tantum admissi, quæ audit quisque ac videt, de abditis & ignotis tanquam compertis, & velut interioris apud rerum principes admissionis, pronunciant; cum & ex præcipuis ipse, & summis dignitatibus functus, hujus etiam Belgicæ nostræ Procurator, ac maximi Consulis gener, & ad scrinia scripturasque ipsorum Cæsarum, ut passim indicat ipse, admissus, recondita quæque & clausa aliis, penitus habuerit explorata. Accedebant ad scribentis felicitatem libertatemque depulsa servituis, & infesta

sta, sub Domitiano inprimis, virtutibus tempora; quibus, ut graviter ipse loquitur, cum Aruleno Rustico Poetus Thrasea, Herennio Senecioni Priscus Helvidius laudati essent, capitale fuit; neque in ipsos modo auctores, sed in libros quoque eorum sævitum, delegato Triumviris ministerio, ut monumenta clarissimorum ingeniorum in Comitio ac foro urerentur. Scilicet illo igne vocem Populi Romani & libertatem Senatus, & conscientiam generis humani aboleri posse arbitrabantur, expulsis insuper sapientiæ professoribus, atque omni bona arte in exilium actâ: quibus datum fuit grande patientiæ documentum, cum per inquisitiones loquendi etiam audiendiq; commercia tollerentur. At rediit illustribus ingeniis, Tacito inprimis, animus primo statim beatissimi sæculi exortu, quo & Nerva Cæsar res olim dissociabiles junxit, principatum & libertatem; augebatque cottidie felicitatem imperiû Nerva Trajanus; nec spem modo ac vetum

securitas publica, sed ipsius voti fiduciam ac robur tunc assumserat. Adeo ut compositis ab eo gestarum passim rerum monumentis tantum fidei tribuendum sit, quantum florenti sub Nerva & Traiano fuit libertatis. Plerique quippe alii, quibus res suorum proximorumve temporum proditæ sunt, aut odio aut amore corrupti, nihil nisi mendacia vulgare. Cæterum nequicquam in ejus laudatione ego me occupo, pro quo maximorum hodie omnium, etiam subactorum in Re-
pub. hominum judicia contendunt; & cujus scripturæ pondus ac magnitudo inspicienti statim ac ubique se commendat. Neque tamen obiter mihi vobisve inspiciendus ille est, Auditores, qui quamquam in magnarum rerum narratione quæ momenti alicujus sunt promat omnia, plura tamē tegit & recondit, quæ serio tantum legenti aperiuntur. Neque enim lectione tantum, sed memoria, sed judicio, & summa attentione est opus; sed & incredibili quadam sagacitate, ut euenta cum originibus suis & causis,

&

& quasi cunabulis, quæ diligenter & summa judicii gravitate ab eo explicata sunt, continuo contendamus; ut in partibus, quomodo vir hujus sæculi clarissimus recte alibi judicat & loquitur, totius usum negotii; ut ipsas inter se pariter & cum re tota pervideamus; ut denique rerum in speciem & primo adspectu minimarum non exigua aut contemnenda momenta, in ipsa sæpe dictione ac stylo, penetremus. Cum enim arcanam neque vulgo obviam ubique prudentiam contineat, profecto non admirabile minus est & arcanum, & inusitatum aliis, abdita quæque & recondita exprimendi genus. Adeo nihil in omni ejus sermone est, quantumvis conciso ac brevi, quod non maximæ observandæque in primis rei vim habeat ac significationem. In quo cum asperitatem quædam aut infuetam speciem habere videantur, nihil majestati tamen, quam dicendo magnitudini rerum adæquat, officiant, sed robur ejus omne perficiunt ac absol-

vunt. Equidem ita invenio, qua quantâque cura & sollicitudine dictæ in curia gravissimis de rebus sententiæ, facta Senatus consulta, conditæ leges, cœpta bella aut finita, administratæ provinciæ, expositæ & exceptæ, vel auditæ splendidissimæ legationes, structæ clam insidiæ & doli, tantâ accuratissimum auctorem singula legentibus exhibuisse; plane ut omnis ejus oratio, quæ & narrat simul, & judicat, & præcipit; & vetat, ac factorum usum ab eorumdem notitia ac cognitione nunquam seiungit, rerum quas tradit, & abditorum quæ prodit consiliorum, perfectissima apertaue imago mihi quidem esse videatur. Meum igitur erit, nobilissimi & lectissimi Juvenes, tanti auctoris opes, quas & promit ita ut recondat, & sic recondit ut promat, posthac recludere, eâ industria, diligentia, ac fide, ut non quæcunque quidem ego debeo, sed possum, audeam vobis polliceri. Vestrum autem, de quibus sum-

ma.

ma omnia, his præsertim, quæ difficillima & impedita admodum sunt, temporibus, patria cujusque promittit sibi ac exspectat, ea ex gravissimo auctore legere posthac sive præcepta sive exempla, quæ in humanarum divinarumque rerum tractatione cuivis sunt profutura.

MARCI

MARCI ZUERII
 BOXHORNII
 ORATIO,
 CUM
 PANEGYRICI
 PLINIANI

*Interpretationem, post morbum
 gravissimum, aggredieretur.*

ORATIO XIV.

TANDEM ego me sisto hic
 vobis, Auditores; si quidem
 animum videatis, alacrem il-
 lum satis & expeditum, at si
 corpusculum hoc, debile adhuc & ex-
 angue, & vocem, si unquam, nunc max-
 ime trepidantem, & poplites ægre mem-
 bra sustinentes; quasi militem prompto
 quidem, sed tamen impedito adhuc gra-
 du

du redeuntem ad signa post gravissimum conflictum, & accepta multa vulnera, quibus nondum satis obductæ sunt cicatrices. Sive ea ultimi prope morbi adhuc supersint mihi vestigia, sive id faciat ipsa hujus religio loci, sive eorum, apud quos non nisi eximia omnia dicenda sunt, hominum adspectus, sive excitata hodie in vobis, nobilissimi Juvenes, magna de me expectatio, quemadmodum ex hoc loco non nisi magna ex aliis clarissimis disertissimisque viris, collegis meis, refertis, sive quod post tam longum silentium nova mihi & velut prima sit hæc cura, sive denique hæc simul omnia nunc concurrant. Ego quidem sane, quanquam nondum exactæ mihi essent illæ castræfibus Romanorū legibus præscriptæ tot duræ hyemes, tot exercitæ æstates, non jam annis, sed atrocissimo morbo velut fractus, tanquam veteranorum unus, à summo imperatore proxime expectaveram missionem; id est præmium qualiscunque hæctenus curæ & laboris, ejusdem finem, & destinatas ei beatorum sedes

& ad quas , longe profecto aliter atque in reliqua omni militia, non nisi deposito hoc corpusculo , velut viæ impedimento, commode transitur. Neque degener profecto , aut invitus ; qui, cum quaque per res humanas circumferrem oculos , observarem in exitium suum passim conversum terrarum orbem , ac armatum ; delitias ejus paullo ante & florentissimam Europam fœdissimis bellorum , inprimis civilium , tempestatibus concussam, fractam, stupratam passim & prope enectam, ingemiscentem cladibus funeribusque suorum tanquam odisset, augmentem vero illa , & bella ex bellis & iniurias ex iniuriis trahentem , tanquam mala sua amaret ; inter tot pro pace consilia Principum & legationes, tot supplicationes privatorum & vota , non nisi certamina tanquam in acie & campo , aut specioso nomine velatas insidias , ipsis bellorum tempestatibus nocentiores ; in ingeniorum autem, de quo nobis hic maxi-
me

me dicendum est, & sapientiæ hoc regno, ipsum inscitæ eumque longe amplissimum principatum; dum pleraque abdita adhuc sunt, quæ sive stolidam quadam ambitione, sive potius inscitæ nostræ ignorantia ac delinimentis, & ab aliis libenter accipimus, & ipsi nobis fingimus, & superbe jactamus, ac aliis quoque tradimus, velut aperta & reclusa; dum aliorum ignorantia, ignari ipsi, humanitatis inprimis, petulanter insultamus; dum denique maxima pars eorum quæ scimus, (si quid forte hic sciri posse, dicendum sit) sapientissimorum etiam non tantum confessione, sed exemplo quoque, minima est eorum, quæ ignoramus. Hæc accurate circumspicienti tunc mihi, (ac vero tunc maxime & vacabat & necesse erat circumspicere,) nihil ad felicitatem deesse mihi visum est, nisi ut reliquis omnibus curis depositis ac despectis, Cimmerio hoc orbe, & densissimis in hac quam putamus luce tenebris relictis, acriter acriterque ad eas sedes in-

invadendas me accingerem, quæ ita ingenia nostra ac judicia perficiunt & absolvunt, ut ex iis demum inspicere & agnoscere detur humanarum rerum ludibria, earum etiam quas hic tantopere colimus & laudamus. At vero singulari & abdito judicio Dei immortalis, quod proinde sanctissime me imprimis agnoscere & revereri hic fas est, dum ex hoc carcere & vinculis præsentem quasi video, ac velut porrigentem jam mihi manus amplecti ipse paro, plenissimam ac coelestissimam libertatem, ecce, præter spes omnes meas ac aliorum expectationem, iterum quasi adscribor glebæ, & redire jubeor ad signa, & tarde quidem, ut post tot vulnera, & tam grave certamen, tandem tamen hodie deferor ad pristinam stationem. Non est autem, ornatissimi Auditores, quod hujus tam longi sive otii sive silentii rationes alias a me expectetis. Quippe silentium quidem illud, sed non otium fuit, aut ego saltem nescio quæ sint omnium gravissimæ

firmæ occupationes. Mihi quidem profecto illæ esse videntur, quæ reliquas omnes perficiunt & absolvunt; quæ omnium sunt finis; & ex quibus de omnibus judicatur & ab eo quidem, qui sanctissimus est iudex, qui omnium est gnarus & penetrat omnia, & apud quem nequicquam etiam quæ tecta sunt tegas; cujus res judicatae sunt primi propagatores generis humani, innocentes nati, ob noxam etiam in posteris damnati;mersus diluvio terrarum orbis; confusa ingenia nationum omnium ac ora; lapsi cœlo ignes, quibus gentes totæ & imperia extincta, peccatissimorum principum fractæ res, denique totus terrarum orbis in omnibus, in his etiam quæ maxima & amplissima vel jactat vel habet, damnas ac miser, & infinita alia, cuivis ac ubique obvia, severissimi nec subterfugendi iudicii ejus monumenta. Has, quæ & habuere tunc me, & adhuc habent, curas tanto lubentius apud vos nunc repeto, quia proxime experiundo

do didici , immortalitatis , in morbo præsertim, meminisse, revera esse in morbo bene valere ; non meminisse autem, etiamsi cætera valeatis bene, nihil esse aliud quam graviter ægrota-
re. Sed ex aliis potius , quam ex me , hoc præsertim tempore & loco ; hujus sapientiæ , quæ profecto est omnium prima & ad summam felicitatem sola sufficit , præcepta expectatis. Et sane id jam tandem mihi agendum intelligo , ut illi vestro ex me desiderio satisfaciam, cujus explendi causa tam frequentes nunc convenistis ; si modo explere illud ego possim , qui magna neque promittere possum, neque præstare ; nisi forte magna vobis sint singularis in vos amor ac fides , & ad omnia, quæ hujus imprimis ordinis sunt , officia defutura nunquam promptitudo ; in quibus maximis quibusque , aut iis quos vos merito maximi facitis , non concedo. Equidem ex quo ad ornandam hanc Spartam sum vocatus , in
id

id unice & constanter incumbendum mihi iudicavi, ut admodum adolescens virum me vobis hoc loco probarem; propecta vero jam hac ætate, velut adhuc adolescens, & unus ex vobis, ac ut commilito vester, contubernalis aut socius, parem mihi vobiscum ostenderẽ discendi adhuc conditionem; ac eâ quidem, quam jam pridem mihi ipse ego indixi, lege, ut qualiumcumque studiorum meorum usus fructusque ad vos potissimum rediret; ut non tam hanc sedem, quam expectationem vestram, & spes patrum, ac uniuscujusque patriæ, de vobis conceptas explem; ut denique, quæ præcipua nostra est & honestissima ambitio, non adversis vel vestris, vel vestrorum de me judiciis uti liceret. Atque hujus quidem destinationis meæ conscientiam dum identidem interrogo, plurimum quidem ingenii mihi & doctrinæ, nihil tamen curæ vel fidei hætenus defuisse intelligo, præsertim in iis ex antiquorum laudatissimis monumentis in-

du-

dustriæ vestræ offerendis , ex quibus
 non ad sapientiam tantum , sed & e-
 loquentiam civilem recta itur. Ne-
 que enim nunc dicam de ea jucundi-
 tate , quæ ex iis innoxia & omnium
 maxima capitur , dum reddimus sic
 nobis tempora jam pridem elapsa ; no-
 bis cum agunt & loquuntur , qui olim
 excessere , aliorum discrimina , felicitatem
 aliorum tuti , nec invidi , contem-
 plamur ; denique qui non tam morta-
 les sumus , quam quasi in diem hic vi-
 vimus , omnem priorum sæculorum am-
 bitum longe lateque invadimus ac pe-
 netramus ; haud aliter profecto ac nati
 & florentes iis temporibus , quibus non
 viximus , & domestici aut familiares
 & intimi eorum , qui jam pridem ex-
 cessere . Si enim sola ista , nec in alium
 quam amenitatis usum , in scriptis anti-
 quorum se nobis darent , neque præ cæ-
 teris eos extollerem , qui in Repub. e-
 tiam partem curarum cum iis partiun-
 tur , neque admodum eos ex adverso
 reprehenderem , qui , nescio quibus a-
 liis

liis dediti aut innutriti, ut alia omnia pulcherrimarum artium egregia, ita hæc quoque aspernantur. Cæterum sunt in iis haud dubie & latent, ac cum curâ inspicientibus statim & continuo offerunt sese, quæ qui solo antiquitatis titulo aut amænitatis proscribunt non tantum, sed etiam contemnunt, ignorant profecto & potissima istius curæ moimenta, & vim earum artium ac robur, quæ ut ad alia, ita Reipub. inprimis administrationem quovis tempore in magnum rerum usum rectissime conferuntur. Adeo quidem, ut sicut incusanda forsan videri possit natura rerum, quæ, noverca potius quam mater, intra vivendi arctissima spatia inclusis nobis in iis, qui nascuntur hodie (sicut ad deteriora magis magisque indies deflectimus) offert sæpius majorum vitia, quam virtutes; ita veterum monumentis maxima omnia debeamus, in quibus, velut certissima & nullis jam temporum aut hominum iniuriis expugnandâ arce æternitatis ac sede, non aliter ac lapsa quædam cælo
 anci-

ancilia, earum rerum virtutumque exempla custodiuntur, quæ quam fere ple-
rumque superant, tam invitant ac im-
pellunt posterorum omnium, si quidem recte sentiant & degeneres esse nolint, im-
itationem. Ita, quanquam ad mortali-
tatem à natura damnati sumus, agendo
tamen & scribendo in immortalitatem
quasi quandam & exempli æternitatem
imus, ut in exemplum vixerunt nobis
& descripti sunt, qui tot ante nos sæcu-
lis res humanas deseruere. Nemo antiqui-
tatis nomen obijciat, tanquam nullum
inter homines novos; antiqui mores ut
omnium sanctissimi non laudantur tan-
tum, sed ut nunc quoque maxime neces-
sarii sanctissimis optimorum quorumvis
votis expetuntur; nemo tempora mu-
tata, & vicissitudines rerum ac consilio-
rum; bonæ artes semper debent, &, si
quidem per hominum mores id liceat,
gerere possunt principatum; nemo Rem-
pub. alienam; quævis optime admini-
stranda est; nemo denique personas a-
lienarum; nec enim cum Pythagora redi-

vivaturn , ut ille loquitur , aut transi-
tum animarum in corpora aliena , sed
optimorum maximorumque hominum
expressam quandam quasi imaginem ac
similitudinem jure hic postulamus. Ne-
que enim aut Reipub. expectationi
illi satisfaciunt , aut magnitudini dati o-
lim magni ac illustris exempli , qui admi-
rari illud malunt , quam imitari. Et si olim
sanctissimorum quorundam & severissi-
morum hominum judicia intercedendum
non putaverint illustrium virorū imagi-
nibus , quæ marmore aut ære finguntur ,
& , ut ipsa hominum ora , caducæ sunt ac
imbecillæ , ut earum saltem , quamdiu
supereffe & durare poterant , adpectu
in agnoscentium animis flammæ quasi
quædam ac faces ad pulcherrima accen-
derentur ; quomodo non magnifice
sentiendum erit de mentis eorum sumu-
lachris , cujus solius forma tradita poste-
ris æterna ac immortalis est ? Et quan-
ta quidem quamque indomabilis in
iis vis sit in attollendis animis alio-
rum & ad summa omnia excitan-
dis,

das, ne quidem pessimi ignorant; & haud ignorare sese justissimo metu ostendunt. Quis, quæso, inter Romanos Principes post Neronem corruptior existit Domitiano, & quis proinde magnorum hominum memorię infensior? Macula ille Romanorum Principum & vibex, virtutis sustulit monumenta, cum esset dissimillimus, & à simillimis metueret sibi; & adeo sæva, ut gravissimus auctorum loquitur & infesta virtutibus tempora fecit, ut, cum Aruleno Rustico Pætus Thrasea, & Herennio Senecioni Priscus Helvidius, summis ingeniis summi viri essent laudati, capitale fuerit. Neque in ipsos modo auctores, sed in libros quoque eorum tum sævitum, legato triumviris ministerio, ut monumenta clarissimorum ingeniorum in comitio ac foro urerentur. Scilicet illo igne vocem populi Romani, & libertatem Senatus, & conscientiam generis humani aboleri arbitrabatur; expulsis insuper sapientiæ professoribus, & omni bonâ arte in exilium actâ, ne quid usquam honestum & imi-

mitandum occurreret. Vobis autem potissimum, lectissimi Juvenes, spes patriæ, & ex hoc potissimum loco, & hoc maxime tempore, quod omnium difficilimum earum fere sterile est virtutum, quæ solæ ad avertendas à publicis cervicibus tot jam annorum atrocissimas calamitates requiruntur, ejusmodi, si quæ supersint, monumenta, haud aliter ac pulcherrimæ imagines, ad quarum normam fingendi hic estis, & vestræ pro Repub. curæ olim exigentur, à nobis tradenda sunt. Quod igitur ad explenda ea, & quæ à vobis patria cujusque ac Respub. merito desiderat, & quæ à me deinceps expectatis, facturum judicavi, (ac ut faciât Dei immortalis, horum etiam studiorum præsidis, pacem imploro, utque is vobis mihi que benignus ac propitius hic adsit) offero nunc vobis Plinium Secundum, gravissimum auctorem, & ab eo Consule, auctoritate publica, sine adulatione aut fuce, laudatum olim optimum Principem Traianum. Factum enim tum Senatuscon-

sultum est, quo ex utilitate publica placuit, ut Consulis voce, sub titulo gratiarum agendarum, boni Principes, alii-que publicarum rerum rectores, quæ facerent, recognoscerent, mali autem, quæ facere deberent. Offero vobis quæ jam rara olim, & vix alibi spectanda, nostris autem temporibus in tanta publica privataque morum corruptela, & pulcherrimarum artium sive fatali ignorantia, sive potius contemptu, nequicquam quærentur. Cum enim duo maxime sint, quæ publicam personam sustinentis magnitudinem & curam imperiorum absolvunt, civilis sapientia nimirum & eloquentia, divinæ profecto & cœlestissimæ dotēs; quarum illa anima omnium illustrium ac difficilium actionum consiliorumque & norma est; hæc autem interpretes ejus, ac, ut sic dixerim, legata; haud alienum certe ab instituto nostro est aut absurdum, utrumque vobis, cum utrumque debeatis Reipub. ut jam debetur vobis, pariter hic repræsentari. Et utrumque,

hercle,

hercle , vobis conjungendum est , cum alterum sine alterius præsidio ac ore tueri se non possit aut sustentare. Equidem Eloquentia , mascula illa & gravis , cum ut regina animorū , sicut judicat & loquitur Plato , prima ac præcipua semper gentium imperatrix , apud Principes & populum , notos & ignotos , amicos ac hostes , in castris , in Senatu , domi militiæque maximas olim res difficilimasque , quibus ipsum impar ferrum erat , sæpe confecerit ; & deinceps quoque , nisi a majorum artibus planè deflectamus ; confectura sit ; ita ejus vim hic omnem Plinius expressit , ut jam nihil habeat , quo ulterius possit eniti. Non fane acrem illam & acerbam , quā tum in foro utebantur , iracundam , laterum laborumque & contentionis plenam ; neque illam , quæ tum in declamatorum Scholis inter adolescentulos regnabat , inter amplitudinem periodorum & abruptos sensus inæqualem , deformem , & ad meretriculæ instar , saltitantem ; neque etiam Asiaticam illam , quæ cadente

jam imperio Romano folium quoque veteris & veræ eloquentiæ concussit, ac tandem evertit; illam in rebus exhibendis tenacem ac avaram, in verbis autem prodigam potius, quam liberalem; sed sedatam & gravem, vere civilem ac consularem. Neque est, quare id leve aut contemnendum existimetis, Auditores. Quid enim verbosa illa tantum eloquentia aliud est, quam garrula anus? Et ab eloquentia omni defecta sapientia nonne muta est & elinguis, ac velut inermis & nulla, neque suam ipsa majestatem adversus contemptum, neque suos adversus iniurias potest tueri? Atque hæc quidem Pliniana tam gravis & plena succi oratio eo etiam admirabilior, & imitatione exprimenda est, quod cum res omnes ac causas hic ita pertractarit, ut omnibus nobilissimæ artis præceptis præsidiiisque uteretur, nullum tamen scholæ, nullum affectatæ aut nimis anxie industriæ vestigium appareret. Longe profecto aliter atque illi, qui, non interposito discrimine inter præcepta artis

ac usum, in aula & apud Principes ut pædagogi aut pueri loquuntur. De argumento autem ipso, de Traiano Principe, quid dicam? Cum enim de eo deinceps plurima veniant nobis memoranda, & quotidianus iste publicæ nostræ apud vos industrię atque is quidem longe amplissimus futurus sit campus, pauca nunc suffecerint, sed ex quibus facile cætera, & ea quidem omnia augusta, id est, ab omnibus instructum & consummatum principem, Trajanum, intelligatis. Cum enim post depulsam tempestatem, quam Dominiani flagitia foedissimam in Re-
pub. excitaverant, ad imperium admo-
tus esset mitissimus sanctissimusque senex Nerva Cæsar; &, quasi in novo quodam beatissimi sæculi exortu, res olim disso-
ciabiles miscuisset principatum & liber-
tatem, suffectus ei Nerva Trajanus au-
xit cottidie, ut magnus Scriptor loqui-
tur, felicitatem imperii; nec spem mo-
do ac votum securitatis publica, sed ipsius
voti fiduciam ac robur eo imperante as-
sumpsit. Qui quidem cum nihil sibi ip-
se

se in tanto fastigio concederet , quod quidem non omnes homines, non omnes leges Principi concessissent ; suas libidines acrius quam aliorum cohiberet ; emendaturus corruptissimam Rempub. a se ac domo suâ primo ordiretur ; unus supra omnes evectus nihilominus unum se ex omnibus putaret , & sic magis inter omnes excelleret atque emereret ; salutis omnium , paci , otio , libertati consuleret , sicut paullo ante alii exitio & servituti ; bello cum flagitiis priorum temporum domi gesto , & iis feliciter triumphatis , in externos hostes conversis armis feliciter domaret Barbaros , qui paullo ante , ignavia proximorum Principum excitati , augustissimum imperium contempserant ; & tantis gestis jam rebus omnium judiciis maximus , non cotamen major sibi videretur ; denique & imperium optimis artibus , quanquam corruptissimis temporibus , mereri , ac imperare se posse , inaudito inter Romanos Principes , & , si secuta sæcula videatis , novissimo exemplo ostendisset,

ac-

acclamatione publica, decreto Patrum, & quodam quasi totius humani generis Senatusconsulto OPTIMI PRINCIPIS nomine salutatus est, & , cum post excessum ejus vota hominum ac desideria juberent Principes feliciores esse Augusto , meliores autem Trajano, ejus nomen non jam ut Principis, sed ipsius virtutis celebratum est. Quibus quidem tantis, ac veris adeo, laudibus si ego meam in dicendo mediocritatem, aut potius vim prope nullam, & vocem, quam ex proximi morbi reliquiis mire nunc sentio debilitatam, submisero, nobilissimi Auditores, desiderio tamen vestro, aut fallor, ac ex me expectationi satisfactum hodie erit: qui quod debebam, & in prius debebam vobis, quemadmodum studia omnia mea & debeo vobis & porrigo, obtuli quo nihil majus vel augustius possum, optimum & Principem & Oratorem.

MARCI ZUERII
BOXHORNII

ORATIO

FUNEBRIS
IN OBITU
V. C. L.

ADRIANI FALCOBURGII,

Medici & Anatomici eximii.

ORATIO XV.

POST mandatum igitur
jam terræ optimi clarissimique
viri ADRIANI FAL-
COBURGII cadaver, ve-
stræ, Magnifice Academiae Rector, &
Professores. qui hoc mihi muneris in-
jun-

junxistis, auctoritati; vestraeque, Con-
 sanguinei ejus, quem jam extulimus, Ne-
 cessarii, ac Propinqui; sicut & vestrae,
 Reverendi, Nobilissimi & Ornatissimi
 quotquot convenistis ordinis omnis ac
 loci, Auditores, expectationi; sanctissi-
 mi denique atque emendatissimi hominis
 memoriae satisfacere nunc ego necesse
 habeo. Quod qui factu facile existimat,
 nã ille profecto ignorat & longe facilius
 esse ex adulationis, quod plerumque fit,
 ingenio fingere ac offerre aliis quod ve-
 lis, quam eorum, qui non nisi laudanda
 omnia admiscere, pulcherrimã quasi ima-
 ginem oratione exprimere ac repræsen-
 tare, ut & magnitudinem sanctitatis, in-
 nocentiae, integritatisque vitae ac mo-
 rum, rarissimarum hoc saeculo, & quas,
 prope dixerim, cum hoc homine jam ex-
 tulimus, virtutum, de quibus nunc mihi
 dicendum esse ego intelligo. Cæterum
 cogitanti hæc mihi omnium vestrum
 conscientia addit animum; quæ in funebri
 hoc nostro officio non jam dicam nihil
 falsi fictive inveniet, sed excitatã quasi,
 S 6 quod:

geniti. Matre adhuc infanti erepta in paternæ disciplinæ gremio puer educatus, cum non nisi sanctę incorruptęque vitę domestica omnia exempla adolescenti se offerrent, ad virtutes omnes, eas inprimis quę istam perficiūt ac absolvūt etatem, modestiam, raramque quandam, & mansuram seni, sicut mansit, morum verecundiam, præcipuum cuiusvis ætatis ornamentum, profecit. Is tamen in illo adolescentiæ lubrico assuescere veras & incorruptas excipere animo opiniones; vera bona, & iis diversa, dignoscere; ea sola bona putare, quę revera sunt talia, ut virtutes & eruditionem; ea mala quę sunt, ut vitia, ut, præcipuum animi morbi, ignorantiam recti, qua mala pro bonis, aut contra, sumuntur; rebus nihili ac vanis tãquam magnis non capi aut moveri; denique magna & eximia tanquam vilia haud contemnere. Quorum ego cum nunc recordor, redit animo meo nostrorum detestatio temporum, quibus cerea illa & mollis, ac inprimis in vitium flexilis ætas, siue perversis parentum judiciis, siue

cor-

corruptis eorundem exemplis, ita fere fingitur, ut vitiis cum virili neque disciplinæ jam obnoxia ætate adultis, tandem non nisi deformem senectam excludat. Ita formatus domi, cum docilis jam ac capax, mirumque in modum in bonarum litterarum & artium studia propensi animi multam ederet significationem, traditus in disciplinam est Willebrordo & Rudolpho Snelliis, eximiis ac diligentissimis viris; quorum fidei ac curæ nobilissima tunc patriæ juvenus ac spes credebatur. Inde ad patriam translatus Academicam, Romanis jam ac Græcis litteris pro ætate satis imbutus, in acquirenda pulcherrimarum ac necessariarum ad majora ituro rerum cognitione, qui tum ex his sedibus iuventuti ad sapientiam graviter præibant, Murdisonios, Iacchæos Merulas, aliosque duces sequutus est, diligentia tam indefessa, eaque promptitudine ingenii ac felicitate, ut jam nihil eorum ignoraret, quæ, tanquam necessaria ad majora omnia recludenda machinæ, ad invadendam altiorum disciplinarum possessionem.

possessionem requiruntur. Admonet & hic quoque me hujus tam egregii exempli memoria, ne indicta etiam nunc aut intacta transeam, quanquam & horum alias meminerim, præcipitata eorum studia, qui tanquam trosculi, aut, si id vos mavultis, velites ac levis milites armaturæ, paucis, & quod amplius est per ignaviam, annis in his castris Musarum exactis, jam tanquam veterani, tanquam post duras hyemes ac exercitas æstates, nescio quo titulo, vel sperare vel petere etiam audent missionem. Miseret me profecto & Ecclesiæ pariter & Reipub. quarum tribunalia & ambones, nisi oborto veluti collo meliora & majorum, ac hujus quoque, quem nunc laudamus, exempla tanquam a fuga retrotrahamus, brevi profecto non nisi cruda studia ac inscitia implebunt. Liberalium porro scientiarum bonarumque artium & linguarum commeatu hoc abunde jam instructus Falcoburgius de majore, cui se dederet, & cui profutura omnia jam edidicerat, disciplina serio cogitare cœpit.

Cir-

Circumspicienti autem singula inprimis Theologia se commendabat ; & quod caperet eum majestas rerum ac usus, quæ in ea traduntur, & quod iis jam insuevisset moribus, præceptis, ac exemplis, in quibus non nisi sancta omnia, & à petulantiæ sæculi ac ineptiis & ambitione aliena exhibebantur. Neque fane alios disciplinarum omnium scientiarumque regina hæc ac princeps admittit, quam integros vita & incorruptos, præsertim futuros Ecclesiæ præfides ac doctores, & illecebrarum sæculi ignaros, &, ut præscribit ac loquitur ipsa, mortuos sæculo, ac tanquam regenitos, & cælesti quadam simplicitate, quorum hæreditas ac peculium cælorum regnum esse dicitur, velut infantes. Qualem profecto Falcoburgium & tunc & deinceps, ad ipsum usque excessum, fuisse constat. Quam diversæ ab istis, Auditores, viæ eorum sunt ac destinationes, qui ad Ecclesiæ magisterium nihil fere conferunt præter infinitam nec necessariam libidinem dissentendi, & detestandam, quâ non Christi, sed sæculi

culi se esse ostendunt , ambitionem ? qua inter dubia mirum in modum nunc auctarum , ac incerta ; quæstionum, nemo fere dissentire ab eo audet qui regnat ; & jugum , quod leve esse & suavissimum dixit ille qui imposuit, gravissimum conscientiiis hominum offertur ? De iis autem ego hic loquor , quibus præesse , ut oportet , Ecclesiæ , nihil aliud est quam regnare ; cum ego acceperim esse id Ecclesiæ gregi , ejusque commodis , quo magis magisque , quod quotidie precamur, Patris regnum adveniat , inservire. Cæterum Falcoburgio , tanta jam animo destinanti , fatalis quædam aut hominum , aut temporum mutatio , adeoque quoddam quasi sufflumen oblatum est. Invitus autem Reipub. hujus ac Ecclesiæ vulnerum, sed quibus obductę jam sunt cicatrices, ego hic cogor meminisse. Reformatorum in Belgio nostro Ecclesia, nescio quo fato, sed hand dubie justissima quadā ira Dei immortalis in res nostras , gravissimarum & mirum in modum perplexarum quæstionum, de Prædestinatione,

ne,

Constantia sanctorum, aliisque ejusmodi, quæ & veteris Ecclesiæ pacem fœde olim turbaverant, pondus diversis, ut fit, judiciis, multisque animorum motibus, exceperat; plerisque ignorantibus & ex abditis istis ac mysteriis tutius quædam ac sanctius ignorari, & anxii ejusmodi disquisitionibus optimum finem celestissimo stupore magni illius gentium Doctoris Apostoli imponi; *O profundas divitias tum sapientia, tum cognitionis Dei! Quam imperscrutabilia sunt ejus judicia, & viae ejus inpervestigabiles! Quis enim cognovit mentem Domini, aut quis ei fuit à consilio?* Accedebat, quod ex initiis istiusmodi motuum, quomodo prudentes solent, consequentia cerneret, principia & causas rerum videret, earumque progressus, & quasi accessiones, non ignoraret, similitudines contenderet, & rebus præsentibus adjungeret atque adeo annecteret futuras. Harum igitur tot tantarumque nunc turbarum terror ac magnitudo, ut aliud studiorum genus sibi seligeret, FALCOBURGIO persuasit. Non
sane

sane quod sacrarum & tantopere cuivis Christiano homini necessariarum expendendarumque quotidie rerum tractationem negligeret, sed quod de consequendo aliquando in Ecclesia magisterio cogitare posthac desineret; sequutus in reliqua omni vita magni Pauli gravissimam adhortationem; qui, post egregiam illam & anxiam, sed pudicam & verecundam, de Judæorum reprobatione, de electione gentium, aliisque, disquisitionem, *Peto*; inquit, *a vobis, fratres mei, per misericordias Dei, ut sistatis corpora vestra victimam vivam, & sanctam, & acceptam Deo per ministerium rationale. Et ne conformetis vos saeculo huic, sed mutemini per renovationem mentium. Dico autem per gratiam, quæ data est mihi, ne cogitetis, præterquam quod convenit ut cogitetis; sed cogitate in sobrietate, unusquisque sicut partitus est ei Deus fidem in mensura. Sic ergo tunc factum est, ut ad Medicinam animum appelleret; cujus quanquam difficile & late diffusum studium non ignoraret, ac inter prima statim ejus rudimenta excepisset magni illius ex Cōo Senis verissimum,*
sed

sed quod in primo ad hæc sacra aditu confidentissimum etiam terrere ac dejicere possit, oraculum, Artem longam esse, vitam brevem, & experientiam difficilem; simul etiam constantis diligentisq; hominis industriæ ac sollicitudini nihil invium, nihil inaccessum esse, reputavit. Domi igitur, & suus ac solus, assumtis velut in contubernium, tanquam ipsis, eorum hominum antiquis & recentioribus monumentis, qui hujus scientiæ sacra recluserant, ex plurimis pauca & meliora selegit, quæ quotidiana lectione velut edisceret, alia quæ subinde tantum consuleret, nonnulla denique in quibus fessum fatigatumque animum, sed non inutili amœnitate, reficeret velut ac recrearet. Quippe ut negotia omnia quodam velut liberali otio distinguenda esse acceperat, ita in tanta vitæ hominum, etiam longissimæ, brevitate, & vastissimo illo rerum, quæ sapienti cognoscendæ sunt, ambitu, sui sibi etiam otii rationem ac usum fructumque constare debere existimavit. Quæ judicii severitate supra desidiam eorum

rum ac ignaviam longe profecit, qui de brevitate vitæ queri malunt, & interim voluptatibus ac ineptiis dediti quasi in diem vivunt, ac, quomodo gravissimus auctorum eleganter loquitur, vivendi causas quotidie finiunt. Neque enim amorem tantum & prolixam animi propensionem, sed, quod rarissimum est, sollicitudinem quoque, qua nihil negligendum & omnia necessaria putabat, ad eorum, quibus jam totum dediderat sese, tractationem studiorum conferebat. Medicinæ inprimis: cujus peritiam qui profitentur quales quantique esse debeant, ipsi etiam veteres & severi illi juris Romani auctores nos non sinunt ignorare. Cum enim placeret judicem, perperam ex imprudentia judicantem, ex vero delicto, ut loquuntur illi, non obstringi, quod judex non tam professione jurisprudentiæ quam publica auctoritate constituatur, etiam invitus, disertim cautum exstat, medicum male perimperitiam secantem aut curantem, ex vero delicto obligari,

&

& lege Aquilia teneri. Quanquam enim imperitia per se culpa non sit, in eo tamen qui peritiam alicujus rei profitetur, culpa esse judicatur. Hæc judicii rectitudo utinam omnium eorum animis federet, qui, capti solâ inertia dulcedine, quales non sunt non tam esse volunt, quam videri; qui quem fecere studiorum, ut sic dixerim, abortum, tanquam omnibus absolutum partibus consummatumque fœtum amplectuntur. Nec intra Musei gratissimam illam, & si eos omnes, quos adibat quotidie ipse & consulebat, tanquam spirantes adhuc & superstites in iis, quæ tradiderunt posteris, monumentis, videres, frequentissimam solitudinem ac umbram, se continuit; sed & in iis audiendis assiduus ac frequens fuit, quos, Pawios, inprimis, Vorstios, Heurnios, Bontios, publicos artis medicæ doctores, eximios excellentesque viros, hæc tunc Academia habebat. Et agnoscebat in omni illa publica auscultatione (quod eorum potissimum jam causâ dicendum est, qui privatam sufficere lectionem arbitran-

bitrantur) lucis plus sibi ac commodi offerri, & quod laxior plerumque ac diffusior, & velut interpretis quoque sit, differentis, quam scribentis oratio; & quod congrua ori dicentis actione non auditu tantum sed & visu audientium occupatis, facilius haud dubie & certius omnia memoriæ hominum tradantur. Neque sane alia majoribus persuasit ratio, ut impensis maximis ac laboribus, suffecturis ingeniis undique certatim excitis, ejusmodi, qualis ista, & alibi similes alæ sunt, publicas Musarum sedes conderent passim atque excitarent, quam ut & deserto effusoque, ac, ut sic dixerim, copioso ore peritorum earum rerum, quarum scientiam profitebantur, inque iis diu multumque jam exercitorum, & consortio colloquioque ad ejusdem invadendam scientiæ possessionem contendentium, singularis ac privata, ideoque difficilis, & sic sæpe impeditæ hæsitantisque lectionis tædium tolleretur. Præcipuum haud dubie ac velut primum in studiis est, ordinem studiorum ac, ut ille loqui-

loquitur, viam non ignorare. Qui autem vel planam magis, vel minus impeditam, vel certiozem pariter ac breviorē offerre possunt juventuti, quam qui ex aviis jam omnibus & inviis, adeoque ambage omni & non necessario circuitu priores ac difficulter eluctati, & ad eruditionis fastigium, & ad iudicii in his rectitudinem jam profecere. Quemadmodum autem omnibus, quæ perficiunt medicum ac absolvunt, ita cadaverum dissectione & Anatomicis demonstrationibus, id est, oculatâ ea fide, qua humani corporis admirandam illam fabricam ac structuram, in magnun hominum usum, cognoscimus, potissimum capiebatur. Ejusmodi exercitiis, votis ille & desideriiis semper, &, quoties dabatur, oculis interesse; neque minore voluptate observare artificem dextram secantis, quam illi ad magnatum epulas vocati,

Quo gestu lepores, & quo gallina secantur.

Quippe quasi *Ædilitium* quoddam Medici munus huic esse merito videbatur. Sicut enim curæ *Ædilibus* erat apud Romanos,

nos, regiones omnes urbis circumire,
 vias omnes ac vicos, anfractus viarum ac
 circuitus omnes, Tiberis elices omnes
 & aquæductus, cloacas omnes, privata
 etiam singulorum ædificia, inspicere ac
 curare, sistere alibi stagnationes aqua-
 rum & impedire; pedorem prohibere u-
 bique ac fordes, & nitorem imperare,
 quo sic & ornatus urbi & salubritas habi-
 tantibus maneret, ita profecto ad Medi-
 ci inprimis curam attinet, non modo
 externâ illam humani corporis formam
 ac speciem, sed vitalia quæ intus latent
 omnia, & prope infinita sunt, materiam
 singulorum & formam, & situm, & o-
 rigines, & terminos ac fines, fulturas
 omnes, stationes omnes ac sedes, mu-
 nera denique omnium & partes, cognos-
 cere, ad agrimensoris instar in brevi qui-
 dem illo, ut sic dixerim, sed admirabili
 nec exprimenda facile varietate distincto
 naturæ campo longitudinem singulo-
 rum, & latitudinem, & altitudinem, & a-
 ctus in iis & iter, & alias, non jam dicam
 urbanorum aut rusticorum prædiorum,

T

sec.

sed quas natura imperavit singulis servitutes, illos sanguinis & venarum perennes fluxus omnes ac meatus, omnem humorum in iis varietatem, causam eorum omnem ac efficaciam, valvas eorum omnes & custodias, spirituum omnium exortus & vias, iliorum flexus omnes, & ambitus, & exitus, cubilia quasi morborum omnium ac spelæa, nervorum tot vincula ac nexus, ossium omnem compagem, sepem, numerum ac dimensiones, ac immisos veluti tignos costarum, & quæ ejus generis alia sunt, (sunt autem plurima, nec jam dicenda nobis omnia) ut & alia, quatumvis exilia, sollicitè explorare. In quibus qui nimis anxiam esse posse medicorum diligentiam existimat, næ ille ignorat & minimæ etiam hic rei ignorantiam totius nonnunquam corporis exitium post se trahere; & crudelem illam quidem in horum indagatione, ac prope dixerim inhumanam, sed utilem tunc hominum generi creditam ac necessariam, subtilitatem antiquorum, qui cum in cadavere

sub-

subtrahi nonnulla ac subduci rimantium oculis observarent, ausi sunt facinus, quod mihi, qui ad ejus memoriam totus animo percellor, ob atrocitatem magis detestandum, quam ob usum, quem tamē magnum habuit, commendandum videtur. Quippe reorum quidem convictorumq; capitalium rerum, & servorum, hominum tamen, & viventium, discerpta in particulas corpora, spectantium oculis subiecere. In cognoscendo autem hoc compendio quasi quodam totius solertissime liberalissimæq; naturæ rerum, ac quodam velut regno, quam assiduus ac felix FALCOBURGIUS fuerit, cognitum, cum ex auctoritate & gravissimo eorum, qui rebus hic nostris vestrisque, Auditores, præsunt, judicio, collega tandem datus Othoni Heurnio, viro paternis & meritis & statione, quam feliciter implevit, clarissimo, Anatomicorum ejusmodi spectaculorum velut locupletissimus munerarius jam ipse, ut cum Romanis sic loquar, ac liberalis editor, quibusvis fere vertentibus annis, ad

opus, & pulcherrimum, & ita exstructum
 ut & in cætera dominari animantia, &
 conditorem suum auctoremq; solum ex
 omnibus posset agnoscere, cum admira-
 tione ac stupore scrutaretur; eximium
 quoque tunc verecundia, ut oportet, ac
 prope singularem, quæ tamen expecta-
 tioni ac commodis spectantium nihil
 subduceret; denique neque ignorantem,
 neque dissimulantem quidquam eorum,
 quæ ex defuncti jam hominis cadavere
 usibus superstitum poterant offerri. Voto
 ille semper ac desiderio in cadavere esse,
 ac velut habitare; oblatum ac diligenter
 inspectum ægre & tanquam invitus ef-
 ferre; nonnunquam, cum hominis dees-
 set, brnti, in quo aliqua structuræ cum
 humano corpore convenientia, pari ala-
 critate & incredibili indagandi omnia
 ac circumspiciendi studio, exhibere. Me-
 mini ego ex India allatum, & in corte
 amplissimi rerumque naturæ peritissi-
 mi Viri, IOHANNIS LATII,
 extinctum, publice ac dextre inprimis
 ab eo dissectum. Cujus undiquaque lau-

datissimi hominis , quem & superiore anno mæsti extulimus , cum obiter tantum meminisse ego hic debeam , id solum , donec alius celebrandis eximiis ejus virtutibus locus se offeret , nunc dicere necesse habeo , quod qualiumcunque meorum studiorum in Germaniæ nostræ latentibus aut admodum obscuris antiquitatibus novâ nec cuiquam trita hætenus , unica tamen & certissima via deprehendendis , ostendendisque sæculo , socium ego in eo ac testem amiserim. Neque in theatro tantum , in quo spectaculo ac admirationi inprimis ipse erat , sed & quotidie ex Academiæ suggestu cranium aliquod , tibiam aut os aliud , exhibebat , ut quod auribus satis non poterat , oculis caperetur. Talis tantusque , & tam sollicitè , in hac Academia per annos plures docuit. In quibus nunc ea , quæ optima est , fide dicendis ego dum sum , iterum , neque falsus , intelligo , justissimam mihi , harum imperito rerum , cum de peritissimo verba faciendâ sint , hanc demandatam mihi provinciam recusandi

ac necessariam rationem fuisse. Cæterum neque voluntati vestræ ac imperio, Magnifice Rector, IACOBE TRIGLANDI, & Clarissimi Professores, oblucri mihi licuit; & publicorum tunc hujus Academię commodorum caussa ab urbe aberat ADOLFUS VORSTIUS; qui ut aliarum, quibus excellentes perficiuntur animæ, rerum, ita hujus inprimis peritissimus, totum & integrum, & regnantem quasi in iis quę diximus virum, potuisset exhibere. Me interim non jam dicam excusabit, sed haud dubie absolvet judicii mei pietas, quæ nihil, quantumvis minus ac impar, celebrandis eorum virtutibus negandum existimat, quĩ in duraturum mansurumque posteris exemplum vixere. Vos enim, qui forte ad celebritatem viri ac commendationem adjici jam nihil posse existimatis, nescitis profecto, id quod omnium maximum ac præcipuum est, dicendum hic mihi restare; puram, qualis quantaque in hominum rebus dare se potest, castamque defuncti mentem; integritatem morum ac inno-

centiam, a plerisque & majoribus sæculi vitiis intactam; hominem denique non jam dicam probum & integrum, quæ magnarum quidem virtutum; cæterum pervulgata jam & plerumque prostituta adulatione sunt nomina; sed quem rarissimo adeoque paucis hodie tribuendo vocabulo, emendatissimum ego iterum & debeo & audeo appellare. Ad quarum magnitudinem virtutum non bonitate tantum indolis, aut paternæ præceptorumque disciplinæ sanctitate, sed vitio etiam, cæterum corporis, admodum profecit. Vix annos, ut accepi, viginti nato hebetior & nonnunquam impeditus esse cœpit aurium sensus; hæreditarium quasi & a patre acceptum malum. Quo aucto cum ætate ac adulto quædam quasi, quamquam in hominum cætu, & imperata ei & amata est, & non ad sanctitatem tantum vitæ incorruptæ, sed & ejusdem constantiam, plurimum profuit solitudo. Ex qua ipsum nunc virum, & non nisi sanctissimis cogitationibus immorantem, utinam nunc mihi idonea oratione apud

vos producere liceret ! Offerunt sese hic mihi & sufficiunt Plinii Consulis verba ; qui ex Laurentino suo , quo secesserat , ad Minutium Fundanum ; Mirum est , quam singulis diebus inter strepitum istum inanemque discursum , & multum ineptos labores , in urbe ratio aut constet , aut constare videatur , pluribus autem non constet. Nam si quem interroges , Hodie quid egisti ; respondeat , Officio togæ virilis interfui , sponsalia aut nuptias frequentavi ; ille me ad signandum testamentum , ille in ad- vocationem , ille in consilium roga- vit. Hæc quo die feceris , necessaria ; eadem , si quotidie fecisse te reputes , in- ania videntur , multo magis cum se- cesseris. Tunc enim subit re cordatio , quot dies quam frigidis rebus absump- seris. FALCOBURGIUS, quan- quam ab aurium sensu defectus , & sic so- lus fere , nihil sibi deesse , imo ad eam quæ vera est felicitatem multa superes- se judicavit , cum sic plerumque esset suus ; cum corporis illud vitium ani-

rectam synceramque vitam ! O dulce otium honestumque , ac pene omni urbano & forensi negotio pulchrius ! O verū secretumque Museum ! Quam multa queritis, quam multa invenitis ? Scio ego & agnosco, etiam esse hanc Philosophiæ & quidem pulcherrimam partem , agere negotium publicum , cognoscere , judicare, promere & exercere justitiam, quæque sapientes docent in usu habere; mihi tamen hoc unum nemo persuaserit, fatius esse ista facere, quam cum illo dies totos honestissima meditatione consumere . Cæterum cum nonnunquam contingat, ut qui in ejusmodi quadam solitudine agunt, se contemnant quia neminem verentur, adeoque vivant negligentius , hic semet ipsum quoque & solum reveritus, quod necessarium etiam est & pulcherrimū reverentiæ genus, omnium eorum quæ faceret rationem magna judicii severitate a se ipso semper , & velut suorum ipse ceusor morum, exegit. Pietate in Deum , & innocentia prope singularis ; in re domestica modestus ac frugi,

tudinem videat, nunc quoque in eximii Medici ac Anatomici, eoque nomine per Italiam, Galliam & Germaniam longe clarissimi, excessu incredibilem jacturam facit. Neque tamen propterea, Ornatissimi juvenes, despondete ego animum vos velim. Sunt hic impositi curandis promovendisque Academiae & vestris adeo commodis ac rebus, quorum ut sollicitum de vobis est judicium, ita anxium quoque in iis undique seligendis & quasi seponendis sibi, in quibus vos desiderandum nihil haberetis; qui post COCCEJOS & KIPEROS, excellentes haud dubie viros, TRIGLANDIIS, HEIDANIS, HEVRNIIS, VORSTIIS, de quorum ingentibus meritis, quæ quotidie agnoscitis, nihil mihi ultra dicendum est; socios laborum ac collegas proxime datos, de aliis quoque jam cogitant, qui FALCOBURGIORVM, & si qui alii subducti nobis sunt, vestigia pari & eruditione, & fide, & in vos amore, pressuri, recreabunt

bunt feliciter aut reddent Academię nostrę soles, & hanc ejus solitudinem orbitatemque, post tot jam magnorum hominum funera, solabuntur. Nostrium interim, vestrumque inprimis erit, Egregii juvenes, rara eorum, quos proxime & nunc extulimus, exempla, quę & quędam quasi immortalitas iis, & vobis velut amplissima quędam ex iisdem hæreditas erunt, intueri semper ac imitari.

F I N I S.


E K.


ERRATA.

PAGINA. 54. l. 10. *imminebant.* P. 75.
 l. 21. *dele se.* pag. 78. l. 4. *nullas ad
 avertenda opes, certissimam pacem.* pag. 87.
 l. 2. *tot annorum.* p. 96. l. ult. *majorum e-
 xemplo, quibus.* p. 138. l. 13. *amplexus; &
 paulo post; ad cultum Græcorum.* p. 151.
 l. 19. *a quibus.* p. 162. l. 17. *dele, inter.*
 p. 166. ante inscriptionem inferendum
 est nomen proprium Legati, FRANCISCO
 MICHAELIO. p. 170. l.
 14. *Italia Dominici.* Restant multa alia;
 sed repetere lectione omnia jam non va-
 cat. Ejusmodi autem futura illa spera-
 mus, ut benevolus & candidus lector
 per se facile emendaturus ea sit.

F I N I S.


A01 1463514














A 23. 3 3 3

